

BIBL. NAZ.
VITT. EMANUELE III

XX

C

40

NAPOLI

xx
c
40

2. 50. 7

7

26
13



4
KAROLI MAGNI
ET LVDOVICI

PII CHRISTIANISS. RE-
GVM ET IMPP. FRANCORVM
CAPITVLA SIVE LEGES ECCLE-
SIASTICÆ ET CIVILES ab Anse-
giso Abbate & Benedicto Leuita colle-
ctæ libris septem, qui nunc primum in-
tegrè eduntur ex vetustiss. exemplarib.
adiectis etiam aliis eorundem Regum
& KAROLI CALVI capitulis.

*Glossarium siue interpretatio obscuriorum
aliquot vocabulorum quæ in iisdem
Capitulis leguntur.*



PARISIIS,
Apud CLAVDIVM CHAPPELET via
Iacobæ, sub signo Unicornis.

M. D. LXXXVIII.
CVM PRIVILEGIO.







LECTORI.



Æ c ipsa quæ nunc tandem
publico damus , Capitula,
ante annos XL. magna parte
edere instituërat Io. Tilius
vir magno iudicio præditus,
ac rerum nostrarum scien-
tissimus: sed aut eius morte cuius præcipue
opera in eam rem utebatur, aut exemplaris
defectu, aut operis ipsius non adeo grati &
laboriosioris tædio, seu quo alio impedi-
mento, à cœpto ita destitit, vt demum post
eius obitum folia aliquot in aliorû manus
deuenerint, quibus etiam prudentissimos
& diligentissimos viros qui Romæ Gratia-
ni collectioni recognoscendæ recensendæ-
que præfuerunt, lubenter vsos video, simul
& Bellouacensis Ecclesiæ exemplaris reli-
quis quæ tum illi quidem doctissimi Episcopi
beneficio, indicio vero nostro nacti
sunt. Nos iã ex pluribus nostris alienisque
codicibus plura & integriora edi curauim.

mus, bona saltem fide, Tiliij exemplum iudiciũque sequuti, qui non ex Benedicti modo, sed & ex Ansegisi ipsius collectione eadem non semel posita sustulerat, similibus tantum quibusdam relictis, numeris etiam capitulorum consequenter mutatis. Quod eò monere visum est, ne quis eadem post hac ex iisdem aut aliis etiã exemplaribus augere aut supplere conetur, frustra. Nam emendare quidem omnibus per nos licet præsertim in tanta operarum cuius relegētes puduit, negligētia socordiãque. Illud etiam verendum est, ne nos quoque in hac rutuba nō pauca fefellerint. quamquam nec fortassis fuerint illa tantũ, præsertim quę post Ansegisum pro cuiusque collectoris ingenio & proposito, confusē nulloque ordine aut delectu, non certa etiam plerũque auctoritate & fide, ex Gallicanis canonibus ac pœnitentialibus libellis, SS. quoque patrum sententiis, quædam etiam ex Iuliani antecessoris Cp. Nouellis & Alarici breuiario Anianique ad illud interpretationibus, quin & ex Vvisigothorum Lãgobardorumque legibus nonnulla addita facile recognoscent quibus hæc curæ erũt: quæ nec ipsa tamen omissa volumus ne quis desideraret ac requireret, Titulum

etiam quem Tilius idem ex non adeo vetusto codice editioni suæ præfixerat, quâuis in antiquioribus nullus sit, haud inuiti reliquimus. Sane quod in Ansegisi præfationibus Lotharij nomē adiectum est, datum id scias exemplarium quorundam antiquitati, quæ sub eius ditione, vt verisimile est, primum descripta, non hoc solum ipsius honori tribuerant, sed & ex versibus qui Benedicti collectionem præcedunt, in Lotharij sui gratiam illos de Ludouici filiis ita permutatos habuerunt:

Ex quo prosequitur soboles veneranda per orbem

Ipsius insigni nomine digna patris.

Lotharius primum regnum sortitus auitum

Ardunnæ nemoris incola factus ouat.

Hinc Hludouicus heros Rheni cis littora genti

Imperat, & populis effera colla terit.

Tum Karolus cari species genitoris amata

Gallorum cætus ordinat atque domat.

Illis nos qui fata tenent loca partibus æquis

Hæc ferimus.

Et tamen Lotharij eius inter hæc nihil proprium esse putamus, cuius tantum nomine extant quædam ex his ipsis decerpta Capitula ad Italiæ regnū, quæ iam olim Langobardicarum legum libris inserta & Karoli cuiusdam Corti Siculi, siue is Toccus

fuit, commentario ante annos cccclxxx.
exposita leguntur. Sed neque Karoli fra-
tris (quem nostrū, id est, Francorum Gal-
lorumque regem verè proprièque dixeris)
quicquam hic adiectum reperiās, præter ea
Capitula quæ circa initia regni sui in Spar-
naco probauerat obseruarique præcepe-
rat. Reliqua vtriusque omnia, simul & Sy-
nodos ipsas Cōciliāque, ex quibus & hæc
magna ex parte decerpta sunt, quorum nō
pauca nos à Pipini ad Hugonis ætatem
præter iam edita, Domino faciente, repræ-
stare potuimus, sed & rerum iisdem sæcu-
lis gestarum coæuos scriptores plures tum
à nobis, Lector, accipies cum idem ille vo-
let, qui solus

*Et vastas aperit Syrtes, & temperat æquor;
Ac mulcere potest fluctus, aut tollere vento.*



TESTIMONIA ALIQVOT
VETERVM DE CAPITVLIS
REGVM FRANCORVM.

Ex capitulis quæ Karolus Ludouici Pij F.
consultu fidelium suorum in Siluatico
edidit, & missis per regnum suum ordi-
natis annuncianda obseruandâque præ-
cepit, anno incarn. Domini DCCCLIII.
mense Nouemb.



*Capitula aui & patris nostri quæ
in præscriptis commemorauimus,
qui ex missis nostris nō habuerint,
& eis indiguerint vt commissa
per illa corrigere possint sicut in
eisdem capitulis habetur, de scrinio nostro, vel à
Cancellario nostro accipiant, vt rationabiliter
& legaliter cuncta corrigant & disponant.*

Imp. Karolus lib. II. leg. Lango-
bard. Tit. LVI.

*Romani successiones iuxta suam legem habeât,
similiter & omnes scriptiones secundum legem
à iiij*

suam faciant: & quando iurant, secundum legem suam iurent & alij similiter. Et quando componuntur, iuxta legem ipsius cui malum fecerint, componantur. Et Longobardos illos conuenit similiter componere. De ceteris vero causis comuni lege uiuamus, quam dominus Karolus excellentissimus Francorum atque Longobardorum Rex in edictum adiunxit.

Lotharius Imp. lib. iii. leg. Langobard.

Tit. xxxvii.

Placuit nobis ut Capitula quæ excerpimus de Capitulari gloriosissimi aui nostri Karoli ac genitoris nostri Ludouici, ab omnibus fidelibus nostris & sanctæ Dei Ecclesiæ in regno Italiæ consistentibus pro lege teneantur & seruentur: & quicumque horum capitulorum contemptor extiterit, lx. sol componat.

Leo PP. iiii. Lothario Augusto, apud Gratianum dist. x. c. x.

De capitulis vel præceptis imperialibus vestris, vestrorum etiam * pontificum * prædecessorum irrefragabiliter custodiendis & conseruandis, quantum valuimus & ualemus, Christo propitio, & nunc & in æuum nos conseruatueros modis omnibus profitemur: Et si fortasse quilibet aliter vobis dixerit vel dicturus fuerit, sciatis eum pro certo mendacem.

Ex concilio Parisiensi apud eundem Gratianum 23. q. 8. c. 24.

Secundum canonicam auctoritatem & constitutionem domni Imperatoris Ludouici de Ecclesiastico agro & manso, & de mancipiis quae ipse suis Capitulis constituit &c.

Ex Concilio Meldensi ann. DCCCXLV.

cap. LXXVIII.

Vt Capitula Ecclesiastica à domno Karolo magno Imperatore, necnon à domno Ludouico pio Augusto promulgata obnixè seruari precipiantur, sicut & legalia obseruanda esse noscuntur.

Ex Synodo Moguntina sub Rhabano Archiepiscopo cap. xvi.

Monemus regiā pietatem de oppressione pauperum liberorum, ut non à potentioribus per aliquod malum ingenium contra iustitiam opprimantur, vel cogantur ut res suas vendant siue tradant, ne forte parentes eorum contra iustitiam fiant exheredati, & regale obsequium minuat, & ipsi propter indigentiam mendici vel latrones seu malefactores efficiantur; & ut sapius non fiant manniti ad placita, nisi sicut in dominico Capitulari olim facto precipitur.

Ex Concilio Ticinensi II.

De restauratione Ecclesiarum illud capitulum sufficit, quod genitor vester constituit: sed ut seruetur, vestra indiget admonitione. Similiter

etiam de Xenodochiis, sicut in eodem capitulari
continetur, obseruandum est.

Ex Synodo Sueslionensi ann.

DCCCLIII.

Cap. 44. Item in libro primo capitulorum Synodaliū
domni Karoli Imperatoris scriptum est, vt pro-
bati à Metropolitano indices nostram rationem
audiant, & consultu ac sententia Synodali desi-
niant. Vnde relegit & porrexit libellum idem
Hincmarus Archiepiscopus, &c.

Ex Concilio Valentinenſi cap. x.

Sed & de fiscis & villis quas constat dominio
Ecclesiæ à fidelibus olim contraditas et nunc po-
testati seculariū subditas, placuit, vt edictis prin-
cipum iussum est, nonas & decimas ipsi Ecclesiæ
vnde subtractæ sunt fideliter persolui.

Ioannes PP. VIII. in Concilio Tricassino
apud Iuonem Carnoten, Episc.

part. 3. c. 98.

Ioannes Episcopus seruus seruorum Dei omni-
bus Episcopis, Comitibus, Vicecomitibus, Cente-
nariis, Iudicibus catholicis in Hispania & Go-
thia & prouinciis degentibus, omniq̃ popula
Occidentali Catholico, salutem & Apostoli-
cam benedictionem. Noueritis, dilectissimi fi-
lij, quia nos pro statu sanctæ Dei Ecclesiæ iussi-
mus congregari Synodale concilium apud urbem
Trecas, vbi sedentibus nobis in corona, ve-

nit ante præsentiam nostram filius noster Si-
seboldus sanctæ primæ sedis Narbonensis Epif-
copus, cum suis suffraganeis Episcopis, & detulit
nobis librum Gothicæ legis, ubi nihil habeatur
de sacrilegiis: & in eisdem legibus scriptum erat
ut causæ quas illæ leges non habent, non audiren-
tur à iudicibus illius patriæ; atque ita ius sanctæ
Ecclesiæ suffocabatur ab incolis Galliæ & His-
paniæ provinciis. Vnde nostra serenitas cū præ-
scriptis Episcopis, inspectis legibus Romanis ubi
habeatur de sacrilegiis, inuenimus ibi à Iustinia-
no Imperatore legem compositionis sacrilegij cō-
stitutam in quinque libras auri optimi. Sed nos
leniorem legem præcepimus esse tenendam, quæ à
Karolo est constituta pio principe de composi-
tione sacrilegij, videlicet in triginta libras ar-
genti examinati; id est, sexcentorum solidorum
summam argenti purissimi. Ideoque quisquis in-
uentus fuerit reus sacrilegij, istam leniorem com-
positionem emendet ipsis Episcopis vel abbati-
bus siue personis ad quos querimonia sacrilegij
iustè pertinuerit: & si ipse reus sacrilegij facere
noluerit, tamdiu excommunicationi subiaceat,
usquoquo prædictam cōpositionē sexcentorū so-
lidorū persoluat. Et si in hac obstinatione mor-
tuus fuerit, corpus eius cū Psalmis et hymnis non
deferatur ad sepulturā. Et præcipimus ut in fine
Codicis legis mundana scribatur hæc lex.

Lib. 11.

Tit. 1. cap.

xii.

1. si Eccle-
sia c. de E-
pisc. &c.

Lib. 6 cap.

114.

17. q. 4. c.
21.

Bonifacius PP. Episcopis Galliæ, apud
Grat. 6. q. 4. c. 3.

*Si inter Episcopos eiusdem concilij dubitatio
emerferit de Ecclesiastico iure, vel de aliis nego-
tiis, primum metropolitanus eorum cum aliis in
concilio considerans rem diiudicet: & si non ad-
quiescat utraque pars iudicatis, tunc primas re-
gionis inter ipsos audiat, & quod Ecclesiasticis
canonibus & legibus vestris consentaneum sit,
hoc definiat.*

Innocētius III. Archiepiscopis, Episcopis,
& prælatis Franciæ lib. II. Decretal.

Tit. I. C. XIII.

*Nec hic illud humillimum omittamus quod
Theodosius statuit & Karolus innouauit, de
cuius genere rex ipse noscitur descendisse; Qui-
cumque litem habens &c.*

Lib. 6. cap.
286.

Hincmarus Sanctæ metropolis Ecclesiæ
Remorum Archiepiscopus, in Epistola
ad Karolū Caluum de causa Hincmari
Lauduni Clauati Episcopi, ob acceptū à
filio Luidonis xenium ut patris sui be-
neficium ei conferret.

*Cum auo vestro magno Imperatori Karolo
adulatorum linguis suggestum fuisset, ut rebus
Ecclesiarum præiudicium aliquod inferret, obsi-
stentibus Episcopis, & specialiter Paulino pa-*

triarcha, sicut vobis bene notum cognosco, adeo
se bene recognouit, ut cōfessionis & cōrrectionis
sue scriptum manu sua firmauerit, de quo partē
in libro vestro qui appellatur Capitulorum im-
perialium, scriptū habemus.

Idem Hincmarus in libro contra eundem
Hincmarum Laudunēsem de sententiis
ex Græcis & Latinis canonibus atque
synodis decretisque pontificum & du-
cum Romanorū collectis & Engelram-
no Metensium Episcopo datis quando
pro sui negotij causa agebatur.

De illis, inquit, sententiis plena est terra ista, Hic est ille
cuius &
Benedictus
Leuita in
prefatione
collectionis
sue nomi-
nit.
sicut & de libro collectarū Epistolarum ab Isi-
doro quem de Hispania allatum Riculfus Mogū-
tinus Episcopus in huiusmodi, sicut in Capitulis
Regiis curiosus, obtinuit, & istas regiones de illo
repleri fecit.

Idem Hincmarus in libro de vita &
actibus B. Remigij.

Exemplar testamenti à B. Remigio conditi, in
quo lector attendat, quia solidorum quantitas
numero quadraginta denariorum computatur,
sicut tunc solidi agebantur & in Francorum le-
ge Salica continetur, et generaliter in solutione
vsque ad tempora Karoli perdurauit, velut in
eius Capitulis inuenitur.

Reghino abbas Prumiensis in Chronico
sub ann. DCCCXIII. de Karolo
magno Imp.

Concilia iussu eius super stata Ecclesiarum
per totam Galliam ab Episcopis celebrata sunt,
quorum unum Moguntia, alterum Remis, tertium
Turonis, quartum Cabillone, quintum Arelate
congregatum est, & constitutiones quæ in sin-
gulis factæ sunt, ab Imperatore confirmatæ sunt:
quas qui nosse voluerit in supradictis ciuitatibus
inuenire poterit: quamquam & earum exempla-
ria in archiuo palatij habeantur.

Vide Fulbert. Carnotens. Episcop. Epistol. XIII.

XIII. XVI. XLVIII. LXVII.

Iuo Episcopus Carnotensis Epist. cxxiii.
ad Sanctionem fratrem &
coepiscopum.

De Geruasio non debet vestra fraternitas mi-
rari vel indignari, quod eum ad cõunionem in
paschali curia suscepi. Pro regia enim honorifi-
centia hoc feci, fretus auctoritate legis, in qua le-
gitur; Si quos culpatorum Regia potestas aut in
gratiam benignitatis receperit, aut mēsa sua par-
ticipes effecerit, hos etiam sacerdotum et populo-
rum conuentus suscipere in Ecclesiasticam com-
munionem debebit, ut quod principalis pietas
recipit, nec à sacerdotibus Dei alienum habeatur.

Idem Epist. cxcv. Daimberto Se-
nonum Archiepiscopo.

Et quia dispensationes rerum temporalium re-
gibus attributæ sunt, & Basilei, id est fundamē-
tum populi & caput existunt, si aliquando pote-
-state sibi concessa abutuntur, non sunt à nobis
grauiter exasperandi, sed ubi sacerdotum admo-
nitionibus non adquiuerint, diuino iudicio sunt
reseruandi, ubi tanto districtius sunt punien-
di, quanto minus fuerint diuinis admonitionibus
obnoxij. Vnde habetur in libro Capitulorū Re-
galium auctoritate Episcoporum constitutorum:
Si quos culpatorum regia potestas, &c.

Idem Iuo Epist. xlvii. ad Manassem
Remorum Archiepiscopum.

Francorum etiam reges Karolus & Ludoui- lib. 1. c.
cus electiones Episcoporum Ecclesiis concesserunt, quod & in suis Capitularibus scriptum re-
liquerunt, & in Conciliis Episcoporum prouin-
cialibus sanciri permisierunt. Habeat ergo Deus
in Ecclesia sua principaliter quod suum est: Ha-
beat Rex posteriori ordine post Deum quod sibi à
Deo concessum est.

Sigebertus Gemblacensis abbas in Chro-
nic. ad annum Christi dcccii.

Karolus Imperator per omne imperium legatos
ad faciendum iudicium & iustitiam cunctis diri-
git, & legis capitula xxiiii. constituit.

*INDEX QVORVMDAM LOCORVM QVI
ex his capitulis apud Gratianum referuntur.*

LIB. I.

c.27.	16.q.1.c.3.
c.63.	22.q.5.c.paruuli.
c.83.	16.q.1.c.60.
c.84.	dist.63.c.34.
c.105.	27.q.2.c.33. & 34.
c.131.	14.q.5.c.9.

LIB. III.

c.25.	17.q.4.c.27.
-------	--------------

LIB. IIII.

c.15.	17. q. 4. omnes.
-------	------------------

LIB. V.

cap.34.& lib.vii.c.208.	2.q.4.c.20.
cap.90.	17.q.4.c.9.
c.115.	de consecrat.dist.5.c.34.

LIB. VI.

c.55.	27.q.2.c.quod autē & 33.q.1.c.1.
c.77.	de consecr.dist.4.c.126.
c.90.	17.q.4.c.28.
c.281.	11.q.1.c.36.vbi Ioānes, Non inuenitur, inquit, in Longobarda, quæ nunc est, sed in Gallia.

ADDIT. I.

c.16.	de consecrat.dist.4.c.104.
-------	----------------------------

Quod refertur ex libro Capitulorum.2.q.3. c. si quē est ex Aniani interpretatione ad L.1. C.TH.de abolitionib. Can.3. distinct.3. est ex Concilio Triburiensi, quod & Concilium Karoli Imp.appellatur, ex quo etiam concilio est quod ex Capitulis refertur c.4. dist.19.

INDEX

*INDEX ALIIS QUORUNDAM LOCORUM
qui apud Gratianum aut in Decretalibus aliunde
referuntur, & inter hac Capitula extant.*

2.27.23.q.8.ex Cōcilio Parisien- fi & cap.1. de censibus. ext. ex VVormaciensi.	Extāt. lib.1.Cap.91.
c.4.14.q.3.ex Concilio Agatenfi.	lib.1.cap.125.
c.5.29.q.2. ex Concilio apud VVermeriam.	lib.2.c.36.
cap.2.ext.de pœnis. Ex Concilio Triburiensi.	lib.4.c.15.
32.q.7.c.20. Ex Concilio Mo- guntino.	lib.5.c.19. & 101.
33.q.2.c.7. Ex epistola Pij Papæ.	lib.5. cap.149.
16.q.7.c.40.Ex decreto Syluestri Papæ.	lib.5. c.233.
35.q.2. & 3.c.16. Ex epistola Gre- gorij ad Episcopos Gallia.	lib.6.c.180.
Ibid.c.9.ex Concilio Lugd.	lib.6.c.128.
27.q.2.c.34.ex cōcilio Toletano.	lib.7. c.183.
c.si gens. dist. 56. Ex epistola Bo- nifacij.	Extat Addit. 4. c. pertult.
c.1.de milit.vafal. qui cont. est, in vsib. feud.	extat lib. 2. c. 45.
cap.9. Tit.1.lib.11. leg. Vvisigoth.	lib.6.c.219.

De Ansegiso.

Ex Odoranni monachi Senonen-
sis Chronico.

Anno ab incarnatione Christi DCCCLXXXII.,
obiit Ansegisus venerabilis Senonum Archie-
piscopus, totius Gallie & Germanie Papa secun-
dus feliciter, VII. Kalend Decemb. & sepultus est
in monasterio S. Petri. Hic Karolum Caluum
vnxit in regem, & postquam primatum totius
Gallie obtinuit, & superna moderatione secun-
dus Papa appellari meruit, in synodo habita in lo-
co qui dicitur Pontigonis XVI. kal. August. ann.
DCCCLXXVI. Indict IX. Iudeos certi causa &
moniales ab vrbe Senonica expulit, & ne ulte-
rius in ea habitaculum manendi haberent, sub
anathematis iugulo interdixit. Mortuo Epitaphi-
rum hoc scriptum est.

Antistes Senonum, reuerentia magna po-
tentum

Ansegisus in hoc conditus est tumulo.

Vt primas fieret Gallorum, Papa Ioannes
Instituit, meritis hoc tribuendo suis.

Karli Romana cinxit caput iste corona,

Et dedit in cunctos imperium populos.

Gregorij Papæ secum caput abstulit inde.

Hic locus ossa fouet, spiritus astra tenet.

Auctor Appendicis ad Aimoinum
lib. v. c. 32.

Anno DCCCLXXVI. Karolus Imp. Roma egressus ad monasterium S. Dionysii peruenit: quo accersiens legatos Apostolici Ioannem Tuscanensem & Ioannem Aratinum atque Ansegisum Senonensem, illorum consilio medio futuro mense Iulio generalem synodum auctoritate Apostolica & sanctione sua apud Pontigonem indixit, quo per Remos & Catalaunos peruenit.

Sigibertus Gemblacensis monachus in Chronico, sub ann. DCCCXXVII.

Ansegisus abbas Lobiesis Edicta Imperatorum Karoli magni & Ludouici filij eius ad Ecclesiasticam legem pertinentia in duobus libellis digessit. Idem eorum etiam Edicta ad mundanam legem pertinentia in duobus aequae libellis digessit.

De Benedicto leuita, incertus scriptor. Benedictus Moguntiacensis Ecclesiae leuita, Capitula quadam Regalia, synodalia, & alia collegit ex iis quae in scrinis eiusdem Metropolis reponi fecerant Ricolfus Archiepiscopus qui monasterium S. Albani renouauit, & Moguntinae synodo sub D. Karolo praesuit, & Olgarius eius consanguineus & secundus post Haistulfum successor, quorum uterque huiusmodi Capitulorum percuriosus fuit, & erga S. sedem Rom. valde deuotus; adeo ut Olgario etiam Apostolicus Gre-

gorius suas vices in Germania aliquando commiserit. Hic Hludouici Imp. filiis contra patrem fauit, sed postea reconciliatus est, & decedēs ann. DCCCXLVII. Lotharij Imp. VII. successorem habuit in Archiepiscopatu D. Rhabanum abbatem Fuldensē.

Ex legibus Romanis à Domno Lamberto Imperatore promulgatis Capitul. xi.

hæc retulit Deus dedit Cardinalis in collectione sua.

Si quis sanctorum patrum regulas contempserit, & gloriosissimorum Imperatorum Karoli & Ludouici atque Lotharij & Ludouici filij eius de decimis in eorū Capitularibus statuta & sancita non obseruauerit, easque alibi nisi in baptismalibus Ecclesiis, absque consensu Episcopi, dare temptauerit, vel retinere præsumpserit, & qui dat et qui recipit eisdē constitutis percellatur.

HIC QUI MEMINIMVS BENEDICTum Leuitam in præfatione cuius portio & ab Iuone Carnot. part. 4. c. 174. relata est, dicere, Pipini se quædam Capitula inseruisse collectioni suæ, visum est non incongruum & alia quædam eiusdem Pipini adicere, quæ in antiquiss. codice post synodum Suesionensem sub Childerico rege ante Vernensem ann. DCCLV. à nobis reperta sunt, seculi quidem infelicitatem redolentia, necdum tamen, quod sciamus, edita. Sic igitur habuit exemplar.

INCIPIVNT CAPITVLA DE ALIA
SYNODO SVB. IPSO DOMNO
REGE PIPINO FACTA.



I homo incestum commiserit de
istis causis, de Deo sacrata, aut cō-
matre sua, aut cum matrina sua
spiritali de fonte & confirmatio-
ne Episcopi, aut cū matre & filia, aut duab.
sororib. aut cum fratris filia, aut sororis fi-
lia, aut nepte, aut cum cōsobrina atque so-
brina, aut cum amita, & matertera, de istis
capitulis pecuniam suam perdat, si habet:
& si emēdare se noluerit, nullus eum reci-
piat, nec cibum ei donet; & si hoc fecerit,
lx. sol. domino regi componat vsque dū
se ipse homo correxerit, Et si pecuniam nō
habet, si liber est, mittatur in carcerem vs-
que ad satisfactionem: Si seruus aut liber-
tus est, vapuletur plagis multis. Et si domi-
nus suus permiserit eum amplius in tale
scelus cadere, ipsos lx. solidos domino
regi componat.

II. De Ecclesiasticis verò, si bona persona
fuerit, perdat honorem suum: Minores ve-
rò vapulentur, aut in carcere recludantur.

III. De presbyteris & clericis sic ordina-
mus, vt Archidiaconus Episcopi eos ad sy-
nodum commoneat vna cum Comite: &

si quis contempserit, Comes cum distringere faciat, vt ipse presbyter aut defensor suus LX. solid. componat, & ad synodū eat, & Episcopus ipsum presbyterum & clericū iuxta canonicam auctoritatem diiudicare faciat: solidi verò LX. de ipsa causa in sacello regis veniāt. Et si aliquis per violentiam presbyterum aut cleric aut incestuo sum cōtradixerit, tūc Comes ipsam personam per fideiussoris positum ante regem faciat vna cum missō Episcopi venire & Dominus Rex distringat, vt cæteri emendentur.

IIII. De teloneis sic ordinamus, vt nullus de victualia & carnalia, quod absque negotio est, toloneos non prehendam. De fauimis verò similiter vbicunque vadunt, & de peregrinis similiter constituimus qui propter Dominum ad Romam, vel aliubi vadūt, vt ipsi per nullam occasionē ad pōtes, & ad exclusas, aut nauigio non detineātur propter scrippa sua. nullus peregrino calumniam faciat, nec vllum teloneum ei tollat. & si aliquis hoc fecerit, qualiscūque homo hoc comprobauerit, de LX. sol. xxx. illi concedemus, & illi alij in sacello regis veniunt.

v. De moneta constituimus, vt ampliū nō habeat in libra pensante nisi xxii. solid. &

de ipsis xxii. sol. monetarius accipiat solidum vnum, & illud alius domino cuius sunt reddat, vt immunitates cōseruatę sint.

vi. De iustitia faciēda, vt omnes iustitiam faciant tam publici quam Ecclesiastici. & si quis homo ad palatium venerit pro causa sua, & ante ad illum Comitē non innotuerit in mallo ante Racemburgis, & causa sua ante ipsum comitem fuit, ante Racemburgis hoc sustinere noluerit quod ipsi ei legitime iudicauerint, si pro ipsis causis ad palatium venerit, vapuletur: & si maior persona fuerit, regis arbitrium erit. & si reclamauerit quod legem ei non iudicassent, tunc licentiam habeat ad palatium venire pro ipsa causa: & si ipsos cōuincere poterit quod legem ei non iudicassent, secundum legem contra ipsum emendare faciant. Et si comes & Racemburgi ei conuincere potuerint quod legem ei iudicassent, & ipse hoc recipere noluerit, hoc contra ipsos emendare faciat.

vii. Similiter de Ecclesiasticis si ad palatium venerint de eorum causa sibi reclamare nisi super seniore vapulentur, nisi senior huius pro sua causa transmiserit.

Extraict du Priuilege.

PA R grace & priuilege du Roy, donné & oëtroyé à Claude Chappelet, Libraire en l'vniuersité de Paris, pour imprimer ou faire imprimer vn liure intitulé *Karoli Magni & Ludouici Pij Christianiss. Regum & Impp. Francorum Capitula siue leges Ecclesiastica & ciuiles, ab Ansegiso Abbate & Benedicto Leuita collecta libris septem, qui nunc primum integrè eduntur ex vetustis exemplaribus adiectis etiam alijs eorūdem regum & Karoli Calui Capitulis.* Et est defendu à tous autres libraires & imprimeurs de ce Royaume, de n'imprimer vendre ou distribuer en cediect Royaume ce present liure cy dessus intitulé, sinon de ceux qu'aura imprimé ou faict imprimer ledit Chappelet ou de son consentement, iusques au terme & temps de dix ans finis & accomplis, apres la premiere impression: à peine de cōfiscation de ce qui s'en trouueroit d'imprimez ou venduz au cōtraire & d'amende arbitraire, comme plus amplement est declaré par les lettres, dudit Seigneur, donnees à Paris le 14. iour de Iuin. 1588.

PAR LE CONSEIL,
DANES.



IN CHRISTI NOMINE

INCIPIUNT CAPITVLA RE-
GVM ET EPISCOPORVM
MAXIMEQVE OMNIVM NO-
BILIVM FRANCORVM AD
REPRIMENDAS NEOPHY-
TORVM QVASI FIDELIVM
DIVERSAS ADINVENTIO-
NES.

*Legiloquum quisquis librum recitaueris istum,
Principibus nostris, dic, miserere Deus.
Legem namque bonam dictarunt mente benigna.
Quapropter pro ipsis, quæso, precare Deum.*

ANSEGISI ABBATIS
LOBIENSIS,
PRÆFATIO.



DOMINANTE per secula infinita omnium dominatore Christo saluatore nostro, creatore vniuersae creaturae, anno incarnationis ipsius DCCCVII. indictione V. anno vero xiiij. imperij gloriosissimorum principum domni Ludouici Augusti Christianae religionis magni propagatoris, & Lotharij Caesaris filij ipsius, Ansegisus nullis praecedentibus meritis, sed gratia omnipotentis Dei abba, pro amore bonae memoriae domni Karoli magni Imperatoris Christianorum, atque praecellentissimi ac piissimi domni Ludouici Augusti filij ipsius sincera dilectione, necnon & praclari Lotharij Caesaris filij piissimi Ludouici Imperatoris, haec subter descripta adunavi capitula. Quae proculdubio quia ad sanctae Ecclesiae profectum facta sunt, pro utili firmiter tenenda sunt lege. Fuerant namque quondam tempore praedicti magni domni Karoli Imperatoris, necnon & nunc praefatorum principum hoc in tempore domni piissimi Ludouici Augusti, & praclari Lotharij Caesaris iussu per interualla temporum ad christianam religionem conseruandam, atque ad con-

cordiam pacis & dilectionis in ecclesiā catholica tenendam adita : sed quia in diuersis sparsim scripta membranulis per diuersorum spatia temporum fuerant , ne obliuioni traderentur pro dilectione nimia , ut præfatus sum , prædictorum gloriosissimorum principum , & pro amore sanctissima proles eorum , sed & pro sanctæ ecclesiæ statu , placuit mihi prædicta in hoc libello adunare , quæ inuenire potui , capitula prædictorum principum iussu descripta : ut ad sanctæ ecclesiæ statum longæuis conseruandum temporibus , atque ad meritum præfatorum principum gloriosius in vita perpetua augmentandum proficiant. Amen. Sed hoc notum sit Lectori , quia prædicta capitula quæ per interualla temporum à præfatis sunt principibus adita , in quatuor distinxī libellis. Illa scilicet quæ domnus Karolus Imperator fecit ad ordinem pertinentia ecclesiasticū in primo adunauī libello . Ea verò ecclesiastica quæ domnus ac piissimus Ludouicus Imperator & Lotharius Cæsar filius ipsius ediderunt , in secūdo descripsi. Illa autem quæ domnus Karolus in diuersis fecit temporibus ad mundanā pertinentia legem , in tertio adunauī. Ipsa verò , quæ domnus Ludouicus præclarus Imperator & Lotharius Cæsar filius illius fecerunt ad augmentum mundanæ pertinentia legis , in quarto congressi.

EXPLICIT PRÆFATIO.

INDEX CAPITVLORVM

LIBRI PRIMI.

- I. De his qui ab episcopo proprio, ex-
communicantur.
- II. De his qui ad ordinandū veniunt.
- III. De clericis fugitiuis & peregrinis.
- IIII. De presbyteris, diaconibus, vel his
qui in clero sunt.
- V. De vsuris.
- VI. De presbyteris Missas cantantibus,
& non communicantibus.
- VII. De his qui à Synodo vel à suo Epis-
copo damnati sunt.
- VIII. De suffraganeis Episcopis.
- IX. De chorepiscopis.
- X. De episcopis vel quibuscumque ex clero
- XI. De ordinationibus vel quibuscumque
negociis.
- XII. De cura Episcoporum.
- XIII. De prouincialibus Episcopis.
- XIIII. De Monachis & Clericis.
- XV. De die Domin. qualiter seruāda est.
- XVI. De ignotis Angelorum nominibus.
- XVII. De mulieribus ne ad altare accedāt.
- XVIII. De Episcopis ubi non oporteat eos
constitui.

- XIX. De Episcopis ordinandis vel quibuslibet ex Clero.
- XX. De libris canonicis.
- XXI. De maleficis vel incantatoribus.
- XXII. De monachis, clericis et presbyteris.
- XXIII. De seruis alterius non sollicitandis.
- XXIII. De stabilitate Episcoporum vel Clericorum.
- XXV. De Presbyteris non absolutè ordinandis.
- XXVI. De proposito monachorum & clericorum.
- XXVII. De monachis qui ad clericatum prouehuntur.
- XXVIII. De negotio clericorum inter se.
- XXIX. De conspiratione clericorum vel monachorum.
- XXX. De accusatione laicorum contra episcopos.
- XXXI. De monasteriis Deo dicatis.
- XXXII. De fide sancte Trinitatis predicanda.
- XXXIII. De auaritia.
- XXXIII. De his qui se conuertunt ad Deum.
- XXXV. De his qui non sunt bonæ conuersationis.
- XXXVI. De his qui excommunicato communicauerint.
- XXXVII. De subiectione presbyterorum.

- XXXVIII. De clericis ecclesiastici ordinis.
 <XXXIX. Vt clerici non sint usurarij.>
 XL. De virginibus Deo dicatis.
 XLI. De principali cathedra episcoporum.
 XLII. De falsis nominibus sanctorum.
 XLIII. De uxore à viro dimissa.
 XLIII. De iudicibus à Metropolitano probatis.
 XLV. De accusatione vilium personarum.
 XLVI. De virginibus velandis.
 XLVII. De oblatis pauperum.
 XLVIII. De ieiuniis à sacerdotibus constitutis.
 XLIX. De his qui contra naturam peccant.
 L. De presbyteris quo tempore ordinentur.
 LI. De sponsa alterius.
 <LII. De monachis & virginibus positum seruantibus.>
 LIII. De pace danda.
 LIII. De nominibus recitandis.
 LV. De canonum institutis à presbyteris non ignorandis.
 LVI. De clericis alterius episcopi.
 LVII. De seruis alterius.
 LVIII. De sacerdotibus contra decretalia agentibus.

- LVIX. De viduis à quibus non velentur.
 LX. De fide catholica & primo praecepto legis.
 LXI. De pace & concordia seruanda.
 LXII. De iudicibus.
 LXIII. De periuriis.
 LXIIII. De auguriis vel aliis maleficiis.
 LXV. De odio vel inuidia.
 LXVI. De auaritia vel concupiscentia.
 < LXVII. De homicidiis.
 LXVIII. De furtis, & iniustis connubiis, & falsis testimoniis. >
 LXIX. De honore parentum.
 LXX. De fide presbyterorum ab episcopis discutienda.
 LXXI. De honore ecclesiae Dei.
 LXXII. De ministris altaris Dei, & de schola.
 LXXIII. De voto monachorum, & de clericatu.
 < LXXIIII. De mensuris & ponderibus. >
 LXXV. De susceptione haereticorum.
 LXXVI. De abbatibus contra morem ecclesiae Dei facientibus.
 LXXVII. De clericis qui se fingunt esse monachos.
 LXXVIII. De pseudographis & dubiis narrationibus.

INDEX

<LXXXIX. De mangonibus & nudis cum ferro.>

LXXX. De cantu Romano à monachis peragendo.

LXXXI. De operibus seruilibus quæ diebus dominicis non sunt agenda.

LXXXII. De prædicatione Episcoporum & presbyterorum.

LXXXIII. De rebus Ecclesiæ.

LXXXIII. De Episcopis eligendis.

LXXXV. De dictis patrum congestis pro canonica professione quæ dehonestabatur.

LXXXVI. De Abbatibus eligendis.

LXXXVII. De collatis ecclesiæ diuidendis.

LXXXVIII. De ordinatione seruorum.

LXXXIX. De personis à quibus non sunt res accipiendæ.

XC. De presbyteris constituendis.

XCI. De mensis uniuscuiusque ecclesiæ.

XCII. De presbyt. uniuscuiusque Ecclesiæ.

XCIII. De villis nouis & ecclesiis in eis nouiter constitutis.

XCIII. De sacris vasis ecclesiæ in pignus datis.

XCV. De ecclesiis destruetis, vel de nonis & decimis.

XCVI. De ecclesiarum honore.

- XCVII. De episcopis Italia.
 XCVIII. De presbyteris qui fœminas in do-
 mibus habent.
 XCIX. De presbyteris qui pro chrismate in
 cœna Domini veniebant.
 C. De predicatione & confirmatione
 episcoporum.
 CI. De pueris tondendis, & puellis ve-
 landis
 CII. De fœminis viros amittentibus.
 CIII. De raptis, & de earum raptoribus.
 CIIII. De puellis raptis, necdum desponsa-
 tis.
 CV. De desponsatis, & ab aliis raptis.
 CVI. De his qui virginibus Deo dicatis se
 sociant.
 CVII. De puellis quo tempore velentur.
 CVIII. De examinatione sanctæ Crucis nō
 facienda.
 CIX. De pabulo verbi diuini nunciando.
 CX. De incestis nuptiis, & de ecclesiis nō
 diuidendis.
 CXI. De scriptoribus.
 CXII. De seruis proprijs vel ancillis.
 CXIII. De congregationibus.
 CXIIII. De pulsantibus.
 CXV. De infantulis puellis quando velen-
 tur.

I N D E X

- CXVI. De praposis monachorum.
- CXVII. De incestuosis.
- CXVIII. De fame, clade, & pestilentia, si
euenerit.
- CXIX. De fugitiuis clericis siue laicis.
- CXX. De liberis hominibus ad seruitium
Dei se tradentibus.
- CXXI. De oppressione pauperum.
- CXXII. De missis, qui per ciuitates & ma-
nasteria mituntur.
- CXXIII. De thesauris ecclesiasticis.
- CXXIIII. De mendicis discurrentibus.
- CXXV. De usura.
- CXXVI. De cupiditate in bonam partem.
- CXXVII. De cupiditate in malam partem.
- CXXVIII. De auaritia.
- CXXIX. De turpibus lucris.
- CXXX. De fœnore.
- CXXXI. De emptione tempore messis, causa
cupiditatis & turpis lucri.
- CXXXII. De hoc si per plurima loca fame
fuerit.
- CXXXIII. De synodis qualiter fiant.
- CXXXIIII. De Metropolitanis episcopis.
- CXXXV. De episcopis quot sint in vna ciuitate
- CVXXVI. De ordinatione episcoporum.
- CXXXVII. De stabilitate episcoporum vel cle-
ricorum.

- CXXXVIII. De communicatione fidelium.
CXXXIX. De presbyteris, diaconibus, & reliquis ex clero, ex decretis & canone sancti Sylvestri & lxxxiiij. episcoporum.
CXL. De confugio ad ecclesiam.
CXLI. De his qui ad casam Dei res suas tradere voluerunt.
CXLII. De ordinatione presbyterorum.
CXLIII. De conuersione liberi hominis.
CXLIIII. De non cogendo bibere.
CXLV. De mercato.
CXLVI. De presbyteris qualiter introitum ecclesiæ consequantur.
CXLVII. De presbyteris, à quibus per ecclesias constituentur.
CXLVIII. De honore pro ecclesiis dando.
CXLIX. De decimis dispensandis.
CL. De ecclesiis vel altaribus.
CLI. De ecclesiis vel altaribus ambiguis.
CLII. De linteis altaribus praparandis.
CLIII. De parochianis alterius presbyteri.
CLIIII. De parochia alterius presbyteri.
CLV. De termino ecclesiarum.
CLVI. De rebus presbyterorum.
CLVII. De pœnitentibus non cogendis.
CLVIII. De presbyteris à quibus se caueant.
CLIX. De sepultura, ubi non fiat.

INDEX CAPIT.

- CLX. De prædicatione vel capitulis presbyterorum.
- CLXI. De Eucharistia.
- CLXII. De ampullis duabus in cœna Domini habendis.
- CLXIII. De nonis & decimis.
- CLXIII. De festiuitatibus in anno.
- CLXV. De admonitione sacerdotum.
- CLXVI. De prædicatione ad plebem.
- CLXVII. De ebrietate.
- CLXVIII. De admonitione ad omnes.



INCIPIT

LIBER PRIMVS.

PRÆFATIO DOMNI

Karoli serenissimi Imperatoris.

REGNANTE domno nostro Iesu Christo in perpetuum, ego Karolus gratia Dei, eiusque misericordia donante rex & rector regni Francorum, & deuotus sanctæ Ecclesiæ defensor, humilisque adiutor, omnibus Ecclesiasticę pietatis ordinibus, seu secularis potetię dignitatibus, in Christo Deo æterno perpetuę pacis & beatitudinis salutem. CONSIDERANS pacifico pię mentis intuitu vna cum sacerdotibus & cōsiliariis nostris abundantem in nos nostrumque populum Christi regis clementiam; & quàm necessarium est nō solum toto corde & ore eius

pietati agere gratias incessanter, sed etiam
 continua bonorum operum exercitatione
 eius insistere laudib⁹, quatenus, qui nostro
 regno tantos contulit honores, sua prote-
 ctione nos, nostrumque regnum in æternū
 conseruare dignetur. Quapropter placuit
 nobis vestram rogare solertiam, ô pastores
 ecclesiarum Christi, & ductores gregis eius
 & clarissima mundi luminaria, vt vigili cu-
 ra & sedula admonitione populum Dei per
 pascua vitæ æternæ ducere studeatis, & er-
 rantes oues bonorum exemplo operum seu
 adhortatione humeris intra ecclesiasticæ
 firmitatis muros reportare satagatis: ne lu-
 pus insidians aliquem canonicas sanctio-
 nes transgredientem, vel paternas tradi-
 tiones vniuersalium conciliorum excedē-
 tem, quod absit, inueniens deuoret. Ideo
 magnæ deuotionis studio admonendi &
 adhortandi sunt, imò compellendi, vt fir-
 ma fide & infatigabili perseuerantia, intra
 paternas sanctiones se contineant. In quo
 operis studio sciat certissimè sanctitas ve-
 stra nostram vobis cooperari diligentiam.
 Quapropter & nostros ad vos direximus
 missos, qui ex nostri nominis auctoritate,
 vna vobiscum corrigerent quæ corrigenda
 essent. Sed & aliqua capitula ex canonicis

institutionibus, quæ magis vobis necessaria videbantur, subiunximus. Ne aliquis quæso huius pietatis admonitionem esse præsumptuosam putet vel iudicet, quæ nos errata corrigere, superflua abscindere, recta coarctare studeamus: sed magis beniuolo charitatis animo suscipiat. Nam legimus in regnorum libris quomodo sanctus Iosias regnū sibi à Deo datum circumeundo, corrigendo admonendo, ad cultum veri Dei studuit reuocare. Non ut me eius sanctitati æquiparabilem faciam, sed quod nobis sint ubique sanctorum semper exempla exsequenda: & quoscunque poterimus, ad studium bonæ vitæ in laudem & in gloriam Domini nostri Iesu Christi cōgregare necesse est. Quapropter, ut prædiximus, aliqua capitula notare iussimus, ut simul hæc eadem vos admonere studeatis, & quæcunque vobis alia necessaria esse scitis: ut & ista & illa æquali intentione prædicetis. Nec aliquid quod vestræ sanctitati populoque Dei utile videtur amittatis, ut pio studio non admoneretur: quatenus ut & vestra solertia & subiectorum obediētia æterna felicitate ab omnipotēte Deo remuneretur.

De his qui ab episcopo proprio excommunicantur. Omnibus.

I. s v n t enim aliqui, qui culpis exigentibus ab episcopo proprio excommunicantur, & ab aliis Ecclesiasticis vel laicis præsumptuose in communionem accipiuntur: quod omnino sanctum Nicænum concilium, simul & Calcedonense: necnō & Antiochenum, atque Sardicense fieri prohibent.

De his qui ad ordinandum veniunt.

Episcopis.

II. Item habetur in eodem concilio, vt eorum qui ad ordinandum veniunt fides & vita prius ab episcopo diligenter discutiat, & postea ordinentur.

De clericis fugitiuis & peregrinis.

Omnibus.

III. Item in eodem concilio, necnon & in Antiocheno, simul & in Calcedonensi, vt fugitiui clerici, & peregrini à nullo recipiantur nec ordinentur sine commendatiis literis, & sui episcopi vel abbatis licētia.

De presbyteris, diaconibus, vel his qui in clero sunt.

Ad solos sacerdotes.

IIII. Item in eadem synodo, interdictū est presbyteris & diaconibus vel omnibus qui in clero sunt, mulierem non habere in domo sua, propter suspicionem, nisi matrem

aut

aut sororem, vel eas tantum personas quæ
suspiciones effugiunt: *De usuris. i. in Omnibus.*

v. Item in eodem concilio, seu in decretis
Papæ Leonis, nec in & in canonibus qui
dicuntur Apostolorum, sicut & in lege ipse
Dominus præcepit, omnino omnibus in-
terdictum est ad vsum aliquid dare.

*De presbyteris missas cantantibus & non com-
municantibus.* *Ad sacerdotes.*

vi. Auditum est aliquos presbyteros Mis-
sam celebrare & non communicare, quod
omnino in canonibus Apostolorum inter-
dictum esse legitur. Vel quomodo dicere
rectè potest si non communicauerit, Sum-
psumus Domine sacramenta? Hæc verò per
singula capitula in statutis Nicæni concilij
legere potestis, seu & in alijs sanctorum pa-
trum synodalibus institutis vel edictis.

*De his qui à synodo vel à suo Episcopo
damnati sunt. Omnibus,*

vii. In Antiocheno concilio, quod his, qui
damnati sunt à synodo vel à suo episcopo,
& postea ministrare præsumunt, præcipi-
tur, vt nullus audeat communicare. Si quis
verò eis communicauerit, simili sententiæ
subiaceat sicut & damnatus.

De suffraganeis Episcopis. Episcopis.

C A P I T V L.

VIII. Item in eodem concilio, vt ad Metropolitanum episcopū suffraganei respiciant, & nihil noui audeant facere in suis parochiis sine conscientia & consilio sui Metropolitanī: nec Metropolitanus sine eorum consilio.

De chorepiscopis. Sacerdotibus.

IX. Item in eodem concilio, simul & in Ancyronensi, vt chorepiscopi cognoscāt modum suum, & nihil faciant absque licentia episcopi, in cuius parochia habitant.

De episcopis, vel quibuslibet ex clero.

Omni clero.

X. Item in eodem concilio, vt episcopus vel quilibet ex clero sine concilio vel literis episcoporum vel Metropolitanī non audeant ad regalem dignitatem pro suis causis clamare, sed in comuni episcoporum consilio causa examinetur.

De ordinationibus vel quibuslibet

negotiis. Episcopis.

XI. Item in eodem concilio, simul & in Sardicensi, necnon & in decretis Innocentij Papæ, vt nullus episcopus in alterius parochia ordinationes aliquas facere, vel negotia peragere quæ ad eum non pertinent.

De cura Episcoporum. Episcopis.

XII. Item in eodem concilio, vt Episcopus

eius ecclesiæ curam habeat, ad quam ordinatus est.

De prouincialibus Episcopis. Episcopis.

xiii. Item in eodem concilio, necnon & in Calcedonenſi, vt prouinciales Episcopi cum ſuo Metropolitano bis in anno propter cauſas eccleſie concilia celebrent.

De monachis & clericis. Episcopis.

xiiii. In concilio Loadicenſi, necnon & in Africano præcipitur, vt monachi & clerici tabernas non ingrediantur edendi vel bibendi cauſa.

De die dominica qualiter ſeruanda eſt.

Ad omnes.

xv. Item in eodem concilio præcipitur, vt à veſpera uſque ad veſperam dies dominica ſeruetur.

De ignotis Angelorum nominibus.

Omnibus.

xvi. Item in eodem concilio præcipitur, vt ignota Angelorum nomina nec fingantur nec nominentur, niſi illorum quos habemus in auctoritate: hi ſunt, Michael, Gabriel, Raphael.

De mulieribus ne ad altare accedant.

Clericis & nonanis.

xvii. Item in eodem concilio, quòd non oporteat mulieres ad altare ingredi.

C A P I T V L.

De Episcopis ubi non oporteat eos constitui.

Omnibus.

xviii. Item in eodem concilio, necnon & in Sardicensi, quòd non oporteat in villis vel in agris episcopos constituere.

De Episcopis ordinandis, vel quibuslibet ex clero. Clericis & monachis.

xix. Item in concilio Calcedonensi, vt non oporteat Episcopum, aut quemlibet ex clero per pecunias ordinari. Quia vtrique deponendi sunt, & qui ordinat; & qui ordinatur, necnon qui mediator est inter eos. Item de eadem re in canonibus Apostolorum legitur: Si quis Episcopus, aut presbyter, aut diaconus per pecunias hanc obtinuerit dignitatem, deiciatur & ipse, & ordinator eius, & à communione abscindatur, quam hæresim iam ipse princeps Apostolorum in Simone Maggo terribiliter damnauit.

De libris Canonicis. Sacerdotibus.

xx. Item in eodem concilio, vt canonici libri tantum legantur in ecclesia.

De maleficis vel incantatoribus.

Ad sacerdotes.

xxi. Item in eodem concilio, vt coclearij, malefici, incantatores & incantatrices fieri non sinantur.

De monachis, clericis & presbyteris.

Omnibus.

xxii. Item in eodem concilio infra duo capitula, necnon & in decretis Leonis Papæ, vt nec monachi, nec clerici, nec presbyteri in secularia negotia transeant.

De seruis alterius non sollicitandis.

xxiii. Et vt seruum alterius nullus sollicitet ad clericalem vel monachalem ordinem sine voluntate & licentia Domini sui.

De stabilitate episcoporum vel clericorum.

Sacerdotibus.

xxiiii. Item in eodem concilio infra duo capitula, necnon & in Sardicensi, vt nec episcopus nec clerici transmigrant de ciuitate in ciuitatem.

De presbyteris non absolute ordinandis.

Omnibus.

xxv. Item in eadem synodo, nullus absolute ordinetur, & sine pronuntiatione stabilitatis loci, ad quem ordinatur.

De proposito monachorum & clericorum.

Omnibus.

xxvi. Item in eodem concilio, vt clerici & monachi in suo proposito & voto, quod Deo promiserunt, permaneant.

De monachis qui ad clericatum prouehuntur.

Omnibus.

xxviii. Item in decretis Innocentij Papæ de eadem re, vt monachus si ad clericatum prouehatur, propositum monachiaē professionis non amittat.

De negotiō clericorum inter se.

Omnibus.

xxviii. Item in eodem concilio, vt si clerici inter se negotium aliquod habuerint, à suo episcopo diiudicentur, non à sæcularibus.

De conspiratione clericorum vel monachorum.

Omnibus.

xxix. Item in eodem concilio, vt nec clerici nec monachi conspirationem vel insidias contra pastorem suum faciant.

De accusatione Laicorum contra episcopos.

Ad omnes.

xxx. Item in eodem concilio, vt Laici episcopos aut clericos non accusent, nisi prius eorum discutiatur existimationis opinio.

De monasteriis Deo dicatis.

Omnibus.

xxxi. Item in eodem, vt loca quæ semel Deo dedicata sunt, vt monasteria sint, maneat perpetuo monasteria, nec possint ultra fieri sæcularia habitacula.

De fide sanctæ Trinitatis prædicanda.

Omnibus.

xxxii. In concilio Carthaginensi, primò

omnium necesse est, vt fides sanctæ Trinitatis & incarnationis Christi, passionis, resurrectionis, & ascensionis in cælo, diligenter omnibus prædicetur.

De avaritia. Omnibus.

xxxiii. Item in eodem de prohibenda avaritia, vt nullus alienos fines vsurpet, vel terminos patrum transcendat.

De his qui se conuertunt ad Deum. Omnibus.

xxxiiii. Item in eodem de his qui in periculo constituti sunt, & conuertunt se ad Deum, vt canonicè inquirantur de reconciliatione, & canonicè reconcilientur.

De his qui non sunt bonæ conuersationis. Omnibus.

xxxv. Item in eodem, vt illi qui non sunt bonæ conseruationis, & eorum vita est accusabilis, non audeât Episcopos vel maiores natu accusare.

De his qui excommunicato communicauerint. Omnibus.

xxxvi. Item in eodem, vt qui excommunicato præsumptuosè communicauerit, excommunicetur & ipse.

De subiectione presbyterorum. Sacerdotibus.

xxxvii. Item in eodem concilio infra duo capitula, vt nullus presbyter contra suum Episcopum superbire audeat.

De clericis ecclesiastici ordinis. Omnibus.
 xxxviii. Item in eodem, vt clerici ecclesiastici ordinis si culpam incurrerint, apud Ecclesiasticos iudicentur, non apud seculares.

Vi clerici non sint usurarij. Omnibus.
 xxxviii. Item in eodem, vt qui commodaue- rit pecuniam, pecuniam accipiat: si speciem aliam, eandem speciem: quantum dederit, accipiat.

De virginibus Deo dicatis. Omnibus.
 xl. In concilio Africano præcipitur, virgines Deo sacrare à grauioribus personis diligenti custodia seruentur.

De principali cathedra Episcoporum.
Episcopis.

xli. Item in eadem, vt non liceat Episcopo principalem cathedram suę parochię neglegere, & aliquam ecclesiam in sua diocesi magis frequentare.

De falsis nominibus sanctorum.

Episcopis.
 xlii. Item in eodẽ, vt falsa nomina martyrum, & incertæ sanctorum memorię nõ venerationem.

De uxore à viro dimissa. Omnibus.
 xliii. Item in eodem, vt nec vxor à viro dimissa alium accipiat virum, viuente viro

fuo, nec vir aliam accipiat viuente vxore priore.

De iudicibus à Metropolitano probatis.

Episcopis.

XLIII. Item in eodem, vt probati à Metropolitano iudices non spernantur.

De accusatione vilium personarum.

Omnibus.

XLV. Item in eodem infra duo capitula, vt viles personæ non habent potestatem accusandi: & si in primo crimine victi sunt falsum dicere, in secundo non habent potestatem dicendi.

De virginibus velandis. Omnibus.

XLVI. Item in eodem, vt virgines non ventur ante xxv. annos, nisi rationabili necessitate cogente.

De oblatis pauperum. Omnibus.

XLVII. In concilio Gangrensi, vt nulli liceat oblata, quæ ad pauperes pertinent rapere vel fraudare.

De Ieiuniis à sacerdotibus constitutis.

Omnibus.

XLVIII. Item in eodem, vt ecclesiastica à sacerdotibus ieiunia constituta sine necessitate rationabili non soluantur.

De his qui contra naturam peccant.

Sacerdotibus.

XLVIII. In concilio Ancyronensi, Si inuenti sunt inter vos qui cum quadrupedibus vel masculis contra naturam peccant, dura & districta pœnitētia coërcendi sunt. Quapropter Episcopi & presbyteri à quibus iudicium pœnitentiæ iniungitur, contentur omnimodis hoc malum à consuetudine prohibere vel abscindere.

De presbyteris quo tempore ordinentur.

Episcopis.

L. In concilio Neocæsariensi, vt nullatenus presbyter ordinetur ante xxx. ætatis suæ annum, quia Dominus Iesus Christus non prædicauit ante xxx. annum.

De sponsa alterius. Omnibus.

LI. In Decretalibus Siritij Papæ, vt alterius sponsam nemo accipiat.

< *De monachis & virginibus propositum seruantibus.*

Episcopis, monachis & virginibus.

LII. Item eiusdem, vt monachi & virgines suum propositum omnimodis obseruent. >

De pace danda. Omnibus.

LIII. In Decretalibus Innocentij Papæ, vt pax detur ab omnibus, confectis Christi Sacramentis.

De nominibus recitandis. Sacerdotibus.

LIIII. Item eiusdem, vt nomina publicè non recitentur ante preces sacerdotales.

De Canonum institutis à Presbyteris non ignorandis. Episcopis & Sacerdotibus.

LV. Item eiusdē, vt nulli Sacerdoti liceat ignorare sanctorum canonum instituta.

De clericis alterius Episcopi.

Episcopis.

LVI. In decretis Leonis Papæ sancitum est, & in Sardicensi concilio, vt Episcopus alterius clericum ad se non sollicitet, nec ordinet.

De Seruis alterius. Episcopis.

LVII. Item eiusdem, vt nullus Episcopus seruum alterius ad clericatus officium sine domini sui voluntate promouere præsumat, & hoc Gangrense concilium prohibet.

De sacerdotibus contra Decretalia agentibus. Episcopis.

LVIII. Item eiusdem, vt si quis sacerdotum contra constituta decretalia præsumptiosè agat, & corrigi nolens, ab officio suo submoueatur.

De Viduis à quibus non velentur.

Episcopis.

LIX. In decretis Gelasij Papæ, vt nullus Episcopus viduas velare præsumat.

< HÆC enim dilectissimi, pio studio & magna dilectionis intentione vestrâ vnanimi-
 tatem admonere studuimus, quæ ma-
 gis necessaria videbantur, vt sanctorû pa-
 trum canonicis institutis inhærentes, præ-
 mia cum illis æternæ felicitatis accipere
 mereamini. Scit namque prudētia vestra,
 quàm terribili anathematis censura ferian-
 tur, qui præsumptiosè contra statuta vni-
 uersalium conciliorum venire audēt. Qua-
 propter & vos diligentius admonemus, vt
 omni intentione illud horribile execratio-
 nis iudicium vobis cauere studeatis: & ma-
 gis canonica instituta sequentes, & pacifica
 vnitæ nitentes, ad æterna pacis gaudia
 peruenire dignemini. Sunt quoque alia
 capitula, quæ vobis vtilia huic præcedenti
 admonitioni subiungere visa sunt. >

*De fide catholica, & primo præcepto
 legis. Omnibus.*

LX. Primò omnium admonemus, vt fides
 catholica ab Episcopis & presbyteris dili-
 genter legatur omni populo, prædicetûr-
 que hoc primum præceptum Domini Dei
 omnipotētis in lege, Audi Israël quia Do-
 minus Deus tuus Deus vnus est, & vtille

diligatur ex toto corde, & ex tota mente,
& ex tota anima, & ex tota virtute.

De pace & concordia seruanda. Omnibus.

LXI. Vt pax sit & concordia & vnanimitas
cum omni populo christiano, inter Epif-
copos, Abbates, Comites, Iudices, & om-
nes vbique seu maiores seu minores perfo-
nas: quia nihil Deo sine pace placet, nec
munus sanctæ oblationis ad altare, sicut in
Euangelio ipso Domino præcipiente legi-
mus. Et vt est illud secundum mandatum
in lege, Diliges proximum tuum sicut te
ipsum, Item in Euangelio: Beati pacifici,
quoniam filij Dei vocabuntur. Et iterum:
In hoc cognoscent omnes: quia mei disci-
puli estis, si dilectionem habueritis ad in-
uicem. In hoc enim præcepto discernun-
tur filij Dei, & filij diaboli. Quia filij dia-
boli semper dissensiones & discordias mo-
uere satagunt, filij autem Dei semper paci
& dilectioni student.

De iudicibus. Omnibus.

LXII. Vt quibus data est potestas iudican-
di, iuste iudicent, sicut scriptum est: Iuste
iudicate filij hominum. Nō in muneribus,
quia munera excecant corda prudentium,
& subuertunt verba iustorum. Nō in adu-
latione, nec in consideratione personæ, si-

cut in Deuteronomio dictum est. Quod iustum est iudicate, siue ciuis sit ille, siue peregrinus, nulla sit distantia personarum, quia Dei iudicium est. Primum nanque iudici diligenter discenda est lex à sapientibus populi composita, ne per ignorantiam à via veritatis erret. Et dum ille rectum intelligit iudiciū, caueat ne declinet aut per adulationem aliquorum, aut per amorem cuiuslibet amici, aut per timorem alicuius potentis, aut propter præmium à recto iudicio. Rectum autem & honestum videtur, vt iudices ieiuni causas audiant, & discernant.

De periuriis. Omnibus.

LXIII. Habemus in lege Domino præcipiente; non periurabis in nomine meo, nec pollues nomen Dei tui, neque assumes nomen Domini Dei tui in vanū. Ideo omnino admonendi sunt homines diligenter; vt caueant periurium, non solum in sancto Euangelio; vel in altari, seu in sanctorum reliquiis, sed & in communi loquela: quia sunt aliqui qui per charitatem & veritatem iurant; & cauent se à iuramento nominis Dei, & nesciunt quod idem est Deus quod est charitas & veritas, dicēte Ioanne Apostolo, quia Deus charitas est. Item ipse do-

minus in Euāgelio. Ego sum via & veritas. Ideo qui in veritate & charitate iurat, in Deo iurat. Item cauendum est, ne Pharisæica superstitione aliquis plus aurum honoret quàm altare, ne dicat ei Dominus: Stulte, & quid est maius aurum, an altare quod sanctificat aurum? Sed & nobis honestum videtur, vt qui in sanctis habet iurare, hoc ieiunus faciat cum omni honestate & timore Dei. Et sciat se rationem redditurū Deo vnusquisque vestrum vbi-
cunque sit siue intra ecclesiam sine extra ecclesiam. Et vt paruuli, qui sine rationabili ætate sunt, non cogātur iurare, sicut Gubnodigni faciunt. Et qui semel periuratus fuerit, nec testis sit post hæc, nec ad sacramentum accedat, nec in sua causa, vel alterius iurator existat.

De auguriis, vel alijs maleficijs.

LXIII. Habemus in lege Domini mandatum, Non auguramini: Et in Deuteronomio, Nemo sit qui ariolos scisciteretur, vel somnia obseruet, vel ad auguria intendant. Item nemo sit maleficus, nec incantator, nec Pythonis cōsultor. Ideo præcipimus, vt nec calculatores & incantatores, nec tēpestarij vel obligatores fiant, & vbi-
cunque sunt, emendantur, vel damnentur. Item de

arboribus, vel petris, vel fontibus, vbi aliqui stulti luminaria vel alias obseruationes faciūt, omnino madamus, vt iste pessimū vsus, & Deo execrabilis, vbicumque inuenitur, tollatur & destruatur.

De odio vel inuidia. Omnibus.

LXV. Prædicare necesse est, quātum malū sit odium vel inuidia. In lege enim scriptum est. Non oderis fratrem tuum in corde tuo, sed publicè argue eum. Item Ioannes Euangelista: Qui odit fratrē suum, homicida est: Item in Euangelio, Si peccauerit in te frater tuus, vade & corripe eum inter te & ipsum solum, & cætera quæ ibi leguntur.

De auaritia vel concupiscentia.

LXVI. De auaritia autem Apostolum legimus dicentem: Auaritia, quæ est idolorum seruitus, est valde cauenda. De concupiscentia verò legitur, quòd radix sit omnium malorum, & in lege, Non concupisces rem proximi tui.

De homicidiis.

LXVII. Item, vt homicidia infra patriā, sicut in lege Domini interdictum est, nec causa vltionis, nec auaritiæ, nec latrocinandi fiant: & vbicumque inuenta fuerint, à iudicibus nostris secundum legem ex nostro man-

mandato vindicentur, & non occidatur homo, nisi lege iubente.

De furis, & iniustis connubiis, & falsis testimoniis. Omnibus.

LXVIII. Item & furta, & iniusta connubia, nec non & falsa testimonia, sicut sæpe rogauimus, prohibete diligenter, sicut & lex Domini prohibet. >

De honore parentum. Omnibus.

LXIX. Hoc cum magno studio admonendum est, vt filij honorent parentes suos: quia ipse dominus dicit, honora patrem tuum & matrem tuam, vt sis longæuus super terram, quam Dominus Deus tuus dabit tibi.

De fide presbyterorum ab Episcopis discutienda. Sacerdotibus.

LXX. Vt Episcopi diligenter discutiant per suas parochias presbyterorum fidem, baptisma catholicum, & Missarum celebrationes, vt fidem rectam teneant, & baptisma catholicum obseruent, & Missarū preces bene intelligant, & vt Psalmi dignè secundum diuisiones versuum modulentur, & Dominicam orationem ipsi intelligant, & omnibus prædicent intelligendam, vt quisque sciat quid petat à Deo, & vt Gloria patri cum omni honore apud

omnes eantetur : & ipse sacerdos cum sanctis angelis & populo Dei communi voce sanctus, sanctus, sanctus decantet. Et omnimodis dicendū est presbyteris & diaconibus, vt arma nō portent, sed magis confidant in defensione Dei, quā in armis.

De honore Ecclesiæ Dei.

Aliquid sacerdotibus, aliquid omnibus.

LXXI. Placuit nobis admonere reuerentiam vestram, vt vnusquisque vestrum videat per suam parochiam, vt Ecclesia Dei suum habeat honorem : simul & altaria secundum suam dignitatem venerentur, & non sit domus Dei, & altaria sacrata peruia canibus : & vt vasa sacrata Deo cum magna veneratione habeantur : & vt sacrificia sanctificata cum magna diligentia ab eis colligantur, qui digni sunt, & cum honore seruentur : & vt sæcularia negotia vel vaniloquia in Ecclesiis non agantur, quia domus Dei, domus orationis debet esse, non spelunca latronum. & intentos habeant animos ad Deum, quando veniunt ad Missarum solemnias : & vt non excant ante completionem benedictionis sacerdotalis.

De ministris altaris Dei, & de Schola.

Sacerdotibus.

LXXII. Sed & hoc flagitamus vestram almitatem, vt ministri altaris Dei suum ministerium bonis moribus ornent. & alij canonici obseruent eorum ordines; atque monachi propositum consecrationis. obsecramus etiam, vt bonam & probabilem vitam & conuersationem habeant; sicut ipse Dominus in Euangelio suo præcipit, Sic luceat lux vestra coram hominibus, vt videant opera vestra bona, & glorificent patrem vestrum qui in cælis est: vt eorum bona conuersatione multi attrahantur ad seruitium Dei. & non solum seruilis conditionis infantes, sed etiam ingenuorum filios aggregent, sibi que societ, & vt scholæ legentium puerorum fiant. psalmos, notas, cætus, compotum, grammaticā per singula monasteria vel Episcopia discant: sed & libros catholicos bene emendatos habeant, quia sæpe dum bene aliquid Deum rogare cupiunt, per inemendatos libros male rogant. & pueros vestros non sinatis eos vel legendo vel scribendo corrumpere. Et si opus est Euāgelium, & psalterium, & Missale scribere, perfectæ ætatis homines scribant cum omni diligentia.

De voto monachorum, & de clericatu.

LXXIII. Simul & hoc rogare curauimus, vt

omnes vbicunque, qui se voto monachia-
 vitæ constrinxerunt, monachi & regula-
 riter omnimodis secundum votum suum
 viuant, secundum quod scriptum est, Vo-
 ta vestra reddite Domino Deo vestro. Et
 iterū, Melius est non vouere, quam vouere
 & non reddere. Et vt ad monasteria veniē-
 tes secūdam regularem ordinem primo in
 pulsatorio probentur, & sic recipiantur. Et
 qui ex seculari habitu in monasteria ve-
 niunt, non statim foras ad ministeria mo-
 nasterij mittantur, antequam intus bene
 erudiantur, & vt monachi ad secularia pla-
 cita non vadant. Similiter qui ad clerica-
 tum accedunt, quod nos nominamus ca-
 nonicam vitam, volumus vt illi canonicē
 secundum suam regulam omnimodis vi-
 uant: & Episcopus eorum regat vitā, sicut
 Abba monachorum.

< De mensuris & ponderibus. Omnibus.

LXXIII. Vt æquales mensuras, & rectas, &
 pondera iusta & æqualia omnes habeant,
 siue in ciuitatibus, siue in monasterijs, siue
 ad dandum in illis, siue ad accipiendum, si-
 cut in lege Domini præceptum habemus.
 Item in Salomone Domino dicente, Pon-
 dus & pondus, mensuram & mensuram
 odit anima mea. >

De susceptione hospitum. Omnibus.

LXXV. Et hoc nobis competens & venerabile videtur, ut hospites, peregrini, & pauperes susceptiones regulares & canonicas per loca diuersa habeant: quia ipse Dominus dicturus erit in remuneratione magni dici, hospes erā, & suscepistis me. Et Apostolus hospitalitatem laudās dixit. Per hāc quidam placuerūt Deo, Angelis hospitio susceptis.

*De Abbatibus contra morem Ecclesiæ
Dei facientibus.*

Episcopis, & Abbatibus.

LXXVI. Auditum est aliquas Abbatissas contra morem sanctæ Dei Ecclesiæ benedictiones, & manus impositiones, & signacula sanctæ Crucis super capita virorū dare, necnon & velare virgines cum benedictione sacerdotali, quod omnino à vobis, sanctissimi patres, in vestris parochiis illis interdiciendum esse scitote.

De clericis, qui se fingunt esse monachos. Clericis.

LXXVII. Ut illi clerici, qui se fingunt habitu vel nomine monachos esse, & non sunt, omnimodis videntur corrigendi atque emendandi, ut illi veri monachi sint, vel veri canonici,

De pseudographis & dubiis narrationibus. Omnibus.

LXXVIII. Pseudographæ & dubiæ narrationes, vel quæ omnino contra fidem catholicam sunt, vt Epistola pessima & falsissima, quam transacto anno dicebant aliqui errantes, & in errore alios mittentes, quòd de cœlo cecidisset, nec credatur nec legantur, sed comburantur, ne in errorem pro tali scripto populus mittatur. Sed soli canonici libri, & catholici tractatus, & sanctorum auctoritates, & dicta legantur & tradantur.

<De mangonibus, & nudis cum ferro.

Aliquid sacerdotibus, aliquid omnibus.

LXXIX. Item, vt isti mangones, & cogciones, qui sine omni lege vagabundi vadunt, per istam terram nō sinantur vagari, & deceptiones hominibus agere. Nec isti nudi cum ferro, qui dicunt se data sibi pœnitentia ire vagantes, melius videtur, vt si aliquid inconfuetum, & capitale crimen commiserint, in vno loco permaneant laborantes, & seruients, & pœnitentiam agentes, secundum quòd sibi canonicè impositum sit. >

De tantu Romano à monachis peragendo.

Omnibus clericis.

LXXX. Monachi vt cantum Romanū pleniter & ordinabiliter pernocturnale vel gradale officium peragant, secūdum quod beatæ memoriæ genitor noster Pippinus rex decertauit vt fieret, quando Gallicanū cantum tulit, ob vnanimitatem Apostolicæ sedis, & sanctæ Dei Ecclesiæ pacificam concordiam.

De operibus seruilibus, quæ diebus Dominicis non sunt agenda. Omnibus.

LXXXI. Statuimus quoque secundū quod & in lege Dominus præcepit, vt opera seruilia diebus Dominicis non agantur, sicut & bonæ memoriæ genitor meus in suis synodalibus edictis mandauit, quòd nec viri ruralia exerceant opera, id est, nec in vinea colenda, nec in campis arando, nec in metendo, vel fœnum secando, vel sepe mponendo: in syluis stirpare, vel arbores cædere, vel in petris laborare, nec domos construere: nec in horto laborent, nec ad placita conueniant, nec venationes exerceant, Sed tria carnalia opera licet fieri in die dominico, id est, hostilia carra, vel victualia: & si fortè necesse erit corpus cuiuslibet duci ad sepulchrum. Item fœminæ opera textilia non faciant, nec capulent vestitus, nec consuant, vel acupictile faciant: nec

lanam carpere, nec linum battere, nec in publico vestimenta lauare, nec verueces tondere habeant licitum, vt omnimodis honor & requies diei dominici seruetur. Sed & ad Missarum solemnias ad Ecclesias vndique conueniant, & laudent Deum pro omnibus bonis, quæ nobis in illo die fecit.

De prædicatione Episcoporum & presbyterorum. Omnibus.

LXXXII. Summopere vobis videndum est dilectissimi & venerabiles pastores & rectores ecclesiarum Dei, vt presbyteri, quos mittitis per parochias vestras ad regendum & prædicandum per ecclesias populum Deo seruientem, rectè & honestè prædicent: & non sinatis noua vel non canoinca aliquos ex suo sensu, & non secundum scripturas sacras fingere & prædicare populo, sed & vosmetipsi vtilia honestè & rectè, & quæ ad vitam ducunt æternam prædicare, aliosque instruere, vt hæc eadem prædicent. Primò omnium prædicandum est omnibus generaliter, vt credant patrem & filium & spiritum sanctum vnum esse Dominum omnipotentem, æternum, inuisibilem, qui creauit cælum, & terram, mare, & omnia, quæ in eis sunt. Et vnâ esse deitatem,

& substātiā , & maiestatem in tribus personis patris, & filij, & spiritus sancti.
Item prædicādum est, quomodo filius Dei incarnatus est de spiritu sancto, ex Maria semper virgine, pro salute & reparatione humani generis, passus, sepultus, & tertia die resurrexit, & ascendit in cœlos, & quomodo iterum venturus sit in maiestate diuina iudicare omnes homines, secundum merita propria: & quomodo impij propter scelera sua cū diabolo in ignē aternū mittentur, & iusti cum Christo, & cum sanctis Angelis suis in vitā aternam. Itē diligēter prædicandum est, se resurrectionem mortuorū accepturos. Item cum omni diligētia cunctis prædicandum est pro quibus criminibus deponuntur cū diabolo in aeternum suppliciū. Legimus enim Apostolo dicente: Manifesta autem sunt opera carnis, quę sunt, fornicatio, immunditia, luxuria, idolorum seruitus, veneficia, inimicitia, contentiones, æmulationes, animositates, irā, rixæ, dissensiones, hæreses, sectæ, inuidiæ, homicidia, ebrietates, commensationes, & his similia, quę prædico vobis, sicut prædixi, quoniam, qui talia agunt, regnum Dei nō consequentur. Ideo hæc eadem, quę magnus prædicator eccle-

się dei singillatim nominauit, cū omni studio prohibeātur, intelligētes, quā sit terribile illud quod dixit, Quoniam qui talia agunt regnum Dei non consequentur. Sed & omni instātia admonete eos de dilectione Dei & proximi, de fide & spe in Domino, de humilitate & patientia, de castitate & continentia, de benignitate & misericordia, de elemosynis & confessione peccatorum suorum, & vt debitoribus suis secundum Dominicam orationem sua debita dimittant, scientes certissimē, quod qui talia agunt, regnum Dei possidebunt. Et hoc ideo diligētius iniungimus vestrę charitati, quia scimus temporibus nouissimis pseudoctores esse venturos, sicut ipse Dominus in Euangelio prędixit, & Apostolus Paulus ad Timotheum testatur. Ideo dilectissimi toto corde pręparemus nos in scientia veritatis, vt possimus contradicētibz veritati resistere: & diuina donante gratia verbū Dei crescat, & currat, & multiplicetur in profectum sanctę Dei ecclesię, & salutem animarum vestrarum, & laudem & gloriam nominis Domini nostri Iesu Christi. Pax prędicātibz, gratia obediētibus, gloria Domino nostro Iesu Christo, Amen.

< Anno Dñice incarnationis DCCLXXXIX.
 indiçtione XII. anno XX. regni nostri actum
 est huius legationis edictum in Aquisgrani
 palatio publicè: Data est hæc quarta die
 decimo Kal. April.

TEMPORE Adriani Papæ & Karoli magni
 Imperatoris, quando Paulinus episcopus
 tenuit vices Apostolicæ sedis in Aquis fuit
 factum istud capitulum propter hoc, quia
 laici homines solebāt diuidere episcopia &
 monasteria ad illorum opus, & non remā-
 fisset vlli episcopo, nec abbati, nec Abba-
 tiffæ, nisi tantum vt velut canonici & mo-
 nachi viuerent.

HÆC capitula propriè sunt ad episcopos,
 vel ordines quosque ecclesiasticos perti-
 nentia, qua non solum obseruare, sed etiam
 sibi subiectis vel commissis facienda per-
 docere debent. >

De rebus ecclesiæ.

LXXIII. Quia iuxta sanctorum patrum tra-
 ditionem nouimus res ecclesiæ vota esse fi-
 delium, prætia peccatorum, & patrimo-
 nia pauperum, cuique non solum habita
 conseruare, verum etiam multa Deo opi-
 tulante conferre optamus. Tamen vt ab
 ecclesiasticis de non diuidendis rebus illius
 suspicionem dudum conceptam penitus

amoueremus, statuimus, vt neque nostris, neque filiorum, & Deo dispensante successorum nostrorum temporibus, qui nostram vel progenitorum nostrorum voluntatē vel exemplum imitari voluerint, nullam penitus diuisionem aut iacturam patiatur.

De Episcopis eligendis.

LXXXIII. Sacrorum canonum non ignari, vt in Dei nomine sancta ecclesia suo liberior potiretur honore, ad sensum ordinis ecclesiastico præbuimus, vt scilicet episcopi per electionem clericorum & populi secundum statuta canonum de propria diocesi, remota personarum & munerum acceptione, ob vitæ meritum & sapientiæ donum eligantur, vt exemplo & verbo sibi subiectis vsque quaque prodesse valeant.

De dictis patrum congestis pro canonica professione quæ de honestabatur.

LXXV. Quia verò canonica professio à multis partim ignorantia, partim desidia de honestabatur, opere preceptū duximus Deo annuente apud sacrum conuentum ex dictis sanctorum patrum, velut ex diuersis pratis quosdam vernantes flosculos carpēdo, in vnam regulam canonicorum & canonicarum congerere, & canonicis vel

sanctimoniabus seruandam contradere: vt per eam canonicus ordo absque ambiguitate possit seruari. Et quoniam illam sacer conuentus ita etiam laudibus extulit, vt vsque ad vnum iota obseruandam percerferet, statuimus, vt ab omnibus, in eadem professione degentibus, indubitantur teneatur, & modis omnibus siue à canonicis, siue à sanctimonialibus canonicè degentibus, deinceps obseruetur.

De Abbatibus eligendis.

LXXXVI. Monachorum siquidem causam qualiter Deo opitulante ex parte disposuerimus, & quomodo ex seipsis sibi eligendi abbates licentiam dederimus, & qualiter Deo opitulante quieti viuere, propositumque indefessi custodire valerent, ordinauerimus, in alia scheda diligenter adnotare fecimus: & vt apud successores nostros ratum foret, & inuiolabiter conseruaretur, confirmauimus.

De collatis ecclesiæ diuidendis.

LXXXVII. Statutum est, vt quicquid tempore imperij nostri à fidelibus ecclesiæ sponte collatum fuerit, in ditioribus locis duas partes in vsus pauperum, tertiam in stipedia cedere clericorum aut monachorum, in minoribus verò locis æquè inter

clerum & pauperes fore diuidendum: nisi fortè à datoribus, vbi specialiter dandæ sint, constitutum fuerit.

De ordinatione seruorum.

LXXXVIII. De seruorum verò ordinatione, qui passim ad gradus ecclesiasticos indiscretè promouebantur, placuit omnibus cum sacris canonibus concordari debere & statutum est, nullus episcoporum deinceps eos ad sacros ordines promouere præsumat, nisi prius à Dominis propriis libertatè cōsecuti fuerint. Et si quilibet seruus Dominum suum fugiens, aut latitans, aut corruptis, aut qualibet calliditate, vel adhibitis testibus munere conductis, vel fraude ad gradus ecclesiasticos peruenerit decretum est, vt deponatur, & Dominus eius eum recipiat. Si verò auus vel pater ab alia patria in aliam migrans in eadem provincia filium genuerit, & ipse filius ibidem educatus, & ad gradus ecclesiasticos promotus fuerit, & vtrum seruus sit ignorauerit, & postea veniens Dominus illius legibus eum adquisierit, sancitum est, vt si Dominus eius illi libertatem dare voluerit, in gradu suo permaneat. Si verò cum catena seruitutis à castris Dominicis extrahere voluerit gradum amittat, quia iuxta

facros ordines vilis persona manens sacerdotij dignitate fungi non potest. De rebus verò illorum vel peculiari, qui à propriis Dominis libertate donantur, vt ad gradus ecclesiasticos iure promoueantur, statutum est, vt in potestate dominorum consistat vtrum illis concedere, an sibi vindicare voluerint. Cæterum si post ordinationem aliquid adquisierit, illud obseruetur, quod in canonibus de consecratis nihil habentibus constitutum est. De ecclesiarum verò seruis communi sententia decretum est, vt archiepiscopi per singulas prouincias constituti nostram auctoritatem: suffraganei verò illorum, exemplar illius penes se habeant. Et quodcumque de familia ecclesiæ utilis inuentus aliquis ordinandus est, in ambone ipsa auctoritas coram populo legatur, & coram sacerdotibus vel coram fidelibus laicis ante cornu altaris sicut in nostra auctoritate continetur, remota qualibet calliditate libertatem cōsequatur, & tunc demùm ad gradus ecclesiasticos promoueatur. Similiter quoque de his agendum est, quos laici de familia ecclesiarū ad sacros ordines promouere voluerint: sed & de his, quos præpositi canonicorū aut monachorū ordinandos expetiuerint, eadem forma seruanda est.

De personis à quibus non sunt res accipiendæ.

LXXXIX. Satutum est, vt nullus quilibet ecclesiasticus ab his personis res deinceps accipere præsumat, quarum liberi aut propinqui hac inconsulta oblatione possint rerum propriarum exhæredari. Quòd si aliquis deinceps hoc facere tentauerit, à synodali vel imperiali sentētia modis omnibus feriatur.

De presbyteris constituendis.

xc. Satutum est, vt sine auctoritate vel cōsensu Episcoporum presbyteri in quibuslibet ecclesiis nec constituātur, nec expellantur. Et si laici clericos probabilis vitæ & doctrina episcopis consecrandos, suisque in ecclesiis constituendos obtulerint, nulla qualibet occasione eos reiiciant.

De mansis vniuscuiusque ecclesiæ.

xc. Sancitum est, vnicuique ecclesiæ vnus mansus integer absque alio seruitio adtribuatur, & presbyteri in eis constituti non de decimis, neque de oblationibus fidelium, non de domibus neque atriis vel hortis iuxta ecclesiam positis: neque de præscripto manso aliquod seruitium faciāt præter ecclesiasticum. Et si aliquid amplius habuerint, inde senioribus suis debitum seruitium impendant.

De

De presbyteris vniuscuiusque ecclesiæ.

XCII. Statutum est postquam hoc impletum fuerit vt vnâqueque ecclesia suū presbyterum habeat, vbi id fieri facultas prouidente episcopo permiserit.

De villis nouis, & Ecclesiis in eis nouiter constitutis.

XCIII. Sancitum est de villis nouis, & ecclesiis in eis nouiter constitutis, vt decimæ de ipsis villis ad easdem ecclesias cōferantur.

De sacris vasis ecclesiæ in pignus datis.

XCIII. De sacris vasis ecclesiæ, quæ in pignus à nonnullis in quibusdam locis dari comperimus, inhibitum est, ne deinceps à quoquam fieri præsumatur, nisi solummodo necessitate redimiendorum captiuorum compellente.

De ecclesiis destructis, vel de nonis & decimis.

xcv. De ecclesiis sanè destructis, vel de nonis & decimis, siue de claustris canonicorum, qualiter constitui & ordinari à nobis placuerit, aliis capitulis subter adnotauimus.

De ecclesiarum honore.

xcvi. Sed & de ecclesiarum honore, quomodo Deo adiuuante (quantū in nobis est) vigeat, similiter insubter adnotatis capi-

tulis insertum esse dinoscitur.

De episcopis Italia.

CVII. De episcopis verò in Longobardia constitutis, qui ab his, quos ordinabant, sacramenta & munera contra diuinam & canonicam auctoritatem accipere vel exigere soliti erant, modis omnibus inhibendum est, ne vltcrius fiat, quia iuxta sacros canones vterque gradu proprio talia facientes decidere debent.

*De presbyteris qui fœminas in domini-
minibus habent.*

CVIII. Statutum est ab episcopis de presbyteris, qui fœminas secum indiscretè habitare permittunt, & propter hoc malæ opinionis suspitione denotantur, vt si deinceps admoniti non se correxerint, vel vt contemptores sacrorum canonum canonica inuectione feriantur.

*De presbyteris qui pro chrismate in cœna
Domini veniebant.*

CIX. De presbyteris, qui accipiendi chrismatis gratia, ad ciuitates in cœna Domini venire soliti erant, sancitū est, vt de his qui longè positi sunt, de octo vel decem vnus ab episcopo eligatur, qui acceptum chrisma sibi & sociis diligenter perferat. hi verò qui non longius à ciuitate quàm quatuor

aut quinque millibus habitant, more solito ad accipiendum chrisma per se veniāt. Discendi verò gratia, alio non quadragesimæ tempore ad ciuitates conuocentur.

De prædicatione & confirmatione Episcopo.

c. Ne verò Episcopi occasione prædicandi, aut confirmandi oneri essent pop. à nobis admoniti polliciti sunt se deinceps hoc cauere velle, & eo tempore suum ministeriū, in quantum facultas dabatur, exequi, quorum profectio, quantum in illis erat, his quibus prodesse possunt & debent, non sit importuna vel onerosa.

De pueris tondendis, & puellis velandis.

ci. Ne pueri verò sine voluntate parētum tonsurētur, vel puellæ velentur modis omnibus inhibita est, & qui hoc facere tentauerit, multam, quæ in capitulis legis mūdānæ à nobis constitutis continetur, persolvere cogatur.

De fæminis viros amittentibus.

cii. De fæminis, quæ viros amittunt, placet ne se, sicut hætenus, indiscretè velent, sed vt xxx. dies post decessum viri sui expectent, & post tricesimum diem per consilium Episcopi sui, vel si Episcopus absens fuerit, consilio aliorum religiosorum sacerdotum, suorumque parentum atque

amicorum id quod eligere debent, eligāt. Et quia à sacro conuentu rogati, vt qui publicam gerebant poenitentiam, & foeminæ quæ viros amittebant, nostra auctoritate, donec deliberent quid agant, tuerentur, specialiter pro his capitula fieri, & legis mundanæ capitulis inferenda decreuimus.

De raptis, & de earum raptoribus.

CXII. De raptis verò, & de raptoribus, quāquam specialiter decreuissimus quid pati debeant, qui hoc nefas deinceps facere tētauerint, quid tamen super his sacri canones præcipiant, hic inferendum necessariū duximus, quatinus omnibus pateat quantum malum sit, & non solum humana, sed etiam diuina auctoritate cōstricti. Ab hinc hoc malum caueatur.

De puellis raptis necdum desponsatis.

CXIII. De puellis raptis necdum desponsatis in concilio Calcedonensi, vbi DCXXX. patres affuerunt capitulo XXVII. ita habetur: Eos qui rapiunt puellas sub nomine simul habitandi, cooperantur & conuiuentes raptoribus, decreuit sancta synodus, si quidem clerici sunt, decidant gradu proprio. Si verò laici, anathematizantur. Quibus verbis apertè datur intelligi, qualiter huius mali auctores damnandi sunt, quādo

participes & conuiuentes tanto anathemate feriantur. & iuxta canonicam auctoritatem ad coniugia legitima raptas sibi iure vindicare nullatenus possunt.

De desponsatis, & ab aliis raptis.

cv. De desponsatis puellis & ab aliis raptis, ita in concilio Ancyrano capitulo x. legitur. Desponsatas puellas, & post ea ab aliis raptas placuit erui, & eis reddi, quibus ante fuerint desponsatæ, etiam si eis à raptoribus vis illata constiterit. Proinde statutum est à sacro cōuentu, vt raptor publica poenitentia mulctetur. Raptæ verò, si sponsus eam recipere noluerit, & ipsa eidem crimini consentiens non fuit, licentia nubendi alij non negetur. Quòd si & ipsa consensit, simili sententia subiaceat. Quòd si post hæc se coniungere præsumpserint, vtrique anathematizentur.

*De his qui virginibus Deo dicatis
se sociant.*

cvi. De his verò, qui sacris virginibus se sociant ita in decretis Papæ Gelasij capitulo xx. continetur. Virginibus sacris temerè se quosdam sociare cognouimus, & post dicatum Deo propositum incesta fœdera sacrilegâque miscere, quos protinus æquū est à sacra communione detrudi, & nisi pu-

blicam probatamque egerint pœnitentiam omnino non recipi: sed his certe viaticum de seculo transeuntibus, si tamē pœnituerint, non negetur. Si verò de copulatione sacrarum virginum tam seuerè feriuntur, quanto seuerius feriēdi sunt qui eas rapiūt? Ideo sicut præmissum est, necesse est, vt ab omnibus in christiana religione consistentibus, rigore auctoritatis diuinæ vel humanæ hoc malum radicitus amputetur.

De puellis, quo tempore velentur.

cvii. Ne verò puellæ indiscretè velentur, placuit nobis etiā de sacris canonibus qualiter obseruandum sit, hic inferre. De tempore velandarum puellarū in Africano cōcilio capitulo xvi. continetur, vt non ante xxv. annos consecrentur. Itē in eodem cōcilio capitulo. xciii. de virginibus velandis ita cōtinetur. Item placuit, vt quicumque Episcoporum necessitate periclitantis pudicitie virginalis, cum & vel petitor potēs, vel raptor aliquis formidatur, vel si etiam aliquo mortis periculoso scrupulo compuncta fuerit, ne non velata moriatur, aut exigentibus parētibus, aut his ad quorum curam pertinet, velauerit virginem, seu velauit ante xxv. annos ætatis, non ei obfit concilium, quod de isto annorū nume-

ro cōstitutū est. Vnde colligitur, quia iuxta priorem sanctionem virgines xxv. ætatis suæ anno ritè consecrandæ sint. Quòd si præmissæ necessitates ante id fieri compellant, nullum possit Episcopo asserre præiudiciū consecratio.

De examinatione sanctæ Crucis non facienda.
CVIII. Sancitum est, vt nullus deinceps quamlibet examinationem crucis facere præsumat, ne Christi passio, quæ est gloriificatio, cuiuslibet temeritate contemptui habeatur.

De pabulo verbi diuini nunciando.
CIX. Episcopos monemus, vt siue per se, siue per vicarios pabulum verbi diuini sedulò populis annuntient, quia, vt ait beatus Gregorius, iram contra se occulti iudicis excitat sacerdos, si sine prædicationis sonitu incedit, & vt ipsi clerum sibi cōmissum in sobrietate & castitate nutriât, diuinisque officiis imbuant, qui ritè ad sacrosanctos Ecclesiasticos ordines promoueri possint: & vt operam dent, quatinus presbyteri Missarium & lectionariū siue cæteros libellos sibi necessarios bene correctos habeant: & qualiter Ecclesias destructas ad se pertinentes iuxta vires emendent, qualiter etiam viduas diligenter instruat: quo-

modo etiam secundum Apostolicam auctoritatem conuersari debeant, edoceant, & vt superstitiones, quas quibuscūq; in locis in exequiis mortuorū nonnulli faciunt, eradicent, & vt exemplo suæ innocentiae alios ad bene viuendum prouocēt; & cunctis Ecclesiasticis negotiis quantum Dominus iuuerit, totis viribus consulere fatagant, diligenter admonuimus, & vt id liberius exequi valeant, nos in quantum Dominus posse dederit, opem ferre modis omnibus optamus.

De incestis nuptiis, & de Ecclesiis non diuidendis.

cx. Nonnulla verò capitula, sicut de incestis nuptiis, necnon & de Ecclesiis quæ inter cohæredes diuiduntur, & tali occasione proprio honore carent; siue de his Ecclesiis quæ nimium rebus propriis sunt attenuatæ, vel certè de his rebus, quæ nuper necessitate compellente à nonnullis Ecclesiis sunt ablatæ, & si qua sunt alia siue in Ecclesiasticis, siue in publicis rebus emendatione digna, quæ pro temporis breuitate efficere nequiuimus, in tantum differendum illud dignū iudicauimus, donec, Domino fauente, consulta fidelium facultas nobis id definiendi ab eo tribuatur. Inuen-

ta verò, vt Deo opitulante effectum obtineant per tempora, iam emendata atque correctæ ac restituta scriptis confirmare optamus.

De scriptoribus.

cxI. De scribis, vt non vitiose scribant.

De congregationibus.

cxII. De congregationibus superfluis, vt nullatenus fiant, sed tãtos congreget quis, quantis consilium dare potest.

De seruis propriis vel ancillis.

cxIII. De seruis propriis vel ancillis, vt nõ amplius tondeantur vel velentur, nisi secundum mensuram, & vt ibi satis fiat, & villæ non sint desolatæ.

De pulsantibus.

cxIII. De his, qui non fiunt secundum regulam pulsati, vt deinceps emendentur, & pulsentur secundum regulam.

De infantulis puellis, quando velentur.

cxv. Vt infantulæ etatis puellæ non velentur, antequam illæ eligere sciant quid velint, & pulsentur salua canonica auctoritate.

De praposis monachorum.

cxvi. Vt laici non sint præpositi monachorum infra monasteria. Nec archidiaconi sint laici.

C A P I T V L.

De incestuosis.

cxvii. De incestuosis vt canonicè examinentur, & nec propter alicuius amicitia quidam relaxentur, quidam verò cōstringantur.

De fame, clade, & pestilentia, si euenerit.

cxviii. De hoc, si euenerit fames, clades, pestilentia, & inæqualitas aëris, vel alia qualiscunque tribulatio, vt non expectetur edictum nostrū, sed statim deprecetur Dei misericordia. Et in præsentī anno de famis inopia, vt suos quisque adiuuet, pro vt potest, & suam annonam nō nimis care vendat, & ne foris imperium nostrum vēdatur aliquid alimonie.

De fugitiuis clericis siue laicis.

cxix. De fugitiuis clericis siue laicis, vel etiam fœminis, sicut iam in alio capitulari præcipimus, ita seruetur.

*De liberis hominibus ad seruitium Dei
se tradentibus.*

cxx. De liberis hominibus, qui ad seruitiū Dei se tradere volunt, vt prius hoc non faciant, quam à nobis licentiam postulent. hoc ideo, quia audiuius aliquos ex illis nō tam causa deuotionis hoc fecisse, quam pro exercitu, seu alia functione regali fugiēda. Quosdam verò cupiditatis causa ab

his, qui res illorū concupiscūt, circunuētos
audiuimus. & hoc ideo fieri prohibemus.

De oppressione pauperum.

cxxi. De oppressione pauperū liberorum
hominum, vt non fiant à potētioribus per
aliquod malum ingenium cōtra iustitiam
oppressi, ita vt coacti res eorum vendant,
aut tradant. Ideo hæc & supra & hic de li-
beris hominibus diximus, ne forte parētes
eorum contra iustitiam fiant exhæreditati,
& regale obsequium minuatur: & ipsi hæ-
redes propter indigentiam mendici, vel la-
trones, seu malefactores efficiantur. Et vt
sæpius non fiant manniti ad placita, nisi si-
cut & in alio capitularis præcepimus, sed
omnimodo ita seruetur.

*De missis, qui per ciuitates & monaste-
ria mittuntur.*

cxxii. Vt missi per singulas ciuitates &
monasteria virorū & puellarum præuideāt
quo modo aut qualiter in domibus Eccle-
siarum, & ornamentis Ecclesiæ emendatæ
vel restauratæ esse videntur, & diligenter
inquirant de conuersatione singulorū, vel
quo modo emendatum habeāt, quod ius-
simus de eorum lectione & cantu, cæteris-
que disciplinis ad ordinem ecclesiasticæ
regulæ pertinentibus.

De thesauris Ecclesiasticis.

cxxiii. Vt singulis Episcopi, abbates seu abbatissæ diligenter considerent thesauros Ecclesiasticos, ne propter perfidiã aut negligentiam custodum aliquid de gemmis, aut de vasis, vel de reliquo quoque thesauro perditum sit, quia dictũ est nobis, quod negotiatores Iudæi, necnon & alij gloriantur, quia quicquid eis placeat, possint ab eis emere.

De mendicis discurrentibus.

cxxiiii. De mendicis, qui per patrias discurrũt, volumus, vt vnũquisque fidelium nostrorum suum pauperem de beneficio aut de propria familia nutriet, & non permittat aliubi ire mendicando. Et vbi tales inuenti fuerint, qui sibi manibus laborent, nullus eis quicquam tribuere præsumat.

De usura.

cxxv. Usura est, vbi amplius requiritur, quàm datur. Verbi gratia, si dederis solidum, & amplius requisieris: vel si dederis modium vini, frumenti, & iterum super aliud exigeris.

De cupiditate in bonam partem

cxxvi. Cupiditas in bonam partem potest accipi, & malam. In bonam iuxta Apostolum, cupio dissolui, & esse cum Christo:

& in Psalmo, cōcupiuit anima mea in atria
Dōmini.

De cupiditate in malam partem.

cxxvii. Cupiditas verò in malam partem
accipitur, si quis supra modum res quasli-
bet iniuste appetere vult, iuxta Salomo-
nem, Post concupiscentias tuas non ea.

De auaritia.

cxxviii. Auaritia est alienas res appetere,
& adeptas nulli largiri, & iuxta Apostolum,
hæc est radix omnium malorum.

De turpibus lucris.

cxxix. Turpe lucrum exercent, qui per
varias circumuentiones lucrandi causa in-
honestè res quaslibet congregare decer-
tant.

De fœnore.

cxxx. Fœnus est qui aliquid præstat, iu-
stum fœnus est, qui amplius non requirit,
nisi quantum præstitit.

*De emptione tempore messis causa cupidi-
tatis & turpis lucri.*

cxli. Quicunque enim tempore messis
vel tempore vindemiæ, non necessitate, sed
propter cupiditatem comparat annonam
aut vinum: verbi gratia, de duobus dena-
riis comparat modium vnum, & seruat vs-
que dum venundare possit cōtra denarios

quatuor aut sex, seu amplius, hoc turpè lucrum dicimus. Si hoc propter necessitatē comparat, vt sibi habeat, & aliis tribuat, negocium dicimus.

De hoc, si per plurima loca fames fuerit.

cxxxii. Considerauimus itaque quia per plurima loca fames valida esse videtur, vt omnes episcopi, abbates, abbatissæ, optimatēs, & comites, seu domestici, & cuncti fideles, qui beneficia regalia, tam de rebus ecclesiasticis, quamque & de reliquis habere videntur, vt vnusquisque suo beneficio suam familiam nutrire faciat, & de sua proprietate propriam familiā nutriat. Et si Deo donante super se & super familia sua aut in beneficio aut in alode annonam habuerit, & venundare voluerit, non carius vendat, nisi modum de auena denarios. ii. modium de hordeo contra denar. iiii. modium. i. de figele contra denar. iiii. modium. i. de frumento parato contra denarios. vi. Et ipse modius sit quem omnibus habere constitutum est, & vnusquisque habeat æquam mensuram, & æquales modios.

De sinodis qualiter fiant.

cxxxiii. Vt per singulos annos sinodus bis fiat.

De Metropolitanis Episcopis.

cxxxiiii. Vt nequaquam inter duos Me-

ropolitanos prouincia diuidatur.

De Episcopis quot sint in vna ciuitate.

cxxxv. Ne in vna ciuitate duo sint Episcopi.

De ordinatione Episcoporum.

cxxxvi. Quòd non oporteat ordinationes Episcoporum diu differre.

De stabilitate Episcoporum, vel clericorum.

cxxxvii. Ne de vno loco ad alium transeat episcopus sine decreto Episcoporum, vel clericus sine iussione Episcopi sui.

De communicatione fidelium.

cxxxviii. Vt omnes fideles communicet, & ad Missas expectent sine alia deprecatione.

De presbyteris, diaconibus, & reliquis ex clero, ex decretis & canone sancti Syluestri,

& LXXXIII. Episcoporum.

cxxxix. Fecit hos gradus in gremio synodi, vt non presbyteri aduersus Episcopum, non diaconus aduersus presbyterorum, non subdiaconus aduersus diaconum, non acolytus aduersus subdiaconum, non exorcista aduersus acolytum, non lector aduersus exorcistam, non ostiarius aduersus lectorem, det accusationem aliquam, & non dānabitur præsul sine LXXII. testibus: neque præsul summus à quoquam

iudicabitur, quoniam scriptū est: Non est discipulus super magistrum. Presbyter autem nisi in XL. quatuor testimoniis nō dānabitur. Diaconus autem in cardine constitutus in vrbe Roma nisi xxxvii. testibus non condemnabitur. Subdiaconus, acolytus, exorcista, lector, nisi sicut scriptum est in. vii. testimoniis filios habentibus & vxores, & omnino Christum prædicantibus. Sic datur mystica veritas.

De confugio ad ecclesiam.

CXL. Si quis ad ecclesiam confugium fecerit, in atrio ipsius ecclesiæ pacem habeat, nec sit ei necesse ecclesiam ingredi, & nullus cum inde per vim abstrahere præsumat, sed liceat ei confiteri quod fecit: & inde per manus bonorum hominum ad discussionem in publico producatur.

De his, qui ad casam Dei res suas tradere voluerunt.

CXLI. Qui res suas pro anima sua ad casam Dei tradere voluerit, domi traditionem faciat coram testibus legitimis: & quæ in hoste factæ sunt traditiones, de quibus nulla est quæstio, stabiles permancant. Si verò aliquis alij res suas tradiderit, & in hostem profectus fuerit, & ille, cui res traditæ sunt, interim mortuus fuerit, qui res tradidit, cū reuersus

reuerſus fuerit, adhibitis teſtibus coram quibus traditio facta eſt, reſ ſuas recipiat. Si autem & ipſe mortuus fuerit, hæredes eius legitimi reſ traditas recipiant.

De ordinatione preſbyterorum.

CXLII. Vt preſbyteri non ordinentur priuſquam examinentur, & vt excommunicationes paſſim, & ſine cauſa non fiant.

De conuerſione liberi hominis,
CXLIII. Vt liber homo, qui in monaſterio regulari comam depoſuerit, & reſ ſuas ibidem delegauerit, promiſſionem factam ſecundum regulam firmiter teneat.

De non cogendo bibere.

CXLIII. Vt nemini liceat alium cogere ad bibendum, niſi quantum ei ſufficit.

De mercato.

CXLV. Vt mercatus die Dominico in nullo loco habeatur.

De preſbyteris, qualiter introitum eccleſiæ conſequantur.

CXLVI. Vt nullus preſbyter ad introitum eccleſiæ xenia donet.

De preſbyteris, à quibus per Eccleſias conſtituantur.

CLVII. Vt nullus laicus preſbyterorum in eccleſiam mittere, vel eiicere præſumat, niſi per conſenſum Epifcopi.

C A P I T V L.

De honore pro ecclesiis dando.

CXLVIII. Vt Episcopi prouideāt, quem honorem presbyteri pro ecclesiis suis senioribus tribuant.

De decimis dispensandis.

CXLIX. Vt decimæ in potestate Episcopi sint, qualiter à presbyteris dispensentur.

De ecclesiis, vel altaribus.

CL. Vt ecclesiæ vel altaria melius construātur, & nullus presbyter annonam vel fœnū in ecclesia mittere præsumat.

De ecclesiis vel altaribus ambiguis.

CLI. Vt ecclesiæ vel altaria, quæ ambigua sunt de consecratione, consecrentur.

De linteis altaribus præparandis.

CLII. Vt presbyteri per parochias suas fœminis prædicent, vt linteamina altaribus præparent.

De parochianis alterius presbyteri.

CLIII. Vt nullus presbyter alterius parochianum, nisi in itinere fuerit, vel placitum ibi habuerit, ad missam recipiat.

De parochia alterius presbyteri.

CLIIII. Vt nullus presbyter in alterius parochia missam cantare præsumat, nisi in itinere fuerit: nec decimam ad alterum pertinentem audeat recipere.

De termino ecclesiarum.

CLV. Vt terminum habeat vnaquæque ecclesia de quibus villis decimas recipiat.

De rebus presbyterorum.

CLVI. Vt vnusquisque presbyter res, quas post diem consecrationis adquisierit, proprias ecclesiæ relinquat.

De pœnitentibus non cogendis.

CLVII. Vt nullus presbyter aut laicus pœnitentem inuitet vinum bibere, aut carnem manducare, nisi ad præsens pro ipso vnum vel duos denarios iuxta qualitatem pœnitentiæ dederit.

De presbyteris à quibus se caueant.

CLVIII. Vt nullus presbyter chartas scribat, nec conductor sui senioris existat.

De sepultura ubi non fiat.

CLIX. Vt nullus deinceps in ecclesia mortuum sepeliat.

De prædicatione & capitulis presbyterorum.

CLX. Vt vnusquisque presbyter capitula habeat de maioribus vel de minoribus vitiis, per quæ cognoscere valeat vel prædicare subditis suis, vt caueant ab insidiis diaboli.

De Eucharistia.

CLXI. Vt presbyter semper Eucharistiam habeat paratam, vt quando quis infirma-

uerit, aut paruulus infirmus fuerit, statim
eum communicet, ne sine communione
moriatur.

*De ampullis duabus in cœna Domini
habendis.*

CLXII. Vt presbyter in cœna Domini duas
ampullas tecum deferat, vnâ ad chrisina,
alteram ad oleum ad catechumenos inun-
gendum, vel infirmos, iuxta sententiâ Apo-
stolicam: vt quando quis infirmatur, indu-
cat presbyteros ecclesiæ, & orent super eū
vnguentes eum oleo in nomine Domini.

De nonis & decimis.

CLXIII. Vt qui ecclesiarum beneficia ha-
bent, nonam & decimam ex eis ecclesiæ,
cuius res sunt, donent: & qui tale benefi-
cium habent, quod ad medietatem labo-
rent, & de eorum portione proprio pres-
bytero decimas donent.

De festiuitatibus in anno.

CLXIII. Hæ sunt festiuitates in anno, quæ
per omnia venerari debent, natalis Domi-
ni, sancti Stephani, sancti Ioannis Euange-
listæ, Innocentium, octauæ Domini, epiha-
nia, octauæ Epiphaniæ, purificatio sanctæ
Marię, Pascha dies octo, lētania maior, Af-
censio Domini, Pentecoste, sancti Ioannis
Baptistę, sancti Petri & Pauli, sancti Marti-

ni, sancti Andrea: de assumptione sanctæ Mariæ interrogandum relinquimus.

De admonitione sacerdotum.

CLXV. Ut sacerdotes admoneant populū, ut eleemosynam dent, & orationes faciant pro diuersis plagis, quas assidue pro peccatis nostris patimur.

De prædicatione ad plebem.

CLXVI. Ut ipsi sacerdotes vnusquisque secundum ordinem suum prædicare & docere studeat plebem sibi commissam.

De ebrietate.

CLXVII. De ebrietate, ut primò omnium seniores semetipsos exinde caueant, & eorum iunioribus exemplum bonum sobrietatis ostendant.

De admonitione ad omnes.

CLXVIII. Admonendi sunt omnes generaliter secundum Euangelicam auctoritatē, ut sic luceant opera eorum bona corā hominibus, ut glorificent Deum, qui in cœlis est,

E iij



INCIPIT LIBER SECUNDVS.

PRÆFATIO.

V PRA in primo libro capitula ecclesiastica, quæ domnus Imperator Karolus fecit, adunavi. in hoc verò ea ecclesiastica, quæ domnus Ludouicus Cæsar piissimus, & Lotharius Imperator filius ipsius ediderunt, descripsi libello.

INDEX CAPITVLORVM.

- I. Prælocutio.
- II. De diuina prouidentia in constitutione domni Imperatoris, & de conseruatione trium capitulorum.
- III. De hoc quod admonitor fidelium domnus Imperator sit, & omnes fideles adiutores ipsius.
- IIII. De sacro ministerio Episcoporum,

¶ de admonitione domni Imperatoris ad Episcopos.

- V. De admonitione domni Imperatoris ad Episcopos, de sacerdotibus, ad eorum curam pertinetibus, ¶ de scholis.
- VI. De admonitione ad comites pro utilitate sanctæ Dei ecclesiæ.
- VII. De admonitione ad laicos pro honore Ecclesiastico conservando.
- VIII. De admonitione ad abbates ¶ laicos pro monasterijs ex regali largitate sibi commissis.
- IX. De admonitione ad Episcopos, abbates, ¶ ad omnes fideles pro comitum adiutorijs.
- X. De admonitione ad Episcopos vel comites pro cōcordia adinuicem, ¶ cum cæteris fidelibus.
- XI. De admonitione ad omnes generaliter pro charitate ¶ pace adinuicem.
- XII. De hac, quod unusquisque Episcoporum vel comitum partem ministerij regalis habeat: ¶ de testimonia ipsorum adinuicem.
- XIII. De causa orta ad inhonorationē regni pertinente.

INDEX

- XIIII. De pace in itinere exercitali custo-
dienda.
- XV. De denunciatione, ut qui in hostem
pergunt, suos, qui in suo obse-
quo sunt, unusquisque cognos-
cat.
- XVI. De inhonoratione regis propter ne-
glegentiam eorum, qui legationes
male recipiunt.
- XVII. De locis in quibus legationes reci-
piendæ sunt.
- XVIII. De admonitione unius moneta.
- XIX. De iniustis tholoneis.
- XX. De pontibus, ubi antiquitus fuerunt,
renouandis.
- XXI. De nonis & decimis.
- XXII. De operibus in restaurationem ec-
clesiarum adimplendis.
- XXIII. De comitibus, ut ministris eccle-
siæ in suis ministerijs adiutores
sint.
- XXIIII. De capitulis à cancellario palatij ab
Archiepiscopis & comitibus ac-
cipiendis.
- XXV. De nominibus locorum, in quibus
missi dominici legatione fun-
guntur.
- XXVI. De commemoratione ad legatio-

nem prædictorum missorum per-
tinente.

- XXVII. De hoc quod permixtos dominicos
ea, quæ per capitula statuta sunt,
omnibus nota fieri debeant.
- XXVIII. De admonitorio ad eos, qui legatio-
ne funguntur.
- XXIX. De rebus ad venerabiles locos perti-
nentibus non alienandis.
- XXX. De hoc, quomodo liceat ad impera-
torem res sancti loci transferri.
- XXXI. Orphanis exhereditatis subuenien-
dum.
- XXXII. De rebus pauperum vel minus po-
tentum mala occasione non emē-
dis.
- XXXIII. Qualiter iustitiæ fiant pauperibus.
- XXXIII. De illis hominibus, qui iniustas que-
relas habent.
- XXXV. De festiuitatibus anni.
- XXXVI. De antiquis ecclesiis, ut honorem
suum habeant.
- XXXVII. De hoc, ut sacerdotes inreprehensi-
biles sint.
- XXXVIII. De hoc, ut ab incestuosis, & ab his
qui decimas non dant, & à pres-
byteris negligēter viuētibus vua-
dij non dentur, nec accipiantur.

INDEX CAPITVL.

- XXXIX. De spiritalibus filiis.
- XL. De discretione in corporis & sanguinis Dominici perceptione.
- XLI. De hominibus diuersarum conditionum, & de his qui eis prælati sunt.
- XLII. De fœminis & abbatissis quales sint, quæ monasteriis puellaribus præferri debent.
- XLIII. De incestuosis & homicidis sacerdotum admonitionibus aurē nolentibus accommodare.
- XLIII. De dominis subditorū admonendis.
- XLV. De corporis Domini & sanguinis communicatione Laicorum.
- XLVI. De eruditione filiorum à parentibus & patrinis.
- XLVII. De sepultura.



LIBER SECVNDVS.

PRÆFATIO.



QUONIAM vobis aut visu aut auditu notū esse non dubitamus, quia genitor noster, & progenitores, postquā à Deo ad hoc electi sunt, in hoc præcipuè studuerūt, vt honor sanctæ Dei Ecclesiæ, & status regni decens maneret. Nos etiam iuxta modum nostrum eorum sequentes exemplum, sæpè vestram deuotionē de his admonere curauimus, & Deo miserante multa iam emendata & correcta videmus. Vnde & ideo iustas laudes persolvere, & vestræ bonæ intentioni multimodas debemus gratias referre.

*De diuina providentia in constitutione Domini
Imperatoris, & de conseruatione
trium capitulorum.*

II. Sed quoniam complacuit diuinæ providentiæ nostram mediocritatem ad hoc

constituere, vt sanctæ suæ Ecclesiæ & regni huius curam gereremus, ad hoc certare & nos & filios ac socios nostros diebus vitæ nostræ optam⁹, vt tria specialiter capitula, & à nobis & à vobis, Deo opem ferente, in huius regni administratione specialiter cōferuentur. id est, vt defensio & exaltatio vel honor sanctæ Dei Ecclesiæ, & seruorū illius congruus maneat: & pax & iustitia in omni generalitate populi nostri conseruetur. In his quippe maximè studere, & de his in omnibus placitis, quæ vobiscū Deo auxiliante habituri sumus, vos admonere optamus, sicut debitores sumus.

*De hoc, quòd admonitor fidelium Dominus
Imperator sit, & omnes fideles
adiutores ipsius.*

III. Sed quanquam summa huius ministerij in nostra persona cōsistere videatur, tamē & diuina auctoritate, & humana ordinatione ita per partes diuisum esse cognoscitur, vt vnusquisque vestrum in suo loco & ordine partem nostri ministerij habere cognoscatur. Vnde apparet, quòd ego omnium vestrum admonitor esse debeo, & omnes vos nostri adiutores esse debetis. Nec enim ignoramus quid vnicuique vestrum in sibi commissā portione conue-

niat, & ideo prætermittere non possumus, quin vnumquemque iuxta suum ordinem admoneamus.

De sacro ministerio Episcoporum, & de admonitione domni Imper. ad Episcopos.

III. Sed quoniam scimus quòd specialiter pertineat ad Episcopos, vt primum ad sacrum ministerium suscipiendum iustè accedant, & in eodem ministerio religiosè viuant, & tam benè viuendo, quam rectè prædicando populis sibi commissis iter vitæ præbeant. & vt in monasteriis in suis parochiis constitutis sancta religio obseruata fiat, & vnusquisque iuxta suam professionem veraciter viuat, curam impendant. Omnes vos in hoc sacro ordine constitutos, & officio pastoralis functos monemus atque rogamus, vt in hoc maximè elaborare studeatis, & per vosmetipsos, & per vobis subiectos, quantum ad vestrum ministerium pertinet, nobis veri adiutores in administratione ministerij nobis commissi existatis, vt in iudicio non condemnari pro nostra & vestra negligentia, sed potius pro vtrorumque bono studio remunerari mereamur. Et vbicunque per negligētiam abbatis aut abbatissæ, vel comitis siue vassalli nostri, aut alicuius cuiuslibet personæ,

aliquid vobis difficultatis in hoc apparuerit obstaculum, nostræ dignoscentiæ id ad tempus insinuare non differatis, vt nostro auxilio suffulti, quod vestra auctoritas exposcit, famulante, vt decet, potestate nostra facilius perficere valeatis.

De admonitione Domni Imperatoris ad Episcopos de sacerdotibus ad eorum curam pertinentibus, & de scholis.

v. De sacerdotibus verò ad vestrâ curam pertinentibus magnum adhibete studium, vt qualiter viuere debeant, & quomodo populis ad suam portionis curam pertinentibus exemplo & verbo prosint, à vobis cū magna cura edoceantur & admoneantur, & id vt facere studeant vestra pontificali auctoritate constringantur. Quicquid autem in illis à populis iustè reprehenditur in exēplo propriæ cōuersationis, vestra prouidentia corrigere non neglegat. Ne verò Ecclesiæ illis cōmissæ in restauratione, aut in luminaribus iuxta possibilitatem rerum ab illis neglegantur, vestra nihilominus in-
cuigilare debet solertia. Et sicut alios prohibetis ne de mansis ad Ecclesiæ luminaria datis aliquid accipiant, sic & vos, & vestri archidiaconi de eisdem mansis nihil accipiendo aliis exemplum præbeatis: sed po-

tius ad id, ad quod data sunt, seruire concedatur, vt totum, sicut dictum est, in re-
stitutione Ecclesiarum, & luminaribus ve-
stra auctoritate & studio cedere possit.
Scholæ sanè ad filios, & ministros Eccle-
siæ instruendos vel edocendos, sicut nobis
præterito tempore ad Attinię cum promi-
sistis, & vobis iniunximus, in congruis lo-
cis, vbi nec dum perfectum est, ad multo-
rum vtilitatem & profectum à vobis ordi-
nari non neglegantur.

De admonitione ad comites pro vtilitate

Sanctæ Dei Ecclesiæ.

VI. Vobis verò comitibus dicimus, vós-
que commonemus, quia ad vestrum mini-
sterium maximè pertinet, vt reuerentiam
& honorem sanctæ Dei Ecclesiæ exhibea-
tis, & cum Episcopis vestris concorditer
viuatis, & eis adiutorium ad suum ministe-
rium peragendum præbeatis, & vt vos ipsi
in ministeriis vestris pacem & iustitiam fa-
ciatis, & quę nostra auctoritas publicè fieri
decernit, in vestris ministeriis studiosè per-
ficere studeatis. Proinde monemus vestrā
fidelitatem, vt memores sitis fidei nobis
promissæ, & in parte ministerij nostri vo-
bis commissi, in pace scilicet & iustitia fa-
cienda, vosmetipsos coram Deo & coram

hominibus tales exhibeatis, vt & nostri veri adiutores, & populi conseruatores iustè dici & vocari possitis : & nulla quælibet causa aut munerum acceptio, aut amicitia cuiuslibet, vel odium, aut timor, vel gratia ab statu rectitudinis vos deuiare compellat, quin inter proximum & proximum semper iustè iudicetis. Pupillorum verò & viduarum & cæterorum pauperum adiutores, & defensores, & sanctæ Ecclesiæ vel seruorum illius honoratores, iuxta vestram possibilitatem sitis. Illos quoque qui temeritate & violentia in furtis & latrociniis, siue rapinis communem pacem populi perturbare moliuntur, vestro studio & correctione, sicut decet, compescite. Et si aliqua persona in aliquo vobis impedimento fuerit, quin ea, quæ dicimus facere non valeatis, nobis ad tempus illud notum fiat, vt nostra auctoritate adiuti, ministerium vestrum dignè adimplere possitis.

*De admonitione ad laicos pro honore
Ecclesiastico conseruando.*

VII. Omnes verò laicos monemus, vt honorem Ecclesiasticum conseruent, & dignam venerationem episcopis & Dei sacerdotibus exhibeant, & ad eorum prædicationem cum suis deuotè occurrant, &
ieiunia

ieiunia ab illis communiter indicta reuerenter obseruent, & suos obseruare doceant & compellant: & vt etiam dies dominicus, sicut decet, & honoretur, & colatur, omnes studeant: & vt liberius fieri possit, mercata & placita à comitibus, sicut sæpè admonitum fuit, illo die prohibeantur.

De admonitione ad abbates & laicos pro monaste. ex regali largitate sibi commissis.

VIII. Abbatibus quoque & laicis specialiter iubemus, vt in monasteriis, quæ ex nostra largitate habent, Episcoporum consilio & documento ea, quæ ad religionem canonicorum, monachorum, sanctimonialium pertinent, peragant: & corum salubrem admonitionem in hoc libenter audiant & obediant.

De admonitione ad Episc. abbates, & ad omnes fideles pro comitum adiutoris.

IX. Episcopis iterum, abbatibus & vassis nostris, & omnibus fidelibus laicis dicimus, vt comitibus ad iustitias faciendas adiutores sitis.

De admonitione ad Episcopos, vel comites pro concordia adinuicem, & cum cæteris fidelibus.

X. Episcopi verò vel comites & adinuicem & cum cæteris fidelibus concorditer iuuant,

& ad sua ministeria peragenda vicissim sibi adiutorium ferant.

*De admonitione ad omnes generaliter pro
charitate & pace adinuicem.*

XI. Omnibus etiam generaliter dicimus, vt charitatem & pacem adinuicem habeatis: & generalem iussuriam nostram generaliter obseruare decertetis: & missis nostris pro qualicunque, scilicet aut Ecclesiastica aut publica vtilitate vel opportunitate à nobis directis, nostri honoris causa honorem exhibeatis, & propter nostræ auctoritatis venerationē, ea quæ per illos iniungimus, agere non neglegatis.

*De hoc, quod vnusquisque Episcoporum vel
comitum partem ministerij regalis habeat,
& testimonio ipsorum adinuicem.*

XII. Et quoniam, sicut diximus, vnusquisque vestrum partem ministerij nostri per partes habere dinoscitur, volumus studere & per clamatores, & per alia quælibet certa indicia, & per missos nostros, quos ad hoc ordinauerimus, qualiter vnusquisque ad hoc certare studuerit, & per commune testimoniū, id est, Episcoporum de comitibus, comitum de Episcopis comperire, qualiter scilicet comites iustitiam diligant & faciant, & quàm religiose Episcopi con-

uerfentur & prædicent: & ambotum relatu
de aliorum fideiū in fuis miniſteriis conſi-
ſtentium æquitate & pace atque concor-
dia cognoscere. Similiter etiā volumus, vt
omnes illis, & illi omnibus de cōmuni ſo-
cietate & ſtatu à nobis interrogati, verum
teſtimoniū ſibi mutuo perhibere poſſint.

*De cauſa orta ad inhonorationem regni
pertinente.*

XIII. Et ſi talis cauſa in qualibet prouincia,
aut in aliquo comitatu orta fuerit, quæ aut
ad inhonorationem regni, aut ad commu-
ne damnum pertineat, quæ etiam ſine no-
ſtra poteſtate corrigi non poſſit, nos diu
latere nō permittatis, qui omnia, Deo au-
xiliāte, corrigere debemus: quia quicquid
hactenus in his, quæ ad pacem & iuſtitiam
totius populi pertinent, & ad honorē regni
& communem vtilitatem, aut à nobis, aut
à vobis neglectum eſt, debemus Deo au-
xiliente certare, qualiter ab hinc noſtro &
veſtro ſtudio emendatum fiat.

De pace in itinere exercitali cuſtodienda.

XIII. De pace verò in exercitali itinere ſer-
uanda vſque ad matcham, hoc omnibus
notum fieri volumus, quòd quicunque
auctorem damni ſibi præterito anno in-
lati nominatim cognoscit, vt iuſtitiam de

illo quærat & accipiat.

*De denuntiatione, vt qui in hostem pergunt,
suos, qui in suo obsequio sunt,
vnusquisque cognoscat.*

xv. Deinceps tamen omnibus denuntiare volumus, vt cognoscat vnusquisque omnes, qui in suo obsequio in tali itinere pergunt, siue sui sint, siue alieni, vt ille de eorū factis rationem se sciat redditurū: & quicquid ipsi in pace violanda deliquerint, ad ipsius debet pluium pertinere: ea scilicet conditione, vt pacis violator primū iuxta facinoris qualitatem, siue coram nobis, siue coram misso nostro dignas pœnas persoluat: & senior, qui secum talem duxerit, quem aut constringere noluit, aut non potuit, vt nostram iussionem seruaret, & insuper in regno nostro prædas facere non timeret, pro illius negligentia, si antè cum de his non admonuerit, & postquam negligentia contemptoris ad eius notitiam peruenerit, eum corrigere, sicut decet neglexerit, honore suo priuetur, vt scilicet neuter illorum sine iusta vindicta remaneat.

*De inhonoratione Regis propter negligentiam eorum, qui legationes
malè recipiunt.*

xvi. De inhonoratione quoque regis & regni & mala fama in exteras nationes dispersa propter negligentiam eorum qui legationes ad nos directas in suis mansionibus aut malè recipiunt, aut constitutam à nobis expensam non tribuunt, aut paraureda dare nolunt, aut furto aliquid eis subripiunt, aut (quod perpeffimum est) apertas violentias, eos cædendo & res eorum diripiendo, in ipsis exercere non pertimescunt, hoc omnibus notum esse volumus, quòd quicunque ex his, qui honores nostros habent, abhinc negligentiam hanc emendare nō certauerit, & suos homines, qui eius vice hoc agere debent, vt id benè perficiāt, non instruxerit aut cōstrinxerit, vt vltèrius illud negligere non præsūmāt, & honorem nostrum, & regnum nobis cōmissum custodire contempserit, nec nostrū, nec regni nostri honorē vltèrius volumus vt habeat, sed volumus, vt vnusquisque fidelium nostrorum procuratores rerum suarum de his specialiter instruat, vt quandocunque & vndecūque legatio aduenerit, & aut literas aut missum viderint, honorificè illam in omni loco imperij nostri propter nostrum & totius regni honorem omnes suscipere valeant.

CAPITVL.

De locis in quibus legationes recipien- da sunt.

xvii. In illis verò locis, vbi modò via & mansionatici à genitore nostro, & à nobis per capitulare ordinati sunt, missos ad hoc specialiter constitutos, qui hoc iugiter pręuideant, habeant, vt omnia, quę ad easdem legationes suscipiendas pertinent, fideles nostri ad hoc constituti ad tempus pręparare studeant, vt non tunc sit necesse de longè quærere vel adducere, quando tempus est illa dare vel persoluere. In cæteris verò locis per totum imperium nostrum vnusquisque fidelium nostrorū, & per se & per ministros suos, sicut diximus, sedulam vigilantiam adhibeat.

De admonitione vnus moneta.

xviii. De moneta verò, vnde iam per tres annos & admonitionē fecimus, & tempus quando vna teneretur, & aliæ omnes cessarent, constituimus, hoc omnibus notum esse volumus, quoniā vt absque vlla excusatione citò possit emendari, spatiū vsque ad Missam sancti Martini dare decreuimus, vt vnusquisque comitum in suis ministeriis de hoc iussionem nostram tunc possit habere adimpletam, quatinus ab illa die non alia, sed illa sola per totum regnū nostrum

ab omnibus habeatur iuxta illam cōstitutionē, sicut in capitulis, quæ de hac re illis comitibus dedimus, in quorū ministeriis moneta percutitur, constitutum est: quia tunc volumus missos nostros huius rei gratia dirigere per singulos comitatus, qui diligenter inquirant, qualiter comites in hoc nostram iussionem adimplere certauerint: & quicumque neglegens inde inuētus fuerit, volumus vt ante nostram præsentiam, quam totius venire iubeatur: & rationem reddat, vtrum hoc, quod iussimus, facere noluerit, aut non potuerit. aut si aliqua re præpediente id facere non potuit, cur nobis ipsam impossibilitatem ad tēpus non annunciauit. Quia si ipse aut nō voluit, aut suæ neglegentiæ causa non potuit, nos talē inuenire volum⁹, qui hoc, quod iubemus, seruare velit & possit. Vt autem iussio nostra in hac rē citius impleatur, volumus, vt quicumque ab illa die alium denarium negotiandi causa protulerit, à comite & ministris eius auferatur ab eo.

De iniustis Tholoneis.

xix. Similiter quoque de iniustis Tholoneis, de quib⁹ qualiter ab omnibus obseruandū esset, & capitulis cōstituimus, & creberrimas admonitiones fecimus, prædi-

eti missis nostri volumus vt inquisitionem faciant, à quibus nostra iussio in hoc adimplata, à quibus quoque sit neglecta, & eum qui implere neglexit aut distulit, ad nostrā volumus vt veniat iussus præsentiam: vt citò rationem de his, sicut superius diximus, reddat. & si culpabilis inuentus fuerit, dignam correctionem accipiat, vt cæteris negligentibus exemplum terroris præbeat.

*De pontibus, vbi antiquitus fuerunt,
renouandis.*

xx. Vt vbi pontes antiquitus fuerunt, & in his locis, vbi tempore genitoris nostri ipso iubente diuersarum necessitatum causa facti, omnino absque vlla dilatione ab his, qui eos tunc fecerunt, restituantur & renouentur, ita vt ad Missam sancti Andreae restaurati fiant: nisi fortè aut ipsa operis magnitudo, aut aquarum in quolibet inundatio hoc prohibeat. Aliter verò nullus quolibet occasione hoc neglegere, aut differre præsumat, quin ad prædictum tempus cōpletum fiat: & missi nostri, quorū superius mentionē fecimus, volumus vt renuntiēt, in quibus locis nostra iussio impleta, in quibus neglecta est: aut aliqua impossibilitate, vel certa ratione dilata,

De nonis & decimis.

xxi. De nonis quidem & decimis, vnde & genitor noster, & nos frequenter, & in diuersis placitis admonitionem fecimus, & per capitularia nostra qualiter hæc obseruentur ordinauimus, volumus atque iubemus, vt de omni conlaborato, & de vino, & fœno fideliter & pleniter ab omnibus nona & décima persoluatur. De nutrimine verò pro decima, sicut hætenus consuetudo fuit, ab omnibus obseruetur. Si quis tamen Episcoporum fuerit, qui argētum pro hoc accipere velit, in sua maneat potestate, iuxta quod ei & illi, qui hoc persolvere debet, conuenerit.

De operibus in restorationem ecclesiarum adimplendis.

xxii. Similiter quidem de operibus in restorationem ecclesiarum, siue in faciendo siue in redimendo, Episcopalis potius sequatur voluntas. Nullatenus tamen remaneat, quin sicut à nobis sæpe iussum est, hoc aut illud partibus ecclesiarum persoluatur. Et hoc omnibus notum sit, quia quicumque neglegenter exinde egerit, & corā nobis exinde neglegens repertus fuerit, illud volumus omnino vt subeat, quod in nostro capitulari de hac re communi consul-

tu fidelium nostrorum ordinauimus.

De comitibus, vt ministris Ecclesiæ in suis ministeriis adiutores sint.

XXIII. Comites verò ministris Ecclesiæ in eorum ministeriis, vt hoc plenius & de nostris & de se & de suis hominibus obtinere possint, adiutores in omnibus fiant, & quicumque prima & secunda vice de his à comitæ admonitus non se correxerit, volumus vt per eundem comitem eius negligentia ad nostram notitiam perferatur, vt nostra auctoritate, quod in nostro capitulari continet, subire cogatur.

De capitulis à Cancellario palatij ab Archiepiscopis & comitibus accipiendis.

XXIII. Volumus etiam, vt capitula, quæ nunc & alio tempore consultu fidelium nostrorum à nobis constituta sunt, à Cancellario nostro Archiepiscopi, & comites eorum de propriis ciuitatibus modo aut per se aut per suos missos accipiāt, & vnusquisque per suam diocesim cæteris Episcopis, abbatibus, comitibus & aliis fidelibus nostris ea transcribi faciant, & in suis comitatibus coram omnibus relegant, vt cunctis nostra ordinatio & voluntas nota fieri possit. Cancellarius tamen noster nomina Episcoporum & comitum, qui ea accipe-

re curauerint, notet: & ea ad nostram notitiam perferat, vt nullus hoc prætermittere præsumat. Vassi quoque & vassalli nostri nobis famulantes, volumus, vt condignum apud omnes habeant honorem, sicut à genitore nostro, & à nobis sæpe admonitum est.

De nominibus locorum in quibus missi Domini legatione funguntur.

xxv. In Vefontio, quæ est diocesis Bernoini Archiepiscopi, Heiminus Episcopus, & Monogoldus comes. In Mogontia, quæ est diocesis Heistulfi Archiepiscopi, idem Heistulfus Episcop. & Rhuotbertus comes. In Treueris Hetti Archiepiscopus, & Adalbertus comes. In Colonia Hadaboldus Archiepiscopus & Eemundus comes. In Remis Ebo Archiepiscopus quâdo potuerit, & quando ei non licuerit, Rhuothadus Episcopus eius vice & Rhuofridus comes sint super sex videlicet comitatus, id est, Remos, Cathalaunem, Sueffionē, Syluanectem, Beluacum, & Laudunum. super quatuor verò Episcopatus, qui ad eandem diocesim pertinent, id est, Nouiomaensem, Ambianensem, Teruanensem, & Cameranensem Rangarius Episcopus, & Berengarius comes. Senones Hieremias

Archiepiscopus, & Donatus comes. Rothomagus Vvillebertus Archiepiscopus, & Ingobertus comes. Turonem Lâdramnus Archiepiscopus, & Rhuotbertus comes. Lugdunum, Tarétasia, & Vienna, Albericus Episcopus, & Richardus comes.

De commemoratione ad legationem prædictorum missorum pertinente.

xxvi. Commemoratio, quid ad prædictorum missorum legationem pertineat. Primò, vt conuentum in duobus aut tribus locis congregent, vbi omnes ad eorum legationem pertinentes conuenire possint: & omnibus generaliter notum faciât, qualis sit eorum legatio. Scilicet ad hoc esse se à nobis missos constitutos, vt si quilibet Episcopus aut comes ministerium suum propter quodlibet impedimentum implere non possit, ad eos recurrat: & cum eorum adiutorio ministeriũ suum adimpleat. Et si talis causa fuerit, quæ per eorum admonitionem emendari non possit, per eos ad nostram notitiam deferatur. Et si fortè Episcopus aut comes aliquid negligentius in suo ministerio egerit, per istorum admonitionẽ corrigatur, & omnis populus sciat adhuc eos esse constitutos, vt quicumque per negligentiam aut incuriam vel impos-

sibilitatem comitis, iustitiam suam adquire non potuerit, ad eos primùm querelam suam possit deferre, & per eorum auxilium iustitiam adquirere. Et quando aliquis ad nos necessitatis causa reclamauerit, ad eos possimus relatorum querelas ad definiendum remittere. Ipsi verò missi non sine certissima causa vel necessitate huc illucque discurrant, nisi fortè quando tale aliquid in cuiuslibet ministerio ad legationem suam pertinente ortum esse cognouerint, quod eorum præsentia indigeat, & sine illorum consilio vel adiutorio emendari non possit. Inde tamen debent esse solliciti, ut propter illorum negligentiam nihil in sua legatione incorrectum remaneat. Sed ubi certam & veram necessitatem cognouerint, nostram iussionem adimplere non neglegant.

De hoc, quòd permissos dominicos ea, quæ per capitula statuta sunt, omnibus nota fieri debeant.

xxvii. Volumus etiam, ut omnibus notum sit, qui ad hoc constituti sunt, ut ea, quæ per capitula nostra generaliter de quibuscunque causis statuimus, per illos nota fiant omnibus: & in eorum procuracione consistant, ut ab omnibus adimpleantur. Et ubi fortè

aliquo tali impedimento, quod per eos emendari non possit, aliquid de his, quæ constituimus ac iussimus, remanserit imperfectum, eorum relatu nobis ad tempus indicetur, vt per nos corrigatur quod per eos corrigi non potuit.

De admonitio ad eos, qui legatione funguntur.

xxviii. Nosse vos credimus, quanti sit ponderis legatio, quam vobis commisimus: & quàm sit periculosum tantæ rei curam negligere, quantam vos pro nostra omnium cõmuni salute ex nostra obligatione suscepisse non ignoratis. De qua re cùm vos interrogassemus, nõ sic nobis responsum est, vt in eo responso sufficere potuisset ad eam dispositionem, quam rerum necessitas ad communem vtilitatẽ pertinentium poscere videbatur: vel qua nobis aliquod securitatis solatium afferre potuisset. Et hoc ideo euenisse perspeximus, quia anno præterito, quãdo capitula legationis vestrę vobis dedimus, cautẽ vos obseruare iussimus, ne sine causa his, quos honoratos esse volumus, aliqua fieret iniuria. Quapropter volumus vobis notũ facere, qualiter nunc Domino adiuuante eandem iussionẽ nostram debeatis adimplere. Volumus vt

missi nostri (quos ad hoc constitutos habemus, curam & sollicitudinem habeant, quatinus vnusquisque, qui rector à nobis populi nostri constitutus est, in suo ordine officium sibi commissum iustè ac Deo placitè ad honorem nostrum ac populi nostri vtilitatem administret.) in hunc modum cognoscendi diligentiam adhibeant, si ea, quæ in capitulari nostro, quod eis anno præterito dedimus, continentur, secūdum voluntatem Dei ac iussione[m] nostram fiāt adimpleta. Itaque volumus, vt medio mēse Maio conueniant iidem missi vnusquisque in sua legatione cum omnibus Episcopis, abbatibus, comitibus, ac vassis nostris, aduocatis nostris, ac vicedominis, abbatissarum, necnō & eorum, qui propter aliquā inuitabilem necessitatem ipsi venire non possunt, ad locum vnum. Et si necesse fuerit propter opportunitatem conueniendi, in duobus vel trib⁹ locis, vel maximè propter pauperes populi, idē conuētus habeatur, qui omnibus cōgruat: & habeat vnusquisque communes vicarios & cētenarios suos secū, necnō & de primis scabineis suis tres aut quatuor. Et in eo conuentu primū christianę religionis & ecclesiastici ordinis collatio fiat. deinde inquirāt missi nostri ab

vniversis, qualiter vnusquisque illorum, qui ad hoc à nobis constituti sunt, officium sibi commissum secundum Dei voluntatem ac iussionem nostram administret in populo, & quā concordēs atque vnanimēs ad hoc sint, vel qualiter vicissim sibi auxilium ferant ad ministeria sua peragenda. Et tam diligenter ac studiosè hanc inuestigationem faciāt, vt omnem rei veritatem per eos cognoscere valeamus. Et si aliqua talis causa ad eorum notitiam perlata fuerit, quæ illorum auxilio indigeat, secundum qualitates causarum, quæ in nostro capitulari continentur, tūc volumus, vt illuc pergant, & ex nostra auctoritate illud corrigere studeant.

De rebus ad venerabiles locos pertinentibus non alienandis.

xxix. Nulla sub Romana ditione constituta ecclesia, vel Xenodochium, vel Ptochotrophium, vel Nosochomium, vel Orphanotrophium, vel Gerontocomium, vel Brephotrophium, vel monasterium tam monachorum quàm sanctimonialium Archimandritam habens, vel Archimandritissam, contra hæc agere præsumat. Ergo his omnibus nō liceat alienare rem immobilem, siue domum, siue agrum, siue hortū, siue

siue rusticum mancipium, vel panes ciuiles neque creditoribus specialis hypothecę titulo obligare. Alienationis autem verbum contineat venditionem, donationem, permutationem, & Emphitheoseos perpetuū contractum: sed omnes omnino sacerdotes huiusmodi alienatione abstineant, poenas timētes quas Leoniana cōstitutio minatur, id est, vt is quidem, qui comparauerit, rem loco venerabili reddat, cuius & antea fuerat, scilicet cum fructibus aliisque emolumentis, quę in medio tempore facta sunt, œconomum autem ecclesię pręstare omne lucrum, quod ex huiusmodi prohibita alienatione senserit, vel ecclesiam dāno affecerit, ita vt in posterum œconomus non sit. Non solum autem ipse, sed etiam successores eius hac lege teneantur, siue ipse Archiœconomus alienauerit, siue respiciens alienantē Episcopum non prohibuerit: multo magis si consenserit. Tabellionem autem, qui talia interdicta instrumenta conscripsit, perpetuo exilio tradi oportet. Magistratus autem, qui eadem instrumenta admiserunt, & ad officiales copiam dederunt, vt & monumentis intimentur donationes, vel cęterę alienationes actis interuenientibus confirmantur, non so-

lum magistratu, sed etiam dignitate & facultatibus suis cedant. Remittit autem constitutio ea, quæ in præterito tempore acta sunt. Excepit autem quosdam contractus, quos in sequentibus exponit capitulis, per quos & ecclesiarum immobiles res alienari possunt. Xenodochium, id est, locus venerabilis in quo peregrini suscipiuntur. Prochotrophium, id est, locus venerabilis in quo pauperes & infirmi homines pascuntur. Nosocomium, id est, locus venerabilis in quo ægroti homines curantur. Orphanotrophium, id est, locus venerabilis in quo parentibus orbatipueri pascuntur. Gerontocomium, id est, locus venerabilis in quo pauperes & propter senectutem solam infirmi homines curantur. Brephotrophium, id est, locus venerabilis in quo infantes aluntur.

*De hoc quomodo liceat ad imperatorem
res sancti loci transferri.*

xxx. Si princeps voluerit rem immobilem secundo loco præstare, & accipere ab eo aliam immobilem rem, & eo modo permutationem contrahere, liceat hoc facere diuina pragmatica sanctione ab eo promulgata.

Orphanis exhereditatis subueniendum.

xxxI. Propter istius itaque pacis concordiam conseruandam, placuit nobis de Orphanis & pauperibus, qui debitè vel indebite dicuntur amisisse hæreditatem paterni vel materni iuris ad se legibus pertinentē, si alicubi inuēti fuerint, quos patres vel matres propter traditiones illorū exhæredes fecerunt aliorū scilicet suasionibus aut petitionibus vel aliquo ingenio, omnino volumus atque decreuimus emendari, quantum ad nos vel ad nostram pertinet potestatem iuxta voluntatē Dei & vestram sanctam admonitionem & considerationem: vt si fortè extra officium nostrum alicubi inuentum fuerit, admonere vestram clementiam audeamus, vt emendetur.

De rebus pauperum minus potentum mala occasione non emendis.

xxxII. Propter prouisiones pauperum, pro quibus curam habere debemus, placuit nobis, vt nec Episcopi, nec abbates, nec comites, nec vicarij, nec iudices, nullusque omnino sub mala occasione vel malo ingenio res pauperum vel minus potentum nec emere, nec vi tollere audeat, sed quisquis exis aliquid comparare voluerit, in publico placito coram idoneis testibus, & cum ratione hoc faciat. Vbicunque autem

aliter inuētum fuerit factum, hoc omnino emendetur per iussionem nostram.

Qualiter iustitiæ fiant pauperibus.

xxxiii. De causis viduarum, pupillorum, orphanorum, vel reliquorum pauperum, vt in primo conuentu ante medium diem illorum ratio vel querela audiatur & definiatur: & post mediam diem causa regia, & ecclesiarum, vel potentum hominum: quia ipsi pauperes non habent facultatem, vnde substētare se possint, donec ad eorum perueniatur iustitiam: & ideo tantos clamores faciunt ad aures nostras.

De illis hominibus, qui iniustas querelas habent.

xxxiiii. De illis hominibus, qui iniustè super alios homines querelas faciunt, de quibus volumus, si inuentus fuerit aliquis, qui non habeat iustitiā causandi vel reclamandi, & reuictus fuerit, propter illam calumniam, quam fecit, secū dum legem & æqualem iustitiam reddat.

De festiuitatibus anni.

xxxv. Festos dies in anno celebrare sanximus, hoc est, diem dominicū Paschæ cum omni honore & sobrietate venerari, simili modo totam hebdomadā illam obseruare decreuimus. Diem ascensionis Domini ple-

niter celebrare. In Pentecoste similiter vt in Pascha. In natali Apostolorum Petri & Pauli diem vnum, natiuitatem sancti Ioannis Baptistæ, assumptionem sanctæ Mariæ, dedicationem sancti Michaëlis, natalem sancti Remigij, sancti Martini, sancti Andree. In natali Domini dies IIII. Octauas Domini, Epiphaniâ Domini, purificationem sanctæ Mariæ, & illas festiuitates martyrum, vel confessorum obseruare decreuimus, quorum in vnaquaque parochia sancta corpora requiescunt.

*De antiquis ecclesiis, vt honorem
suum habeant.*

xxxvi. Ecclesię antiquitus constitutæ nec decimis, nec aliis possessionibus priuentur, ita, vt nouis oratoriis tribuantur.

De hoc, vt sacerdotes inreprehensibiles sint.

xxxvii. Vt iuxta Apostoli vocem sacerdotes inreprehensibiles sint, & moribus ornati, & nequaquam turpibus lucris deseruiât, iuxta illud quod ait scriptura, Nemo militans Deo implicat se negotiis secularibus, vt ei placeat cui se probauit. Et à turpibus lucris, & vsuris non solum ipsi abstineant, verum etiam plebes sibi subditas abstinere instruant.

CAPITVL.

De hoc, vt ab incestuosis, & ab his qui decimas non dant, & à presbyteris negligenter viuentibus vuidij non dentur, nec accipiantur.

xxxviii. Dictum est nobis, quòd in quibusdam locis Episcopi & comites ab incestuosis, & ab his qui decimas non dant vuidios accipiant, & à presbyteris pro quibusdam negligentiis, & inter se pecuniam diuidant: quod penitus abolendum decreuimus, ne fortè auaritiæ locus detur; & constituimus, vt incestuosi iuxta canonicam sententiam pœnitentia multentur. Qui verò decimas post crebras admonitiones & prædicationes sacerdotum dare neglexerint, excommunicentur. Iuramento verò eos cõstringi nolumus propter periculum periurij.

De spiritalibus filiis.

xxxix. Deinde præcipimus, vt vnusquisque compater, vel proximi spiritales filios suos catholicè instruant.

De discretione in corporis & sanguinis dominici perceptione.

xl. In perceptione corporis & sanguinis Dominici magna discretio adhibenda est. Cauendum est enim, ne si nimium in longum differatur, ad perniciem animæ perti-

neat dicente Domino. Nisi mādūcaueritis carnem filij hominis, & sanguinem eius biberitis, non habebitis vitam in vobis. Si verò indiscretè accipiatur, timendum est, illud quod ait Apostolus: Qui manducat & bibit indignè, iudicium sibi manducat & bibit. Iuxta eiusdem ergo Apostoli documentum probare se debet homo, & sic de pane illo manducare, & de calice bibere, vt videlicet abstinens aliquot diebus ab operibus carnis, & purificans corpus, animamque suam, præparet se ad percipiendum tantum sacramentum exemplo Dauid, qui nisi se confessus fuisset abstinuisse ab opere cōiungali ab heri & nudius tertius, nequaquam panes propositionis à sacerdote accepisset.

*De hominibus diuersarum conditionum, &
de his qui eis prælati sunt.*

XLI. Quia ergo constat in ecclesia diuersarum conditionum homines esse, vt sint nobiles & ignobiles, serui, coloni, inquillini, & cætera huiuscemodi nomina, oportet, vt quicumque eis prælati sunt, clerici siue laici, clementer erga eos agant, & misericorditer eos tractent, siue in exigendis ab eis operibus, siue in accipiendis tributis & quibusdam debitis. Sciantque eos fratres

suos esse, & vnum secum patrem habere Deum, cui clamant: Pater noster qui es in cœlis: & vnam matrem sanctam ecclesiam, quæ eos intemerato sacri fontis vtero gignit. Disciplina igitur eis misericordissima, & gubernatio opportuna adhibenda est: disciplina ne indisciplinatè viuendo auctorem suum offendant: gubernatio, ne in cotidianis vitæ com meatibus prælatorum adminiculo destituti fatecant.

De fœminis & abbatissis, quales sint, quæ monasteriis puellaribus præferri debent.

XLII. Monasteriis sanè puellaribus tales præferri debent fœminæ, & abbatissæ credi, quæ & se & subditum gregem cum magna religione & sanctitate custodire nouerint: & his, quibus præsumt, prodesse non desinant. Sed & se & illas ita obseruent, utpote vasa sancta in ministerio domini præparata. Tales enim se debent exhibere subditis in habitu, in veste, & in omni conuictu, ut eis ad cœlestia regna pergentibus ducatum præbeant. Sciant etiam se pro his, quas in regimine acceperunt, in conspectu Domini rationem reddituras.

De incestuosos, & homicidas sacerdotum admonitionibus aurem nolentibus accommodare.

XLIII. Incestuosi, parricide, homicide mul-

ti apud nos, heu, pro dolor, reperiuntur, sed aliqui ex illis sacerdotum nolunt admonitionibus aurem accommodare, volentes in pristinis perdurare criminibus, quos oportet per secularis potentiae disciplinam à tam praua cōsuetudine coërcere, qui per salutifera sacerdotum monita noluerē reuocari. Quorum aliquos iam excommunicauimus, sed illi hoc paruipendentes in iisdem perdurarunt criminibus. Quamobrem vestra docernat mansuetudo, quid de talibus deinceps agendum est.

De dominis subditorum admonendis.

XLIII. Admonendi sunt domini subditorū, vt circa suos piē & misericorditer agāt: nec eos qualibet iniusta occasione condēnēt, nec vi opprimāt, nec illorum substantiolas iniuste tollant: nec ipsa debita, quæ à subditis reddenda sunt, impie ac crudeliter exigantur.

De corporis domini & sanguinis communicatione laicorum.

XLV. Vt si non frequentius, vel ter laici homines in anno communicent, nisi forte quis maioribus quibuscumque criminibus impediatur.

*De eruditione filiorum à parentibus,
& patrinis.*

XLVI. Vt parentes filios suos, & patrini eos, quos de fonte lauacri suscipiunt, erudire summopere studeant. Illi quia eos genuere, & eis à domino dati sunt: isti verò, quia pro eis fide iussores existunt.

De sepultura.

XLVII. Vt de sepeliendis in basilicis mortuis illa cōstitutio seruetur, quę ab antiquis patribus constituta est.

EXPLICIT LIBER SECVNDVS.



INCIPIT PRÆFATIO

LIBRI TERTII.

SUPERIVS in duobus capitula Ecclesiastica præfatorum principum domni Karoli Imperatoris & domni ac gloriosissimi Ludouici Augusti, necnon & Lotharij Cæsaris descripsi libellis. Nunc autem illa ad mundanæ augmentum legis pertinentia, quæ domnus Karolus Imper. edidit, in hoc tertio adunavi libello.

CAPITVLA.

- | | |
|-------|---|
| I. | De pace conseruenda. |
| II. | De iustitiis generalibus. |
| III. | De iustitiis regalibus. |
| IIII. | De armis non portandis. |
| V. | De armatura in hostem habenda. |
| VI. | De negotiatoribus quo ad vsque procedant. |
| VII. | De clamatoribus vel causidicis. |
| VIII. | De iuramento. |

C A P I T.

- IX. De conspirationibus.
- X. De periurijs.
- XI. De aduocatis, vicedominis, vicarijs,
& centenariis.
- XII. De tholoneis.
- XIII. T A De falsis monetis.
- XIIII. De heribanno.
- XV. De censu regali.
- XVI. De liberis hominibus uxores fiscali-
nas habentibus.
- XVII. De cura missorum dominicorum.
- XVIII. De æqualitate à missis dominicis fa-
cienda.
- XIX. De his, qui beneficia habent regalia.
- XX. De his, qui fraudem faciunt in rega-
libus beneficiis.
- XXI. De his, qui propter propriam iustitiā
dilatandam fugant.
- XXII. De armis ad placitū non portandis.
- XXIII. De latronibus.
- XXIIII. De animalibus, vel aliis rebus, à qui-
bus emuntur.
- XXV. De homicidiis clericorum.
- XXVI. De immunitate, si aliquod damnum
ibi factum fuerit.
- XXVII. De eo, qui alium in iudicio iniuste
contra aliquem altercantem ad-
iuuare præsumpserit.

- XXVIII. De homine, qui per chartam libertatem consequutus est.
- XXIX. De homine libero, qui se loco vundij tradidit.
- XXX. De debitis regalibus, qualiter solui debeant.
- XXXI. De eo, qui causam iudicatam repetere præsumit.
- XXXII. De eo, qui in testimonium assumitur, qualis esse debeat.
- XXXIII. De scabineis, aduocatis, notarijs à missis Dominicis eligendis.
- XXXIIII. De illis, qui legē seruare cōtemnunt.
- XXXV. De heribannatoris coniecto.
- XXXVI. De colonis, & de fiscalinis.
- XXXVII. De homine in iudicium non mittendo sine causa.
- XXXVIII. De causa ebrij hominis, & de eius testimonio, & de placitis comitū.
- XXXVIX. De missis Dominicis, vel ceteris hominibus discurrentibus.
- XL. De illis, qui ad placitum banniri debeant.
- XLI. De falsis testibus.
- XLII. De non iurando per vitam Regis.
- XLIII. De eo, qui per chartam ingenuus est, si ad seruitiū interpellatus fuerit.
- XLIIII. De seruo, qui damnum quodlibet

CAPITVL.

perpetrat.

- XLV. De manitione secundum legem ad
mallum.
- XLVI. De aēctore rei.
- XLVII. De hominibus ad mortem diiudica-
tis, & postea eis vita concessa, si
iustitiam quasierint.
- XLVIII. De homine, cui post iudicium vita
concessa est, si iustitiam reddere
noluerit.
- XLIX. De latrone forbannito à libero ho-
mine suscepto.
- L. De comite latronem in forbanum
mittente.
- LI. De liberis hominibus, qui ad malū
venire cogendi sint.
- LII. De testibus ad testimonium dicen-
dum qualiter adhibeantur.
- LIII. De iustitia cuiuslibet à nullo quoli-
bet dilatanda.
- LIIII. De non cogendo ad pontem ire cau-
sa tholonei.
- LV. De hoc, si presbyter sanctum chris-
ma dederit ad iudicium subuer-
tendum.
- LVI. De iudicibus, aduocatis, prepositis,
& reliquis ministris, quales sint.
- LVII. De malo publico.

- LVIII. De sacramētis ad palatiū adrhemitis
LVIX. De impedimento clamatorum.
DX. De fugitiuis contra præceptum Do-
minicum occultatis.
LXI. De nimium blasphemis latronibus.
LXII. De pace infra patriam.
LXIII. De iunioribus in populo vulgari di-
stringendis.
LXIIII. De hoc, si super missum Dominicū
cū collecta et armis quis venerit.
LXV. De eo, qui domum alienam cuiusli-
bet infringit.
LXVI. De messibus, vel annonis in hoste
raptis, vel furatis.
LXVII. De libero homine in hostē bannito.
LXVIII. De heribanno exactando.
LXIX. De his, qui regales habent honores,
& in hostem banniti ad condi-
ctum placitum non venerint.
LXX. De his, qui sine licentia de hoste re-
uertuntur.
LXXI. De his, qui beneficia principum ha-
bent.
LXXII. De non cogendo bibere in hoste.
LXXIII. De vasis adhuc in palatio seruienti-
bus, & tamē beneficia habētibus.
LXXIIII. De præparatione ad hostem secun-
dum antiquam consuetudinem.

CAPITVL. LIB. III.

- LXXV. De hoc, ut nō nisi permissione regali
brunia vel gladius homini ex-
traneo à quolibet detur aut ven-
datur.
- LXXVI. De causarum & litium terminis.
- LXXVII. De Episcopis, comitibus, et potēti-
oribus, si causā inter se habuerint.
- LXXVIII. De testibus ad rem quamlibet discu-
tiendam eligendis.
- LXXIX. De placito centenarij.
- LXXX. De inquisitione & descriptione v-
niuscuiusq; missi in suo missatico.
- LXXXI. De beneficiis, qualiter cōdrieta sint.
- LXXXII. De beneficiis Episcoporum, abbatū,
& reliquorum: & de fiscis re-
galibus describendis.
- LXXXIII. De legationibus propter iustitias,
quo tempore exercentur.
- LXXXIII. De iussione Dominica in quolibet
missatico non adimpleta.
- LXXXV. De censu regali inquirendo.
- LXXXVI. De rebus, de quibus cēsus ad partem
regis exire solebat.
- LXXXVII. De placitis à missis Dominicis co-
mitibus notum faciendis.
- LXXXVIII. De fidelitate regis promittenda.
- LXXXIX. De pace in hoste vel infra patriam.

INCIPIT



INCIPIT LIBER.

TERTIVS.

De pace conseruanda.



E pace admonemus, vt omnes, qui per aliqua scelera ei rebelles sunt, constringantur.

De iusticijs generalibus.

II. De iusticijs Ecclesiarum

Dei, viduarum, orphanorum, & pupillorum præcipimus, vt in publicis iudicijs nõ despiciantur clamantes, sed diligenter audiantur.

De iusticijs regalibus.

III. De iusticijs regalibus, vt pleniter fiant inquisitæ.

De armis non portandis.

IIII. De armis infra patriam non portandis, id est, scutis & lanceis & loricis, si faidosus quis sit, discutiatur tunc, quis è duobus contrarius sit, vt pacati fiant: & distringantur ad pacem, etiam si noluerint. Et si aliter se pa-

cificare nolunt, adducantur in nostrā præsentiā. Et si aliquis post pacificationem alterum occiderit, componat illum, & manum, quam periurauit, perdat, & insuper bannum Dominicum soluat.

• *De armatura in hostem habenda.*

v. De armatura in exercitu, sicut iā antea in alio capitulari commendauimus, ita seruetur: & insuper omnis homo de duodecim māsīs bruniam habeat. Qui verò bruniam habens eam secum non tulerit, omne beneficium cum brunia pariter perdat.

De negotiatoribus quo ad vsque procedant.

vi. De negotiatoribus, qui partibus Sclauorum & Hauarorum pergunt, quousque procedere cū suis negociis debeant, id est, partibus Saxonie vsque ad Barden Vvih, & ad Magadoburg, & Aderpesfurd, & Adhalax stat & ad Foracheim, & ad Breem-berg, & ad Raginisburg, & ad Lauriacū: & vt arma & brunias non ducant ad venundandum. Quod si inuenti fuerint portātes, omnis substantia eorum auferatur ab eis. Dimidia quidem pars partibus palatij: alia verò medietas inter iam dictos missos, & inuentorem diuidatur.

De clamatoribus, vel clausidicis.

vii. De clamatoribus vel clausidicis, qui

nec iudicio scabineorum adquiescere, nec blasphemare volunt, antiqua consuetudo feruetur, id est, vt in custodia recludantur donec vnū è duobus faciāt. Et si ad palatiū pro hac re clamauerint, & literas detulerint, non quidem eis credatur, nec tamē in carcere ponatur, sed cum custodia, & cum ipsis literis pariter ad palatiū nostrū remittantur, vt ibi discutiantur sicut dignū est.

De iuramento.

VIII. De iuramēto, vt nulli alteri per sacramētum fidelitas promittatur nisi nobis, & vnicuique proprio seniori ad nostram vtilitatem, & sui senioris, exceptis his sacramentis, quæ iustè secundum legem alteri ab altero debentur. Et infantes, qui antea non potuerūt propter iuuenilē ætatem iurare, modo fidelitatem repromittant.

De conspirationibus.

IX. De conspirationibus verò, quicunque facere præsumpserint, & sacramento quācunque cōspirationem firmauerint, vt triplici ratione iudicentur. Primò, vt vbicunque aliquod malū per hoc perpetratū fuit, auctores facti interficiantur: adiutores verò corū singulis alter ab altero flagellētur, & nares sibi inuicem præcidant. Vbi verò nihil mali perpetratū est, similiter quidem

inter se flagellentur, & capillos sibi vicissim detundant. Si verò per dextras aliqua conspiratio firmata fuerit, si liberi sunt, aut iurèt cum idoneis iurătoribus hoc pro malo non fecisse, aut si facere non potuerint, suā legem componant. Si verò serui sunt, flagellentur. Et vt de cætero in regno nostro nulla huiusmodi conspiratio, nec per sacramentum nec sine sacramento fiat.

De periuriis.

x. De periuriis vt caueantur, & nō admittantur testes ad iuramētum antequam discutiātur. Et si aliter discuti non possint, separentur ab inuicem, & singulariter inquirantur. Et non soli accusatori liceat testes eligere absente suo causatore: & omnino nullus nisi ieiunus ad iuramentum, vel ad testimoniū admittatur. Si verò aliquis refutatur, dicat ille, qui eum refutat, & probet quare illum recipere nolit. Et de ipso pago, aut de vicinis centenariis eligantur, nisi fortè lōgius extra comitatum causa sit inquirenda. Et si quis conuictus fuerit periurij, perdat manum, aut redimat.

De aduocatis, vicedominis, vicariis,

& centenariis.

xi. De aduocatis, vicedominis, vicariis, & centenariis prauis, vt tollantur: & tales

eligantur, quales & sciant & velint iuste causas discernere & terminare. Et si comes prauus inuentus fuerit, nobis nuncietur.

De tholoneis.

XII. De tholoneis placet nobis, vt antiqua & iusta tholonea à negotiatoribus exigantur, tam de pōtibus, quamque de nauigiis, seu mercatis. Noua verò seu iniusta, vbi vel funes tenduntur, vel cum nauibus sub pōtibus transitur, seu his similia, in quibus nullum adiutorium itineratibus præstatur, vt non exigantur. Similiter etiā nec de his, qui sine negotiandi causa substantiam suam de vna domo sua ad aliā, aut ad palatium, aut in exercitum ducunt, tholoneum nullatenus ab eis exigatur.

< Si quid verò fuerit, vnde dubitetur, ad proximum placitum nostrum, quod cum ipsis missis habituri sumus interrogetur. >

De falsis monetis.

XIII. De falsis monetis, quia in multis locis contra iustitiam & contra edictū fiunt, volumus, vt in nullo alio loco moneta sit, nisi in palatio nostro: nisi fortè iterum à nobis aliter fuerit ordinatum.

< Illi tamen denarij, qui modo monetati sunt, si pensentes & meri fuerint, habeantur. >

CAPITVL.

De heribanno.

XIII. De heribanno volumus, vt missi nostri fideliter exactare debeant absque vilius personæ gratia vel blanditia seu terrore secundum iussionem nostram, id est, vt de homine habente libras VI. in auro, argento, brunis, æramento, pannis integris, caballis, bobus, ouibus, vaccis vel alio peculio: ita vt vxores eorum vel infantes non fiant despoliatî pro hac re, sed de eorum vestimentis accipiant legitimum heribannum, id est, librum III. Qui verò non habuerit amplius in suprascripto precio valente nisi libras III. solidi. xxx. ab eo exigantur, id est, libra & dimidia. Qui autem non habuerit amplius nisi duas libras, solidos x. exoluat. Si verò vnam habuerit, solid. v. ita vt iterum se valeat præparare ad Dei seruitium, & ad nostram vtilitatem. Et nostri missi caueant & diligenter inquirant, ne per aliquod malum ingenium subtrahant nostram iustitiam alteri tradendo aut commendando.

De censu regali.

xv. Censu regalis, vndecunque legitimè exigebatur, volumus, vt inde persoluatur, siue de propria persona hominis, siue de rebus.

*De liberis hominibus uxores fiscalinas
habentibus.*

xvi. De liberis hominibus, qui uxores fiscalinas regias : & de fœminis liberis , qui homines similiter fiscalinos regios accipiunt, vt nec de hæreditate parentum, vel de causa sua quærenda, nec de testimonio pro hac re abiuciantur, sed talis etiam nobis in hac causa honor seruetur, qualis & antecessoribus nostris regibus vel Imperatoribus seruatus esse cognoscitur.

De cura missorum Dominicorum.

xvii. Vnusquisque in suo missatico maximam habeat curam ad præuidendum, & ordinandum ac disponendum secundum voluntatem Dei, & secundum iussionem nostram.

De æqualitate à missis Dominicis facienda.

xviii. Volumus, vt æqualiter missi nostri faciant de singulis causis, siue de heribanno, siue de aduenis, siue de cæteris quibuslibet causis. De aduenis volumus iam diu coniugatis per singula loca, vt ibi maneant : & sine causa, & sine aliqua culpa non fiant eiecti. Fugitiui verò serui, & latrones redeant ad propria loca.

De his qui beneficia habent regalia.

xix. Auditum habemus qualiter & cc-

mites & alij homines, qui nostra beneficia habere videntur, comparant sibi proprietates de ipso nostro beneficio, & faciunt seruire ad ipsas proprietates seruientes nostros de eorum beneficio: & curtes nostræ remanent desertæ: & in aliquibus locis ipsi vicinantes multa mala patiuntur.

De his, qui fraudem faciunt in regalibus beneficiis.

xx. Audiuius, quòd aliqui reddant beneficium nostrum ad alios homines in proprietatem, & in ipso placito dato precio comparant ipsas res iterum sibi in alodem: quod omnino cauendum est, quia qui hoc faciunt, non benè custodiunt fidem, quam nobis promissam habent. Et ne forte in aliqua infidelitate inueniantur, qui hoc faciunt, per eorum voluntatem ad aures nostras talia opera illorum non perueniunt.

De his, qui propter propriam iusticiam dilatandam fugant.

xxi. Sunt & alij, qui iustitiam legibus recipere debent, & in tantum fiunt in quibusdam locis fatigati vsque dum illorum iustitiam per fideiussorum manus tradant: ita vt aliquid vel paruum possint habere, & fortiores suscipiant maiorem portionem.

De armis ad placitum non portandis.

XXII. Vt nullus ad mallum, vel ad placitum infra patriam arma, id est, scutum & lanceā portet.

De latronibus.

XXIII. De latronibus præcipimus, quicumque post missam sancti Ioannis latroni mansionem dederit, si Francus est, cum XII. similib. Francis iuret, quod ipse latronem eum fuisse non scisset, licet pater eius sit, aut frater, vel propinquus. Si hoc iurare nō potuerit, & ab alio conuictus fuerit, quod latronē in hōspitio suscepisset, quasi latro & infidelis iudicetur: quia latro, & infidelis est noster, & Francorum: & qui illum suscepit, similis est illi. Si autem audiuit, quod latro fuisset, & tamen non scit firmiter, aut iuret solus quod numquam eum audisset, nec per veritatem, per mendacium latronem, aut sit paratus, si ille de latrocinio postea conuictus fuerit, vt similiter damnetur.

De animalibus vel aliis rebus à quibus emuntur.

XXIII. Vt nullus comparet caballum, bouem & iumentum, vel alia, nisi illum hominem cognoscat, qui ei vendit, aut de quo pago est, vel vbi manet, aut quis est

eius senior.

De homicidiis clericorum.

xxv. Qui subdiaconum occiderit, ccc. solid. componat. Qui diaconum, cccc. Qui presbyterum, dc. solid. Qui Episcopum, dcccc. solid. Qui monachum, cccc. solid. culp. iud.

De immunitate, si aliquod damnum ibi factum fuerit.

xxvi. Si quis in immunitate damnum aliquod fecerit, dc. solidis componat. Si autem homo furtum, aut homicidium, vel quodlibet crimen foris committens, infra immunitatem fugerit, mandet comes vel Episcopo, vel abbati, vel vicedomno, vel illi, quicumque locum Episcopi vel abbatis tenuerit, vt reddat ei reum. Si ille contradixerit, & eum reddere noluerit, in prima contradictione solid. xv. cup. iudicetur. Si ad secundam inquisitionem cum reddere noluerit, xxx. solid. culp. iudicetur. Si nec ad tertiam inquisitionem consentire voluerit, quicquid reus damni fecerit, totum ille, qui eum infra immunitatem retinet, nec reddere vult, soluere cogatur. Et ipse comes veniens licentiam habeat ipsum hominem infra immunitatem quaerendi vbicunque eum inuenire potuerit.

Si autem statim in prima inquisitione comiti responsum fuerit, quod reus infra immunitatem quidem fuisset, sed fuga lapsus sit, iuret quod ipse eum ad iustitiam cuiuslibet diffaciendam fugere non fecisset, & sit ei in hoc satisfactum. Si autem intranti in ipsam immunitatem comiti collecta manu quilibet resistere tentauerit, comes hoc ad regem, vel ad principem deferat: ibique iudicetur, ut sicut ille, qui in immunitate damnum fecit, dc. solid. componere debeat: ita qui comiti collecta manu resistere præsumpserit, dc. soli. cul. iudicetur.

De eo, qui alium in iudicio iniuste contra aliquem altercantem adiuuare præsumpserit.

xxvii. Si quis hominem in iudicio iniuste contra alium altercantem adiuuare per malum ingenium præsumpserit, atque inde coram iudicibus vel comite increpatus fuerit, & negare non potuerit, sol. xv. cul. iudicetur.

De homine, qui per chartam libertatem consequutus est.

xxviii. Si quis per chartam ingenuitatis à domino suo legitimè libertatem est consecutus, liber permaneat. Si verò aliquis cum iniuste inservire tētauerit, & ille char-

tam ingenuitatis suæ ostenderit, & aduersarium iniuste se inseruire velle comproba-
uerit, ille, qui hoc tentauerit, multam quæ
in charta descripta est, soluere cogatur. Si
verò charta non paruerit, sed iam ab illo,
qui eū inseruire voluerit, disfacta est, Vuc-
regil dum eius componat: duas partes illi,
quem inseruire voluerat, tertiam regi: &
ille iterum per præceptum regis libertatem
suam conquirat.

De libro homine, qui se loco vuadij tradidit.

xxix. Liber qui se loco vuadij in alterius
potestate commiserit, ibique constitutus
damnum aliquod cuilibet fecerit, qui eum
in loco vuadij suscepit, aut damnū soluat,
aut hominem in mallo productum dimit-
tat, perdens simul debitum propter quod
eum pro vuadio suscepit. Et qui damnum
fecit, dimissus iuxta qualitatem rei cogatur
emendare. Si verò liberam fœminam ha-
buerit, vsque dum in pignore extiterit, &
filios habuerint, liberi permaneant.

De debitis regalibus qualiter solui debeant.

xxx. Omnia debita, quæ ad partem regis
solui debent, solidis xii. denariorum soluā-
tur, excepta freda, quæ in lege Salica con-
scripta est, illa eodem solido, quo cæteræ
compositiones solui debent, componatur.

*De eo, qui causam iudicatam repetere
præsumit.*

xxxI. Si quis causam iudicatam repetere præsumperit in malo, ibique testibus conuictus fuerit, aut xv. solid. componat, aut xv. ictus ab scabineis, qui causam prius indicauerunt, accipiat.

De eo, qui in testimonium assumitur, qualiter esse debeat.

xxxII. Optimus quisque in pago vel ciuitate in testimonium assumatur, & cui ille, contra quem testimoniare debet, nullū crimen possit indicere.

De scabineis, aduocatis, notariis, à missis dominicis eligendis.

xxxIII. Vt missi nostri scabineos, aduocatos, notarios per singula loca eligant: & eorum nomina, quādo reuersi fuerint, secum scripta deferant.

De illis qui legem seruare contemnunt.

xxxIII. De his, qui legem seruare cōtemperint, vt per fideiussores ad præsentiam regis deducantur.

De heribannatoris coniecto.

xxxv. Vt illi, qui heribannum soluere debent, coniectū faciant ad heribannatorē.

De colonis, & de fiscalinis.

xxxvi. Vt nec colonus, nec fiscalinus pos-

sint alicubi traditiones facere.

*De homine in iudicium non mittendo
sine causa.*

xxxvii. Vt nullus præsumat hominem in iudicium mittere sine causa, nisi iudicatum fiat.

De causa ebrij hominis, & de eius testimonio, & de placito comitis.

xxxviii. Vt nullus ebrius suam causam in malo possit conquirere, nec testimonium dicere: nec placitum comes habeat, nisi ieiunus.

De missis dominicis, vel cæteris hominibus discurrentibus.

xxxix. De missis nostris discurrentibus, vel cæteris hominibus propter vtilitatem nostram iter agentibus, vt nullus mansionem contradicere eis præsumat.

De illis, qui ad placitum banniri debeant.

xl. Vt nullus ad placitum banniat, nisi qui causam suam quærit, aut si alter ei quærere debet: exceptis Scabineis vij, qui ad omnia placita præesse debent.

De falsis testibus.

xli. De falsis testibus præcipimus, vt non recipiantur.

De non iurando per vitam regis.

xl.ii. Vt nullus præsumat per vitam Regis,

& filiorum eius iurare.

De eo, qui per chartam ingenuus est, si ad seruitium interpellatus fuerit.

XLIII. Si quis per chartam ingenuus dimissus fuerit, & à quolibet homine ad seruitium interpellatus fuerit, primum legitimū auctorem suæ libertatis proferat, & in sua libertate perseueret. Si verò legitimus auctor defuerit, testimonio bonorum hominum, qui tūc aderant quando liber dimissus fuerat, se defensare permittatur. Si verò testes defuerint cum duabus aliis chartis, quæ eiusdem cancellarij manu firmatæ sint vel scriptæ, cuiuscunque fuerint, suam chartam, quæ tertia est, veram & legitimam esse confirmet. Cancellarius tamen talis esse debet, qui pagēsis loci illius notus fuisset & acceptus. Si autē qui interpellatus fuerit ad seruitiū, nec auctorem, nec testimonia habuerit, neque alias duas chartas ad suam chartam cōfirmandam inuenire potuerit, tunc is, qui eū interpellauit secundū legem ipsam chartam falsam efficiat, & seruum conquirat. Si verò interpellator auctore, aut testimoniis, aut chartarum collatione victus fuerit, ex hoc quod voluit efficere, & non potuerit, multam quæ in ipsa ingenuitatis charta continetur, cogatur exolucere.

De seruo, qui damnum quodlibet perpetrat.

XLIII. Nemini liceat seruum suum propter damnum ab illo cuiuslibet inlatum dimittere, sed iuxta qualitatem damni dominus pro illo respondeat, vel eum in compositionem, aut ad pœnam petitori offerat. Si autem seruus perpetrato scelere fugerit, ita ut à domino pœnitus inueniri non possit, sacramento se dominus eius excusare studeat, quòd hoc suæ voluntatis, nec conscientiae fuisset, quòd seruus eius tale facinus commisit.

De manitione secundum legem ad mallum.

XLV. Si quis ad mallum legibus manitus fuerit, & non venerit, si eum sunnis nō detinuerit. xv. solid. cupl. iudicetur sic ad secundum, & tertium. Si autem ad quartum venire contempserit, possessio eius in bannum mittatur donec veniat: & sic de re, de qua interpellatus fuerit iustitiam faciat. Si infra annum nō venerit, de rebus eius, quæ in banno missæ sunt rex interrogetur: & quicquid inde iudicauerit, fiat Prima manitio, super noctes vii. Secūda super noctes xiiii. Tertia super noctes. xxi. Quarta super xlii. fiat. Similiter & de beneficio hominis, si fortè res proprias nō habuerit, mittatur in bannū vsquequo rex interrogetur.

De

De auctore rei.

XLVI. Si auctor venerit, & rem intertiam recipere renuerit, campo vel cruce contentant.

De hominibus ad mortem diiudicatis, & postea eis vita concessa si iustitiam quaesierint.

XLVII. De illis hominibus, qui propter eorum culpas ad mortem diiudicati fuerint, & postea eis vita fuerit concessa, si ipsi iustitiam ab aliis requisierint, aut ab eis iustitiam quaerere voluerint, qualiter inter illos iudicium terminetur. Primum omnium de illis causis, pro quibus iudicatus fuerit ad mortem, nullam potest facere repetitionem: quia omnes res suae secundum iudicium Francorum in publico fuerunt reuocatae. Et si aliquid in postmodum, postquam ei vita concessa est, cum iustitia acquirere potuerit, in sua libertate teneat, & defendat secundum legem. In testimoniū non suscipiatur, nec inter scabineos ad legem iudicandam teneatur. Et si ad sacramentum, aliquid ei iudicatum fuerit quod iurare debeat, si aliquis ipsum sacramentum falsum dicere voluerit, contendat.

De homine, cui post iudicium vita concessa est, si iustitiam reddere noluerit.

XLVIII. Si alicui post iudicium scabineo

rum fuerit vita concessa, & ipse in postmodum aliqua mala perpetraverit, & iustitiam reddere noluerit, dicendo quod mortuus sit, & ideo iustitiam reddere non debeat, statutum est, vt superius iudiciū sustineat, quòd antea sustinere debuit. Et si aliquis aduersus eum aliqua mala fecerit, secundum æquitatis ordinem licentiam habeat suam iustitiam requirendi. De causis perpetratis, postquam ad mortem diiudicatus est, de præteritis maneat, sicut supra iudicatum fuit.

De latrone forbannito à libero homine suscepto.

XLIX. De latrone forbannito, liber homo, qui eum suscepit, xv. solid. componat: & seruus cxx. percussionibus vapulet.

De comite latronem in forbannum mittente.

L. Vt comes, qui latronem informabannū miserit, vicinis suis & aliis comitibus notū faciat eundem latronem à se esse forbannitum, vt illi eum non recipiant.

De liberis hominibus, qui ad mallum venire cogendi sint.

LI. Vt nullus alius de liberis hominibus ad placitum vel ad mallū venire cogatur, exceptis scabineis vel vassis comitum, nisi qui causam suam adquirere debent, aut respondere.

De testibus ad testimonium dicendum qualiter adhibeantur.

LII. Vt testes ad testimonium dicendum præmio non conducantur: & vt nullus testimonium dicat, aut sacramentum iuret nisi ieiunus. & vt testes priusquam iurent separatim discutiatur quid dicere velint de illa re, vnde testimonium reddere debent.

De iustitia cuiuslibet, à nullo quolibet dilatanda.

LIII. Vt nullus quilibet missus noster, neque comes, neque iudex, aut scabineus cuiuslibet iustitiam dilatare præsumat, si statim adimpleta potuerit esse secundum rectitudinem: neque præmia pro hoc à quolibet homine per aliquod ingenium malum præsumat accipere.

De non cogendo ad pontem ire causa tholonei.

LIIII. Vt nullus cogatur ire ad fluuiū transeundum propter tholonei causam, quando ille in alio loco compendiosius illud flumē transire potest. Similiter & in plano campo, vbi nec pons, nec traiectus est, ibi omnimodis præcipimus, vt tholoneum non exigatur.

De hoc, si presbyter sanctum chrisma dederit ad iudicium subuertendum.

LV. Vt presbyter, qui sanctum chrisma

C A P I T V L.

donauerit ad iudicium subuertēdum, postquam de gradu suo depositus fuerit, manum amittat.

De iudicibus, aduocatis, præpositis, & reliquis ministris, quales sint.

LVI. Vt iudices, aduocati, præpositi, ceterarij, vicarij, scabinei, quales meliores inueniri possint, & Deum timentes, constituentur ad sua ministeria exercenda.

< cum comite & populo elegantur mansueti & boni. >

De mallo publico.

LVII. Vt in locis, vbi mallos publicos habere solent, rectum tale cōstituatur, quod in hyberno & in æstate obseruatum esse possit.

De sacramentis ad palatium adrhamitis.

LVIII. Vt sacramenta, quæ ad palacium fuerint adrhamita, in palatio perficiantur. Et si consecramentales homines cum ipso venire renuerint, iussione Dominica, aut indicolo, aut sigillo ad palatium venire cogantur.

De impedimento clamatorum.

LIX. De clamatoribus, qui magnum impedimentum faciunt in palatio ad aures Domni Imperatoris, vt missi, seu comites illorum missos transmittant in cōtra illos,

qui mentiendo vadunt, vt eos conuincāt.

*De fugitiuis contra praeceptum Domini-
cum occultatis.*

LX. De fugitiuis, qui per diuersas prouin-
cias ducti & occultati sunt contra praece-
ptum Domni Imperatoris, vt qui eos post
præteritum tempus suscepit aut retinuit,
bannum Dominicum componat.

De nimium blasphemis latronibus.

LXI. De latronibus qui magnam habent
blasphemiam quicumque aliquem ex his
comprehenderit, nullum damnum exinde
patiatur.

De pace infra patriam.

LXII. De pace & iustitia infra patriam,
sicut sæpe per alia capitula iussimus, adim-
pletum fiat.

De iunioribus in populo vulgari distringendis.

LXIII. De vulgari populo, vt vnusquisque
suos iuniores distringat, vt melius ac me-
lius obediant, & consentiant mandatis &
præceptis imperialibus.

*De hoc, si super missum Dominicum cum col-
lecta & armis quis venerit.*

LXIII. Si quis super missum Dominicum
cum collecta & armis venerit, & missati-
cum illi iniunctum contradixerit, aut con-
tradocere voluerit & hoc ei adprobatum

fuerit, quòd sciens contra missum dominicum ad resistendum venisset, de vita componat. Et si negauerit, cum XII. suis iuratoribus, se idonare faciat, & pro eo quòd cū collecta contra missum dominicum armatus venit ad resistendum, bannum dominicum componat. Simili modo Dominus Imperator de suis vassis iudicauit. Et si seruus hoc fecerit, disciplinæ corporali subiaceat.

*De eo qui domum alienam cuiuslibet
infringit.*

LXV. Si quis domum alienam cuiuslibet infregerit, quicquid exinde per virtutem abstulerit, aut rapuerit, vel furauerit, secundum legem & euam illi, cui domus fuerit infracta & spoliata, in triplum componat, & insuper bannum dominicum soluat. Si seruus hoc fecerit, sententiam superiorem accipiat : & insuper secundum suam legem compositionem faciat. Si quis liber homo aliquod tale damnum cuiuslibet fecerit, pro quo plenam compositionē facere non valeat, semetipsum in vudio pro seruo dare studeat, vsque dū plenam compositionem adimpleat.

*De messibus, vel annonis in hoste raptis,
vel furatis.*

LXVI. Si quis messes aut annonas in hoste super bānum dominicum rapuerit, aut furauerit, vel pauerit, aut cum cabalis vastauerit, æstimato damno secundum legem in triplum componat. Et si liber homo hoc fecerit, bannum dominicum pro hac re componere cogatur. Seruus verò secūdam suam legem tripla compositione damnum in loco restituat, & pro damno disciplinæ corporali subiaceat.

De libero homine in hostem bannito.

LXVII. Quicumque liber homo in hostem bannitus fuerit, & venire cōtempserit, plenum heribannum, id est, solid. lxx. persoluat. Aut si non habuerit unde illam summam persoluat, semetipsum pro vuadio in seruitio principis tradat, donec per tempora ipse bannus ab eo fiat persolutus: & tunc iterum ad statum libertatis suæ reuertatur. Et si ille homo, qui propter heribannum se in seruitium tradidit, in illo seruitio defunctus fuerit, hæredes eius hereditatem, quæ ad eos pertinet, non perdant, nec libertatem: nec de ipso banno obnoxij fiant.

De heribanno exactando.

LXVIII. Vt non per aliquam occasionem, nec pro vuacta, nec descara, nec de vuarda,

nec pro heribergare, nec pro alio bāno heribannum comes exactare præsumat: nisi missus noster prius heribannum ad partem nostram recipiat, & ei suam tertiam partem exinde per iussionem nostram donet. Ipse verò heribannus non exactor neque in terris, neque in mancipiis: sed in auro & argento, pallis atque armis, & animalibus, atque pecudibus, siue talibus speciebus, quæ ad vtilitatem pertinent.

De his, qui regales habent honores, & in hostem banniti ad condictum placitum non venerint.

LXIX. Quicumque homo nostros habens honores in hostem bannitus fuerit, & ad condictum placitum nō venerit, quot diebus post placitum cōdictum venisse comprobatus fuerit, tot diebus abstineat à carne & vino.

De his, qui sine licentia de hoste reuertuntur.

LXX. Quicumque absque licentia vel permissione principis de hoste reuersus fuerit, quod factum Franci herisceliz dicunt, volumus, vt antiqua constitutio, id est, capitalis sententia erga illum puniendum custodiatur.

De his, qui beneficia principum habent.

LXXI. Quicumque ex his, qui beneficium

principis habent, parem suum contra hostes communes in exercitu pergentem dimiserit, & cum eo ire vel stare noluerit, honorem suum & beneficium perdat.

De non cogendo bibere in hoste.

LXXII. Ut in hoste nemo parem suum, vel quemlibet alterum hominem bibere roget. Et quicumque in exercitu ebrius inuentus fuerit, ita excommunicetur, ut in bibendo sola aqua utatur, quousque se malè fecisse cognoscat.

De vassīs adhuc in palatio seruientibus & tamen beneficia habentibus.

LXXIII. De vassīs dominicis, qui adhuc intra casam seruiunt, & tamen beneficia habere noscuntur, statutum est, ut quicumque ex eis cum domno Imperatore, domi remanserit, vassallos suos casatos secum non retineat: sed cum comite, cuius pagenses sunt, ire permittat.

De præparatione ad hostem secundum antiquam consuetudinem.

LXXIII. Constitutum est, ut secundum antiquam consuetudinem præparatio ad hostem facienda iudicetur & obseruetur, id est, victualia de marcha, ad tres menses, & arma atque vestimenta ad dimidium annum. Quod tamen ita obseruari placuit,

CAPITVL.

vt his, qui de Rheno ad Ligerim pergunt, de Ligere inantea ad tres menses computetur; & qui de Ligere ad Rhenum pergūt, de Rheno inantea ad tres menses victualia habere debeant. Qui autem trans Rhenum sunt, & ad Saxoniam pergunt, ad Albiam marcham esse sciant: & qui trans Ligerim manent, atque in Hispaniam proficisci debent, montes Pyrenæos marcham sibi esse cognoscant.

*De hoc, vt non nisi p̄missione regali brunia
vel gladius homini extraneo a quo-
libet detur aut vendatur.*

LXXV. Constitutum est, vt neque Episcopus, neque abbas aut abbatisa, vel quilibet rector Ecclesiæ bruniam vel gladium sine nostro permissu cuilibet homini extraneo aut dare aut vendere præsumat, nisi tantum vassallis suis. Et si euenerit, vt in qualibet Ecclesia, vel sancto loco plures brunias habeant, quàm ad homines rectoris eiusdem Ecclesiæ sufficiant, tunc principem idem rector Ecclesiæ interroget, quid de his facere præcipiat.

<ITEM CAPITVLA QVÆ PRO-
pter iustitias intra patriam faciendas
constituta sunt.>

De caufarum & litium terminis.

LXXVI. De termino caufarum & litium statuimus, vt ex quo bonæ memoriæ domnus Pipinus rex obiit, & nos regnare cœpimus, cauſæ vel lites inter partes factæ atque exortę diſcutiantur & congruo ſibi iudicio terminentur. Prius verò, id eſt, ante obitum prædicti Domni Pipini regis cauſæ commiſſæ vel omnino non moueantur, vel ſaluæ vſque ad noſtrâ interrogationem reſeruentur.

*De Episcopis, comitibus, & potentioribus,
ſi cauſam inter ſe habuerint.*

LXXVII. Vt Episcopî, abbates, comites, & potentiores quique ſi cauſam inter ſe habuerint, ac ſe pacificare noluerint, ad noſtram iubeantur venire præſentiam. Neque illorum contentio aliubi diiudicetur: ne propter hoc pauperum & minus potentium iuſtitia remaneant. Neque vllus comes palatij noſtri potentiores cauſas ſine noſtra iuſſione finire præſumat, ſed tantum ad pauperum, & minus potentium iuſtitias faciendas ſibi ſciat eſſe vacandum.

De teſtibus ad rem quamlibet diſcutiendam eligendis.

LXXVIII. Vt quandocunque teſtes ad rem quamlibet diſcutiendam quærendi,

atque eligendi sunt, à misso nostro & comite, in cuius ministerio de re qualicūque agendum est, tales eligantur, quales optimi in ipso pago inueniri possunt. Et non liceat litigatoribus per prēmia falsos testes adducere, sicut hactenus fieri solebat.

De placito centenarij.

LXXIX. Vt nullus homo in placito centenarij neque ad mortem, neque ad libertatem suam amittendam, aut ad res reddendas vel mancipia iudicetur: sed ista aut in præsentia comitis vel iussorum nostrorum iudicentur.

De inquisitione & descriptione vnus cuiusque missi in suo missatico.

LXXX. Vt missi nostri diligenter inquireant, & describere faciant vnusquisque in suo missatico, quid vnusquisque de beneficio habeat, vel quot homines casatos in ipso beneficio.

De beneficiis qualiter condrieta sint.

LXXXI. Quomodo eadem beneficia condrieta sint, aut quis de beneficio suo alodem comparauit, vel struxit.

De beneficiis Episcoporum, abbatum, & reliquorum, & de fiscis regalibus describendis.

LXXXII. Vt non solum beneficia Episco-

porum, vel abbatum, abbatissarum atque comitum, siue vassorum nostrorum, sed etiam fisci nostri describatur in breue: vt scire possimus, quantum etiam de nostro in vniuscuiusque legatione habeamus.

De legationibus propter iustitias quo tempore exercentur.

LXXXIII. Volumus vt propter iustitias, quę vsque modo de parte comitum remanserunt, quatuor tantum mensibus, in anno missi nostri legationes suas exercent, id est, in hyeme Ianuario, in verno Aprili, in æstate, Iulio, in autumno Octobrio. Cæteris verò mensibus vnusquisque comitum placitum suum habeat, & iustitias faciat. Missi autem nostri quater in vno mense, & in quatuor locis habeant placita sua cum illis comitibus, quibus congruum fuerit, vt ad eum locum possint conuenire.

De iussione dominica in quolibet missatico non adimpleta.

LXXXIII. Vt quicquid ille missus in illo Missatico aliter factum inuenerit, quā nostra sit iussio, non solum illud emendare iubeat, sed etiam ad nos ipsam rem, qualiter ab eo inuenta est, deferat.

De censu regali inquirendo.

LXXXV. Vt missi nostri census nostros per-

quirant diligenter, vndecunque antiquitus ad partem regis exire solebant: similiter & freda. Et nobis renuncient, vt nos ordinemus, quid de his in futurum fieri debeat.

De rebus de quibus census ad partem regis exire solebat.

LXXXVI. Vt de rebus, vnde census ad partem regis exire solebat, si ad aliquam Ecclesiam traditæ sunt, aut reddantur propriis hæredibus, aut qui eas retinuerit, vel illum censum persoluat.

De placitis à missis dominicis comitibus notum faciendis.

LXXXVII. Vt vnusquisque missorū nostrorum in placito suo notū faciat comitibus, qui ad eius missaticum pertinent, vt in illis mensibus, quibus ille legationem suam nō facit, conueniāt inter se, & communia placita faciant, tam ad latrones distringēdos, quàm ad cæteras iustitias faciendas.

De fidelitate Regis promittenda.

LXXXVIII. Vt missi nostri populū nostrum iterum nobis fidelitatem promittere faciant secundum consuetudinē iamdudum ordinatam: & ipsi aperiant & interpretentur illis hominibus, qualiter ipsum sacramentum & fidelitatem erga nos seruare debeant.

De pace in hoste, vel infra patriam.

LXXXIX. Constituimus, vt si in hoste, aut infra regnum nostrum litigatio aut scandalum inter quascunque personas videlicet maiores & minores ortum fuerit, quod frequenter insidiante diabolo contingere solet, vt ibi fideles sanctæ Dei Ecclesiæ, & nostri ob resistendam impietatis malitiam armati veniant, id est, qui potest habere, cum lorica & scuto, ancipite atque fuste. Et si aliquis quælibet persona aduersus cum quemlibet querelam habere voluerit, liceat ei secūdam legis ordinem cum sacramento, quod posuimus, manu propria in singulis se idoneū facere, vt propter quodlibet negotium aut odium ibi non aduenisset, nisi ob concordiam & pacem ferendam, & ipsam litigationem mitigandam. Et si quislibet renuerit venire, & semetipsum idoneum facere nequiverit, cum supradictō iam sacramēto bannum nostrum componat, & ad partem nostram persoluat.

EXPLICIT LIBER TERTIVS.



PRÆFATIO IN LIBRVM QVARTVM.

QVIA supra in duobus ecclesiastica,
quæ præfati principes dominus Impera-
tor Karolus, & piissimus Ludonicus
Augustus, necnō & Lotharius Cæsar filius ipsius
edidere capitula descripsi libellis, in tertio verò
ad mundanam pertinentia legem, quæ dominus
Karolus Imperator fecit, congeßi: nunc iam in
quarto illa ad mundanæ augmentum legis perti-
nentia, quæ præclarissimus dominus Ludouicus
Augustus & Lotharius Cæsar fecerunt, capitula
adunavi libello.

CAPITVLA.

- I. De seruis per contumaciã alicui vim
inferentibus.
- II. De rebus vel mancipiis à fisco regali
occupatis.
- III. De seruis vel ecclesiasticis in fiscum
regalem confugientibus.

- IIII. De vaſſis dominicis ad marchã cuſtodiendam conſtitutis.
- V. De comitibus ad cuſtodiendam maritimam deputatis.
- VI. De his, qui propter inceſtum res proprias amiſerunt.
- VII. De cõiurationibus ſeruatorum in Flãdris, & in Mempifco, & in cæteris maritimis locis.
- VIII. De his, qui in littore maris ſalem faciunt.
- IX. De vxoribus defunctorũ, quam partem conlaborationis poſt obitum maritorum accipere debeant.
- X. De aggeribus iuxta Ligerim faciendis.
- XI. De duodecim pontibus ſuper Sequanam reſtaurandis.
- XII. De omnibus pontibus faciendis.
- XIII. De honore eccleſiarum.
- XIIII. De iniuriis ſacerdotum, vel quorũlibet ex clero in eccleſia factis.
- XV. De ſolutione occiſi preſbyteri.
- XVI. De viduis, pupillis, & pauperibus.
- XVII. De raptu viduarum.
- XVIII. De homine publicam pœnitentiam agente interfecto.
- XIX. De homine libero, vt poteſtatem ha-

CAPITVL.

beat ubicunque voluerit res suas
dare, & qualiter hoc facere de-
beat.

- XX. De homicidiis prohibendis.
- XXI. De hoc, quod in compositionē uir-
gildi dari debeat.
- XXII. Da raptu alienarum sponſarum.
- XXIII. De falsis testibus conuincendis.
- XXIIII. De proprio in bannum misſo.
- XXV. De mannire.
- XXVI. Qualiter de ſtatu ſuo pulſatus euin-
dicet libertatem ſuam.
- XXVII. De ſaidis coercendis.
- XXVIII. De ſacramentis ubi iuranda ſint.
- XXIX. De his qui de furto accuſati fue-
rint.
- XXX. De deſpectu literarum dominica-
rum.
- XXXI. De iniuſtis tholoneis & conſuetu-
dinibus.
- XXXII. De his qui bonos denarios accipere
nolunt.
- XXXIII. De adulteratoribus.
- XXXIIII. De proprio dominico ſine inſione
illius reddito.
- XXXV. De pueris inuitis parentibus deton-
ſis, aut puellis uelatis.
- XXXVI. De forcapiis.

- XXXVII. De terra tributaria.
- XXXVIII. De beneficiis destructis.
- XXXIX. De terra censali.
- XL. De nonis & decimis.
- XLI. De mancipiis in villas dominicas confugientibus.
- XLII. De forestibus noniter institutis.
- XLIII. De pontibus per diuersa loca emendandis.
- XLIIII. De legatione omnium missorum dominicorum, de quibus videlicet causis agere debeant.
- XLV. De illis libertatibus, & rebus reddendis, quæ in dominica vestitura sunt, qualiter inquirantur.
- XLVI. De oppressione pauperum, viduarum, & pupillorum.
- XLVII. De iniustis consuetudinibus noniter institutis.
- XLVIII. De honore ecclesiarum.
- XLIX. De nonis & decimis.
- L. De locis ad claustra canonicorum facienda.
- LI. De obseruatione præceptorum Dominicorum.
- LII. De his, qui occasione immunitatis iustitiam facere renuunt.
- LIII. De locis iam dudum sacris, & nunc

CAPITVL.

spurcitia fœdatis.

LIIII. De beneficiis dominicis destructis.

LV. De falsa moneta, & de aliis diuersis causis prohibendis.

LVI. De Missorum Dominicorum obseruatione.

LVII. De placitis à liberis hominibus obseruandis.

LVIII. De debito ad opus Dominicum reuadiato.

LVIX. De his, qui ad palatium, vel in hostem pergunt, vel inde redeunt.

LX. De pontibus publicis.

LXI. De clericis, monachis, & seruis fugitiuis.

LXII. De aduocatis Episcoporum, abbatum, comitum, & abbatissarum.

LXIII. De vicariis, vel centenariis, si latrones celauerint.

LXIIII. De comitibus, & vicariis admonendis de constitutione legis.

LXV. De forestibus dominicis.

LXVI. De missis dominicis, & de his qui iustitiam facere renuunt.

LXVII. De missis dominicis, ubi diutius non debeant immorari.

LXVIII. De missis dominicis, & de comite in aliquod Missaticum directo.

- LXIX. De missis dominicis, qualiter con-
iectum accipere debeant.
- LXX. De vasis dominicis, & Episcopo-
rum, vel reliquorum, qui in ho-
ste non fuerunt.
- LXXI. De episcopis, abbatibus, & comiti-
bus, & de placito missorum do-
minicorum.
- LXXII. De non exigendo heribanno ante-
quam iussio dominica nota fiat.
- LXXIII. De dispensa Missorum Dominico-
rum.
- LXXIII. De eo, qui in aliena patria de qua-
libet causa fuerit interpellatus.
- LXXV. De solutione atque compositione.



INCIPIT LIBER
QVARTVS.

*De seruis per contumaciam alicui
vim inferentibus.*



I serui per contumaciam collecta multitudine alicui vim intulerint, id est, aut homicidium, aut incendium, aut qualiumcunque rerum directiones fecerint, domini, quorum negligentia hoc euenit, pro eo quòd eos constringere noluerunt, vt talia facere non auderent bannum nostrum, id est, LX. solid. soluere cogantur.

De rebus vel mancipiis à fisco regali occupatis.
II. De rebus siue mancipiis, quæ dicuntur à fisco nostro esse occupata, volumus, vt missi nostri inquisitionem faciant sine sacramento per veraciores homines pagi illius circa manentes : & quicquid de hac causa verius ac certius inuestigare potue-

rint, ad nostrā faciant peruenire notitiam: vt nos tunc definiamus quicquid nobis iustum esse videatur.

De seruis vel Ecclesiasticis in fiscum regalem confugientibus.

III. Si serui vel ecclesiastici vel quorumlibet liberorum hominum, in fiscum nostrū confugerint, & à Dominis vel aduocatis eorum repetiti fuerint, si actor fisci nostri intellexerit, quòd eos iustè nō possit tenere ad nostrum dominium, eiiciat illos de eodem fisco, & recipiant eos, Domini eorum. Et si eidem actori visum fuerit, quòd ad nostrum debeant pertinere dominium, expellat eos de eodem fisco. Et postquam ab eisdem repetitoribus fuerint recepti, habeat cum eis legitimam actionem: & sic eos, si poterit, ad nostram euindicer possessionem.

De vassīs Dominicis ad marcham custodiendam constitutis.

IIII. De vassīs nostris, qui ad marcham nostram constituti sunt custodiendam, aut in longinquis regionibus sua habent beneficia, vel res proprias, vel etiam nobis assidue in palatio nostro seruiunt, & ideo non possunt assidue custodire placita: quam rē volumus, vt missi nostri, vel comes nobis

notam faciant, & nos faciemus, vt ad eorum placita veniant.

De comitibus ad custodiendam maritimam deputatis.

v. Volumus vt comites, qui ad custodiendam maritimam deputati sunt, quicumque ex eis in suo ministerio residet, de iustitia facienda se non excuset propter illam custodiam: sed ibi secum suos scabineos habeat, & ibi placitum teneat, & iustitiam faciat.

De his, qui propter incestum res proprias amiserunt.

vi. De his, qui se dicunt propter incestum res proprias amisisse, constitutum est, vt si ante proximum quinquennium, quando placitum nostrum habuimus in Cōpendio, easdem res amiserint, non eis restituantur.

De coniurationibus seruorum in Flandris, & in Mempisco, & in cæteris maritimis solis.

vii. De coniurationibus seruorum, quæ fiūt in Flandris, & in Mēpisco, & in cæteris maritimis locis, volumus, vt per missos nostros indicetur dominis seruorum illorum vt constringent eos, ne vltra tales coniurationes facere præsumant: & vt sciant ipsi eorundem seruorum Domini, quòd cuius-

cunque serui huiuscemodi coniurationes facere præsumperint, postquam eis hæc nostra iussio fuerit indicata, bannum nostrū, id est, LX. solid. ipse Dominus persolvere debeat.

De his, qui in littore maris salē faciunt.

VIII. De terra in littore maris, vbi salē faciunt, volumus, vt aliqui ex eis veniant ad placitum nostrum, & ratio eorum audiat, vt tunc secundum equitatem inter eos definire valeamus.

*De vxoribus defunctorum, quam partem con-
laborationis post obitum maritorum
accipere debeant.*

IX. Volumus, vt vxores defunctorum post obitum maritorum tertiam partem conlaborationis, quam simul in beneficio cōlaborauerunt, accipiant, & de his rebus, quas is, qui illud beneficium habuit, aliunde adduxit vel comparauit, vel ei ab amicis suis collatum est, has volumus tam ad orphanos defunctorum, quam ad vxores eorum peruenire.

De aggeribus iuxta Ligerim faciendis.

X. De aggeribus iuxta Ligerim faciendis, vt bonus missus eidem operi præponatur: & hoc Pipino per nostrum missum mādetur, vt & ille ad hoc missum ordinet, qua-

tinus prædictum opus perficiatur.

*De duodecim pontibus super Sequanam
restaurandis.*

XI. De duodecim pontibus super Sequanam volumus, vt hi pagenses, qui eos facere debent, à missis nostris admoneantur, vt eos celeriter restaurent, & vt eorum vanæ contentioni non consentiant, quando dicunt se non aliubi eosdem pontes facere debere, nisi vbi antiquitus fuerant: sed ibi vbi nunc necesse est, eosdem pontes facere iubeantur.

De omnibus pontibus faciendis.

XII. De omnibus pontibus per regnum nostrum faciendis in commune missi nostri admoneant, vt ab ipsis restaurêtur, qui eos facere solebant.

<CAPITVLA Quæ constituit Domnus Ludonicus Imperator Salicis legibus addenda, quæ & Missi, & Comites habere, & cæteris nota facere debent. >

De honore Ecclesiarum.

XIII. Si quis aut ex leui causa, aut sine causa hominẽ in Ecclesia interfecerit, de vita componat. Si verò foris rixati fuerint, & vnus alterum in Ecclesia fugerit, & ibi se defendendo eum interfecerit, & si huius facti testes non habuerit, cum duodecim

coniuratoribus legitimis per sacramētum
affirmet se defendendo eum interfecisse, &
post hæc de. solid. ad partē Ecclesiæ, quam
illo homicidio polluerat, & insuper ban-
num nostrum soluere cogatur. Is verò, qui
interfectus est, absque cōpositione iaceat.
Ac deinde interfector secūdum iudicium
canonicum congruam facinori, quod ad-
misit, pœnitentiam accipiat. Si proprius
seruus hoc commiserit, iudicio aquæ fer-
uentis examinetur, vtrum hoc sponte, an
se defendendo fecisset. Et si manus eius
exusta fuerit, interficiatur. Si autem non
fuerit, dominus eius iuxta quod Vuirgil-
dus eius est, ad ecclesiam persoluat: aut eū,
si voluerit, eidem ecclesiæ tradat. De ec-
clesiastico & fiscalino, & beneficiario ser-
uo, volumus, vt pro vna vice Vuirgil-
dus eius pro eo componatur. Altera vice ipse
seruus ad supplicium tradatur. Hæreditas
tamen liberi hominis, qui propter tale fa-
cinus ad mörtem fuerit iudicatus, ad legi-
timos hæredes illius perueniat. Si in atrio
ecclesiæ, cuius porta reliquiis sanctorum
consecrata est, huiuscemodi homicidium
perpetratum fuerit, simili modo emende-
tur vel componatur. Si verò porta ecclesiæ
non est consecrata, eo modo componatur,

quod in atrio comittitur, sicut componi, debet, quod in immunitate violata comittitur.

De iniuriis sacerdotum, vel quorumlibet ex clero in ecclesia factis.

xiiii. Sanguinis effusio in ecclesia facta cū fuste, si presbyter fuerit, triplo componatur, duæ partes eidem presbytero, tertia pro fredo ad ecclesiam, & insuper bannus noster. Similiter de diacono iuxta compositionem eius in triplo, cum banno nostro componatur. De subdiacono similiter in triplo secundum suam compositionem. Et de vniuscuiusque ordinis clerico secundum suam compositionem in triplum persoluitur, & insuper bannus noster. Similiter & de ictu sine sanguinis effusione de vniuscuiusque ordinis clerico secundum suam compositionem in triplo, & bannus noster. Et qui nō habet vnde ad ecclesiam persoluat, tradat se in seruitium eidem ecclesie, vsque dum totum debitum persoluat.

De solutione occisi presbyteri.

xv. Presbyteri interfecti Episcopo, ad cuius parochiam pertinent, soluantur secundum capitulare gloriosi Karoli genitoris nostri, ita videlicet, vt medietatem Vuirgildi eius Episcopus vtilitatibus Ecclesie,

cui præfuit, tribuat: & alteram medietatem in eleemofyna illius iuste difpertiat. quia nullus nobis eius heres proximior videtur, quàm ille, qui ipfum Domino fociavit.

De viduis, pupillis, & pauperibus..

xvi. Præcipimus, vt quancocūque in malum ante comitem viduæ, pupilli, & pauperes venerint, primò eorum caufa audiat, & definiatur. Et fi reftes per fe ad caufas fuas quærendas habere non potuerint, vel legem nescierint, comes illos vel illas adiuuet, dando eis talem hominem, qui rationem eorum teneat, vel pro eis loquatur.

De raptu viduarum.

xvii. Qui viduam intra primos. xxx. dies viduitatis vel inuitam vel volètem fibi copulauerit, bannum noſtrum, id eſt, lx. ſolid. in triplo componat. Et ſi inuitam eam duxit, legem ſuam ei componat: illam verò ulterius non attingat.

De homine publicam pœnitentiam agente interfecto.

xviii. Qui hominem publicam pœnitentiam agentem interfecerit, bannum noſtrū in triplo componat, & Vuirgildus eius proximis eius perſoluatur,

C A P I T V L.

*De homine libero, ut potestatem habeat, ubi-
cunque voluerit, res suas dare: &
qualiter hoc facere debeat.*

xix. Si quis res suas pro salute animæ suæ, vel ad aliquem venerabilem locum, vel propinquo suo, vel cuilibet alteri tradere voluerit, & eo tempore intra ipsum comitatum fuerit, in quo res illæ sunt, legitimam traditionem facere studeat. Quod si eodẽ tempore, quo illas tradere vult, extra eundem comitatum fuerit, id est, siue in exercitu, siue in palatio, siue in alio quolibet loco, adhibeat sibi vel de suis pagensibus, vel de aliis qui eadem lege viuunt, qua ipse viuit, testes idoneos, vel si illos habere non potuerit, tunc de aliis quales ibi meliores inueniri possint, & coram eis rerum suarum traditionem faciat: & fideiussores vestituræ donet ei, qui illam traditionem accipit, ut vestituram faciat. Et postquam hæc traditio ita facta fuerit, hæres illius nullam de prædictis rebus valeat facere repetitionem. Insuper & ipse per se fideiussionem faciat eiusdem vestituræ, nec hæredi vlla occasio remaneat hanc traditionem immutandi, sed potius necessitas incumbat illam perficiendi. Et si nondum res suas cum cohæredibus suis diuisas habuit: non ei hoc sit impe-

dimento: sed cohæres eius, si sponte noluerit, aut per comitem, aut per Missum eius distringatur, vt diuisionem cum illo faciat, ad quem defunctus hereditatem suam voluit peruenire. Et si cuilibet ecclesiæ eam tradere rogauit, cohæres eius eam legem cum illa ecclesia de prædicta hereditate habeat, quam cum alio cohærede suo habere debeat. Et hoc obseruetur erga patrē, & filium, & nepotem, vsque ad annos legitimos. Postea ipsæ res ad immunitatem ipsius ecclesiæ redeant.

De homicidiis prohibendis.

xx. Quicumque hominem aut ex leui causa, aut sine causa interfecerit, Vuirgildus eius his, ad quos ille pertinet, componatur. Ipse verò propter talem præsumptionem in exilium mittatur, ad quantum tempus nobis placuerit: res tamen suas non amittat.

De hoc, quod in compositionem Vuirgildi dari debeat.

xxi. In compositionē Vuirgildi volumus, vt ea dentur, quæ in lege continentur, excepto accipitre & spata, quia propter illa duo aliquoties periurium committitur, quando maioris pretij, quam illa sint, esse iurantur.

De raptu alienarum sponſarum.

xxii. Si quis ſponſam alienam rapuerit, aut patri eius, aut ei qui legibus eius deſenſor eſſe debet, cum ſua lege eam reddat : & quicquid cū ea tulerit, ſemotim vnāquāque rem ſecundum legem reddat. Et ſi hoc deſenſor eius perpetrari cōſenſerit, & ideo raptori nihil quærere voluerit, comes ſingulariter de vnaquaque re freda noſtra ab eo exactare faciat. Sponſo verò legem ſuā componat, & inſuper bannum noſtrum, id eſt, lx. ſolid. vel in præſentiam noſtram comes cum aduenire faciat, & quanto tempore nobis placuerit, in exilio maneat, & illam fœminam ei habere non liceat.

De falſis teſtibus conuincendis.

xxiii. Si quis cum altero de qualibet cauſa contentionem habuerit, & teſtes contra eum per iudicium producti fuerint, ſi ille falſos eſſe ſuſpicatur, liceat ei alios teſtes, quos meliores potuerit, contra eos oppo-
nere, vt veracium teſtimonio falſorum teſtium peruerſitas ſuperetur. Quòd ſi ambæ partes teſtium ita inter ſe diſſenſerint, vt nullatenus vna pars alteri cedere velit, eligantur duo ex ipſis, id eſt, ex vtraque parte vnus, qui cum ſcuti & fuſtibus in campo decertent, vtra pars falſitatem, vtra veritatem

tem suo testimonio sequatur. Et campio-
ni, qui victus fuerit, propter periurium,
quod ante pugnam commisit dextera ma-
nus amputetur. Cateri verò eiusdem par-
tis testes, qui falsi apparuerūt, manus suas
redimant. Cuius compositionis duæ par-
tes ei, contra quem testati sunt, dentur,
tertia pro fredo soluatur. Et in seculari qui-
dem causa huiusmodi testium diuersitas
campo comprobetur. In Ecclesiasticis au-
tem causis, vbi de vna parte seculare, de
altera verò ecclesiasticum negotium est,
idem modus obseruetur. Vbi verò ex vtra-
que parte ecclesiasticū fuerit, rectores ea-
rundem ecclesiarum, si se familiariter paci-
ficare velint, licentiam habeant. Si autem
de huiusmodi pacificatione inter eos cō-
uenire nō possint, aduocati eorum in mallo
publico ad præsentiam comitis veniant,
& ibi legitimus terminus eorum conten-
tionibus imponatur. Testes verò de qua-
libet causa non aliunde quærantur, nisi de
ipso comitatu, in quo res, vnde causa a-
gitur, positæ sunt: quia non est credibile,
vt vel de statu hominis, vel de possessio-
ne cuiuslibet per alios melius rei veritas
cognosci valeat, quàm per illos qui vici-
niores sunt. Si tamen contentio, quæ inter

eos exorta est, in confinio duorum comitatum fuerit, liceat eis de vicina centena adiacentis comitatus ad causam suam testes habere.

De proprio in bannum misso.

XXIII. Cuiuscunque hominis proprietas ob crimē aliquod, quod idem habet commissum, in bannum fuerit missa, & illa cognita, ne iustitiam faciat, venire distulerit, annūque ac diem in eo banno illam esse permiserit, vltcrius eam non adquirat: sed ipsa fisco nostro societur. Debitum verò, quod is, cuius ea fuit, soluere debuit, per comitem ac ministros eius iuxta æstimationem damni de rebus mobilibus, quæ in eadem proprietate inuentæ fuerint, his quibus idē debitor fuit, exsoluatur. Quòd si rerum mobilium ibidem inuentarū tantitas ad compositionem non suffecerit, de immobilibus suppleatur: & quod superfuerit, sicut dictum est, fiscus noster possideat. Si nihil super compositionem remanere potuerit, totum in illud expendatur. Si autem homo ille nondum cum suis coheredibus proprium suū diuisum habuit, conuocet eos comes, & cum eis legitimam diuisionem faciat, & tūc, sicut iam dictum est, partem eius fisco nostro addicat: &

compositionem de ea iuxta modum superius comprehensum his, ad quos illa legibus pertinet, exsoluat. Quòd si non de alia re, sed de ipsa proprietate, quæ in bannum missa fuit, ac per hoc in nostram potestatem redacta fuerat, interpellatur comes, in cuius ministerio eam esse constititerit, hoc ad notitiam nostram perferre curet, ut nos eandem proprietatem, quæ secundum supradictum modum in nostrum dominium redacta est, per præcepti nostri auctoritatem in ius & potestatem hominis, qui eam quærebat, si sua debet esse, faciamus peruenire.

De mannire.

xxv. Si quis de statu suo, id est, de libertate vel de hæreditate compellendus est, iuxta legis constitutionem manniatur. De cæteris verò causis, unde quis rationem est redditurus, non manniatur, sed per comitem bāniatur. Et si post vnam & alteram comitis admonitionem aliquis ad mallum venire noluerit, rebus eius in bannum missis venire & iustitiam facere compellatur.

*Qualiter de statu suo pulsatus euindictet
libertatem suam.*

xxvi. Homo de statu suo pulsatus, si is, qui eum pulsat, ad conuincendum illum procin-

¶ Cum habuerit, adhibeat sibi octo conjuratores legitimos ex ea parte vnde pulsatur, siue illa paterna siue materna sit: & quatuor aliunde non minus legitimos, & iurando vindicet libertatem suam. Quòd si procinctus defuerit, adsumat vndecunque XII. liberos homines, & iurando ingenuitatem suam defendat. Omnis controuersia corā centenario definiri potest, excepta redditione terræ & mancipiorum, quæ non nisi coram comite fieri potest.

De fœdis coercendis.

XXVII. Si quis aliqua necessitate cogente homicidium cōmisit, comes, in cuius ministerio res perpetrata est, & compositionē soluere, & fœdam per sacramentum pacificare faciat. Quòd si vna pars ei ad hoc cōsentire noluerit, id est, aut ille qui homicidium commisit, aut is qui compositionem suscipere debet, faciat illum comes, qui ei contumax fuerit, ad præsentiam nostram venire, vt eum ad tempus, quod nobis placuerit, in exilium mittamus, donec ibi castigetur, vt comiti suo inobediens esse ulterius non audeat, & maius damnum inde non adcre scat.

De sacramentis, vbi iuranda sint.

XXVIII. Vbi antiquitus consuetudo fuit de

libertate sacramenta ad rhamire vel iurare, ibi mallum habeatur, & ibi sacramenta iurentur. Mallus tamē neque in Ecclesia, neque in atrio eius habeatur. Minora verò placita comes siue intra suam potestatem, vel ubi impetrare potuerit, habeat. Volumus utique, ut domus à comite in loco ubi mallum tenere debet, constituatur, ut propter calorem solis, & pluuiam publica utilitas non remaneat.

De his, qui de furto accusati fuerint.

xxxix. Si liber homo de furto fuerit accusatus, & res proprias habuerit, in mallo ad præsentiam comitis se ad rhamiat. Et si res non habet, fideiussores donet, qui eum ad rhamire, & in placitum adduci faciant: & liceat ei prima vice per sacramentum se secundum legem idoneare, si potuerit. At si alia vice duo vel tres eum de furto accusauerint, liceat ei contra vnum ex his cum scuto & fuste in campo contendere. Quòd si seruus de furto accusatus fuerit, Dominus eius pro eo emendet, aut eum sacramento excuset, nisi tale furtum perpetratum habeat, propter quod ad supplicium tradi debeat.

De despectu literarum Dominicarum.

xxx. Si quis literas nostras despexerit, id

est, tractoriā, quæ propter missos recipien-
 dos dirigitur, aut honores quos habet a-
 mittat, aut in eo loco, vbi prædictos mis-
 sos suscipere debuit, tandiu resideat, & de
 suis rebus legationes illuc venientes susci-
 piat, quo vsque animo nostro satis factum
 habeat. Qui verò Epistolam nostram quo-
 cunque modo despexerit, iussu nostro ad
 palatium veniat, & iuxta voluntatem no-
 stram cōgruam stultitiæ suæ castigationem
 accipiat. Et si homo liber vel ministerialis
 comitis hoc fecerit, honorem qualemcun-
 que habuerit, siue beneficium amittat. Et
 si seruus fuerit, nudus ad palum vapulet, &
 caput eius tondeatur,

De iniustis tholoneis, & consuetudinibus.

xxxI. Vt vbi tempore aui nostri Domini
 Pipini cōsuetudo fuit tholoneum dare, ibi
 & in futurum detur. Nā vbi nouiter ince-
 ptum est, vltcrius non agatur. Et vbi neces-
 se non est, fluuium aliquem per pontem
 transmeare, vel vbi nauiſ per mediam aquā
 aut subter pontem ierit, & ad ripam non
 appropinquauerit, neque ibidem aliquid
 emptum vel venundatum fuerit, vltcrius
 tholoneum non detur. Et nemo cogat aliū
 ad pontem ire, vbi iuxta pontem aquam
 transmeare potest. Et qui vltcrius in tali-

bus locis, vel de eis, qui ad palatium seu in hostē pergunt, tholoneum exactauerit, cū sua lege ipsum tholoneum reddat, & bannum nostrum, id est, LX. solid. componat.

De his, qui bonos denarios accipere nolunt.

xxxii. Quicumque liber homo denarium merum & benè pensantem recipere noluerit, bannum nostrum LX. solid. componat. Si verò serui ecclesiastici, aut comitum, aut vassalorū nostrorū hoc facere præsumpserint, LX. iētibus vapulēt. Aut si magister eorū, vel aduocat^o, qui liber est, eos vel comiti vel misso nostro iussus præsentrare noluerit, prædictum bannū LX. solid. componat.

De adulteratoribus monetae.

xxxiii. De falsa moneta iubemus, vt qui eam percussisse cōprobatu fuerit, manus ei amputetur. Et qui hoc consensit, si liber est, LX. solid. componat. Si seruus est, LX. iētus accipiat.

De proprio dominico sine iussione illius reddito.

xxxiiii. Si quis proprium nostrum quod in vestitura genitoris nostri fuit, alicui querenti sine nostra iussione reddiderit, aliud tantum nobis de suo proprio cum sua lege componat. Et quicumque illud sciēter per malū ingenium acquirere tentaue- rit, pro infideli teneatur, quia sacramētum

CAPITVL.

fidelitatis, quod nobis promisit, irritum fecit. & ideo secundum nostram volūtatē & potestatem diiudicandus est.

De pueris inuitis parentibus detonsis, aut puellis velatis.

xxxv. Si quis puerum inuitis parētibus tonderit, aut puellam velauerit, legem suā in triplo componat, aut ipsi puero vel puellæ, si iam suæ potestatis sunt, aut illi, in cuiuslibet potestate fuerint. Illi verò potestatem habeāt capitis sui, vt in tali habitu permaneant, qualis eis complacuerit.

De forcapiis.

xxxvi. Si mancipia Dominos suos fugerint in alienam potestatem, præcipimus, vt propter hoc nullum præmium accipiat ille, in cuius potestate fuerint inuenta, pro eo quod ea vel reddiderit, vel foras eiecerit: & non solum hoc, sed etiam, si ea nec reddere nec foras eiicere voluerit, & legitimo Domino ea contradixerit, & illa inde postea effugerint, secundum legem ea soluere cogatur.

De terra tributaria.

xxxvii. Quicumque terram tributariam, vnde tributum ad partem nostram exire solebat, vel ad Ecclesiam, vel cuiuslibet alteri tradiderit, is qui eam susceperit, tribu-

tum, quod inde soluebatur, omni modo ad partem nostram persoluat: nisi forte talem firmitatem de parte Dominica habeat, per quam ipsum tributum sibi perdonatum possit ostendere.

De beneficiis destructis.

xxxviii. Quicūque suum beneficium occasione proprij desertum habuerit, & intra annum postquam ei à comite vel misso nostro notum factum fuerit, illud emendatum non habuerit, ipsum beneficium amittat.

De terra censali.

xxxix. Si quis terram censalem habuerit, quā antecessores sui vel ad aliquā ecclesiā, vel ad villam nostram dederūt, nullatenus eam secundum legem tenere potest, nisi ille voluerit, ad cuius potestatem vel illa ecclesia vel illa villa pertinet, nisi fortè filius, aut nepos eius, sit qui eam tradidit, & ei eadem terra ad tenendum placita sit. Sed in hac re considerandum est, vtrum ille qui hanc tenet diues an pauper sit: & vtrū aliud beneficium habeat, vel etiam proprium. Et qui horum neutrum habet, erga hunc misericorditer agendum est, ne ex toto dispoliatus in egestatem incidat: vt aut talem censum inde persoluat, qualis ei fuerit

constitutus : vel portionem aliquam inde in beneficium accipiat , vnde se sustentare valeat.

De nonis & decimis.

XL. Consideratum est , vt de frugibus terræ , & animalium nutrimine nonæ , & decimæ persoluātur. De opere verò vel restauratione Ecclesiarum comes , & Episcopus , siue abbas vnà cum misso nostro , quem ipsi sibi ad hoc elegerint , cōsiderationem faciant , vt vnusquisque eorum tantum inde accipiat ad operandum & restaurandum , quantū ipse de rebus Ecclesiarum habere cognoscitur. Similiter & vassi nostri aut in commune tantum operis accipiant , quantum rerū Ecclesiasticarū habent : vel vnusquisque per se iuxta quantitatem , quā ipse tenet. Aut si inter eos conuenerit , vt pro opere faciēdo argētū donēt , iuxta æstimationē operis in argēto persoluant , cū quo precio rector Ecclesiæ ad prædictā restorationem operarios conducere , & materiā emere possit. Et qui nonas & decimas dare neglexerit , primum quidem illas cum lege sua restituat , & insuper bannum nostrum soluat , vt ita castigatus caueat ne sæpius iterando beneficium amittat.

De mæcipiis in villas dominicas cōfugiētibus.

XLII. Si cuiuslibet mancipia in villam nostram confugerint, actor, eiusdē villæ quærenti domino ea non contradicat, sed statim ea foras de eadem villa eiiciat. Et si se putat ad ea repetenda iustitiam habere, repetat illa, & secundum legem adquirat. Si verò tempore domni Karoli genitoris nostri in villam illam confugerunt, & Dominus ea quærit, actor eiusdem villæ aut ea legitimè contineat, aut quærenti Domino reddat. Et actor propter vestituram domni Karoli genitoris nostri eadem mancipia contradicere non audeat, si illius propria esse noscuntur.

De forestibus nouiter institutis.

XLII. Vt quicumque illas habet, dimittat: nisi fortè indicio veraci ostendere possit, quòd per iussionem siue per permissionem domni Karoli genitoris nostri eas instituisset: præter illas, quæ ad nostrum opus pertinent, vnde nos decernere volumus quicquid nobis placuerit.

De pontibus per diuersa loca emendandis.

XLIII. Volumus, vt missi nostri per singulas ciuitates vnà cum Episcopo & comite missos vel nostros homines ibidem cōmanētes eligāt, quorū curæ sit, pōtes per diuersa loca emendare, & eos, qui illos emēdare

debent, ex nostra iussione admonere, vt vnusquisque iuxta suam possibilitatem & quantitatem eos emendare studeat.

<HÆC SVNT capitula præcipuè ad legationem missorū nostrorum ob memoriæ causam pertinentia.>

De legatione omnium missorum Dominorum, de quibus videlicet causis agere debeant.

XLIII. Legatio omnium missorum nostrorum hæc est. Primò, vt sicut iam aliis missis iniūctum fuit, iustitiam faciant de rebus & libertatibus iniuste ablati: & Episcopus, aut abbas, aut vicarius, aut aduocatus, aut quislibet de plebe hoc fecisse inuentus fuerit, statim restituantur. Si verò vel comes, vel actor Dominicus, vel alter miss^{us} palatinus hoc perpetravit, & in nostram potestatem redegerit, res diligenter inuestigata & descripta ad nostrum iudicium reseruetur.

De illis libertatibus & rebus reddendis, quæ in Dominica vestitura sunt, qualiter inquirantur.

XLV. Volumus autem, vt de his libertatibus, & rebus reddendis, quæ in nostra vestitura sunt, primò per optimos quosque inquiratur. Et si per illos inuenire non possit, tunc per eos, qui post illos in illa vicinia

meliores sunt. Et si nec per illos rei veritas inueniri potest, tunc liceat litigantibus ex vtraque parte testes adhibere. Et si discor-
dauerint, secundum constitutionem à no-
bis promulgatam examinentur.

*De oppressione pauperum, viduarum,
& pupillorum.*

XLVI. De pauperibus, viduis, & pupillis in-
iustè oppressis volumus, vt adiuuentur &
releuentur.

De iniustis consuetudinibus nouiter institutis.

XLVII. De iniustis occasionibus & consue-
tudinibus nouiter institutis, sicut sunt tri-
buta & tholonei in media via, vbi nec a-
qua, nec palus, nec pons, nec aliquid tale
fuerit, vnde iniustè census exigi possit, vel
vbi naues subter pontes transire solent, siue
in medio flumine, vbi nullum obstaculum,
est vt auferantur. Antiquæ autem ad no-
stram notitiam deferantur.

De honore ecclesiarum.

XLVIII. De honore ecclesiarum, vt per om-
nia eis exhibeatur, sicut nuper à nobis cum
consensu omnium fidelium nostrorum con-
stitutum est: & vt hoc missi nostri omni-
bus in sua legatione constitutis notum effi-
ciant.

De nonis & decimis.

XLIX. De nonis & decimis, vt secundum iussionem nostram dentur.

De locis ad claustra canonicorum facienda.

L. De locis dandis ad claustra canonicorum facienda, si terra de eiusdem ecclesiæ rebus fuerit, reddatur ibi. Si de alterius ecclesiæ, vel liberorum hominum, commutetur. Si autē de fisco nostro fuerit, nostra liberalitate concedatur.

De obseruatione præceptorum Dominicorum.

LI. De obseruatione præceptorum nostrorum & immunitatem, vt ita obseruentur, sicut à nobis, & ab antecessoribus nostris constitutum est.

De his, qui occasione immunitatis iustitiam facere renuunt.

LII. De his, qui per occasionem immunitatis iustitiam facere renuunt, vt hoc obseruetur, quod à nobis constitutum est.

De locis iamdudum sacris, & nunc spurcitia fœdatis.

LIII. De locis iamdudum sacris, & nunc spurcitia fœdatis, vt iuxta possibilitatem in antiquum statum reformatur.

De beneficiis dominicis destructis.

LIIIII. De beneficiis nostris, quæ destructa inueniuntur, hoc impleatur, quod nuper à nobis constitutum est.

*De falsa moneta, & de aliis diuersis
causis prohibendis.*

LV. De noua moneta & de falsa moneta, & de despectu literarum nostrarum, & de latronibus coërcendis, vel puniendis, & de fâidis pacandis, de homicidiis prohibendis, de periuriis & falsis testibus compescendis, de his omnibus vel cæteris his similibus hoc, quod modò constituimus, omnibus annuncietur, & in futurum obseruetur.

De missorum dominicorum obseruatione.

LVI. Hoc volumus, vt missi nostri obseruent, vt quicquid de his causis, vel simul, vel singulatim emendare potuerint, emendent: & ea, quæ emendauerint, diligenter scriptis notent: & hoc sic peragere curent, quatinus iustè reprehendi à quoquam nullatenus possint. Et quæ facere debent, aut possunt, nullatenus prætermittât: imò caueant, ne, quod absit, aut gratia alicuius, aut honoris, aut timoris, siue odij causa illud, quod agere debent, omittant. Et summoperè studeant, vt hoc, quod per se efficere non possunt, nobis notū faciant: & omnimodis præuideant, vt per singula capitula tā verbis, quāque scriptis de omnibus, quæ illic peregerint, nobis rationē

reddere valeant.

De placitis à liberis hominibus obseruandis.

LVII. De placitis siquidem, quos liberi homines obseruare debent, constitutio genitoris nostri penitus obseruanda atque tenenda est, vt videlicet in anno tria solummodò generalia placita obseruent: & nullus eos amplius placita obseruare compellat, nisi fortè quilibet aut accusatus fuerit, aut alium accusauerit, aut ad testimonium perhibendum vocatus fuerit. Ad cætera verò, quæ centenarij tenent, non alius venire iubeatur, nisi qui aut litigat, aut iudicat, aut testificatur.

De debito ad opus dominicum reuadiato.

LVIII. Vt de debito, quod ad opus nostrū fuerit, reuadiatum, talis consideratio fiat, vt is, qui ignoranter peccauit, non totum secundum legem cōponere cogatur: sed iuxta quod possibile visum fuerit. Is verò, qui tantum mala volūtate peccauit, totam legis compositionem cogatur exsoluere.

De his, qui ad palatium, vel in hostem pergunt, vel inde redeunt.

LIX. Vt nullus ad palatium, vel in hostem pergens, vel de palatio vel de hoste rediens, tributum, quod transitorias vocant, soluere cogatur.

De pontibus publicis.

LX. Vt pontes publici, qui per bannum fieri solebant, anno præsentè in omnino loco restarentur.

De clericis, monachis, & seruis fugitiuis.

LXI. Vt clerici, & monachi, & serui fugitiui ad loca sua redire iubeantur.

De aduocatis Episcoporum, abbatum, comitum, & abbatissarum.

LXII. Vt nullus Episcopus, nec abbas, nec comes, nec abbatissa centenarium comitis aduocatum habeat.

De vicariis vel centenariis, si latrones celauerint.

LXIII. Vt vicarij vel centenarij, qui fures & latrones vel celauerint vel defenderint, secundum sibi datam sententiam diiudicentur.

De comitibus & vicariis admonendis de constitutione legis.

LXIII. Vt comites & vicarij de constitutione legis admoneantur, qua iubetur, vt propter iustitiam peruertendam munera non accipiant.

De forestibus Dominicis.

LXV. De forestibus nostris, vt vbicunque fuerint, diligentissimè inquirant, quomodo saluæ sint & defensæ: & vt comitibus de-

nuncient ne vllam forestem nouiter insti-
tuant, & vbi nouiter institutas sine nostra
iussione inuenerint, dimittere præcipiant.

*De missis Dominicis, & de his qui iusti-
tiam facere renuunt.*

LXVI. Vt vbicunque ipsi missi aut Episco-
pum, aut abbatē, aut alium quēlibet quo-
cunque honore præditum inuenerint, qui
iustitiam facere vel noluit, vel prohibuit,
de ipsius rebus viuant, quamdiu in eo loco
iustitias facere debent.

*De missis Dominicis, vbi diutius non de-
beant immorari.*

LXVII. Vt in illius comitis ministerio, qui
bene iustitias factas habet, idem missi diu-
tius non morentur: neque illuc multitudi-
nem conuenire faciant, sed ibi moras fa-
ciant, vbi iustitia vel minus vel negligenter
facta est.

*De missis Dominicis, & de comite in ali-
quod Missaticum directo.*

LXVIII. Vt in illius comitis ministerio idē
missi nostri placitum non teneant, qui in
aliquod Missaticum directus est, donec ip-
se reuersus fuerit, vt causa, quæ adhuc co-
ram comite non fuit, & is qui se reclamat
propter suam stultitiam aut contumaciam
comitem inde appellare noluit, iterum co-

miti commendetur.

*De missis dominicis, qualiter coniectum
accipere debeant.*

LXIX. Ut missi nostri, qui vel Episcopi, vel abbates vel comites sūt, quamdiu propè suum beneficium fuerint, nihil de aliorum cōiecto accipiāt. Postquamverò inde longè recesserint, tunc accipiant secūdum quod in sua tractoria cōtinetur. Vassi verò nostri & ministeriales, qui missi sunt, vbi-
cunque venerint coniectum accipiant.

*De vassis dominicis, & Episcoporum, vel
reliquorum qui in hoste non fuerunt.*

LXX. Ut vassi nostri, & vassi Episcoporum, abbatum, abbatissarum, & comitum, qui anno præsente in hoste non fuerunt, heribannum reuadient, exceptis his, qui propter necessarias causas & à domno ac genitore nostro Karolo constitutas domi dimissi fuerunt, id est, qui à comite propter pacem conseruandam, & propter coniugem ac domum eius custodiendam, & ab Episcopo vel abbate vel abbatissa similiter propter pacem conseruādā, & propter fruges colligendas, & familiam constringendam, & missos recipiendos dimissi fuerūt.

*De Episcopis, abbatibus, & comitibus, &
de placito Missorum dominicorum.*

CAPITVL.

LXXI. Vt omnis Episcopus, abbas, & comes, excepta infirmitate, vel nostra iussione, nullam excusationem habeat, quin ad placitum Missorum nostrorum veniat: aut talem vicarium suum mittat, qui in omni causa pro illo reddere rationem possit.

De non exigendo heribanno antequam iussio dominica nota fiat.

LXXII. Vt missi & vnusquisque in suo ministerio hæc capitula relegi faciant coram populo, & nota sint omnibus, ne aliquis excusationem habere possit. Et non prius bannum exigant à quoquam homine, donec omnibus hæc nota fiant.

De dispensa Missorum Dominicorum.

LXXIII. De dispensa Missorum nostrorum, qualiter vnicuique iuxta suam qualitatem dandum vel accipiendum sit, videlicet Episcopo panes, xl. friscingæ tres de potu modij tres, porcellus vnus, pulli tres, oua, xv. annona ad caballos modij quatuor. Abbati, comiti, atque ministeriali nostro vnicuique dêtur cotidie panes triginta, friscingæ duæ, de potu modij duo, porcellus vnus, pulli tres, oua xv. annona ad caballos modij tres. Vasallo nostro panes x. & septem, frinscinga vna, porcellus vnus, de potu mod. vnus, pulli duo, oua decem, an-

nona ad caballos modij.ij.

*De eo, qui in aliena patria de qualibet
causa fuerit interpellatus.*

LXXIIII. Si quis in aliena patria, vbi vel propter beneficium, vel propter aliam quamlibet occasionem assiduè conuersari solet, de qualibet causa fuerit interpellatus, verbi gratia, vt de conquifitu suo, vel de mancipiis suis, ibi secundum suam legem iustitiam faciat: & cum talibus coniuratoribus, quales in eadem regione vel prouincia secum habere potuerit, legitimū sacramentū iuret, excepto si quis cum de statu suo, id est, de libertate sua, vel de hæreditate, quæ ei pater suus moriēs dereliquit, appellaucrit. De his duobus liceat illi sacramentum in patria sua, id est, in legitimo sui sacramenti loco iurandum offerre. Et is, qui cum eo litigat, si velit, sequatur illum in patriam suam ad recipiendum illud sacramentum. Ipse tamē primo in eodem loco, id est, vbi interpellatus est, satisfaciat tam Comiti & iudicibus, quàm aduersario suo, testibus probando, quod rem, quæ ab eo quæritur, pater suus ei dereliquit.


De solutione atque compositione.

LXXV. Vt omnis solutio atque compositio, quæ in lege Salica cōtinetur inter Frā-

CAPITVL.

cos, XII. denariorum solid. componatur, excepto vbi contentio contra Saxones & Frisiones exorta fuerit. Ibi volumus, vt XL. denariorum quantitatem solidus habeat: quem vel Saxo vel Frisio ad partem salici Franci cum eo litigantis soluere debet.

APPENDIX PRIMA.

 APITVLA domni Karoli Imperatoris Ecclesiastica, quæ ideo superscriptis non coniunxi capitulis, quia alia ex istis quasi causa memoria scripta fuerant, & non videntur plenum explere sensum. Alia sunt geminata cū aliis videlicet mixta capitulis, alia penitus finita atque ad perfectionem perducta.

- | | |
|-------|--|
| I. | De lectionibus. |
| II. | De cantu. |
| III. | De notariis. |
| IIII. | De cæteris disciplinis. |
| V. | De compoto. |
| VI. | De medicinali arte. |
| VII. | De Ecclesiis sine honore manētibus absque officiis & luminariis: & de his qui decimas sumunt, & de Ecclesiis |

non curant : & de altariis , vt
non superflua sint in Eccle-
siis.

VIII. De laicis nouiter conuersis , ne
antequam suam legem pleni-
ter viuendo discant , ad alia
negotia mittantur.

IX. De relinquentibus seculum , vt
vnum è duobus eligant , aut
pleniter secundum canoni-
cam , aut secundum secula-
rem institutionem viuere de-
beant.

X. De ecclesiis , seu sanctis nouiter
inuentis sine auctoritate , ni-
si Episcopo probante mini-
mè venerentur , salua e-
tiam de hoc , & de omni-
bus ecclesiis canonica aucto-
ritate.

XI. De ordinatis Episcopis , nec re-
ceptis.

XII. Quòd non oporteat absolutè
quoslibet ordinare.

XIII. De seruo , si nesciente Domino
suo fuerit ordinatus.

XIIII. Quòd non liceat clericum
in duabus ciuitatibus

C A P I T V L.

ministrare, nec abbatibus plurima monasteria aut cellas habere.

- xv. De peregrinis Episcopis, & clericis.
- xvi. De literis peregrinorum, & clericis sine literis ambulanti-
bus.
- xvii. Qualis vel pro qualibus culpis quisque secundum canoni-
cam institutionem degrade-
tur de officio sacerdotali.
- xviii. De expulso ab ecclesia, & ex-
communicato, vel damnato
ab officio suo.
- xix. De ordine Ecclesiastico, & of-
ficio missæ.
- xx. De reliquiis sanctorum, & ora-
toriis villaribus.
- xxi. De altari non consecrando nisi
lapideo.
- xxii. De confirmatione cum chris-
mate.
- xxiii. De baptismo.
- xxiiii. De pascha, & die dominico, &
de reliquis festiuitatibus.
- xxv. De ieiunio, & de quadragesi-
ma, vel lætaniis.

XXVI.

Vt festiuitates præclaræ non nisi in ciuitatibus, aut in vicis publicis teneantur.

XXVII.

De hoc officio.

XXVIII.

De Ecclesiis emendandis, vt vbi in vno loco plures sunt, quàm necesse est, destruantur quæ necessariae non sunt, & aliæ construantur.

XXIX.

De Ecclesiis non benè constructis.

XXX.

De iudicio pœnitentiæ, ad interrogandum reliquimus per quem pœnitentialem, vel qualiter iudicentur pœnitentes: & de incestibus, quibus liceat iniungere, quibus non.

XXXI.

De eleemosyna mittenda in Hierusalem propter Ecclesias Dei restaurandas proximo natali Domini.

XXXII.

Vt nullus homo malignis consentiat, sed magis inquitum potest resistat, vt pauperes, orphani, & viduæ, & Ecclesiæ Dei pacem habeant.

XXXIII.

De concordia fideiū nostrorū.

APPENDIX SECVNDA.

ITEM Capitula Domni Karoli Imperatoris mundana, quæ suprascriptam videntur habere causam.

- I. Delatronibus, sicut iam antea in alio capitulari commendauimus, ita maneat.
- II. De aduentitiis, vt cū missi nostri ad placitum venerint, habeant scriptum, quanti aduentitij sunt in illorum misfatico, aut de quo pago sunt, & nomina eorū, & qui sunt eorum seniores.
- III. Si quis de libertate sua fuerit interpellatus, & timens, ne in seruitium cadat, aliquem de propinquis suis, per quem se in seruitium casurum timet, occiderit, id est, patrē, matrem, patruelem, auunculum, vel quamlibet huiusmodi propinquitatis personam, ipse, qui hoc perpetraverit, moriatur. Agnatio eius & consanguinitas in seruitutē cadat. Et si negauerit se illū occidisse, ad nouem vomeres

ignitos iudicio Dei exami-
nandus accedat.

- IIII. De fugitiuis ac peregrinis, vt
distringantur: vt scire possim⁹
qui sint, aut vnde venerint.
- V. Vt bauga, & brunia non den-
tur negotiatoribus.
- VI. De mensuris, vt secundum ius-
sionem nostrā æquales fiant.
- VII. Vt non mittantur testimonia
super vestituram Domni Pi-
pini regis.
- VIII. Vt omnia, quę vuadiare debēt,
iuxta quod in lege cōtinetur,
pleniter secū dum ipsam legē
reuuadiata fiāt: & in postmo-
dum vel domnus rex, vel ille,
cuius causa est, iuxta quod ei
placuerit, perdonet.
- IX. Vt missi nostri, qui iam breues
detulerunt de adnū tiatione,
volumus vt adhuc adducant
de opere.
- X. Quantam moram faciēt in vno
quoque loco, & quot homi-
nes secum habeat.
- XI. De prudentia & constā tia Mis-
sorum nostrorum.

CAPITVL.

- xii. De falsis monetariis requirendum est.
- xiii. De illis Saxonibus, qui vxores non habent.
- xiiii. De signatis qui mentiendo vadunt.
- xv. Si aliæ res fortuitu non præocupauerint, viii. Kalen. Iul. id est, Missa sancti Ioannis Baptistæ ad Magotiam, siue Cabillionem generaliter placitum habere volumus.
- xvi. Vt nemo propter cupiditatem pecuniæ, aut propter auaritiam suam prius det preciũ, aut futuram conuentionem sibi præparet, vt duplum vel triplum tunc recipiat, sed tunc tantum, quando fructus præsentés sunt, illos cõparet.
- xvii. De causis, quæ cotidie non cessant.
- xviii. De fugitiuis qui non cessant recipere & abscondere.
- xix. De vagis peregrinis.
- xx. De homicidiis.
- xxi. De commendatis mēsuris mo-

diorum, & sextariorum.

XXII. De beneficiis nostris non benè
constructis.

XXIII. De hospitalitate & susceptione
itineratium, tam missorū no-
strorum, quàm reliquorum
bonorum hominum.

XXIII. Quòd missos ad vicem nostra-
rum mittimus.

XXV. De his, qui vinum & annonam
vendunt, antequam colligāt,
& per hanc occasionem pau-
peres efficiuntur, vt fortiter
constringantur, ne deinceps
fiat.

XXVI. Vt ante vicarium, & centena-
rium de proprietate aut li-
bertate iudicium non termi-
netur, aut adquiratur: nisi sē-
per in præsentia missorū im-
perialiū, aut in præsentia co-
mitum.

XXXVII. De homicidiis factis anno præ-
senti inter vulgares homi-
nes, quasi propter pulverem
mortalem.

XXVIII. De heribanno, vt diligenter
inquirant missi nostri, qui

hostem facere potuit, & non fecit, vt bannum nostrum ipse componat, si habet vnde cōponere possit. Et si tātū nō habuerit, vnde cōponere valeat, reuadiatū fiat & inbreuiatū: & nihil ex hoc exactū fiat, vsque dum ad notitiam domni Imperatoris veniat.

XXIX.

Qui heriscliz factū habent, per fideiussores mittantur.

XXX.

De beneficiis destructis, & alode restaurato.

XXXI.

De freda exigenda.

XXXII.

De materiamine ad naues faciendum.

XXXIII.

Si aliquis Saxo hominē comprehēderit absque furto, aut absque sua propria aliqua re, dicens, quòd illi sit damnum factum, & hoc contendere voluerit in iudicio, aut in cāpo, aut ad crucem, licentiam habeat. Si verò hoc noluerit, cum suis iuratoribus ipse liber homo se idonei faciat. Et si seruum cuiuslibet absque aliqua comprobatione

cōprehēderit, ipse seruus aut ad aquā feruētē, aut ad aliud iudicium se idonei faciat.

xxxiiii. Si aliquis Saxo caballos in sua messe inuenerit, & ipsos caballos inde ducere pro suo damno ad comprobandum voluerit, si quis liber homo ei hoc cōtradixerit, aut aliquod malum pro hoc ei fecerit, tripla compositione secundum legē & secundū euua ea emēdare studeat, & insuper bannū dominicū soluat, & manū perdat, pro eo quòd inobediens fuit contra praeceptum Domni Imperatoris, quod ipse pro pace statuere iussit. Si seruus hoc fecerit, secundū suam legē omnia in triplum restituat, & disciplinē corporali subiaceat.

xxxv. Quicūque liber homo inuētus fuerit anno præsente cum seniore suo in hoste non fuisse, plenum heribannum persoluere cogatur. Et si senior, vel comes eum domi dimisit,

C A P I T V L.

ipse pro eo eundem heriban-
num persoluat: & tot heribā-
ni ab eo exigantur, quod ho-
mines domi dimisit. Et quia
nos anno pręsente vnicuique
seniori duos homines, quos
domi dimitteret, concessi-
mus, illos volumus, vt missis
nostris ostendat, quia his tā-
tummodo heribannum con-
cessimus.

xxxvi.

Vt quodocunque nauigium
mittere volumus, ipsi senio-
res in ipsis nauibus pergant,
& ad hoc sint pręparati.

APPENDIX TERTIA.

*ITEM Capitula principum pręclarissimo-
rum Ecclesiastica simul & mundana domni Lu-
donici Augusti & Lotharij Cęsaris, quę supra-
scriptam videntur habere rationem.*

- I. Benedictus de sua reclamatio-
ne in perpetuum fileat.
- II. De manso, quem Gehirfredus
Episcopus à Liutrico comite
requisit, vt si missi nostri in-
uene-

- uenerint eum iustitiam habere non permittât Liutricum per vestituram Domni Karoli iustitiam eius impedire.
- III. De foreste, quam Autharius comes habere vult, vbi ea prius non fuisse dicitur, volumus, vt missi nostri rei veritatē inquirant, & iuxta quod iustum inuenerint ex nostra auctoritate definiant.
- IIII. De causa Rothmundi comitis, vt ei liceat hîc in palatio sacramentum suū iurare, quia propter nostrum seruitiū sibi cōstitutum placitum intra patriam obseruare non licuit.
- V. De duabus fœminis, quæ indiculos attulerūt, interrogandi sunt Heiminus & Manoaldus, vtrum ecclesiasticæ, an fiscales fuissent.
- VI. Odo buticularius de foreste sua interrogandus est.
- VII. De rebus, quas Marchio tradidit filio Bosonis vel aliis hominibus, volumus vt hi, quibus traditæ fuerunt, vestitu-

ram suam accipiāt, & insuper confirmationem.

VIII.


De rebus, quas quædam fœmina Hildegardæ reginæ tradidit, & portionem quam sibi referuauit, iniustè amisisse dicitur, volumus, vt charta traditionis quæatur, & inspiciatur: & tunc quid illa habere debeat, definiatur.

IX.

Querelam, quam Helisachar & Heiminus contra Maginarium habēt, volumus, vt missi nostri secundum iustitiam & æquitatem definiant.

X.

De querela Hildebrandi comitis, quòd pagenses eius parureda dare recusāt, volumus, vt hoc missi nostri ab his hominibus, qui in eodem comitatu manent, & ea dare nō debent, necnon & à vicinis comitibus inquirant, & si inuenerint quod ipsi ea dandi debitores sunt, ex nostra iussione dare præcipiant.



DE CONGLVTINATIONE

ISTORVM ET COMMVNIONE SE-
PTEM LIBRORVM CAPITVLO-
RVM VIDELICET DOMINICO-
RVM, QVALITERQVE QVIBVS,
ET A QVIBVS COLLECTI, OR-
DINATI, ATQVE CONSCRIPTI
ESSE MONSTRANTVR, SEQVENS
INDICAT LECTIO: ET QVÆDAM
ISTIS PANDVNTVR VERSICV-
LIS. /

*Quattuor explicitis Lector venerande libellis,
Qui canonum recitant iura tenenda satis.
Quosque pater quondam collegit nobilis aptè,
Ansegisus ouans, ductus amore Dei.
Aut cario demum, quem tunc Magontia summū
Pontificem tenuit, præcipiente pio,
Pòst Benedictus ego ternos leuita libellos
Adnexi, legis quīs recitatur opus.
Quos patet inuentos præfatio pandit ut ipsa,
Distinctim titulis subpositisque suis.
Hos igitur relegens deuoto pectore biblos,
Gratanter studeas fundere posco preces.
Quatenus æterno donentur munere cælo.
Hac pia sanxerunt qui quoque iura piè.*

BENEDICTI LEVITÆ IN

Sequentia capitula præfatio.

Pæcedentes quatuor libelli nonnulla gloriosissimorum Karoli atque Ludouici Imperatorum continent capitula, quæ eorum tempore ab Ansegismo abbate sunt collecta, atque in prædictis coacta libellis, sicut in eorundem præmio continetur. Sed quia ab eo nec media, ut rati sumus, sunt forsitan inuenta vel collecta, necesse erat, ut à fidelibus ubicumque inueniri potuissent, quærentur, & ob recordationem tantorum principum, vel eorundem capi, utilitatē coadunaretur, et membranis insereretur, atque à fidelibus memoriæ commendaretur. Quæ propter ea, quæ ille aut inuenire nequirit, aut inserere fortasse noluit, & illa quæ postmodum à fidelibus sanctæ Dei Ecclesiæ, et Pipini ac Karoli atque Ludouici didicimus in iā dictis libellis minimè esse inserta, pro Dei omnipotentis amore, & sanctæ Dei Ecclesiæ ac seruorum eius, atque toti⁹ populi utilitate fideliter inuestigare curauimus: et in tribus subsequētibus libellis distinctè cum titulis suis coadunare. Ac Ludouico, Lotharioque, atq; Karolo nobilissimis regibus, filiis uidelicet Ludouici pijsimi Imperatoris habenda & omnium Christianorum fidelibus tradenda scribere nō distulimus, ut scirent qualiter iuxta normam aui, pro aui, ac genitoris, secundum Domini

scilicet voluntatem. sicut & illi fecerūt, clerū & populū sibi cōmissum Domino opẽ ferente regere mererentur. Hæc verò capit. quæ in subsequenti-
bus tribus libellis coadunare studuimus, in diuer-
sis locis, et in diuersis schedulis, sicut in diuersis sy-
nodis, ac placitis generalibus ædita crāt, sparsim
inuenimus. maximè sanctæ Magontiacensis me-
tropolis Ecclesiæ scrinio à Riculfo eiusdē sanctæ
sedis metropolitano recōditas, & demū ab Aut-
cario secundo eius successore atque consanguineo
inuēta reperimus, quæ in hoc opusculo tenore su-
prascripto inferere maluimus. Monem⁹ ergo Le-
ctores, vt si eadē capit. duplicata vel triplicata
repererint, nō hoc nostræ imperitiæ reputet, quia
vt diximus, diuersis ea in schedulis inuenimus.
Et ob id tam citò hæc emendare nequiuimus: sed
cunctis scientia repletis Lectoribus hæc corrigi-
da dimisimus. Inuenimus insuper quædam ex his
paria initia habētia, et in parē finē: quædam verò
pares fines: sed nō paria initia. In quibusdam au-
tem minus, & in quibusdā plus. Et propterea illa
sic dimisimus: sicut inuenimus. Precamur etiam
omnes, vt si deinceps plura ex his inuenerint, quæ
memoratus Ansegisus non inseruit, nec nos po-
tuimus hætenus inuenire, vt ea illis in quarta
aut quinto libella distinctè inferere non pigeat,
quatinus ipsi ex hoc gratiam Dei habeāt, & cle-
rus ac populus eorum utilitatibus non careat.

PRÆFATIO

Quoniam valde sunt utilia hæc capitula, & scire volentibus oppido profutura: quæ pro lege tam Ecclesiastica, quàm & seculari iure firmissimo sunt tenenda. Primò igitur in loco posuimus nonnullos versiculos in laudem prædictorum principum metricè compositos: deinde sequuntur capitula primi libelli subiectis numeris suis, ut facilius inueniri possit sententia quæ queritur. His ita peractis, est in fronte primi libelli posita Zachariæ Papæ epistola omnibus Episcopis, ac reliquis Ecclesiastici ordinis gradibus, & cunctis ducibus atque comitibus, omnibusque Deñtimentibus per Gallias, & Francorum prouincias constitutis directæ, sicut in ea continetur. Quam sequuntur duo synodales conuentus, quos sanctæ Romanæ & Apostolicæ ecclesiæ legatus Bonifacius memoratæ Magontiacensis Ecclesiæ Archiepiscopus vice supradicti Zachariæ Papæ una cum Carlomanno Francorum principe canonicè tenuit, ut agnoscant omnes hæc prædictorū principum capitula maximè Apostolica auctoritate fore firmata. Post ista quoque quæ sequuntur, eadem auctoritate maxima, ut diximus, ex parte, & omnium Fræcorum utriusque ordinis virorum assensu sunt roborata. Secundo verò in libello post capitulorum numerum prima fronte posita sunt quædam ex lege diuina excerpta capitula, sicut ea sparsim in

eorum mixta capitulis reperimus, ut omnes hæc capitula legibus diuinis, regulisque canonicis concordare non ignorent. Tertio siquidem in libello post eiusdem libelli capitulorum numerum quedam ex canonibus à Paulino Episcopo, & Albino magistro, reliquisque iussione Karoli inuictissimi principis magistris sparsim collecta sunt incerta capitula, & quibusdam interpositis sequuntur alia regula monastica congruentia, & demum ea quæ sequuntur ad sanctæ Dei Ecclesiæ seruorumque eius atque totius Christiani populi utilitatem sunt conscripta capitula, sicut in eodem continentur libello. Precamur quoque lectores omnes, cunctosque iudices & sapientes, ut non ea sinistra interpretatione ullo unquam tempore dignentur exponere: aut quemquam iniuste iudicare, vel eo quod non sint quedam ex his iuxta regulam Grammaticæ artis composita reprehendere, sed pro ipsis principibus eorumque & sanctæ Dei Ecclesiæ fidelibus, qui hæc eadem simul cum eis tractauerunt, atque pro nobis, qui ea colligere ac describere certauimus, orare studeant: & iam dicta capitula pariter nobiscum & cum illis amplecti, venerari, amare, legibusque tenere decertent, annuente Domino, ut parè omnes ex hoc mercedem habere mereamur. Amen.

VERSUS DE PRÆDICTIS
Principibus.

*Aurea progenies felici stemmate pollens,
Francorum virtus, perpetuumque decus.
Pipinus quondam micuit sublimiter, atque
Carlomanus agens quæ placuere Deo.
Censores etenim veri pietatis amore
Ecclesiæ leges instituere sacras.
Quas dum Lector ovens descriptas legerit istic,
Nec minus & iura posteriora legat.
Hinc Caesar Karolus diuino munere fretus,
Nobiliter proceres rexit in orbe suos.
Quorum sceptris piis unâ moderatus habenis,
Cunctorum vicit inclita gesta patrum.
Virtutum gemmis David, reliquosque secutus,
Insigni fama fulsit ubique sui.
Quid memorem multas domuit quas denique
gentes,
E quibus & remeans clara trophæa tulit,
Nec mirum coluit dum regis iussa superni,
Decernens sanctis iura tenenda viris.
Ob quæ promeruit caelestia scandere regna:
Quæ quoque percepit præmia larga satis.
Inde Ludouicus regno successit auito,
Eximius princeps, diuus, & orbis apex.
Augusto nituit sub quo Germania cultu,
Cultori tribuens commoda multa suo.*

*Pacis amator enim Cæsar, pietatis & almae,
Consuluit populis, plebibus atque suis.
Scilicet ut regem renouans sancita priorum,
Prudenter titulos adderet ipse pios.
Quapropter moriens penetrauit sidera cæli,
Saluens præcelso cantica digna Deo.
Hinc etiam sequitur soboles veneranda per or-
bem,*

*Ipsius insigni nomine digna patris.
Ludouicus enim fluuij cis littora Rheni
Imperat, & gentes comprimit ecce feras.
Necnon Lotharius parili ditione potitus,
Francorum Cæsar sceptrum tremenda vehit.
Tum Karolus regnum Gallorum sorte retentat,
Nomen aui referens auxiliante Deo.
Nos quibus illa tenent terni quæ iura libelli,
Obtulimus scripta semper habenda sibi.
Quorum norma docet iugiter nos viuere rectè,
Et studiis Domino rite placere piis.
Hæc refecant prauos æquo moderamine mores,
Viuendi normam contribuendo piis.
Namque patrant multi funestas sæpe rapinas,
Nonnulli violant templa dicata Deo.
Sunt alij scelerum sædatis labe suorum,
Fistula quos omnes commemorare nequit.
Sed cohibet tales legum censura sacrarum,
Decretis que vetat ista patrare piis.
Ergo duces laudare decet per carmina fortes,*

VERSUS DE PRINCIP.

Munere virtutum qui micuere sacro.
Francia sub quorum sceptris tutissima mansit
Libertate vigens, colla superba terens.
Quam varia gentes dominam timere seueram
Vt pote quas armis cepit ouando suis.
Vnde sibi nomen meruit, decus atque perenne,
Dei etis populis celsa trophæa ferens.
Cælestis patriæ donati munere Reges
Exultant iugiter, & sine fine canunt:
Alta poli cuius subierunt culmina lati,
Quos deuota chelys iam resonauit ouans.
Felices nimium, quos aula beata receptans,
Cœlicolis iunxit ciuibus ipsa libens
Non ibi iam metuumt furuas nocuasque tenebras,
Quin potius vera lucis amœna vident.
Sic Euangelici testatur pagina bibli,
Quod mundi lumen sit Deus altitonans.
Hoc iubar exhilarat superorum corda virorum,
Irradiansque procul nubila tetra fugat.
Hoc etiam vatum cecinit pulcherrime quidam
Olim quod Dominus lux sit amanda Deus.
Cui decus & virtus, laus & veneratio semper,
Imperiumque manet cuncta per æua sacrum.
Ipse tibi tribuat prolixæ tempora pacis,
Credita qui plebi fersque talenta tibi.



INCIPIVNT CAPITVLA LIBRI QVINTI.

- I. *Epistola Zachariæ Papæ Francis,
& Gallis directa.*
- II. *Synodus cum actibus suis iussione
Apostolica à sancto Bonifacio, et
Francorum Episcopis, sub Carlo-
manno duce habita, anno incar-
nationis dominicæ DCCXLII.*
- III. *Item altera Synodus à supradictis
Episcopis, ac principe, Apostoli-
ca authoritate Kal. Mart. ad Li-
ptinas habita.*
- IIII. *De eo, qui à presbytero non bapti-
zato baptizatus est.*
- V. *De eo, qui filiastrum aut filiastram
ante Episcopum tenuerit.*
- VI. *De his, qui propter faidam in alias
patrias fugiunt.*
- VII. *De incestis.*
- VIII. *De Ecclesiasticis viris.*
- IX. *De presbyteris & clericis, ut ar-*

CAPITVL.

chidiaconus eos conuocet ad synodum.

- X. De eo, qui misso Episcopi contraxerit vel presbytero aut clerico incestuosum.
- XI. IV De his, qui res Ecclesiasticas verbo domni regis tenent.
- XII. Vt presb. qui vicos vel eccl. tenent, ceram vel alios cēsus ad matrem ciuitatis eccl. persoluant, sicut cōsuetudo fuit.
- XIII. De immunitatibus seruandis.
- XIIII. De iusticiis faciendis.
- XV. De ecclesiasticis viris, qui se reclamantes ad palatium veniunt.
- XVI. De muliere, quæ sine licentia viri sui velum in caput miserit.
- XVII. De eo, qui filiastram suam contra voluntatem ipsius dederit viro ingenuo vel seruo.
- XVIII. De fœmina ingenua, quæ seruum accepit.
- XIX. De eo, qui habet mulierem legitimam, si frater eius adulterauerit cum ea.
- XX. Vt sacerdotes vel clerici ad secularia negotia relicto Episcopo suo non conuolent.

- XXI. *Vt presbyteri et diaconi præter episcopum nihil agant.*
- XXII. *De eo, qui oblata dederit, vel acceperit, præter Episcopi inſſionem.*
- XXIII. *Cum excommunicatus non licere communicare.*
- XXIII. *De eo, qui ecclesiam Dei conturbat.*
- XXV. *De monachis in ciuitate vel regione qualibet positis, vt Episcopo suo subiecti sint.*
- XXVI. *Vt clericus in ecclesia, in qua prætitulatus est, permaneat.*
- XXVII. *Vt Episcopus curam monasteriorum gerat.*
- XXVIII. *De eo qui excommunicatus pro suo neglecto fuerit.*
- XXIX. *Vt presbyteri rem ecclesie non vendant.*
- XXX. *Vt manumissiones in ecclesia celebrentur.*
- XXXI. *De defensoribus ecclesiarum ab Imperatore poscendis.*
- XXXII. *Vt nullus sacerdos canones ignoret.*
- XXXIII. *Quid de presb. criminosis, de quibus approbatio non est, agendum sit.*
- XXXIII. *De sacerdotum purgatione ex cap. domni Karoli.*

CAPITVL.

- XXXV. De eo, qui confitetur de crimine.
- XXXVI. De vsuris.
- XXXVII. De ordinatione presbyterorum.
- XXXVIII. De presbyteris, qui agenda in domiciliis celebrauerint.
- XXXIX. Vt omnes clerici Episcopis suis subiecti sint.
- XL. De ordine sacerdotum.
- XLI. De eo, qui non confitetur Dei verbum passum carne.
- XLII. De modis excommunicationis tam de clericis, quàm de laicis.
- XLIII. De his qui sine consensu Episcopi presbyteros in Ecclesiis constituunt, vel de Ecclesiis eiiciunt.
- XLIIII. De Ecclesiis inter cohæredes diuisis.
- XLV. De manso ad Ecclesiam dato.
- XLVI. De his, qui decimas dare nolunt, nisi à se redimantur.
- XLVII. De commutationibus utilibus permanendis, inutilibúsq; delendis.
- XLVIII. De Ecclesiæ consecratione, in qua mortuorū cadauera sunt sepulta.
- XLIX. De officio laicorum.
- L. De stultorum voto soluendo.
- LI. De non prodendo a presbyteris crimine Episcopi.
- LII. De manus impositione, & resolu-

tione canonica.

- LIII. De pœnitente, cuius crimen peruulgatum est.
- LIIII. De pœnitentibus, qui Eucharistiam acceperint in infirmitate positi.
- LV. De remedio pœnitentiæ, & quod absolutio pœnitentium per manus impositionem Episcoporum supplicationibus fiat. propter quod necesse est, ut reatus peccatorum ante ultimum diem sacerdotali supplicatione solvatur, etiã si periculo mortis urgente statim post acceptionem pœnitentiæ & reconciliatio subsequatur. Exemplar Papæ Leonis ad Theodorum Foroiulensem Episcopum.
- LVI. Item de pœnitentium absolutione, ut per manus impositionem Episcoporum, vel sacerdotum precibus fiat.
- LVII. Ut pœnitens ostensis pœnitentiæ fructibus communionem recipiat.
- LVIII. Ut pœnitentes tempore, quo pœnitentiam petunt, super caput cilicium à sacerdote consequantur.
- LIX. Ut omni tēpore ieiunij manus pœnitentibus à sacerdote imponatur.

CAPITVL.

- LX. Vt lapsi per manus impositionem
Episcopi absoluantur.
- LXI. Vt pœnitentes communicent, qui
ante reconciliationem moriun-
tur.
- LXII. Vt criminalia peccata multis ieiun-
niis, & crebis manus impositio-
nibus à sacerdotibus purgentur.
- LXIII. Vt pœnitentibus iuxta canonicam
authoritatem pœnitentia detur,
& ante suspensos à communione
excubare faciant ad ecclesiæ offi-
cium.
- LXIII. De his, qui separati à communione
fuerint, pœnitentibus.
- LXV. Ne in confinio mortis pœnitens à
reconciliatione diutine suspen-
datur: & vt oblatio eius, qui pœ-
nitens necdum reconciliatus de
hac vita exierit, ab ecclesia rece-
ptetur.
- LXVI. De presbyteris, vel diaconibus gra-
uiori noxa conuictis.
- LXVII. De pœnitentibus, qui ex grauiori-
bus leuioribusve commissis pœ-
nitentiam gerunt.
- LXVIII. De his, qui conuiuio solo gentilium,
& escis immolatitiis vsi sunt.

LXIX.

- LXIX. *Vt pœnitentes, qui ex grauioribus peccatis pœnitentiã gerunt, tribus annis sint inter audientes, si vtrã pœnitentiam gesserint.*
- LXX. *De catechumenis non prætereundis.*
- LXXI. *Vt qui pœnitentiam publicè gerunt, vno anno cum cilicio sint inter audientes.*
- LXXII. *De pœnitentibus transgressoribus.*
- LXXIII. *Vt pœnitentibus absque personarũ acceptione pœnitentia detur.*
- LXXIII. *De neglegentioribus pœnitentibus.*
- LXXV. *De eo, qui pœnitentiam in infirmitate petit.*
- LXXVI. *Vt pœnitentes non se credant absolutos, nisi per manus impositionem.*
- LXXVII. *De pœnitentibus, qui antequam leges pœnitentiæ exsequantur, si casu in itinere vel in mari mortui fuerint.*
- LXXVIII. *De loco monasteriorum, vel ædificiis prouidendis.*
- LXXIX. *Vt Episcopi sciant qualiter canonici, qui sunt cum abbatibus, uiuant.*
- LXXX. *Vt presbyteri chrisma diligenter cu-*

CAPITVL.

stodiant.

- LXXXI. *Vt presbyt. utantur assidue orariis.*
- LXXXII. *Ne laici presbyteros eiiciant de Eccles. eosue in eis constituent absque proprio Episcop. consensu.*
- LXXXIII. *Ne laici à presbyteris munera exigant.*
- LXXXIIII. *De fugitiuis clericis.*
- LXXXV. *De letania maiore.*
- LXXXVI. *De quatuor tēporibus obseruandis.*
- LXXXVII. *De indicto ieiunio.*
- LXXXVIII. *De Dominicis diebus.*
- LXXXIX. *De decimis.*
- XC. *Vt Ecclesiæ pacem habeant.*
- XCI. *Iterum de pace Ecclesiarum.*
- XCII. *De beneficiis Ecclesiasticis.*
- XCIII. *Ne presbyter missam solus cantet.*
- CXIIII. *De oblatione & pace in Ecclesia facienda.*
- XCv. *De Symbolo, et oratione Dominica.*
- XCvi. *Vt malū ebrietatis omnino vitetur.*
- XCvII. *Vt canticum luxuriosum circa Ecclesias deferatur.*
- XCvIII. *De incestuosis.*
- XCIX. *Ne in quarta, vel quinta, aut sexta generatione cōiugium copuletur.*
- C. *Ne proprius filius de baptismo suscipiatur, vel ad cōfirmationem*

teneatur.

- CI. De damnatis nuptiis.
- CII. De cura & prædicatione sacerdotum erga populum sibi commissum, & ut facinorosos extra Ecclesiam eiiciant.
- CIII. Ut presbyteri omnes suos subiectos orationem Dominicam, & Symbolum doceant.
- CIII. Quibus temporibus baptizandū sit.
- CV. Quòd nullum precium pro baptismo accipi debeat.
- CVI. De decimis, ut fideliter à fidelibus dentur, & canonicè à presbyteris diuidantur.
- CVII. De presbyteris, ut seculares non exerceant curas, neque iudices villarum fiant.
- CVIII. Ut in titulis, quibus presbyteri consecrantur, ante suam promotionē stabilitatem promittant.
- CIX. Ne fœminæ cum presbyteris habitent.
- CX. De presbyteris, vel clericis fugitiuis.
- CXI. Ut in domibus non consecratis nequaquam missa celebretur.
- CXII. Ut presb. diaconi, subdiaconi nec arma portet, nec venatiōes exercent.

CAPITVL.

- CXIII. *Quòd nō liceat mulieri velum sanctum dimittere.*
- CXIII. *De potestate Episcop. pro rebus Eccles. ac de conuenientia Episcop. cum laicis.*
- CXV. *De vita canonicorum.*
- CXVI. *De accusatione Episcopi.*
- CXVII. *Quòd non liceat monasteria Deo sacra diuersoria fieri secularia.*
- CXVIII. *Vt coniurationes vel cōspirationes non fiant.*
- CXIX. *De illis qui res Ecclesie tenent.*
- CXX. *De seruo Eccles. in furto comprehenso.*
- CXXI. *Ex concilio Antisiodorensi, de his qui clericum iniuriauerint.*
- CXXII. *Ex cap. domni Karoli Regis anno regni eius XI. actis.*
- CXXIII. *De decimis per iussionem Episcopi dispensandis.*
- CXXIII. *Qualiter de latronibus faciendū sit.*
- CXXV. *De periuriis.*
- CXXVI. *De latronibus iustè peremptis, & de hominibus iniustè punitis.*
- CXXVII. *De nonis & decimis, vel censu Ecclesiarum.*
- CXXVIII. *De tributariis Ecclesiarum.*
- CXXIX. *Vt sacramentum pro Gildoma,*

non fiat.

- CXXX. Vt iterantibus nullus impedimentum faciat.
- CXXXI. De tholoneis forbannitis.
- CXXXII. Vt mancipia non sine testibus vendantur.
- CXXXIII. Qualiter de Comitibus, vel vassis Dominicis iusticias non facientibus agendum est.
- CXXXIII. De his, qui precium pro fida recipere, & iustitiam facere nolunt.
- CXXXV. De latronibus bis per membra, & tertio per vitam puniendis.
- CXXXVI. Decretale precum quorūdam Episc.
- CXXXVII. Vt nullus presbyt. aliqua cupiditate quemquam tonsurare suadeat.
- CXXXVIII. De concordia Episc. & comitum.
- CXXXIX. De latronibus, homicidis, adulteris, & incestuosis sub magna distributione coercendis.
- CXL. De inuasionē alienarum rerum.
- CXLI. Pro quā re in præsentiā Regis venire quis debeat.
- CXLII. Quid de his agendum sit, qui gratia fugiendi debitum seruitium seculum relinquunt.
- CXLIII. Vt oratio Dominica, symbolū, lex, & capitula regum diligenter ab

CAPITVL.

omnibus intelligatur.

- CXLIH. De Ecclesiis destructis.
- CXLV. De his, qui nonas & decimas dare neglexerunt.
- CXLVI. De his, qui restaurationes Ecclesiarum facere neglegunt.
- CXLVII. De his, qui agros dominicos ideo neglegunt, ut nonas exinde non persoluant.
- CXLVIII. Ut intelligatur in quo facto immunitas frangatur.
- CXLIX. De eo, qui propriam derelinquit uxorem, vel sine culpa interficit, & aliam ducit.
- CL. De liberis hominibus, qui proprium non habent, sed in terra Dominica resident, ad testimonium non recipiendis.
- CLI. Ex Capi. domni Karoli, qualiter ex factis, aut mīsis, vel quartis manopera et cēsus ac tributa ac reliqua seruitia exigātur vel agātur.
- CLII. Ut Episc. incestuosos emendent, & corrigant.
- CLIII. Ut ea conseruentur, quæ in placitis et synodis Pipinus rex constituit.
- CLIIII. De eo, qui à seruo alieno aliquid cōparauerit.

- CLV. *Vt Ecclesiarum negocia à iudice
continuò audiantur.*
- CLVI. *Vt iudex criminofum difcutiens nò
antè fententiam proferat capita-
lem, quā aut reus ipfe confiteatur,
aut p̄ innocētes teſtes cōuincatur.*
- CLVII. *Vt qui ſocij criminis ſunt, non ad-
mittantur teſtes.*
- CLVIII. *De nuptiis inceſtis prohibendis.*
- CLIX. *Vt de abſentibus non iudicetur.*
- CLX. *Vt clementior ſeueriori præferatur
ſententia.*
- CLXI. *Vt qui de ſe cōfeſſus eſt, ſuper alium
non credatur.*
- CLXII. *De teſtimonio vnius hominis non
accipiendo.*
- CLXIII. *Vt contra Episcopos nullus graui-
ter ac leuiter agat.*
- CLXIII. *Quòd per ſpiritum ſanctum remis-
ſio fit peccatorum.*
- CLXV. *De quatuor vitiis, quæ fidem catho-
licam commaculant.*
- CLXVI. *Quòd vniuerſalis ſancta Dei Eccl.
vnū corpus, eiùſque caput Chri-
ſtus ſit.*
- CLXVII. *Quòd eiùſdem Eccleſiæ corpus in
duobus principaliter diuidatur
eximiis perſonis.*

CAPITVL.

- CLXVIII. *Vt chorepiscopi modum mensura, qui in sacris canonibus præfixus est, non excedant.*
- CLXIX. *De chorepiscopis, qui in vicis comorantur in concilio Antiocheno habetur ita.*
- CLXX. *De honore & obedientia Episcoporum, & reliquorum sacerdotum.*
- CLXXI. *De quatuor negligentis sacerdotum.*
- CLXXII. *De presbyteris, qui in suis domibus fœminas habent.*
- CLXXIII. *De presbyteris, qui cōtra statuta canonum villici sunt.*
- CLXXIIII. *Quòd conuersatio sacerdotalis testes vitæ probabiles habeat.*
- CLXXV. *Vt Episc. in rebus Eccles. circa propinquos suos exponēdis reprehensionem caueant, & discretionis modum teneant.*
- CLXXVI. *Quòd nonnulli Episc. sibi subiectos canonicos, monachos, & sanctimoniales neglegant.*
- CLXXVII. *De Episc. abbatibus et sacerdotibus, qui propria loca relinquunt.*
- CLXXVIII. *De laicorum clericis.*
- CLXXIX. *De monachis & presbyteris, siue clericis, qui passim palatium ad-eunt.*

- CLXXX. *Vt non sit sanguinis Christianorum temeraria effusio.*
- CLXXXI. *De abbatibus, canonicis & regularibus, vel abbatibus.*
- CLXXXII. *Vt capellæ absque iussu siue permisso Episcopi non fiant.*
- CLXXXIII. *Vt omnes, qui in fide catholicæ suspecti sunt, in testimonio humano dubij habeantur.*
- CLXXXIII. *Vt si quis ministros eccl. iniuriauerit, hoc tripliciter componat.*
- CLXXXV. *Vt si quis contumax reuerentiā eccl. non habeat. sol. xv. componat.*
- CLXXXVI. *Vt cuncta, quæ circa ecclesias, earūque ministros vel olim ordinavit antiquitas, vel antecessorum auctoritas nostrorum statuit, inuiolata persistant.*
- CLXXXVII. *De prædiis Deo dicatis.*
- CLXXXVIII. *De eo, qui die Dominico opera seruilis fecerit.*
- CLXXXIX. *De his, qui infra regnum per vim aliquid rapuerint.*
- CXC. *De eo, qui alienum seruum ad furtum suaserit.*
- CXCI. *De fure nocturno tempore capto.*
- CXCII. *De eo, qui de fure nesciens aliquid comparauerit.*

CAPITVL.

- CXCIII. De eo, qui occultè in nocte vel in die alterius animal occiderit.
- CXCIII. De eo, qui occiderit alienū animal, & non negauerit.
- CXCV. De eo, qui furtiuam rem scienter emerit.
- CXCVI. De eo, qui de latrone furtiuā rē sciēter ad custodiendum accipit.
- CXCVII. De sacramentis leuiter nō iurandis.
- CXCVIII. De eo, qui contra caput alterius falsa suggesserit.
- CXLIX. De eo, qui per inuidiam vel dolum liberi vel serui domum incēderit.
- CC. Vt si quis seruum iniuste accusauerit alienum, domino simile mancipium per hoc factō reddat.
- CCI. De via publica.
- CCII. De via conuicinali.
- CCIII. De eo, qui fontem coinquinauerit.
- CCIII. De eo cui aurum vel argentum aut ornamenta commendata fuerint.
- CCV. Vt rem in contentione positam non liceat vendere.
- CCVI. De eo, qui seruum suum vendiderit.
- CCVII. De eo, qui de peculio suo fuerit redemptus, seruo.
- CCVIII. De eo, qui causam alterius tulerit de loco suo.

- CCIX. De eo, qui alicuius mortuū repererit.
CCX. De venditionibus vili precio detra-
ctis, vel vitiosis.
CCXI. Vt qui arras dederit pro quacunque
re, precium reddere compellatur.
CCXII. Vt peregr. trāseūtes nemo inquietet.
CCXIII. De eo, qui res alienas vendiderit.
CCXIII. De eo, qui alicuius quadrupedi unū
oculum excusserit.
CCXV. De eo, qui iussu regis vel ducis ali-
quem occiderit.
CCXVI. De eo, qui scripturam protulerit, vt
veritatem eius testibus probet.
CCXVII. Vt quicquid provincialibus fuerit
relaxatum per beneficium princi-
pis ab exactore non requiratur.
CCXVIII. Vt presbyteri, criminosi ad synodū
venientes in medio collocentur.
CCXIX. Vt unusquisque presbyter missam
cum sandaliis celebret.
CCXX. Vt presbyter die dominico cum be-
nedicta aqua procedat.
CCXXI. De hospitalitate & cura pauperum.
CCXXII. Vt adiutorium à rege impendatur
his, qui ministerium Ecclesiasti-
cum adimplent.
CCXXIII. Vt nullus Episcopus, vel Abbas per
præmia suis hominibus beneficia

C A P I T V L.

det vel auferat.

- CCXXIII. *Vt consiliarij regis munera nō acci-
piant, ob beneficium aliis impe-
trandum.*
- CCXXV. *Vt clericus, vel monachus, vel san-
ctimonialis non accusetur ad iu-
diciū ciuile.*
- CCXXVI. *De monacho, qui monasterium suū
dimiserit.*
- CCXXVII. *De seruo in monasterium recepto.*
- CCXXVIII. *De monachis laicis factis.*
- CCXXIX. *De ecclesia ædificanda.*
- CCXXX. *De eo, qui in domo sua oratorium
fecerit.*
- CCXXXI. *De electione abbatissæ.*
- CCXXXII. *De diaconissa vel Deo deuota.*
- CCXXXIII. *De restituendo monasterio.*
- CCXXXIII. *De litigatoribus.*
- CCXXXV. *De scænicis.*
- CCXXXVI. *De præscriptione quadrag. annorū.*
- CCXXXVII. *Vt nemo audeat Episcopum, aut sa-
cerdotem vel clericum apud pu-
blicos iudices accusare.*
- CCXXXVIII. *Ne ullus sacerdos indicetur, nisi
præsentes sint ipsius accusatores,
iḃdemque legitimi.*
- CCXXXIX. *Vt vita accusatiū primò discutiatur.*
- CCXL. *De testibus requirendis in accusa-*

tione clericorum.

- CCXLI. De culpabili persona nō recipienda.
- CCXLII. De non iudicando quemquam ante nominatam causam.
- CCXLIII. De non iudicando maiore à minore.
- CCXLIIII. De non iudicando quenquam absque legitimo accusatore.
- CCXLV. De eo, qui frequenter litigat, ut non suscipiatur absque examine.
- CCXLVI. De rimando enucleatim causam in iudicio, & sæpè ventilando.
- CCXLVII. De his, qui se putant per testes redēptos ad sacerdotum accusationem admitti, ut non admittantur, nisi omni suspicione caruerint.
- CCXLVIII. Ut nullus contra religionem faciat.
- CCXLIX. Quòd laicis non sit de religione præsumendum.
- CCL. Ut liceat maiores iudices appellare, quotiens necessitas ingruerit.
- CCLI. De iniusto iudicio, principis metu vel iussu terminato cassando.



INCIPIT LIBER
QVINTVS.

*Epistola Zachariæ Papæ Francis
& Gallis directa.*

ZACHARIAS Papa vniuersis Episcopis, presbyteris, diaconib^o, abbatibus; cūctis etiam ducibus, comitibus, omnib^{us}que Deum timentibus per Gallias, & Francorum prouincias constitutis. Referente nobis reuerendissimo atque sanctissimo fratre nostro Bonifacio Episcopo, quòd dum synodus aggregata esset in prouincia vestra iuxta nostram commonitionem, median-
tibus filiis nostris Pipino & Carlomanno principibus vestris, peragente etiam vice nostra metropolitano Bonifacio, Dominus illuminasset corda vestra cum principibus vestris in prædicationem eius, vt omnibus commonitionibus eius obedire-

tis:& falsos, & schismaticos, & homicidas
& fornicarios à vobis expelleretis sacer-
dotes Omnipotenti Deo nostro gratias e-
gimus:& pro vobis incessanter sumus orā-
tes , vt qui cæpit in vobis opus bonum,
perficiat vsque in finem . Obsecro enim
omnes vos coram Deo, vt eius commotio-
nibus firmiter obediatis . Ipsum enim vi-
ce nostra in partibus illis ad prædicandum
constitutum habemus , vt vos Deo propi-
tio ad viam perducatur rectitudinis , & à cū-
ctis facinoribus salui esse possitis . Habui-
stis enim peccatis facientibus nunc vsque
falsos & erroneos sacerdotes: vnde & cun-
ctæ paganæ gentes vobis pugnātibus præ-
ualebant , quia non erat differentia inter
laicos & sacerdotes, quibus pugnare lici-
tum non est . Qualis enim victoria da-
tur, vbi sacerdotes vna hora dominica
pertractant mysteria, & Christianis Do-
minicum porrigunt Corpus pro suarum
animarum redemptione : & post Christia-
nos, quibus hoc ministrare debuerant, aut
paganos quibus Christum prædicare, pro-
priis sacrilegisque manibus necant ? præ-
cipuè dicente eis domino, Vos estis sal ter-
ræ. Quòd si sal euauerit, in quo cōdictur?
Ad nihilum valet ultra nisi vt mittatur

CAPITVL.

foras, & conculcetur ad hominibus. Et dū
 hæc ita sint, & tales in vobis fuerint sacer-
 dotes, quomodo victores contra vestros
 inimicos esse poteritis? Nam si mundos &
 castos ab omni fornicatione & homicidio
 liberos habueritis sacerdotes, vt sacri præ-
 cipiunt canones, & nostra vice prædicat
 præfatus Bonifacius frater noster, & ei in
 omnibus obedientes, extiteritis, nulla
 gens ante conspectum vestrum stabit: sed
 corruent ante faciem vestram omnes pa-
 ganæ gētes, & eritis victores: insuper & be-
 nè agentes vitam possidebitis æternam.
 Vos autem charissimi fratres, qui estis veri
 sacerdotes, vel sub regulari disciplina con-
 stituti, sic vosmetipsos exhibete, vt certè
 ministros Dei, & dispensatores ministerio-
 rum Dei: vt non vituperetur ministerium
 nostrum, ne fiat in vobis sicut scriptum est,
 erit sicut populus, sic & sacerdos. Et si
 hoc fuerit, qualis vobis erit ab hominibus
 laus? Aut qualis à Deo expectatur re-
 tributio? Sed sic vos corrigite, vt veri sa-
 cerdotes: & tales ad sacerdotium produci-
 te, vt & vobis, & illis testimonium maneat
 bonum ab his, qui foris sunt: quatinus ab
 hominibus vobis acquiratis laudē, & à deo
 mereamini præmium in æterna beatitudine
 percipe-

percipere mereamini, eo quòd per vos ad Christi perducti sunt rectam fidem, innoxios habentes sacerdotes. Ad synodum namque omni anno conuenite ad pertractandum de vnitae Ecclesiæ, vt si quid aduersi acciderit radicitus amputetur, & Dei Ecclesia maneat inconcussa, Benè valete.

Synodus cum actibus suis inssione Apostolica à sancto Bonifacio, & Francorum Episcopis sub Carlomanno duce habita, anno incarnationis Dominicæ DCCXLII.

II. In nomine Domini nostri Iesu Christi ego Carlomannus dux & princeps Francorum, anno ab incarnatione Christi septingentesimo quadragesimo secundo. xi. videlicet Cal. Maias, cum consilio feruorū Dei & optimatum meorum, Episcopos qui in regno meo sunt cum presbyteris ad concilium & synodum pro timore Christi congregaui: id est, Bonifacium archiepiscopum, & Burchardum, & Regenfridum, & VViztanum, & VVitbaldum, & Dadanum, & Eddanum, ac reliquos episcop. cum presbyteris eorum, vt mihi consilium dedissent, quomodo lex Dei, & ecclesiastica religio recuperetur, quæ in diebus præteritorum principum dissipata corruit: & qualiter populus Christianus ad sa-

ludem animæ peruenire possit, & per falsos sacerdotes deceptus non pereat. Et per cōfiliū sacerdotum & optimatum meorum ordinauimus per ciuitates Episcopos, & constituimus super eos Archiepiscopum Bonifacium, qui est missus sancti Petri. Statuimusque per annos singulos synodū cōgregare, vt nobis præsentibus canonū decreta, & ecclesiæ iura restaurētur, & religio Christiana emēdetur: & fraudatas pecunias Ecclesiarum ecclesiis restituimus, & reddidimus. Falsos verò presbyteros, & adulteros, vel fornicatores diaconos & clericos de pecuniis Ecclesiarum abstulimus, & degradauimus, & ad pœnitentiam coëgimus. Seruis Dei per omnia omnibus armaturā portare, vel pugnare, aut in exercitum, & in hostem pergere omnino prohibemus: nisi illis, tantummodo qui propter diuinū ministerium, Missarū scilicet sollempnia adimplenda & sanctorum patrocinia portanda, ad hoc electis: id est, vnū vel duos presbyteros cū capellanis presbyteris princeps secū habeat: & vnusquisque præfectus vnū presbyterum, qui hominibus peccata confitentibus iudicare, & indicare pœnitentiam possit. Necnon & illas venationes, & syluaticas vagationes cum canibus, om-

nibus seruis Dei interdiximus, similiter vt acceptores & falcones non habeant. Decreuimus quoque iuxta sanctorum canones, vt vnusquisque presbyter in parochia habitans, Episcopo subiectus sit: & semper in quadagesima rationem & ordinem ministerij sui siue de baptismo, siue de fide catholica, siue de precibus, & ordine Missarum Episcopo reddat & ostendat. Et quandocunque iure canonico Episcopus circumeat parochiam populos ad confirmandos, presbyter semper paratus sit ad suscipiendum Episcopum, cum collectione & adiutorio populi, qui ibi confirmari debet. Et in cœna domini semper nouum chrisma ab Episcopo quærat vt Episcopo testis adsistat castitatis, & vitæ, & fidei, & doctrinæ illius. Statuimus vt etiâ secundû cautelam omnes vndecûque superueniētesignotos vel presbyteros ante probationem synodalem in Ecclesiasticû ministerium non admitteremus. Decreuimus quoque, vt secūdû canones vnusquisque Episcopus in sua parochia sollicitudinē habeat, adiuuante graphione, qui defensor Ecclesiæ est, vt populus dei paganas nō faciat: sed vt omnes spurcicias gentilitatis abiiciat, & respuat, siue profana sacrificia

mortuorum, siue sortilegos, vel diuinos, siue
 phylacteria, & auguria, siue incantationes,
 siue hostias immolatitias, quas stulti
 homines iuxta ecclesias ritu pagano faciunt,
 sub nomine sanctorum Martyrum vel Confessorum Domini, & suos sanctos
 ad iracundiam prouocantes: siue illos sacrilegos
 ignes, quos nedfratres vocant, siue omnes,
 quæcunque sunt paganorum obseruationes
 diligenter prohibeant. Statuimus similiter
 vt post hanc synodū, quæ fuit XI. Kalen.
 Maias, vt quisquis seruorum Dei vel ancillarum
 Christi in crimen fornicationis lapsus fuerit,
 vt in carcere pœnitentiā faciat in pane & aqua:
 & si ordinatus presbyter sit, duos annos in
 carcere permaneat, & antea flagellatus & scorticatus
 videatur, & post Episcopus adaugeat. Si autem
 clericus, aut monachus in hoc peccatum ceciderit,
 post tertiam verberationem in carcerem missus
 vertentem annum ibi pœnitentiam agat. Similiter &
 nonnæ velatæ eadem pœnitentia contineantur,
 & radantur omnes capilli capitis earum.
 Decreuimus quoque, vt presbyteri vel diaconi
 non sagis laicorum more, sed casulis vtantur
 ritu seruorum Dei, & nullus in sua domo mulierē
 habitare per-

mittat, & ut monachi, & ancillæ Dei monasteriales iuxta regulam sancti Benedicti Cœnobيا vel Xenodochia sua ordinare, gubernare, & viuere studeant: & vitam propriam degere secundum prædicti patris ordinationem non neglegant.

*Item altera synodus à supradictis Episcopis,
ac principe, Apostolica auctoritate Cal.*

Mar. ad Liptinas habita.

III. Modo in hoc synodali conuentu, qui congregatus est Cal. Mar. in loco, qui dicitur Liptinæ, omnes venerabiles sacerdotes Dei, & comites, & præfecti prioris synodi decreta consentientes firmauerunt: seque ea implere velle & obseruare promiserunt. Et omnis Ecclesiastici ordinis clerus, Episcopi, & presbyteri, & diaconi cum reliquis clericis suscipientes antiquorum patrum canones promiserunt se velle Ecclesiastica iura moribus & doctrinis & ministerio recuperare. Abbates verò, & monachi receperunt regulam sancti patris Benedicti ad restaurandam normam regulæ vitæ. Fornicatores namque, & adulteros clericos, qui sancta loca vel monasteria antè tenentes coinquinauerunt, præcepimus inde tollere, & ad pœnitentiam redire. Et si post hanc diffinitionem

in crimen fornicationis vel adulterij ceciderint, prioris synodi iudicium sustineant. Similiter, & monachi, & nonnæ. Statuimus quoque cum cōsilio seruorum Dei & populi Christiani, propter imminencia bella & persecutiones cæterarum gentium quæ in circuitu nostro sunt, vt sub precario & censu aliquam partem ecclesiæ pecuniæ in adiutorium exercitus nostri cum indulgentia Dei aliquanto tempore retineamus, ea conditione, vt annis singulis de vnaquaque casata solidus, id est, duodecim denarij ad ecclesiā vel monasterium reddantur, eo modo vt si moriatur ille, cui pecunia commandata fuit, ecclesiā cum propria pecunia reuestita sit. Et iterum si necessitas cogat, aut princeps iubeat, precarium renouetur, & rescribatur nouum: & omnino obseruetur, vt Ecclesiæ vel monasteria penuriam & paupertatem non patiātur, quorum pecunia in precario præstita sit: sed si paupertas cogat, Ecclesiæ & domui Dei reddatur integra possessio. Similiter præcipimus, vt iuxta decreta canonum adulteria, & incesta matrimonia, quæ non sunt legitima, prohibeantur & emendentur Episcoporum iudicio, & vt mācipia Christiana paganis nō tradantur.

Decreuimus quoque, quod & pater meus antè præcipiebat, vt qui paganas obseruationes in aliqua re fecerit, mulctetur & dānetur quindecim solid.

De eo, qui à presbytero non baptizato baptizatus est.

III. Si quis baptizatus est à presbytero nō baptizato, & sancta trinitas in ipso baptismo inuocata fuit, baptizatus est, sicut Sergius Papa dixit. Impositione verò manus indiget. Gregorius Episcopus Romanus, & Ioannes Sacellarius sic senserunt.

De eo, qui filiastrum aut filiastram ante Episcopum tenuerit.

V. Si quis filiastrum aut filiastram suam ante Episcopum ad confirmationem tenuerit, separetur ab vxore sua, & alterā non accipiat. Similiter & mulier alterum non accipiat. Gregorius sensit.

De his, qui propter faidam in alias patrias fugiunt.

VI. Qui propter faidam fugiunt in alias patrias, & dimittunt vxores suas, nec ille vir nec illa fœmina accipiant alterum coniugium. Gregorius sensit.

De incestu.

VII. Si homo incestū commiserit cū Deo sacrata, aut cum matre sua, aut cū matrina

sua de fonte aut confirmatione, aut cum matre & filia, aut cum duabus sororibus, aut cum matris filia, aut cū sororis filia, aut cum nepte, aut cum consobrina, aut cum amita, vel matertera, aut cum his, quibus canones prohibent copulare, de istis criminibus pecuniam suam perdat, si habuerit. Et si hæc emendare noluerit, nullus eum recipiat, nec cibum donet. Et si fecerit, LX. solidos componat domno regi vsque dum ipse homo se correxerit. Et si pecuniam nō habuerit, si liber est mittatur in carcerem vsque ad satisfactionem. Si autem seruus, aut libertus est, vapuletur plagis multis. Et si dominus suus eum permiserit amplius in talem lapsum cadere, ipse LX. solidos domno regi componat. De reliquis verò propinquis, iuxta constituta sanctorum patrum, & iuxta decreta canonum iudicetur.

De Ecclesiasticis viris.

VIII. Si Ecclesiastici viri supradicta facinora commiserint, si honorabilis persona fuerit, perdat honorem suum. Minores verò vapulentur, aut in carcerem mittantur.

*De presbyteris & clericis, ut archidiaconus
eos conuocet ad synodum.*

IX. De presbyteris & clericis sic ordina-

uimus, vt archidiaconus Episcopi eos ad synodum conuocet, & si quis ire contemp-ferit, tunc comes iussione Episcopi moni-tus eum distringere faciat, ita vt ipse pres-byter, aut defensor suus, lx. solidos com-ponat, & ad synodum post ea, velit nolit, veniat: & Episcopus ipsum presbyterum vel clericum iuxta canonicam auctoritatem di-iudicare faciat. Solidi vero lx. de ipsa cau-sa in sacellum Domini regis veniant.

*De eo, qui misso Episcopi contradixerit, vel
presbytero aut clerico incestuosum.*

x. Si aliqua persona per violētiam presby-tero, aut clerico, vel misso Episcopi ince-stuosum contradixerit, tunc comes ipsam personam per fideiussores positam ante re-gem faciat venire, vna cum missis Episco-pi, vt dominus rex ita eos distringat, vt cæ-teri emendentur.

*De his, qui res Ecclesiasticas verbo domni
Regis tenent.*

xi. Vt illi homines, qui res Ecclesiasticas per verbum domni Regis tenent, sic ordi-natum est, vt illas Ecclesias vnde sunt; vel illas domos Episcopi vel monasterij, cuius esse noscuntur, iuxta quod de ipsis rebus tenent, emendare debeant, & illos census vel illas decimas ac nonas ibidem dare ple-

niter debeant, sicut eis ad vernū ordinauimus, & qui hoc nō fecerit, ipsas res perdat. *Vt presbyteri, qui vicos vel Ecclesias tenent, ceram vel alios census ad matrem ciuitatis Ecclesiam persoluant, sicut consuetudo fuit.*

xii. Vt hi, qui illos vicos vel illas Ecclesias tenent, illos cēsus vel illam ceram, quæ lōgo tempore ad illud Episcopium reddiderunt, modo sic ordinauimus, vt sic faciant: & qui hoc non fecerit, LX. sol. componat.

De immunitatibus seruandis.

xiii. Vt immunitates pleniter conseruatae sint.

De iustitiis faciendis.

xiiii. Vt omnes iustitias faciant tam publici, quàm Ecclesiastici. Et si aliquis homo ad palatium venerit pro causa sua, & antea suo Episcopo, suisque ministris, quæ Ecclesiastica sunt & quæ secularia suo comiti nō innotuerit in mallo ante Rachinburgios, aut si causa sua ante comitem in mallo fuit, & ante Rachinburgios, & hoc sustinere noluerit, quòd ipsi legitimè iudicauerint, si pro istis causis ad palatium venerit, vapuletur: & si maior persona est, legem exinde faciat.

De Ecclesiasticis viris, qui se reclamantes ad palatium veniunt.

xv. Si Ecclesiastici viri ad palatium venerint de eorum causis se reclamare, nisi super eorum seniore, vapulentur: nisi senior suus eos pro causa sua transmiserit.

De muliere, quæ sine licentia viri sui, velum in caput miserit.

xvi. Mulier si sine comiato viri sui velum in caput suum miserit, si viro suo placet, recipiat eam iterum ad coniugium.

De eo, qui filiastram suam contra voluntatem ipsius dederit viro ingenuo vel seruo.

xvii. Si quis homo filiastram suam contra voluntatem ipsius, & matris, & parentum dederit viro ingenuo aut Ecclesiastico, vel seruo, & illa noluerit habere ipsum, & reliquerit eum, potestatem habeant parentes illius, dare illi alium maritum, Et si iā maritum habet, non separetur.

De fœmina ingenua, quæ seruum accepit.

xviii. Si fœmina ingenua accipit seruum, & sciēs quòd servus esset, habeat eum. Vna enim lex erit & viro & fœminæ.

De eo, qui habet mulierem legitimam, si frater eius adulterauerit cum ea.

xix. Si quis homo habens mulierem legitimam, si frater eius adulterauerit cum ea, ille frater vel illa fœmina, qui adulterium perpetraverunt, interim quod viuunt,

nunquam habeant amplius cōiugium. Ille
verò, cuius vxor fuit, si vult, potestaté ha-
bet vxorem accipere aliam.

*Vt sacerdotes vel clerici ad secularia negotia re-
lictō Episcopo suo non conuolent.*

xx. Quòd nō oporteat sacerdotes vel cle-
ricos habentes aduersus inuicem negotia,
propriū Episcopum relinquere, & ad se-
cularia negotia conuolare.

*Vt presbyteri & diaconi prāter Episcopum
nihil agant.*

xxi. Presbyteri & diaconi prāter Episco-
pum nihil agere pertinent.

*De eo, qui oblata dederit, vel acceperit
prāter Episcopi iussione.*

xxii. Si quis oblata dederit vel acceperit
prāter Episcopum, vel eum qui constitu-
tus est ab eo, ad dispensandam misericor-
diam pauperibus, & qui dat, & qui accipit,
anathema sit.

Cum excommunicatis non licere communicare.

xxiii. Cum excommunicatis non licere
communicare: nec cū his, qui per domos
conueniunt deuotantes orationes Eccle-
siæ, simul orandū esse. Ab alia Ecclesia non
suscipiendum, qui in alia minimè congrega-
tur.

De eo, qui Ecclesiam Dei conturbat.

xxiii. Si quis Ecclesiam Dei conturbare & sollicitare persistit, tanquam seditiosus per potestates exteras opprimatur.

De monachis in ciuitate, vel regione qualibet positis, ut Episcopo suo subiecti sint.

xxv. Monachos per vnāquamque ciuitatem aut regionem subiectos esse Episcopo suo, & quietem diligere, & intētos esse tantummodo ieiunio, & orationi, in locis quibus renuntiauerunt seculo permanentes. Nec Ecclesiasticis verò nec secularibus negotiis communicent, vel in aliquo sint molesti, propria monasteria deferentes, nisi fortē eis præcipiatur propter opus necessarium ab Episcopo ciuitatis.

Vt clericus in Ecclesia, in qua prætitulatus est, permaneat.

xxvi. Clericum permanere oportet in Ecclesia, cui in initio ab Episcopo prætitulatus ac sortitus est, & ad quam cōfugit quasi ad potiozem. Hoc autem resutantem reuocari debere ad suam Ecclesiam, in qua primitus ordinatus est, & ibi tantummodo ministrare. Si quis hanc diffinitionē transgressus fuerit, decreuit sancta synodus à proprio gradu recedere.

Vt Episcopus curā monasteriorum gerat.

xxvii. Episcopum conuenit ciuitatis com.

petentem monasteriorum prouidentiam gerere.

De eo, qui excommunicatus pro suo neglecto fuerit.

xxviii. Si quis excōmunicatus fuerit pro suo neglecto, & tempore excommunicationis suæ ante audientiam communicare præsumpserit, ipse in se damnationis iudicetur protulisse sententiam.

Vt presbyteri rem Ecclesiæ non vendant.

xxix. Placuit, vt presbyteri non vendant rem Ecclesiæ, vbi sunt constituti, nescientibus Episc. suis.

Vt manumissiones in Ecclesia celebrentur.

xxx. Manumissiones in Eccles. sunt celebrandæ.

De defensoribus Ecclesiarum ab Imperatore poscendis.

xxxi. Defensores Ecclesiarum aduersus potentias secularium vel diuitum ab Imperatore sunt poscendi.

Vt nullus sacerdos canones ignoret.

xxxii. Nulli sacer. liceat canones ignorare.

Quid de presbyteris criminosis, de quibus adprobatio non est, agendum sit.

xxxiii. Et hoc vobiscū magno studio tractādum est, quid de illis presbyteris criminosis, vnde adprobatio non est, & sem-

per negant, faciendum sit. Nam hoc sæpissimè à nobis, & progenitoribus atque antecessoribus nostris ventilatum est, sed nō ad liquidum hætenus definitum. Vnde ad consultandum patrem nostrum Leonem Papam sacerdotes nostros mittimus, & quicquid ab eo, vel à suis perceperimus, vobis vnà cum illis, quos mittimus, renuntiare non tardabimus. Vos interdum vicissim tractate attentius, quid ex his vobiscū constituamus, vna cum prædicti sancti patris institutionibus, vt murmur cesset populi, & nos his satisfaciētes illēsi Domino auxiliāte ab vtrisque maneamus. Sequitur constitutio memorata.

De sacerdotum purgatione ex cap.

Domni Karoli.

xxxiiii. Omnibus vobis visu aut auditu notum esse non dubitamus, quòd sæpissimè suadente antiquo hoste sacerdotibus crimina diuersa obiiciantur, sed quoniam qualiter ex eis ab his rationabilis examinatio & satisfactio fiat, licet tempore bonæ memoriæ domni genitoris nostri Pipini, siue priscis temporibus à sanctis patribus & reliquis bonæ deuotionis hominibus sæpissimè ventilatum fuerit, nos tamen pleniter & ad liquidum definitum re-

perire minimè quiuimus. Nostreis quippe temporibus ad ipsū à sanctis Episcopis, & reliquis sacerdotibus, & cæteris Ecclesiasticæ dignitatis ministris nostris in regnis, seu in aliis Deo degētibus, nobisque vna cum eis agentibus sæpissimè propter multas & nimias reclamaciones, quæ ex hoc ad nos ex diuersis partibus venerunt, ventilatum est, sed qualiter consultu domini & patris nostri Leonis Apostolici, cæterorumque Romanæ Ecclesiæ Episcopo, & reliquorum sacerdotum, siue orientalium & Græcorum Patriarcharum, & multorum sanctorum Episcoporum & sacerdotum, necnon & nostrorum Episcoporum, omniumque cæterorum sacerdotum ac leuitarum auctoritate & consensu, atque reliquorum fidelium, & cunctorum consiliariorum nostrorum consultu definitum est, vobis omnibus vtriusque ordinis ministris scire volumus. Statutum est namque ratione & necessitate ac auctoritate prædicta consultu omnium, vt quotienscunque cuiquam sacerdoti crimen imponitur, si ipse accusator talis fuerit, vt recipi debeat. (quia quales ad accusationem sacerdotum admitti debeant in canonibus pleniter expressum est.) Si autem, vt dictum est, ille accu-

accu-

accusator, qui canonicè est recipiendus, eū cum legitimo numero verorum & bonorum testium approbare in conspectu Episcoporum poterit, tunc canonicè diiudicetur. Et si culpabilis inuentus fuerit, canonicè damnetur. Si verò eum suprascripto prætextu approbare ipse accusator minimè poterit, & hoc canonicè definiatur. Ipse ergo sacerdos, si suspiciosus, aut incredibilis suo Episcopo, aut reliquis suis consacerdotibus, siue bonis & iustis de suo populo vel de sua plebe hominibus fuerit, ne in crimine aut in prædicta suspitione remaneat, cum tribus aut quinque vel septem bonis ac vicinis sacerdotibus, exemplo Leonis Papæ, vel eo amplius, si suo Episcopo visum fuerit, aut necesse propter tumultum populi inesse prospexerit: & cum aliis bonis & iustis hominibus se sacramento coram populo super quatuor euangelia dato purgatum Ecclesiæ reddat. Si quis autem scire desiderat, quales testes ad accusationem sacerdotum recipi debeant, & quicquid de accusatore faciendum sit, pleniter in canonibus reperire poterit.

De eo qui confitetur de crimine.

xxxv. Manifestum est confiteri cum de crimine, qui indulto & delegato iudicio pur-

Q

gandi se occasione non vritur. Nihil enim interest, vtrum in præsentì examine omnia, quæ dicta sunt de eo comprobentur, cū ipsa absentia pro confessione constat.

De usuris.

xxxvi. Usuram non solum clerici, sed nec laici Christiani exigere debent.

De ordinatione presbyterorum.

xxxvii. Vt presbyteri non ordinentur, priusquam examinentur, & vt ante ordinationem pleniter & studiosissimè instruantur, qualiter se à viciis cauere debeant, & qualiter subditos doceant, ne torpentes vel hebetes in doctrina sancta, vel vitio malæ famæ eorum neglectu, vel aliqua mala similitudine, quod absit, aspergantur: quoniam detractio sacerdotū ad Christum pertinet, cuius & ministri vel nuntij esse noscuntur: quia nimis grauiter peccant, qui sacerdotes & ministros Christi detrahunt: quoniam testante Euangelica tuba, melius est vnicuique vt suspendatur mola asinaria collo eius, & demergatur in profundum maris, quam scandalizet vnū de pusillis, Christi videlicet ministris. Et alibi, qui vos recipit, me recipit: & qui vos spernit, me spernit. Et vt hoc detractiois & scandali peccatum omnes sum-

more caueant, obnixè monemus, & coram Deo testamur, & sicut Dei fideles rogamus, ne Christi detrahant ministros. Similiter & Christi Domini nostri ministros, & sacerdotes, nostrosque magistros monemus, ne locum subditis tribuant detrahendi: quia qui detrahit fratrem suum, homicida est: & peior legitur esse detractio, quam fornicatio. Ideo monemus, & præcipuè rogamus, ne fiat, ne absque gladio, aut vulnere corporis aliquo quisquam homicida inueniatur. Et sicut de hominibus corporaliter occisis iudicare decreuimus, sic, & de illis, qui ex hoc detractiois scelere detecti coram nobis fuerint, peragi Domino annuente decernimus: vt pax Ecclesiarum inquâ tum Dominus auxiliû dederit, in finibus & regionibus nobis à Deo commissis nulla turbent tempestate detractio- num atque bellorum.

De presbyteris, qui agenda in domiciliis celebrauerint.

xxxviii. Statutum est, vt si quis presbyter in domiciliis agenda celebrauerit sine licẽtia & consilio sui Episcopi, honore sacerdotali priuetur.

Vt omnes clerici Episc. suis subiecti sint.

xxxix. Vt omnes presbyteri, diaconi, &

subdiaconi sub potestate Episcopi maneāt.

De ordine sacerdotum.

XL. Vt nullus presbyter præsumat in alia parochia baptizare, nec missas celebrare sine iussione Episcopi in cuius parochia est. Et omnes presbyteri ad cōcilium Episcopi conueniant. Et si hoc quod superius comprehensum est, facere contempserint: secundum suam canonicā institutionem iudicetur tam ipsi, quàm & defensores eorum.

De eo, qui nō confitetur Dei verbum passū carne.

XLI. Si quis non confitetur Dei verbum passum carne, & crucifixum carne, & mortem carne gustasse, factūque primogenitum ex mortuis, secundum quod vita est & viuificatur vt Deus, anathema sit.

De modis excommunicationis tam de clericis, quàm de laicis.

XLII. Si quis presbyter ab Episcopo suo degradatus, vel excommunicatus fuerit, & ipse per contemptum postea aliquid de suo officio sine comiatu facere præsumpserit, & postea ab Episcopo correptus, & excommunicatus fuerit, qui cum ipso communicauerit scienter, sciat se esse excommunicatum similiter. Quicūque clericus vel laicus, aut foemina incestū commiserit, & ab Episcopo suo correptus se emendare no-

luerit, & ab ipso excommunicatus fuerit, qui postea cum ipso communicauerit, similiter excōmunicetur. Et vt sciatis, qualis sit modus istius excommunicationis, in Ecclesiam non debet intrare, nec cum vllō Christiano cibum vel potum sumere: nec eius munera quisquam accipere debet, vel osculum porrigere, nec in oratione se iungere, nec salutare, antequam ab Episcopo suo sit reconciliatus. Quod si aliquis se reclamauerit, quod iniuste sit excōmunicatus, licentiam habeat ad metropolitanum Episcopum venire, vt ibidem secundum canonicam institutionem diiudicetur, & interim suam excommunicationē custodiat. Quod si aliquis ista omnia contempserit, & Episcopus hoc minimè emendare potuerit, regis iudicio ex illo condemnatur.

De his, qui sine consensu Episcopi presbyteros in Ecclesiis constituunt, vel de Ecclesiis eiiciunt.

XLIII. De his, qui sine consensu Episcopi presbyteros in Ecclesiis suis cōstituunt, vel de Ecclesiis eiiciunt: & ab Episcopo, vel quolibet misso dominico admoniti obedire noluerint, vt bannum nostrū reuadiare cogantur, & per fideiussores ad palatiū nostrum venire iubeantur: & tunc nos decer-

nemus, vtrū nobis placeat, vt aut illū bānū
perfoluat, aut aliam armiscaram sustineat.

De Ecclesiis inter cohæredes diuisis.

XLIII. De ecclesiis, quæ inter cohæredes
diuisæ sunt, cōsideratum est, quatinus si se-
cundum prouidentiam & admonitionem
Episcopi ipsi cohæredes eas voluerint te-
nere, & honorare faciant. Sin autem hoc
contradixerint, vt in Episcopi potestate
maneant, vtrum eas ita consistere permittat
aut reliquias exinde auferat. Et vbi ad no-
strum beneficium Ecclesiæ pertinentes ita
diuisæ inuentæ fuerint, vt describantur, &
nobis renuntietur.

De manso ad ecclesiam dato.

XLV. De vno manso ad ecclesiam dato, de
quo aliqui homines contra statuta sibi ser-
uitium exigunt, quicunque pro hac causa
accusatus fuerit, comes vel missi, hoc quod
inde subtractum est, presbyteris cum lege
sua restituere faciant.

*De his, qui decimas dare nolunt, nisi à
se redimantur.*

XLVI. De decimis, quas populus dare non
vult, nisi quolibet modo ab eo redimantur
ab Episcopis prohibendum est, ne fiat, & si
quis contemptor inuentus fuerit, & nec E-
piscopum, nec comitem audire voluerit, si

noſter homo fuerit, ad præſentiã noſtram venire compellatur. Cæteri verò diſtringuantur, vt inuiti Eccleſiæ reſtituât, qui voluntariè dare neglexerunt.

De commutationibus vtilibus permanendis, inutilibúſque delendis

XLVIII. Vbicunq; commutationes tam tempore noſtro quamque genitoris noſtri legitimæ & rationabiles, atque vtilis Eccleſiis Dei factæ ſunt, permancant. Vbi-
cūque verò inutiles & incommodæ atque irrationabiles factæ ſunt, diſſoluétur, & recipiat vnusquiſque quod dedit. Vbi verò mortua manus interiacet, aut alia quælibet cauſa, quæ rationabilis non eſſe videatur, inuenta fuerit, diligenter deſcribatur, & ad noſtram notitiam perferatur.

De eccleſiæ conſecratione, in qua mortuorum cadauera ſunt ſepulta.

XLIX. Eccleſiam, in qua mortuorum cadauera infidelium ſepeliuntur, ſanctificare non licet: ſed ſi apta videtur ad conſecrandum, inde euulſis corporibus, & raiſis vel lotis lignis eius reædificetur. Si hæc conſecrata prius fuit, miſſas in ea celebrare licet, ſi tamen fideles fuerint, qui in ea ſepulti ſunt.

De officio laicorum.

Q. iiii.

XLIX. Laicus non debet in Ecclesia Lectionē recitare nec alleluia dicere, sed psalmū tantū, aut responsoria sine alleluia.

De stultorum voto soluendo.

I. Episcopo licet votum soluere, si vult.

De non prodendo à presbyt. crimine Episc.

LI. Presbytero non licet peccatum Episcopi prodere, quia super eum est.

De manus impositione & resolutione canonica.

LII. Vt nemo sacerdotum populi sibi peccata confitentium sine auctoritate canonū iudicare præsumat, & vt quādo vnicuique quisquā sacerdos sibi scelera sua confitenti iuxta prædictū canonicum modum pœnitentiā tribuit, nisi comā dimiserit, aut habitum mutauerit, manus ei secundū canonicam auctoritatem imponat, cū orationibus, quæ in sacramentario ad dandā pœnitentiā continentur. Si verò occultè & spontè cōfessus fuerit, occultè fiat. Et si publicè ac manifestè conuictus aut cōfessus fuerit, publicè ac manifestè fiat: & publicè coram Ecclesia iuxta canonicos pœniteat gradus. Post peractam verò secundum canonicam institutionem pœnitentiā occultè vel manifestè canonicè recōcilietur, & manus ei cū orationibus, quæ in sacramentario ad reconciliandū pœnitentē continētur, im-

ponatur, vt diuinis precibus & miserationibus absolutus à suis facinoribus esse mereatur: quoniam sine manus impositione nemo absoluitur ligatus. Et ideo dominus & magister noster discipulis suis, ac successoribus eorum ligandi, ac soluendi dedit potestatem, vt peccatores ligandi habeant potestatem, & pœnitentiam cōdignè agētes absolui, atque peccata cum diuina inuocatione dimitti queāt. Nec mirum hoc, quia si homines seruis suis dēt potestatem de subdictis ligandi, & soluendi, vel nocendi, & adiuuandi apud se, quanto magis dominus omnium hominum hanc potestatiuē potestatem præpositis sanctæ ecclesiæ dedit, dicens? Accipite spiritum sanctum, quorū remiseritis peccata remittuntur eis; & quorum retinueritis, retenta erunt.

De pœnitente, cuius crimen peruulgatum est.

LIII. In concilio Carthaginensi de eadem re præcipitur, vt si cuiusquam pœnitentis publicum & vulgatissimū crimen est, quod vniuersam commouerit Ecclesiā, ante absidē manus ei imponatur. Et alibi in canonibus, vel in decretalibus Leonis Papæ præcipitur de eadem re, vt absolutio pœnitentum per manus impositionem Episcoporū supplicationibus fiat, & reliqua multa talia,

& horum similia.

*De pœnitentibus, qui Eucharistiam
acceperint in infirmi-
tate positi.*

LIII. Pœnitentes qui in infirmitate viati-
cum Eucharistiæ acceperint, non se cre-
dant absolutos sine manus impositione, si
superuixerint.

*De remedio pœnitentiæ, & quòd absolutio
pœnitentium per manus impositionem
Episcoporum supplicationibus fiat, pro-
pter quod necesse est, vt reatus peccato-
rum ante vltimum diem sacerdotali sup-
plicatione soluantur: etiam si periculo
mortis urgente statim post acceptionem
pœnitentiæ, & reconciliatio subsequa-
tur. Exemplar Papæ Leonis ad Theodo-
rum Foroiulensem Episc.*

LV. Multiplex misericordia Dei ita lap-
sis humanis subuenit, vt non solum per
baptismi gratiam, sed etiam per pœni-
tentiæ medicinam spes vitæ reparetur æ-
ternæ. Et qui regenerationis dona vio-
larunt, proprio se iudicio condemnan-
tes, ad remissionem criminum perueniant.

Sic diuinæ voluntatis præfidiis ordinatis, vt indulgentiam Dei nisi supplicationibus sacerdotum nequeant obtineri. Mediator enim Dei & hominum Dominus Iesus Christus hanc præpositis Ecclesiæ tradidit potestatem, vt & confitentibus pœnitentiæ sanctionem darent: & ab eadem salubri satisfactione purgatos ad communionem sacramentorum per ianuam reconciliationis admitterent. Cui vtique operi incessabiliter ipse saluator interuenit, qui nunquam his abest, sicut ipse ait: Ecce ego vobiscum sum omnibus diebus vsque ad consummationem seculi. Qua de re innuitur, vt si quid per seruitutem nostram bono ordine & grato impletur effectum, non ambigamus per spiritum sanctum nobis fuisse donatum. Si autem aliquis eorum pro quibus Domino supplicamus quocunque interceptus obstaculo munere indulgentiæ præsentis exciderit, & priusquam ad constituta remedia perueniat, temporalem vitam humana conditione finierit, quod manens in corpore non recepit, consequi exutus carne non poterit. Idcirco non necesse est, nos eorum qui obierint merita

actūsque discutere, cum Dominus noster, cuius iudicia nequeunt comprehendī, quod sacerdotum impleri ministerio non fuit, suæ iustitiæ reseruauit, ita potestatem suam tineri volens, vt hic error omnibus proſit, & quod quibusdam tepidis aut negligētibz accidit, nemo non metuat. Multum enim vtile ac necessarium est, vt peccatorum reatus ante vltimum diem sacerdotali supplicatione soluatur. His autem qui tempore necessitatis periculis vrgentibus præsidium pœnitentiæ, & mox reconciliatio- nis implorant, nec satisfactio interdicenda est, nec reconciliatio deneganda, quia misericordiæ Dei nec mensuras possumus ponere, nec tempora definire, apud quē nullas patitur veniæ moras conuersio, dicente Dei spiritu per prophetam: Cum conuersus ingemueris, tūc saluus eris. Et alibi: Dic iniquitates tuas prior, vt iustificeris. Item: Quia apud Dominum misericordia est, & copiosa apud eum redemptio. In dispensandis itaq; Dei donis nō debemus esse difficiles, nec se accusantiū gemitus lacrimasque negligere, cum ipsam pœnitendi affectionem ex Dei credamus inspiratione cōceptam, dicēte Apostolo. Ne fortè det illis Deus pœnitētiam, vt resipiscant à diaboli

laqueis, à quo captiui tenentur ad ipsius voluntatem.

*Item de pœnitentium absolutione, ut per
manus impositionem Episcoporum,
vel sacerdotum precibus fiat.*

LVI. Si quis in periculo vel pace, aut infirmitate pœnitentiam acceperit, si continuò creditur moriturus, reconcilietur per manus impositionem, & infundatur ori eius Eucharistia.

*Vt pœnitens ostensis pœnitentis fructibus
communione recipiat.*

LVII. Vt pœnitens ostensis necessariis pœnitentię fructibus, legitimam communionem cum reconciliatoria manus impositione percipiat.

*Vt pœnites tempore, quo pœnitentiam
petunt, super caput cilicium à sacer-
dote consequantur.*

LVIII. Pœnites tempore, quo pœnitentiam petunt, impositionem manus super caput, & cilicium à sacerdote, sicut ubique constitutum est, consequantur.

*Vt omni tempore ieiunij manus pœniten-
tibus à sacerdote imponatur.*

LIX. Omni tempore ieiunij manus pœnitentibus à sacerdotibus imponatur.

Vt lapsi per manus impositionē Episc. absoluantur.

C A P I T V L.

LX. Nec absoluendos lapsos in fide credamus, nisi per impositionē manus Episcopi.

Vt pœnitentes communicent, qui ante reconciliationem moriuntur.

LXI. Placuit his, qui accepta pœnitentia ante reconciliationem migrant ad Dominum, communicari pro eo quod honorauerunt pœnitentiam. Qui si superuixerint, stent in ordine pœnitentum, vt legitimam communionem statuto tempore reconciliatione & manus impositione Episcopi, vel eius iussu presbyteri, recipiant.

Vt criminalia peccata multis ieiuniis, & crebris manus impositionibus à sacerdotibus purgentur.

LXII. Criminalia peccata multis ieiuniis, & crebris manus sacerdotum impositionibus, eorūque supplicationibus iuxta canonum statuta placuit purgari ita vt nemo sine manus impositione Episcopi, aut eius iussu alicuius presbyteri se credat esse à suis facinoribus absolutum. Non est mirādum si absolutio peccatorum per manus impositionem precibus fit sacerdotum, cū Dominus in veteri lege super caput hostiæ manum sacerdotis præceperit imponi. Et enim sicut tunc per illam hostiam, ita nunc inuocatione sancti spiritus, qui est

remissio peccatorum, per manus Episcoporum vel eorum auctoritate reliquorum sacerdotum impositionem supplicationibus eorum remittuntur peccata. Nam quando dominus Lazarum suscitauit, ait suis discipulis: Tollite lapidem subauditur, vt mortuus surgat: dans exemplum, vt sicut ipsi manibus tollunt lapidem, vt mortuus surgat: ita ipsi & successores eorum manus pœnitentibus imponat, vt per impositionem manuum suis precibus mortuum à sepulchro, id est, peccatorem de vitiis surgere & releuare faciant. Et sicut illi prædictum Lazarum institis, id est, funibus colligatum, iubente Domino, soluunt, qui ait: Soluite illum, & finite abire: ita isti eorum supplicationibus auxiliante Domino, & comitante spiritu sancto, qui in his semper operatur, per manus impositionem peccatorum soluant vincula: eosque tempore à sanctis patribus constituto sacra Eucharistia communicēt & absolutos ire permittant.

Vt pœnitentibus iuxta canonicam auctoritatem pœnitentia detur, & ante suspensos à communione excubare faciant ad ecclesiæ officium.

LXIII. Vt secūdum formam canonū pœni-

tentibus detur pœnitentia, & prius eos à communione suspensos ad officium ecclesiæ excubare faciant, & inter reliquos pœnitentes ad manus impositionem crebro recurrere. Expleto autē satisfactionis tēpore sacerdotali prece per manus impositionem iuxta ordinem sacramentorum & canonum reconcilient pœnitentes, & sacra communione confirment.

De his, qui separati à communione fuerint, pœnitentibus.

LXIII. Qui à communione separantur in locis, quibus seclusi fuerāt, per manus impositionem recipiāt communionem. Nec se quisque à peccatis absolutum sine recōciliatoria manus impositione credat: sed per manus impositionem precibus sacerdotum reconcilietur, sicut auctoritas habet ecclesiastica.

Ne in confinio mortis pœnitens à reconciliatione diutinè suspendatur, & ut oblatio eius, qui pœnitens nec dum reconciliatus de hac vita exierit, ab Eccl. receptetur.

LXV. Qui pœnitentiam in mortis agit periculo, non diutinè à reconciliationis gratia differendus est. Sed si pro certo mortis vrget periculum, pœnitētia per manus impositionem accepta, statim & recōciliatio adhi-

adhibenda est: ne prius ab humanis rebus æger abscedat, quàm donum reconciliationis accipiat. Sicque superstitibus quodammodo doloris videtur esse perpetuū, si præcisum ab Ecclesiæ membris eum, qui utique reconciliationis non meruit gratiā, raptim à præsentī vita mortis natura subduxerit. Vnde iuxta Papæ Leonis edictum his, qui in tempore necessitatis, & in periculi vrgentis instantia præsidium pœnitentiæ, & mox recōciliationis remedium implorant, nec satisfactio interdicenda est, nec reconciliatio deneganda, quia misericordiæ Dei nec mensuras possumus ponere, nec tempora definire. De his autem, qui accepta pœnitentia antequàm reconcilientur ab hac vita recesserint, quamquā diuersitas præceptorum de hoc capitulo habeatur, illorum tamen nobis sententia placuit, qui multiplices numero de huiusmodi humanius decreuerunt, ut & memoria talium in Ecclesiis commendetur, & oblatio pro eorum dedicata spiritibus accipiatur.

*De presbyteris vel diaconibus grauiori
noxa conuictis.*

LXVI. Item confirmatum est, ut si quando presbyteri vel diaconi in aliqua grauiore

R

culpa conuicti fuerint, qua eos à ministerio necesse sit remoueri, nō eis manus tanquam pœnitētibz, vel tanquam fidelibus laicis imponatur. Neque permittendum, vt rebaptizati ad clericatus gradum promoueantur.

De pœnitentibus, qui ex grauioribus leuioribusue commissis pœnitentiam gerunt.

LXVII. De pœnitentibus, qui siue ex grauioribus commissis, siue ex leuioribus pœnitentiam gerunt, si nulla interueniat ægritudo, quinta feria ante Pascha eis remittendum Romanæ Ecclesiæ consuetudo demonstrat. Cæterorum de pondere æstimando delictorum sacerdotis est iudicare, vt attendat ad cōfessionem pœnitentis, & ad fletus atque lachrymas corrigētis, ac tum iubere dimitti, cum viderit congruam satisfactionem. Sanè si quis ægritudinem inciderit, atque vsque desperationem deuenierit, ei est ante tempus Paschale relaxandum, ne de seculo absque communionē discedat.

De his, qui conuiuio solo gentilium, & escis immolatitiis vsi sunt.

LXVIII. Qui conuiuio solo gentilium, & escis immolatitiis vsi sunt, possunt ieiuniis & crebris manuum impositionibus purgari.

Vt deinceps ab idolothytis abstinentes, sacramentorum Christi possint esse participes. Si autem aut idola adorauerunt, aut homicidiis vel fornicationibus contaminati sūt, ad communionē eos, nisi per pœnitentiam publicam & per manus impositionem sacerdotali prece sint reconciliati, nō oportet admitti. Tempora pœnitudinis habita moderatione sunt constituēda, pro vt conuersorū animos sacerdotes inspexerint esse deuotos, pariter etiam habentes ætatis senilis intuitum, & periculorū quorumque aut ægritudinum respicientes necessitates. In quibus si quis ita grauiter urgeatur, vt dum adhuc pœnitet de salute ipsius desperetur, oportet ei per sacerdotalē sollicitudinē, id est, per manus impositionem absolutione precum sacerdotalium communionis gratia subueniri.

Vt pœnitentes, qui ex grauioribus peccatis pœnitentiam gerunt, tribus annis sint inter audientes, si veram pœnitentiam gesserint.

LXIX. Pœnitentes, qui ex grauioribus peccatis pœnitentiam gerunt, si ex corde pœniteant, sicut Nicæna synodus de lapsis constituit, tribus annis sint inter audientes: quinque verò vel septē annis subiaceāt inter pœnitētes manibus sacerdotū. Duobus

etiam oblationes modis omnibus non sinantur offerre, sed tantummodò populis in oratione socientur. Non confundantur Deo colla submittere, qui eum non timuerunt abnegare. Quòd si vtpotè mortalis intra metas præscripti temporis cœperit vitæ finis vrgere, subueniendum est in plorantibus seu ab Episcopo qui pœnitentiā dedit, seu ab alio qui tamē datam esse probauerit, aut similiter à presbytero, iussu tamen aut permissu proprij Episcopi, per manus impositionem absolutione precum sacerdotalium viaticum abeuntibus de seculo non negetur. Pueris autem, quibus à puritate vocabulum est, seu clericis seu laicis, aut etiā similibus puellis, quibus ignorantia suffragatur ætatis, aliquādiu sub manus impositione detentis reddenda cōmunio est. Quòd si ante præfinitum pœnitentiæ tempus desperati à medicis, aut euidētibz mortis pressi indiciis recepta quiquā communionis gratia conualuerint, seruemus in eis, quod Nicæni canones ordinarunt, vt habeantur inter illos, qui in oratione sola communicant, donec impleatur spatium temporis eisdem præstitum.

De catechumenis non prætereundis.

LXX. Nec catechumeni prætereundi sunt,

quia nō est causa dissimilis, sicut idem sancti canones ordinauerunt. Hi, qui quolibet modo Christum quem semel cōfessi sunt, confessis, abiurarint, tribus annis inter audientes sint, & postea cum cathecumenis permittantur orare per manus impositionem communionis Catholicæ gratiam recepturi.

Vt qui pœnitentiam publicè gerunt, uno anno cum cilicio sint inter audientes.

LXXI. Qui pœnitentiam publicè gerunt, debent vnum annum esse cum cilicio inter audientes, vel vsque ad magnum diem, & populo quando intrat in Ecclesiam perfusi lachrymis veniam postulare, precarique qualiter septem annorum pœnitentia agatur cum humilitate, vt pro eis dignentur orare. Tribus verò annis subiaceant inter pœnitentes manibus sacerdotum in loco retro ostium Ecclesiæ pœnitentibus constituto, & seorsum, infra ipsam tamen Ecclesiam secluso: populo tamen iam non in terram prostrati, sed vultu & capite humiliato humiliter & ex corde, vt supradictum est, veniam postulent, & pro se orare exposcāt. Duobus etiam annis oblationes modis omnibus non sinātur offerre, sed populo tantummodo in oratione socientur, vt

perfectionē septimo in cœna Domini cōsequatur anno, id est, per Episcopi vel eius iussu, si ipse abest, aliorum sacerdotum manus impositionem absolutione sacerdotalium precum communionis catholicę gratiam recepturi. In his verò septem annis multipliciter ieiuniis & orationibus, fletibus & eleemosynarum, pro vt melius potuerint, exhibitionibus & lachrymis persistant. Et ne vltius eis talia contingant, ad modum caueant, dicente Domino: Vade & amplius noli peccare.

De pœnitentibus transgressoribus.

LXXII. Vt hi, qui frequenti præuaricatione peccata vel pœnitentiam iterant, frequenti sentētia nisi per satisfactionem, quæ præuaricati sunt, emendare nitantur, coërceantur vel condemnentur: vt hæc, quæ voluntarię non diluerunt in vita emendēt. Quòd si hæc aliquis renuerit, & præceptis sui sacerdotis inobediens apparuerit, secundum modum culpæ excommunicetur. Si quis autem his ante reconciliationem, & eorum satisfactionem absque proprij Episcopi licentia communicare præsumpserit, simili excommunicationi subiaceat. Sacerdotes autem ad quos pertinere noscuntur, si eos quolibet munere vel fauore aut neglegētiæ

admonere noluerint, aut per satisfactionē reuertentes non susceperint, aut contemnentes de Ecclesia nō reiecerint, simili sententia plectantur, quousque vel emendationis, vel eorum damnationis sententia promulgetur.

Vt pœnitentibus absque personarum acceptione pœnitentia detur.

LXXIII. Vt sacerdos pœnitentiam imploranti absque personę acceptione pœnitentię leges iniungat.

De negligentioribus pœnitentibus.

LXXIII. Vt negligentiores pœnitentes tardius recipiantur.

De eo, qui pœnitentiam in infirmitate petit.

LXXV. Is qui pœnitentiā in infirmitate petit, si casu, dum ad eum sacerdos inuitatus venit, oppressus infirmitate obmutuit, vel in frenesim versus fuerit, dent testimoniū qui cum audierunt, & accipiat pœnitentiam. Et si continuò creditur moriturus, reconcilietur per manus impositionem, & infundatur ori eius Eucharistia. Si superuixerit, commonetur à supradictis testibus petitionis suę satisfactio, & subdatur statutum pœnitentię tempus quandiu sacerdos, qui pœnitentiam dedit, probauerit.

*Vt pœnitentes non se credant absolutos, nisi
per manus impositionem.*

LXXVI. Pœnitentes, qui in infirmitate viaticum Eucharistiæ acceperint, non se credant absolutos sine manus impositione, si superuixerint.

De pœnitentibus, qui antequam leges pœnitentiæ exsequantur, si casu in itinere, vel in mari mortui fuerint.

LXXXVII. Pœnitentes, qui antequam leges pœnitentiæ exsequantur, si casu in itinere vel in mari mortui fuerint, vbi eis sacerdos subuenire non potuerit, memoria corû & orationibus & oblationibus commendetur.

*De loco monasteriorum, vel edificiis
providendis.*

LXXVIII. Dignum ac necessarium est, vt missi nostri per quæque loca directi, simul cum Episcopis vniuscuiusque diocesis perspiciant loca monasteriorum canonicorû pariter & monachorum, similiterque puel larum, si in apto & in cōgruo loco sint posita, vbi commodum, ac necessarium possit acquiri, quod ad vtilitatē pertinet monasteriorû, sicut in sãcta regula dicitur. Monasteriũ autē ita debet cōstitui, vt omnia necessaria infra monasterium exercentur, vt

non fit necessitas monachis vel clericis vagandi foras, quia omnino nō expedit animabus eorum. Similiter quoque ædificationes monasteriorum supradicti missi, & cum eis Episcopi per diuersa loca præuideant, sicut aptæ sint & congruenter sanctę professioni compositæ, vel si claustrum firmum habeant, in quo saluari possint animæ in eis commorantium sub disciplina canonica, vel regulari. Vbi autem aliter inuenta fuerint, hoc omnimodis Episcopus loci ipsius faciat emendari, ita vt condignam professioni eorū custodiam habeant canonici, vel monachi, atq; nonnances, ne detur eis occasio malefaciendi, quod absit.

Vt Episcopi sciant qualiter canonici, qui sunt cum abbatibus, viuant.

LXXIX. Præcipimus vt vnusquisque Episcopus sciat per singula monasteria quantos quisque abba canonicos in monasterio suo habeat. Et hoc omnino ambo pariter prouideant, si monachi fieri voluerint regulariter viuant: sin autem canonicè viuant omnino.

Vt presbyteri chrisma diligenter custodiant.

LXXX. Presbyteri sub sigillo custodiant chrisma, & nulli sub prætextu medicinę vel maleficij donare inde præsumant. Quod si

fecerint, honore priuentur.

Vt presbyteri vtantur assidue orariis:

LXXXI. Presbyteri sine intermissione vtantur orariis propter differentiam sacerdotij dignitatis.

*Ne laici presbyteros eiiciant de Ecclesiis,
eôsve in eis constituent absque proprio
Episcoporum consensu.*

LXXXII. Vt laici presbyteros non eiiciant de Ecclesiis, neque constituent sine consensu Episcoporum suorum.

Ne laici à presbyteris munera exigant.

LXXXIII. Vt laici omnino munera iniusta non exigant à presbyteris, propter commendationē Ecclesiæ cuique presbytero.

De fugitiuis clericis.

LXXXIII. Vt vnusquisque Episcopus in sua parochia diligenter presbyteros clericos inquirat vnde sint, & si aliquem fugituum inuenerit, ad suum Episcopum redire faciat.

De letania maiore.

LXXXV. Placuit nobis: vt letania maior obseruanda sit à cunctis Christianis diebus tribus.

De quatuor temporibus obseruandis.

LXXXVI. Constituimus, vt quatuor tempora anni ab omnibus cum ieiunio obser-

uentur, id est, in mense Martio hebdomada prima feria IIII. & VI. & sabbato veniant omnes ad Ecclesiam hora nona cum letaniis ad Missarum sollempnia. Similiter in mense Iunio hebdomada secunda feria IIII. & VI. & sabbato ieiunetur vsque ad horam nonam, & à carne ab omnibus abstinenceatur. Similiter in mense Septembri hebdomada. IIII. & in mense Decembris hebdomada, quæ fuerit plena ante vigiliam natalis Domini, sicut in Romana Ecclesia traditum est.

De indicto ieiunio.

LXXXVII. Quod si quis indictum ieiunium superbiendo contempserit, & obseruare cum cæteris Christianis noluerit, in Gangrensi concilio præcipitur, vt anathematizetur, nisi emendare studeat.

De dominicis diebus.

LXXXVIII. Omnes dies dominicos cū omni veneratione obseruare decreuimus, & à feruili opere abstinere, & mercatus in eis minimè sit, nec placitū vbi aliquis ad mortem, vel ad pœnam iudicetur.

De decimis.

LXXXIX. Admonemus atque præcipimus, vt decima Deo omnino dare non neglegatur, quam Deus ipse sibi dari cōstituit: quia

timendum est, vt quisquis Deo suum debitum abstrahit, ne fortè Deus per peccatum suum auferat ei necessaria sua. Et qui decimam dare neglexerit, nouem partes auferentur ab eo.

Vt ecclesiæ pacem habeant.

xc. Reum confugientem ad Ecclesiam nemo abstrahere audeat, neque inde donare ad pœnam vel ad mortem, vt honor Dei & sanctorum eius conseruetur, sed rectores Ecclesiarum pacem & vitam ac membra eis obtinere studeant, tamẽ legitimè componant: quod iniquè fecerunt.

Iterum de pace Ecclesiarum.

xcI. Præcipimus, vt in ecclesiis, aut in domibus Ecclesiarum, vel in atriis placita secularia minimè fiant.

De beneficiis ecclesiasticis.

xcII. Quicumque beneficium Ecclesiasticum habent ad recta Ecclesiæ restauranda, vel ipsas ecclesias emendandas omnino adiuuent, & nonam & decimam reddant.

Ne presbyter missam solus cantet.

xcIII. Nullus presbyter, vt nobis videtur, solus Missam cantare rectè valet. Quomodo enim dicet, Dominus vobiscum, vel sursum corda admonebit habere, & alia multa his similia, cum nemo cum eo sit?

De oblatione, & pace in Ecclesia facienda.

xciii. Oblationem quoque, & pacem in ecclesia facere iugiter admoneatur populus Christianorum, quia ipsa oblatio sibi & suis magnum est remedium animarum: & in ipsa pace vera vnanimitas & concordia demonstratur.

De symbolo, & oratione dominica.

xcv. Symbolum, quod est signaculum fidei, & orationem Dominicam discere semper admoneant sacerdotes populum Christianum. Volumusque ut disciplinam condignam habeant qui hæc discere negligunt, siue in ieiunio siue in alia castigatione. Propterea dignum est, ut filios suos doceant ad scholam siue ad monasteria siue foras presbyteris, ut fidem catholicam recte discant, & orationem Dominicam, ut domi alios edocere valeant. Qui vero aliter non poterit, vel in sua lingua hoc discat.

Vt malum ebrietatis omnino vitetur.

xcvi. Magnum malum ebrietatis, unde omnia vitia pullulant, modis omnibus cauere precipimus. Qui autem hoc vitare noluerit, excommunicandum eum esse decreuimus, usque ad emendationem congruam.

Vt canticum luxuriosum circa ecclesias deferatur.

xcvii. Canticum turpe atque luxuriosum circa Ecclesias agere omnino contradicimus, quod & vbique vitandum est.

De incestuosis.

xcviii. Vt Episcopi incestuosos puriter inuestigare studeant omnino præcipimus, & si pœnitere noluerint, de Ecclesia expellantur, donec ad pœnitentiam reuertantur.

Ne in quarta, vel quinta aut sexta generatione coniugium copuletur.

xcix. Contradicimus quoque, vt in quarta vel quinta sextaque generatione nullus amplius coniugio copuletur. Vbi autem prius interdictum factum inuētum fuerit, separetur.

Ne proprius filius de baptismo suscipiatur, vel ad confirmationem teneatur.

c. Nullus igitur proprium filium vel filiam de fonte baptismatis suscipiat: nec filiolam, nec commatrem ducat vxorem: nec illam cuius filium vel filiam ad confirmationem tenuerit. Vbi autem factum fuerit, separenter.

De damnatis nuptiis.

ci. Si quis viduam vxorem duxerit, & postea cum filiastra sua fornicatus fuerit, seu duabus sororibus nupserit: aut si qua duobus fratribus nupserit, seu cum patre,

& filio, tales copulationes anathematizari:
nec vnquam amplius coniugio copulari,
sub magna distictione fieri.

*De cura & prædicatione sacerdotum erga po-
pulum sibi commissum, & vt facinoro-
sos extra Ecclesiam eiiciant.*

CII. Vt sacerdotes populi sibi commissi cu-
ram habeant, & instanter de eorum anima-
rum salute prædicent, & vt facinorosos se-
cundum euangelicam institutionē arguāt.

*Vt presbyteri omnes suos subiectos orationem
dominicam, & symbolum doceant.*

CIII. Quòd presbyteris præuidendum sit,
vt omnes, qui Christiano nomine censentur,
orationem dominicā & symbolū me-
moriter teneant & intellegant.

Quibus temporibus baptizandum sit.

CIIII. Vt baptismum non fiat nisi statutis
temporibus, id est, Pascha, & Pentecoste:
nisi infirmitas intercesserit, & vt aliubi
non baptizetur, nisi in vicis publicis, nisi
sicut iam dictum est, ob infirmitatis cau-
sam.

*Quòd nullum precium pro baptismo
accipi debeat.*

CV. Vt nemo presbyterorum pro baptismo
precium accipere præsumat, quod si fece-
rit, sciat se canonica regula esse damnandū.

C A P I T V L.

*De decimis, vt fideliter à fidelibus dentur, &
canonicè à presbyteris diuidantur.*

CVI. Vt decimæ fideliter sanctæ Ecclesiæ reddantur, & presbyteri secundum canonicam regulam fideliter eas diuidant.

De presbyteris, vt seculares non exerçant curas, neque iudices villarum fiant.

CVII. Vt presbyteri curas seculares nullatenus exerçant, idest, vt neque iudices neque maiores fiant.

Vt in titulis, quibus presbyteri consecrantur, ante suam promotionem stabilitatem promittant.

CVIII. Vt presbyteri, qui in titulis consecrantur, secundum canones antequam ordinentur promissionem stabilitatis loci illius faciant.

Ne fœminæ cum presbyteris habitent.

CIX. Vt presbyteri secum fœminas licentiam non habeant habitandi, & vt suspitiones effugiant.

De presbyteris vel clericis fugitiuis.

CX. De presbyteris vel clericis fugitiuis canonica auctoritas obseruetur: id est, vt nemo vestrum clericum alterius parochiæ ordinet, neque ordinatum suscipiat sine permissione sui pontificis. Et hoc considerandum, est quid de talibus faciendum sit.

Vt in

*Vt in domibus non consecratis nequaquam
Missa celebretur.*

CXI. Sancitum est, vt nullus presbyterorū
in domibus ab Episcopis non consecratis
oblationē offerre quoquomodo præsumat.

*Vt presbyteri, diaconi, subdiaconi nec arma
portent, nec venationes exercent.*

CXII. Et hoc cauendum est, vt presbyteri
vel diaconi siue subdiaconi arma portare
non præsumant, neque venationes aliquas
exercere.

*Quòd non liceat mulieri sanctum velum
acceptum dimittere.*

CXIII. Qualicunque modo mulier permit-
tente canonicè viro suo, aut eo defuncto
velum sanctum in caput acceperit, aut spō-
te aut inuita, in eo permaneat omnino, nec
dimittat.

*De potestate Episcoporum pro rebus Ec-
clesiasticis, ac de conuenientia
Episcoporum cum laicis.*

CXIII. Vt Episcopi potestatem habeāt res
Ecclesiasticas præuidere, regere, & guber-
nare atque dispensare secundum canoni-
cam auctoritatē: volumus vt & laici in eo-
rum ministerio obediant Episcopis ad re-
gendas Ecclesias Dei, viduas & orphanos
defensandos, & vt obediētes sint eis ad co-

CAPITVL.

rum Christianitatē seruādā, & Episcopi consentientes sint comitibus & iudicibus ad iustitias faciendas. Et vt nullatenus per aliquorum mēdacium vel falsum testimonium, neque periurium atque per præmiū lex iusta in aliquo deprauetur.

De vita canonicorum.

cxv. In omnibus igitur quantum humana permittit fragilitas decreuimus, vt canonici clerici canonicē viuant, obseruantes diuinæ scripturæ doctrinam & documenta sanctorum patrum, & nihil sine licentia Episcopi sui vel magistri eorum compositē agere præsumant. In vno quoque Episcopatu vt simul manducent & dormiant: vbi his facultas id faciendi suppetit, vel qui de rebus ecclesiasticis stipendia accipiunt, in suo claustro maneant: & singulis diebus mane primo ad lectionem veniant, & audiant quid eis imperetur. Ad mensam verò similiter lectionem audiant, & obedientiam secundum canones suis magistris exhibeant.

De accusatione Episcopi.

cxvi. Vt Episcopum nulli criminoso liceat accusare.

Quòd non liceat monasteria Deo sacrata diuersoria fieri secularia.

CXVII. Vt deinceps monasteria, quæ Deo sacrata esse noscuntur, diuersoria secularia secundum canonicam institutionem, in quantum hoc cauere possumus, non fiant: sed religiosis & Deum timentibus, hominibûsque sacratis tribuantur.

Vt coniurationes & conspirationes non fiant.

CXVIII. Vt coniurationes vel conspirationes non fiant, quia hæc facientes sacri canones grauitèr damnant.

De illis, qui res Ecclesiæ tenent.

CXIX. Si quis ecclesiasticam rem tenet, & admonitus iudicium declinauerit, quoad vsque ad discussionem veniat, aut rem restituat Ecclesiasticam, à communione priuetur.

De seruo Ecclesiæ in furto comprehenso.

CXX. Si seruus Ecclesiæ in furto comprehensus fuerit, à iudice publico sicut & reliqui distringatur. Et si iudex publicus seruum Ecclesiæ super furto non præsumentem sine audientia vice domni, aut archidiaconi, aut detinere, aut iniuriare præsumpserit, anno integro ab Ecclesiæ liminibus arceatur.

Ex concilio Autisiodorensi, de his qui clericum iniuriauerint.

CXXI. Quicûque iudex aut secularis presby.

terum, aut diaconum, aut quemlibet de clero, aut de iunioribus absque audientia Episcopi, vel archidiaconi, vel archipresbyteri iniuriam inferre præsumpserit, Anathema ab omnium Christianorum cōsortio habeatur.

Ex capitulis domni Karoli Regis anno regni eius XI. actis.

cxxii. Vt homicidæ vel cæteri rei, qui legibus mori debent, si ad Ecclesiam confugerint, nō excusentur, neque eis ibidem victus detur.

De decimis per iussionem Episcopi dispensandis.

cxxiii. Vt vnusquisque suam decimā donet, atque per iussionem Episcopi dispēset.

Qualiter de latronibus faciendum sit.

cxxiiii. Vt latrones de infra immunitate à iudice ipsius immunitatis in comitis placito præsententur. Et qui hoc nō fecerit, beneficium & honorem perdat. Similiter vassi nostri nisi hoc adimpleuerint, beneficium & honorem perdant. Et qui beneficium non habent, bannum soluānt.

De periuriis.

cxxv. De eo qui periurium fecerit, vt nullam redemptionem soluat, sed manū perdat. Quod si accusator contendere voluc-

rit de ipso periurio, stet ad crucem. Et si iurator vicerit, legem suā accusator emēdet. Hoc verò de minoribus causis obseruandum. De maioribus verò rebus aut de statu ingenuitatis secundum legem custodiant.

De latronibus iuste peremptis, & de hominibus iniuste punitis.

cxxvi. De vindicta & iudicio iusto in latrones facto testimonio Episcoporum absque peccato comites esse dicuntur. Ita tamen vt absque inuidia aut occasione mala nihil aliud ibi interponatur, nisi vera iustitia ad perficiendum. Ille verò qui per odium vel malum ingenium, & nisi propter iustitiam faciendam hominem punierit, honorem suum perdat & legibus contra quem iniuste fecit, secundum poenam, quam intulerit, emendet.

De nonis & decimis, vel censu Ecclesiarum.
cxxvii. De rebus verò Ecclesiarum, vnde nunc census excunt, decima & nona cum ipso censu soluantur, & vnde ante canon exierunt, similiter & nonæ & decimæ dentur. De casatis verò l. solid. l. de xxx. dimidijs sol. de xx. tremissis vnus. Et vt precariæ modò renouentur, & vbi non sunt scriptæ, fiat descriptio inter conuentores de verbo nostro.

CAPITVL.

De tributariis Ecclesiarum.

cxxviii. De cerariis, & tabulariis, ac chartulariis ita fiat, sicut à tempore longo decretum est.

Vt sacramentum pro Gildoma non fiat.

cxxix. De sacramentis pro Gildoma inuicem cum iurantibus, vt nemo præsumat facere. Alio verò modo de elemosynis illorum, aut de incendiis, aut de naufragiis, quamuis cohibentiam faciât, nemo in hoc iurare præsumat.

Vt itinerantibus nullus impedimentum faciat.

cxxx. De itinerantibus, qui ad palatiũ aut aliubi pergunt, vt eos per collectam nemo sit ausus adfallire. Et nemo herbam defensionis tempore præsumat tollere, nisi in hostem pergat, aut missus noster sit.

De Tholoneis forbannitis.

cxxxi. De Tholoneis qualiter antea forbanniti fuerunt, obseruetur, vt nullus tollat, nisi quod ab antiquo tẽpore statutũ fuerit.

Vt mancipia non sine testibus vendantur.

cxxxii. De mancipiis, vt non vendantur nisi aut in præsentia archidiaconi, aut centenarij, aut vicedomni, aut iudicis comitis, aut ante benè nota testimonia: & vt foris Marcha nemo mancipium vendat. Et qui fecerit, tantas vices bannum sol-

uat, quanta mancipia vendidit. Et si non habet precium, in vadium seipsum pro precio tradat comiti, vsque dū ipsum ban- num soluat.

Qualiter de comitibus vel vassis dominicis iustitias non facientibus, agendum sit.

CXXXIII. Si comes in suo ministerio iusti- tias nō fecerit, missis nostris de sua casa vel de suis xeniis seruiat, vsque dum iustitiæ ibi factæ fuerint. Et si vassus noster iustitias nō fecerit, tunc & comes & missus noster ad ipsius casam sedeant, & de suo viuant quo vsque iustitias faciant.

De his, qui precium pro faida recipere, & iustitiam facere nolunt.

CXXXIII. Si quis pro faida precium reci- pere non vult, & iustitiam exinde facere, in talem locum eum mittere volumus, vt maius damnum non crescat.

De latronibus bis per membra, & tertio per vitam puniendis.

CXXXV. De latronibus ita præcipimus ob- seruandum, vt pro prima culpa non moria- tur, sed vnum oculum perdat. De alia ve- rò culpa, nasus ipsius latronis truncetur. De tertia culpa, si non emendauerit, mo- riatur.

Decretale precum quorundam Episcoporum.

cxxxvi. Capitulare qualiter institutum est
 in hoc Episcoporum conuentu, id est, vt
 vnusquisque Episcopus tres missas & tria
 psalteria, vnum pro domno rege, & alium
 pro exercitu Francorum, tertium pro pre-
 senti tribulatione faciat, Presbyter missas.
 iiii. Monachi & monachæ & canonici v-
 nusquisque psalteria. iiii. & biduanas om-
 nes faciant tam Episcopi, monachi & mo-
 nachæ, atque canonici, atque eorum infra
 casati homines, vel qui potentes sunt. Et v-
 nusquisque Episcopus, abbas, & abbatissa,
 qui facere potest, libram donet de argento
 aut eam valente in eleemosyna. Mediocres
 verò, dimidiam libram : minores verò, sol,
 v. Episcopi, abbates, & abbatissæ pauperes
 famelicos iiii. pro ista strictitate nutrire
 debeant vsque tempore messium. Et qui tã-
 tum non possunt, iuxta quod possibilitas
 est, aut iii. vel ii. aut i. Comites fortiores
 libram de argento aut valente donent in e-
 leemosyna. Mediocres verò mediã libram.
 Vassus dominicus de casatis cc. mediam li-
 bram. De casatis c. solid. v. de l. vnicam. i.
 & faciãt biduanas, & eorũ homines atque
 eorum casati, vel qui hoc facere possunt.
 Et qui redimere ipsam triduanam voluerit,
 fortiores comites vncias. iiii, minores

denarios xxx. minores sol. i. & de pauperibus famelicis, sicut suprascriptum est, ipsi faciant! Hæc omnia si Domino placuerit, pro domno rege, & exercitu Francorum, & præsentī tribulatione missa sancti Ioannis sint completa.

Vt nullus presbyter aliqua cupiditate quæquam tonsurare suadeat.

cxxxvii. Statutum est, vt nullus in canonica aut regulari professione cōstitutus aliquem tonsurare propter res adipiscendas deinceps persuadeat. Et qui hoc facere tētauerit, synodali vel imperiali sentētia modis omnibus feriatur.

De concordia Episcoporum & comitum.

cxxxviii. Vt Episcopi cum comitibus stent, & comites cum Episcopis, vt vterque pleniter suum ministerium peragere possit.

De latronibus, homicidijs, adulteris, & incestuosīs sub magna districtione coercendis.

cxxxix. Vt latrones seu homicidæ, seu adulteri vel incestuosi sub magna districtione & correctione sint correpti.

De inuasiōe alienarum rerum.

cxl. De rebus propriis, vt ante missos & comites & iudices nostros veniant, & ibi accipiant finitiuam sentētiā, & antea nul-

Ius præsumat alterius res proprindere, sed magis suam causam quærat ante iudices nostros, vt diximus, & ibi recipiant quod iustum est.

Pro qua re in præsentiam regis venire quis debeat.

CXLI. Vt si aliquis voluerit dicere quod iuste ei non iudicetur, tunc in præsentiam nostram veniat. Aliter verò non præsumat in præsentiam nostram venire, pro alterius iustitia dilatanda.

Quid de his agendum sit, qui gratia fugiendi debitum seruitium seculum relinquunt.

CXLII. De his, qui seculum relinquunt propter seruitium impediendum, & tunc neutrum faciunt, vt vnum è duobus eligat, aut pleniter secundum canonicam, aut secundum regulæ institutionem viuant: aut seruitium dominicum faciant.

Vt oratio dominica, symbolum, lex, & capitula regum diligenter ab omnibus intelligantur.

CXLIII. Vt laici symbolum & orationem Dominicam pleniter ediscant. Comites quoque & centenarij & cæteri nobiles viri legem suam pleniter discant, sicut in alio loco decretum est. Præcipimus autem missis nostris, vt ea quæ à multis iam annis per capitularia nostra in toto regno no-

stro mandauimus, agere, discere, obseruare vel in consuetudinem habere debeant, vt hæc omnia nunc diligenter inquirant, & omnino ad seruitium Dei & ad vtilitatem nostram, vel ad omnium Christianorum hominum profectum innouare studeant, & & quantum Domino donante prævalent ad perfectum vsque perducant, & nobis omnino annuncient, quis inde certamen bonum hoc adimplere habuisset, vt à Deo & à nobis gratiam habeat. Qui autem neglegens inde fuerit, vt talem disciplinam percipiat, qualem talis sit contemptor recipere dignus ita vt cæteri metum habeant amplius.

De ecclesiis destructis.

CXLIII. De Ecclesiis destructis, vt Episcopi & missi inquisitionem faciant, vtrum per neglegentiam aut impossibilitatem destructæ sint: & vbi neglegentia inuenta fuerit, Episcopali auctoritate emendare cogantur ab his, qui eas restaurare debuerunt. Si verò per impossibilitatem contingit, vt aut plures sint quam necesse sit, aut maioris magnitudinis quam vt ex rebus ad eas pertinentibus restaurari possint, Episcopus modum inueniat, qualiter congruè emendari & consistere possint.

*De his, qui nonas & decimas dare
neglexerunt.*

CXLV. De his, qui nonas & decimas iam per multos annos aut ex parte aut ex toto dare neglexerunt, volumus, vt per missos nostros constringantur, vt secundum capitularem priorem soluant nonas & decimas cum sua lege, & insuper bannum nostrum. Et hoc eis denunciatur, quod quicumque hanc neglegentiam iterauerit, beneficium vnde hæc nona & decima persolui debuit, amissurum se sciat. Ita enim continetur in capitulari bonæ memorię genitoris nostri in libro primo cap. CLXIII. Quicumque decimam abstrahit de Ecclesia, ad quam per iustitiam dari debet, & eā præsumptiosè vel propter munera, aut amicitiam, vel aliam quamlibet occasionem ad alteram Ecclesiā dederit, à comite vel à Misso nostro distringatur, vt eiusdem decimæ quantitatem cum sua lege restituat.

*De his, qui restaurationes Ecclesiarum
facere neglegunt.*

CXLVI. Quicumque de rebus Ecclesiarum, quas in beneficium habent, restaurationes earum facere neglexerint, iuxta auctoritatis nostræ capitularem, in quo de operibus ac nonis & decimis constitutum est, sic de

illis adimpleatur, sicut in libro IIII. capi. XL. continetur. De opere & restauratione Ecclesiarum constitutum est, ut de frugibus terræ, & animalium nutrimine, & cunctis censibus, exceptis hortilensibus persoluantur. De opere verò & restauratione Ecclesiarum, &c.

*De his, qui agros dominicos ideo neglegunt,
ut nonas exinde non persoluant.*

CXLVII. De his, qui agros dominicos propterea neglexerunt excolere, ut nonas exinde non persoluant, & alienas terras ad excolendum propter hoc accipiunt, volumus ut de tribus annis ipsam nonam cum sua lege persoluant. Et si quis contemptor aut comitum aut vassallorum nostrorum propter hoc extiterit, per fideiussores ad palatium venire compellatur.

Vt intelligatur in quo facto immunitas frangatur.

CXLVIII. Peruenit ad nos, quod quædam Ecclesiæ ac monasteria nostra ac prædecessorum nostrorum immunitates habentia, multa præiudicia & infestationes à quibusdam patiantur, & nec per easdem immunitates vllam defensionis tuitionem habere valeant, propter hoc quod ab eisdem immunitatum temeratoribus dica-

tur, nō plus immunitatis nomine completi, quā claustra monasterij: cætera quoque quamuis ad easdem Ecclesias vel monasteria pertineant, extra immunitatē esse. Propter hoc volumus atque decernimus, vt omnes intelligant non solum claustra monasterij vel Ecclesiæ atque castitia Ecclesiarum sub immunitatis defensione consistere, verū etiam domus & villas & septa villarum & piscatoria manu facta, & quicquid fossis aut sepibus, vel etiam alio clausarum genere præcingitur, eodem immunitatis nomine contineri. Et quicquid intra huiusmodi monumenta ad ius earundem Ecclesiarum vel monasteriorum pertinentia à quolibet homine nocendi vel damnum inferendi causa spontanea voluntate committitur, in hoc facto immunitas fracta iudicatur. Quòd verò in agros & cāpos ac syluas, quæ sine laborationibus sūt, & nullo modo munitione cinguntur, casu, sicut fieri solet, à quibuslibet hominibus aliquid dānum factum fuerit, quāuis idē ager aut campus vel sylua ad Ecclesiam vel monasteriū præceptū immunitatis pertineat, nō tamē in hoc immunitas fracta iudicanda est. Et ideo non sexcentorū solidorū cōpositionē, sed secū-

dum legem quæ in eodem loco tenetur, is mulctandus est, qui scandalum vel damnū in tali loco fecisse conuietus fuerit.

De eo, qui propriam derelinquit uxorem, vel sine culpa interficit, & aliam ducit.

CXLIX. Quicumque propria vxore derelicta, vel sine culpa interfecta, aliam duxerit, armis depositis publicam habeat pœnitentiam: & si contumax fuerit, comprehendatur à comite, & ferro vinciatur, & in custodiam mittatur, donec res ad nostram notitiam deducatur.

De liberis hominibus, qui proprium non habent, sed in terra dominica resident, ad testimonium non recipiendis.

CL. De liberis hominibus, qui proprium non habent, sed in terra dominica residēt, vt propter res alterius ad testimonium nō recipiantur, coniuratores tamen aliorum hominum ideo esse possunt, quia liberi sunt. Illi verò qui & proprium habent, & tamen in terra dominica resident, propter hoc ad testimonium recipiantur, quia proprium habent.

Ex capitulis domni Karoli, qualiter ex factis, aut mansis, vel quartis manopera & census ac tributa ac reliqua seruitia exigantur vel agantur.

CLT. Pro nimia reclamacione, quæ ad nos venit de hominibus Ecclesiasticis seu fiscalis, qui non erant adiurnati, quando in Cænomanico pago fuimus, visum est nobis vnâ cum consultu fidelium nostrorum statuere, vt quicunque de prædictis hominibus quartam facti tenet, cum suis animalibus seniori suo plenitèr vnum diem cum suo aratro in campo Dominico aret: & postea nullum seruitium ei manuale in ipsa hebdomada à seniore suo requiratur. Et qui tanta animalia non habet, vt in vno die hoc explere valeat, perficiat prædictum opus in duobus diebus. Et qui solummodo ita inualida, vt per se non possit arare, quatuor animalia habet, cum eis sociatis sibi aliis aret vno die in câpo senioris, & vno die postmodum in ipsa hebdomada opera manuum faciat. Qui nihil ex his facere potest, neque animalia habet, per tres dies seniori suo à mane vsque ad vesperam operetur, & senior suus ei amplius non requirat. Diuersis namque modis hæc agebantur, à quibusdam tota hebdomada operabatur, à quibusdam dimidia, & à quibusdā duobus diebus. Idcirco hæc statuimus, vt ne familia se à prædictis operibus subtrahere possit, neque à senioribus amplius eis requira-

quiratur. Et qui minus quartæ optimæ de terra habet, secundum æstimationem suæ telluris opera faciat. Hæc ab Adalardo comite palatij nostri ad eorum satisfactionē vnā cum aliis fidelibus nostris præcipi nostra vice, & publicè annuntiari iussimus.

*Vt Episcopi incestuosos emendent,
& corrigant.*

CLII. Vt Episcopi incestuosos homines emendent, & magnam diligentiam habeant ex eis, seu & de viduis, infra suā parochiam potestatem habeant ad corrigendum.

Vt ea conseruentur, quæ in placitis & synodis Pipinus rex constituit.

CLIII. Ea verò, quæ bonæ memoriæ genitor noster in suis placitis & synodis constituit, conseruari præcipimus.

De eo, qui à seruo alieno aliquid comparauerit.

CLIII. Si quis à seruo alieno aliquid comparauerit nesciente Domino suo, si Dominus firmam noluerit esse emptionem, reddat precium emptori, vt emptio nihil habeat firmitatis. Si ipsum non habet, simile reddat.

Vt Ecclesiarum negotia à iudice continuo audiantur.

CLV. Placuit, vt Ecclesiarum negotia absque vlla dilatione continuo à iudice audian-

tur, & proficuè incremententur.

*Vt iudex criminofum difcutiens non antè
fententiam proferat capitalem, quàm
aut reus ipfe confiteatur, aut per
innocentes teftes conuincatur.*

CLVI. Placuit, vt iudex criminofum difcutiens non antè fententiam proferat capitalem, quàm aut reus ipfe confiteatur, aut per innocentes & veraces teftes vel focios criminis fui manifeflius conuincatur. Et de maioribus noſtra ac ſucceſſorum noſtrorum expectetur ſententia.

Vt qui focij criminis ſunt, non admittantur teſtes.

CLVII. Placuit vt teſtes non admittantur, qui ſunt focij criminis: nec infames, neque calumniatores, vel cæteri, quos canon & lex prohibet.

De nuptiis inceſtis prohibendis.

CLVIII. Nuptias prohibemus inceſtas, id eſt, uſque ad finitatis lineam: vel quandiu inter ſe hæreditare potuerint, non coniungantur, quia hæc potius inceſtiua, quàm coniugia ſunt iudicanda.

Vt de abſentibus non iudicetur.

CLIX. Placuit, vt aduerſus abſentes non iudicetur, quòd ſi factū fuerit, prolata ſententia non valebit.

Vt clementior feueriori præferatur sententia.

CLX. Placuit inter pares sententias, clementior semper feueriori præferatur.

*Vt qui de se confessus est, super alium
non credatur.*

CLXI. Placuit, vt qui de se confessus est, super alium non credatur.

De testimonio vnius hominis non accipiendo.

CLXII. Vt testimonium vnius hominis nõ accipiatur. Nam si ex vtraque parte plures sint, veraciores atque religiosiores & honestiores eligantur, qui sacramento suum confirment testimonium, nihilque se falsi esse dicturos.

*Vt contra Episcopos nullus grauitè ac
leniter agat.*

CLXIII. Præcipimus atque iubemus, ne fortè, quod absit, aliquis circa Episcopos leniter aut grauitè agat. Quod ad periculum totius imperij nostri pertinet. Et vt omnes cognoscant nomen, potestatem, vigorem, & dignitatem sacerdotalè. Quod ex verbis Domini facile intelligi potest, quibus beato Petro, cuius vicem Episcopi gerunt, ait: Quodcunque ligaueris super terram, erit ligatũ & in cælo: & quodcunque solueris super terram, erit solutum & in cælo. Et alibi discipulis genera-

liter dicit. Accipite spiritum sanctum, quorum remiseritis peccata, remittuntur eis: & quorum retinueritis, retenta sunt. Illud etiam ad exemplum reducendum est, quod in Ecclesiastica historia Constantinus Imperator Episcopis ait. Deus, inquit, constituit vos sacerdotes, & potestatem vobis dedit de nobis quoque iudicandi: & ideo nos à vobis rectè iudicamur. Vos autem non potestis ab hominibus iudicari. Propter quod Dei solius inter vos expectate iudicium, vt vestra iurgia quæcunque sint ad illud diuinum referuentur examen, vos etenim nobis à Deo dati estis dij. Et conueniens nō est, vt homo iudicet Deos: sed ille solus de quo scriptum est: Deus stetit in synagoga Deorum, in medio autem Deos discernit. Sed & hoc illis ad memoriam reducendum est, qualiter beatus Prosper in libro, quem de contemplatiua & actuali vita scripsit, laudem sacerdotum comprehenderit. Iplis enim, inquit, id est sacerdotibus propria animarum curandarum sollicitudo commissa est, qui pondus populi sibi commissi viriliter sustinentes pro peccatis hominum, vel vt pro suis infatigabiliter supplicant Deo: ac velut quidam Aaron incensum contriti cordis & humi-

liati spiritus offerētes, quo placatur Deus, auertunt iram futuræ animaduersionis à populo. Qui per Dei gratiam sunt diuinæ voluntatis iudices, Ecclesiarum Christi post Apostolos fundatores, fidelis populi duces, veritatis assertores, prauæ doctrinæ hostes, omnibus bonis amabiles, & malè sibi consciis etiam ipso visu terribilēs, vindices oppressorum, patres in fide Catholica regeneratorum, prædicatores cælestium præmiorum, exempla bonorū, documenta virtutum, & forma fidelium. Ipsi sunt decus Ecclesiæ, in quibus fulget Ecclesia. Ipsi columnæ firmissimæ, quibus in Christo fundatis innititur omnis multitudo credentium. Ipsi ianuæ ciuitatis æternæ, per quos omnes, qui credunt, ingrediuntur ad Christum. Ipsi ianitores, quibus clauēs datæ sunt regni cælorum. Ipsi etiam dispensatores regię domus, quorum arbitrio in aula regis æterni diuidūtur gradus & officia singulorum.

Quòd per spiritum sanctum remissio fit peccatorum.

CLXIII. Sciendum est omnibus atque credendū, quòd per spiritum sanctum remissio peccatorum in baptismo conferatur. Et quòd fidelibus in Ecclesia Christi eiuf-

C A P I T V L.

dem sancti spiritus domo per ministerium sacerdotale, & per poenitentiam & absolutionem, manúsque impositionem remissio peccatorum indubitanter attribuitur.

De quatuor vitiis, quæ fidem catholicam commaculant.

CLXV. Placuit sciri omnibus, quòd quatuor sunt vitia, quæ nostram fidem inter cætera mala commaculant. Quæ quanto sunt occultiora, tanto perniciosiora: id est, superbia, per quam Angelus, diabolus effectus, de cælo est eiectus. inuidia, per quam idem diabolus hominem de paradiso eiecit. odium, & discordia, quæ charitatē inter proximos extinguunt, & dilectionem euacuant, & omnia bona peruertunt, & non sinunt proximos in mutua dilectione cōsistere, nec quietā trāquillāque, vt decuerat, Christianos vitam ducere, & reliqua.

Quòd vniuersalis sancta Dei Ecclesia vnum corpus, eiusque caput Christus sit.

CLXVI. Primùm igitur, quòd vniuersalis sancta Dei Ecclesia vnum corpus manifestè esse credatur, eiusque caput Christus, Apostolicis oraculis approbam⁹. Vnde Paulus, Vos autē estis, inquit, corpus Christi, & membra de membro. itēque: Sicut enim in vno corpore multa membra habe-

mus, omnia autem membra non eundem actum habent, ita multi vnum corpus sumus in Christo. Item, cuius caput Christus, ex quo totum corpus per nexus & coniunctiones subministratum crescit in templum sanctum in Domino. Sunt & alia huiusce rei innumera exempla, quæ hic ob prolixitatem euitandam prætermittuntur. Quisquis ergo per aliqua illicita ex membro Christi se fecit membrum diaboli, nouerit se in corpore Christi non esse, sed in corpore diaboli. Proinde necesse est, ut corpori Christi, à quo astutia diabolica separatus est, se incunctanter, dum tempus poenitentiae in promptu habetur, restituere non neglegat.

Quòd eiusdem Ecclesiæ corpus in duabus principaliter diuidatur eximiis personis.

CLXVII. Principaliter itaque totius sanctæ Dei Ecclesiæ corpus in duas eximias personas, in sacerdotalem videlicet & regalem, sicut à sanctis patribus traditum accepimus, diuisum esse nouimus. De qua re Gelasius Romanæ sedis venerabilis Episcopus ad Anastasium Imperatorem ita scribit. Duæ sunt quippe, inquit, Imperatrices Augustæ, quibus principaliter mundus hic regitur, auctoritas sacrata pontificum,

& regalis potestas. In quibus tantò grauius pondus est sacerdotum, quantò etiam pro ipsis regibus hominibúsq; in diuino reddituri sunt examine rationem, Fulgentius quoque in libro de veritate prædestinationis & gratiæ ita scribit, Quantum pertinet, inquit, ad huius temporis vitam, in Ecclesia nemo pontifice potior: & in seculo Christiano Imperatore nemo celsior inuenitur.

Vt chorepiscopi modum mensura, qui in sacris canonibus præfixus est, non excedant.

CLXVIII. Emergisse reprehensibile & valde inoletum vsum comperimus, eò quòd quidam chorepiscopi vltra modum suum progredientes, & donum sancti spiritus per impositionem manuum tradant, & alia quæque, quæ solis pontificibus debentur, contra fas peragant: præsertim cum nullus ex septuaginta discipulis, quorum speciem in Ecclesia gerunt, legatur donum sancti spiritus per manus impositionem tradidisse. Quòd autem solis Apostolis, eorúmq; successoribus proprij sit officij tradere spiritũ sanctum, liber actuum Apostolorum docet. In cõcilio verò Neocaesariensi ita de chorepiscopis habetur scriptum. Chorepiscopi quoque ad exẽplum

quidem & formam septuaginta videntur
esse, vt cōministri autem propter studium,
quod erga pauperes exhibent honorētur.

*De chorepiscopis, qui in vicis commorantur
in concilio Antiocheno habetur ita.*

CLXIX. Qui in vicis vel possessionibus chor-
episcopi nominantur, quamuis manus im-
positionem Episcoporum perceperint, &
vt Episcopi consecrati sint, tamen sanctæ
synodo placuit, vt modum proprium reco-
gnoscant, & gubernent subiectas sibi Ec-
clesias, earumque moderamine curaque
contenti sint.

*De honore & obedientia Episcoporum,
& reliquorum sacerdotum.*

CLXX. Igitur quia constat religionē Chri-
stianam per successores Apostolorum sa-
lubriter administrari, populisque ad vitam
æternam ducatum exhiberi debere, primò
necessarium iudicauimus omnibus perci-
pere, vt honorem debitum venerabiliter
Episcopis absque vlla simulatione aut de-
tractione impendant, cisque in omnibus,
vt patribus obediant: & quicquid pro salu-
te animarum monuerint, prout melius po-
tuerint, adimplere satagāt, sicut Dei & no-
stram gratiam habere voluerint. Nam Do-
minus ait, Qui vos audit, me audit: & qui

vos spernit, me spernit. Et iterum, Si te nō audierit, dic Ecclesiæ. Et si Ecclesiam non audierit, sit tibi sicut & Ethnicus & publicanus. Et alibi. Si quis scandalizauerit vnū de pusillis istis, id est, ex meis discipulis vel Aposto. quorum locū Episcopi nūc in Ecclesia tenent, melius est illi, vt suspendatur mola asinaria in collo ei°, & demergatur in profundū maris, quā scandalizet vnū de istis minimis. Hæc omnia fidelibus admonenda & perpendēda sunt, ne in hoc, quod absit, incidant scandalum: sed magis eis obediendo nō filij perditionis, sed filij Dei efficiantur: & non cum stultis pœnam, sed cum iustis præmia percipiant sempiterna. Nam Episcopos & sacerdotes, quibus omnis terra caput inclinat, per quos & nostrū pollet imperium, admodum honorari & venerari omnes monemus: nec eos lacerrari, aut blasphemari, vel detrahi à quoquam volumus, quia detractio sacerdotum ad Christum pertinet, cuius vice legatione funguntur in Ecclesia. Nam qui detrahit alium hominem, sicut homicida reputabitur. Quid erit de illis, qui sacerdotes detrahunt? Quoniam & ipsi seipsos occidunt, & audientes interimunt. Dupla enim pœna digni sunt, qui duplant scelera sua. Qui his

sanctis monitis rebelles & inobediētes extiterint, sciant se à liminibus sanctæ Ecclesiæ fore alienos.

De quatuor negligentis sacerdotum.

CLXXI. De presbyteris, & eorum Ecclesiis, vnde multa negleguntur, & scandala sæpe generantur, in nostra discussione quatuor nobis pericula apparuerunt. Primò, quia nonnulli ex nostris sacerdotibus quadam securitate accepta, nec ea, quæ ad cultum diuinum pertinent, faciunt, neque in re-
stitutione & luminaribus Ecclesiæ studium habent, nec etiam senioribus suis debitam reuerentiam exhibēt, & insuper Ecclesias suas expoliant, & in prædiola sua propria transferunt, quæ omnia ad negligentiam Episcoporum pertinere deprehēdimus. Ob id verò quadam occasione accepta seniores eorum permoti in tantam audaciam prærumpunt, vt eos etiam illicitè & inhonestè atque irreuerenter tractare præsumāt. Vnde summoperè omnibus nobis abhinc prouidendū iudicauimus, vt ea, quæ à domnō Imperatore consensu Episcoporum ob honorē & amorē Dei Ecclesiis concessa sunt, non in auaritiam presbyterorum aut in rapacitatem Episcopalium ministrorum cedant, sed in vtilitatem

Ecclesiæ & in vsus clericorum & pauperū
deueniant.

*De presbyteris, qui in suis domibus
fœminas habent.*

CLXXII. Illud non minus periculosum esse
didicimus, quod in quorundam Episco-
porum parochiis quosdam presbyteros
cōtra interdicta sanctorum canonum fœ-
minas in dōmibus suis nō solum habitare,
sed etiā ministrare faciunt. Quas & laqueū
sacerdotibus persæpe extitisse, & multos
occasione in scandalum & in detractio-
nem corruisse cognouimus. Quæ trāsgres-
sio & tempore genitoris nostri & nostro in
conuentibus Episcoporum secundum au-
thoritatem canonicam prohibita, sed nec-
dum ad correctionem plenè est perducta.
Vnde in commune censuimus, vt hi qui
tantæ transgressionis incorrēctores hactē-
nus extiterint, si ab hinc huius rei corre-
ctores esse neglexerint iuxta Apostoli sen-
tentiā quasi consentientes malorum coër-
ceantur.

*De presbyteris, qui contra statuta ca-
nonum villici fiunt.*

CLXXIII. Similiter de illis presbyteris, qui
contra statuta canonum villici fiūt, taber-
nas ingrediuntur, turpia lucra sectantur, &

diuerſiſſimis modis uſuris inferuiūt, & aliorum domos inhoneſtè & impudicè frequentant, & comeſſationibus & ebrietatibus deſeruire non erubeſcunt, & per diuerſos mercatus indiſcretè diſcunt, obſeruandum iudicauimus, vt ab hinc diſtictè ſeueritèrque coërceantur, ne per eorum illicitam & indecentem actionem & miniſterium ſacerdotale vituperetur, & quibus debuerant eſſe in exemplum, deueniant in opprobrium.

*Quòd conuerſatio ſacerdotalis teſtes
vitæ probabiles habeat.*

CLXXIII. Pari ergo conſenſu nobis viſum eſt, vt pontifices ſanctorum præcedentium patrum exempla ſequentes religioſos conuerſationis ſuæ teſtes habeant, quatinus detrudere volentibus locum minimè præbeant. Vt ergo ſacerdos diſcipulis ſuis de ſeipſo exemplum bonum debeat præbere, Apoſtolus ſcribens ad Titum docet, dicēs: In omnibus te ipſum præbe exemplū bonorum operum in doctrina, in charitate, in caſtitate, & reliquis. Beatus quoque Gregorius in decretis ſuis ita ait. Verecundus mos inoleuit, vt huius ſedis pontificibus ad ſecreta cubilis ſui ſeruitia laici pueri cis ſeculares obſequantur, & cum paſtoris vita

esse discipulis semper debeat in exemplum
 plerumque clerici, qualis in secreto sit vita
 sui pontificis nesciunt, & vt dictum est, se-
 culares pueri sciunt. De qua re presenti de-
 creto constituto, vt quidem ex clericis vel
 etiam ex monachis electi ministerio cubi-
 lis pontificalis obsequantur, vt is qui in lo-
 co est regiminis, habeat tales testes, qui
 eius in secreto conuersationem videant, &
 ex visione sedula exemplum profectus su-
 mant. Hæc igitur beatus Gregorius scri-
 psit. Cæterum si quis de hac re copiosiora
 exempla quærere voluerint, vitas beati
 Augustini, & Ambrosij, & cæterorum alio-
 rum sanctorum virorum legant, & perspi-
 cuè inuenient, quòd vita & conuersatio
 pontificis semper testes vitæ probabilis ha-
 bere debeat.

*Vt Episcopi in rebus Ecclesiæ circa propinquos
 suos exponendis reprehensionem caueant,
 & discretionis modum teneant.*

CLXXV. Quoniam multi Episcoporum amo-
 re propinquorum suorum de rebus sibi
 commendatis suo aut quolibet amicorum
 nomine prædia & mancipia emunt, & vt in
 propinquorum suorum ius cedant statuunt:
 & ob hoc & iura Ecclesiastica conuellun-
 tur, & ministerium sacerdotale fuscatur,

immò à subditis derrahitur & contemnitur, placuit omnibus, vt deinceps hoc avaritiæ genus caueatur: fixúmque abhinc, & perpetuo māsulum esse decreuimus, vt Episcopus de rebus sui iuris, quas aut ante Episcopatum aut certè in Episcopatu hæreditaria successione acquisiuit, secundum auctoritatem canonicam, quicquid vult, faciat, & cui vult conferat. Postquam autem Episcopus factus est, quasunque res de facultatibus Ecclesiæ aut suo aut alterius nomine qualibet conditione comparauerit, decreuimus, vt non propinquorum suorum, sed in Ecclesiæ, cui præest, iura deueniant. Similiter & de presbyteris, qui dē Ecclesiarum rebus, quibus præfunt, prædia eo modo emunt, faciendum statuimus. Quoniam multos presbyterorum occasione taliter emptarum rerum Ecclesias, quibus præfunt expoliassent, & à suo ministerio multimodis exorbitassent, & se diabolo mancipassent, & hac occasione multos laicorum in scandalum damnationis & perditionis proruisse comperimus.

Quòd nonnulli Episcopi sibi subiectos canonicos, monachos. & sanctimoniales neglegant.

GLXXVI. Didicimus sanè nonnullos Episcopos in gubernādis cōgregationibus sibi

subiectis, canonicis videlicet, monachis, & sanctimonialibus haftenus valde negligētes extitisse, & ob id multos in sui detractiōem & contemptum prouocasse, ita vt nonnulli alij praelati in eorum parochiis cōstituti, eorum praua exempla secuti, suas similiter cōgregationes neglexerint, quos & fraterno & synodali conuentu admonēdos esse necessario duximus, vt ab hac negligentia deinceps se cohibeant, & cæteris se imitabiles præbeant, ne fortè propter illorum incuriam & diuinæ seruitutis contemptus, & pericula proueniāt animarum, & auribus excellentiæ nostræ molestia ingeratur, & sacerdotali mediocritati in cōuentibus tædium & opprobriū inferatur.

*De Episcopis, abbatibus, & sacerdotibus,
qui propria loca relinquunt.*

CLXXVII. Comperimus quosdam Episcopos, & abbates atque sacerdotes non causa necessitatis aut utilitatis, sed potius avaritiæ & propriæ delectationis sæpissimè propria ciuitatis suæ sede, vel monasterij septa aut Ecclesiæ propriæ derelicta cleróque neglecto remotiora loca frequentare. Pro qua re & destitutio diuini cultus, & prædicatio in plebibus, & cura subiectorū postponitur, & hospitalitas negligitur.

Quòd

Quòd ne vltcrius à quoquàm sine ineuitali necessitate aut aliqua vtilitate fiat, pari consensu inhibuimus.

De laicorum clericis.

CLXXVIII. De clericis laicorum, vnde nonnulli eorum cōqueri vidētur, eo quòd quidam episcopi ad eorū preces nolint in Ecclesiis suis eos, cum vtilis sint, ordinare, vñsum nobis fuit, vt in vtrisque partibus pax & concordia seruetur, & cum charitate & ratione vtilis & idonei eligantur. Et si laicus idoneum vtilēque clericum obtulerit, nulla qualibet occasione ab Episcopo sine certa ratione repellatur. Et si reiiciendus est propter scandalum vitandum, euidenti ratione manifestetur.

*De monachis & presbyteris siue clericis
qui passim palatium adeunt.*

CLXXIX. Placuit vt monachi & presbyteri nec non & clerici, qui post posita canonica auctoritate passim palatium adeunt, & nostris sacris auribus importunissimam molestiam inferunt, vt non hoc facere præsumant. Quoniam in huiuscemodi facto & vigor Ecclesiasticus cōtemnitur, & religio sacerdotalis, & professio monastica vilior efficitur.

Vt non sit sanguinis Christianorum temeraria effusio.

CLXXX. Volumus atque præcipimus nostra auctoritate annuntiari omnibus, immò & à sacerdotibus prædicari, ne tam temeraria Christianorum sanguinis effusio in regno nostro fieri sinatur: semper illud attendentes, quod Dominus post diluuiũ dixit, famulo suo Noc. De manu hominis, & de manu viri, & fratris eius requiram animam eius. Quicumque effuderit humanum sanguinem, fundetur sanguis illius. Ad imaginẽ, quippe Dei factus est homo. Et in lege. Qui occiderit hominem morte moriatur. Et Apostolus: Nam principes non sunt timori boni operis, sed mali. Vis autem nõ timere potestatem? Bonum fac, & habebis laudem ex illa. Dei enim minister est tibi in bono. Si autem malum feceris, time. Non enim sine causa gladium portat. Dei enim minister est, vindex in iram ei, qui malum agit. De illo enim specialiter diuina auctoritas dicit, Gladium Dei portat ad vindictam malorum: non de quolibet alio. E contra verò nescimus, qua pernoscia inuentione à nõnullis vsurpatum est, vt hi qui nullo ministerio publico fulciuntur, propter sua odia & diuersissimas

voluntates pessimas in debitum sibi vsurpant in vindicandis proximis, & interficiendis hominibus vindictæ ministerium: & quod rex saltem in vno exercere debuerat, propter terrorem multorum, ipsi impudenter in multis perpetrare nō metunt propter odium. Et putāt sibi licere ob inimicitiarum vindictas, quod nolunt vt rex faciat propter Dei vindictam.

*De abbatibus, canonicis, & regularibus,
vel abbatissis.*

CLXXXI. Abbatibus, canonicis, & regularibus, & abbatissis, quæ sanctimonialibus præesse videntur, siue laicis, qui monasteria habent, omnimodo præcipimus, vt de seipsis magnam curam habeant, & cæteris bonum exemplum præbeant, & religiosè, sicut decet, conuersentur. Et quod vniuscuiusque professioni inconueniens est, & in sacris canonibus prohibetur, omnino caueant, & loca sibi à nobis propter aliquam necessitatem concessa deperire & destrui propter negligentiam non dimittant. Et congregationes sibi commissas siue spiritualiter siue temporaliter paterno affectu gubernare, cisque necessaria stipendia administrare non

C A P I T V L.

neglegāt : ne forte propter aliquam inopiā
& diuina officia negligantur, & ipsæ cōgre-
gationes irreligiosius viuere compellātur.
Et qui hæc agere neglexerint, sciant se ea
illis auferre, & religiosioribus dare.

*Vt capellæ absque iussu sine permissu Epis-
copi non fiant.*

CLXXXII. Placuit nobis, vt sicut ab Episco-
pis & reliquis sacerdotibus ac Dei seruis
admoniti fuimus, ne capellæ in nostro pa-
latio vel aliubi sine permissu Episcopi, in
cuius est parochia, fiant. Et vt omnes per
dies dominicos & festiuitates præclaras sa-
cra Eucharistia communicent, nisi quibus
abstinere præceptum est. Et vt obseruatio
omnium dierum dominicorum à mane vs-
que ad vesperam secū dum canonicam au-
ctoritatem ab omnibus fiat.

*Vt omnes, qui in fide catholica suspecti sunt,
in testimonio humano dubij habeantur.*

CLXXXIII. Omnes qui in fide Christi vel
catholica suspecti sunt, in testimonio hu-
mano dubij habeantur. Infirmari ergo o-
portet eorum testimonium, qui in fide falsi
docentur. Nec eis esse credendum, qui ve-
ritatis fidem ignorant.

*Vt si quis ministros Ecclesiæ iniuriauerit,
hoc tripliciter componat.*

CLXXXIII. Si quis ministros Ecclesiæ, id est, subdiaconum, lectorem, exorcistam, acolytum, hostiarium iniuriauerit, aut percusserit, vel plagauerit, componat hoc tripliciter, sicut solent componere parentes eius. Diaconi verò, presbyteri, atque Episcopi iniuria in quadruplum componatur. Reliquorum autem clericorum iniuria componatur, sicut parètur eorum. Monachorum quoque qui secūdam regulam in monasterio viuunt, iniuria dupliciter componatur secūdam genealogiam suam, vt reuerentia sit Deo, & Ecclesiæ, & pax eis, qui illi deseruiunt.

Vt si quis contumax reuerentiā Ecclesiarum non habet, solidos d. componat.

CLXXXV. Si quis homo contumax vel superbus, timorem Dei vel reuerentiam Ecclesiarum sanctarū non habuerit, & fugientem seruum suum, vel quē persecutus fuerit de Ecclesia, vel de porticu eius per viam abstraxerit, & Deo honorem non dederit, componat ad ipsam Ecclesiam pro neglectu suo sol. quingentos, & pro fredo ad fiscum, sol. cc. ipse verò publica pœnitentia iuxta iudiciū Episcopi multetur, vt sit honor Dei & reuerentia sanctorum, & vt Ecclesia Dei semper inuicta permaneat.

CAPITVL.

Vt cuncta quæ circa Ecclesias earumque ministrorum vel olim ordinauit antiquitas, vel antecessorum auctoritas nostrorum statuit, inuiolata persistant.

CLXXXVI. Cuncta, quæ circa sanctarum loca Ecclesiarum eiusque ministros, vel olim ordinauit antiquitas, vel antecessorum nostrorum auctoritas religiosa constituit, vel nostra roborauit serenitas, illibata custodiri nunc & in futurum præcipimus.

De prædiis Deo dicatis.

CLXXXVII. Placuit ne prædia cælestium secretorum dicata, Deo que tradita à quibusdam aliqua occasione vexentur, aut inuadantur, sed sub immunitatis tuitione, perpetua firmitate perdurent. Similiter & homines earum, & omnia quæ eis subiecta esse noscuntur. Si quis contrauerit, componat sicut de immunitate constituimus: & poenitentia publica à sacerdotibus usque ad satisfactionem multetur.

De eo, qui die dominico opera seruilia fecerit.

CLXXXVIII. Si quis die Dominico opera seruilia fecerit, liber homo, si bouem iunxerit, & cum carro ambulauerit, dextrum bouem perdat. Et si alia, quæ canonica auctoritate prohibita sunt, seruilia fecerit opera, sacerdotibus illa emendet, sicut de re-

liquis neglegentiis iudicibus emendari sollet: & ab ipsis sacerdotibus pœnitentiam iuxta modum culpæ accipiat. Similiter & de præcipuis festiuitatibus obseruari placuit. Quòd si sacerdotes eos nequiuerint corripere, tunc à iudicibus ad sacerdotes adducantur, eisque obedire omnibus faciant.

De his qui infra regnum per vim aliquid rapuerint.

CLXXXIX. Si quis in exercitu infra regnum sine iussione Dominica per vim hostilem aliquid prædare voluerit, aut fœnum tollere, aut granum, siue pecora maiora vel minora, domosque infringere vel incendere, hæc ne fiant omnino prohibemus. Quòd si ab aliquo præsumptioso factum fuerit, Lx. solid. si liber est sit culpabilis, & omnia similia restituat, aut cum duodecim testibus se purget. Si verò seruus hoc fecerit, capitali crimini subiaceat: & Dominus omnia similia restituat, quia seruum suum non correxit, nec custodiuit, vt talia non perpetraret. Quoniam si nos ipsos comedimus, citò deficiemus. Vnusquisque tamen custodiat exercitum suum, ne aliqua deprædatio infra regnum fiat.

De eo, qui alienum seruum ad furtum suaserit.

cxc. Si quis alienum seruum ad furtū suaserit, aut aliquid damnosum in fraudem Domini sui, vt posset accusare eum, & fraus ipsa fuerit detecta per inuestigationem iudicis, Dominus nec seruum perdat, nec pro hoc aliquam faciat compositionē. Sed ille, cuius conclusione vel exhortatione admissum est, tanquam fur damnetur. Et seruus quod tulit reddat, & insuper cxx. ictus accipiat.

De fure nocturno tempore capto.

cxci. Fur nocturno tēpore captus in furto, dū res furtiuas secū portat, si fuerit occisus, nulla ex hoc homicidio querela nascatur.

De eo, qui de fure nesciens aliquid cōparauerit.

cxci. Si quis de fure nesciēs aliquid comparauerit, quærat accepto spacio venditorum. Quem si non potuerit inuenire, probet se cum sacramēto & testibus innocentem, & quod apud eum cognoscitur restituat. Et furem quærere non desistat. Quòd si furem celare voluerit, & periurans postea detectus fuerit, tanquam ille fur, ita iste in crimine damnetur.

De eo, qui occultè in nocte vel in die alterius animal occiderit.

cxci. Si quis in nocte occultè, vel in

die alterius animal occiderit, & negauerit,
& postea exinde probatus fuerit, tanquam
furtiuum componat.

De eo, qui occiderit alienum animal,

& non negauit.

cxliii. Si quis causa faciente occiderit
alienum animal, & nō negauerit, simile da-
re non tardet, & cadauer mortui accipiat.

De eo, qui furtiuam rem scienter emerit.

cxcv. Si quis furtiuam rem scienter eme-
re præsumpserit, & exinde probatus fue-
rit, similem rem reddat illi, cuius pecuniam
comparauerit, salua videlicet eius iustitia
in altero.

*De eo, qui de latrone furtiuam rem scienter
ad custodiendum accipit.*

cx cvi. Si quis de latrone furtiuam rem
scienter ad custodiendum acceperit, quasi
fur componat.

De sacramentis leuiter non iurandis.

cx cvii. Volumus vt sacramenta citò non
fiant, sed vnusquisque iudex prius causam
veraciter cognoscat, vt cum veritas latere
non possit, nec facilè ad sacramēta veniāt.

De eo, qui contra caput alterius falsa suggererit.

cx cviii. Si quis contra caput alterius fal-
sa suggererit, vel pro quacunque inuidia
aut iniusta accusatione aliquem commo-

uerit, ipse pœnam vel damnum, quod alteri intulit, excipiat. Neminem damnes, antequam inquiras veritatem, quia scriptum est, Omnia autem probate, quod bonum est, tenete.

De eo, qui per inuidiam vel dolum liberi vel serui domum incenderit.

cxcix. Si quis per aliquam inuidiã vel dolum in nocte vel in die ignẽ imposuerit, & incēderit liberi vel serui domũ, primò omnia edificare statuatur, & quicquid ibi arserit, componatur, & insuper LX. sol. sit culpabilis: & publica pœnitentia secundum iudicium sacerdotum multetur, & quanti homines de ipso incendio euaserint, unicuique secundum legem componatur, & omnia quæ ibi perdiderint restituant.

Vt si quis seruum iniuste accusauerit alienũ, domino simile mancipium pro hoc factò reddat.

cc. Si quis seruum iniustè accusauerit alienum, & innocenti tormẽta pertulerit, Domino simile mancipium pro hoc factò reddat. Si verò innocens in tormẽto mortuus fuerit, duos seruos eiusdem meriti sine dilatione Domino restituant.

De via publica.

ccl. Si quis viam publicam, aut lithostrotum, vel viam communem alicui clauserit

contra legem, cum sua lege componat: & clausuram, quam ibi fecit, tollat. Quòd si negare voluerit, cum duodecim sacramentalibus iuret.

De via conuicinali.

CCII. Si quis viam cõuicinalem vel pastoralem clauserit, cum sua lege componat, & ipsam viam aperiat. Similiter & de semita faciendum est.

De eo, qui fontem coinquinauerit.

CCIII. Si quis fontem quacunque inuidia coinquinauerit, vel maculauerit, emendet eum primò, vt nulla sit coinquinationis in eo suspicio, & cum lege sua vicinis hoc emendet. Si autem plurimorum in vicino puteus fuerat, compositione inter se mulctetur.

De eo, cui aurum vel argentum aut ornamenta commendata fuerint.

CCIII. Si cui aurum vel argentum aut ornamenta vel quæcunque species commẽdatae fuerint, siue custodiendae traditæ sint, siue vendendae, & in domo ipsius cum rebus suis forsitam fuerint incendio crematae, vna cum testibus, qui commendata suscepserat, præbeat sacramenta nihil exinde suis profuisse compedis, & nihil cogatur exsoluere, excepto auro & argento, quod ardere

non potuit. Si verò quæ commendata fuerant, furto probantur ablata, ei qui commendata perdiderat spatium tribuatur, donec furem sua inuestigatione perquirat. Et si eum inuenerit commēdatori res proprias tantummodò reformare procuret. Compositio verò ad eum, qui habuit commendata pertineat. Quòd si fur non fuerit intra statutum tempus inuentus, medietas rerum commendatarum Domino suscipiente reddatur, damnum verò medium vtrique sustineant, & si postmodum dominus apud eum, cui commendauerit, quæcūque fuerint suppressa repercrit, sicut furtiua ab eo exigantur.

Vt rem in contentione positam non liceat vendere.

ccv. Rem in contentione positam non liceat donare nec vendere.

De eo, qui seruum suum vendiderit.

ccvi. Si quis seruum suum vèdiderit, forsitam eius nesciens facultates, habeat Dominus eius potestatem, qui eum vendidit, requirendi res eius vbicunque inuenire poterit.

De eo, qui de peculio suo fuerit redemptus, seruo.

ccvii. Si quis seruus de peculio suo fuerit

redemptus, & hoc Dominus eius fortè nescierit, de Domini potestate non exeat, quia non preciũ, sed res serui sui dum ignorat, accipit.

De eo, qui causam alterius tulerit de loco suo.

CCVIII. Si quis causam alterius tulerit de loco suo, ipsam illæsam reddat, aut similẽ. Si verò foras aliqua traxerit, & absconderit, atque negauerit interrogatus furtiuam componat.

De eo, qui alicuius mortuum repererit.

CCIX. Si quis alicuius mortuum repererit, & cum humanitatis causâ humauerit, vt neque à porcis inquinetur, neque à bestiis seu canibus laceretur, seu liber sit, seu seruus, nullam ex hoc calumniã sustineat, sed magis à parentibus eius remunerationem condignam accipiat: & si à parẽtibus mercedem noluerit recipere, recipiat à Domino qui præcepit mortuos sepelire.

De venditionibus vili precio detra-

ctis, vel viciosis.

CCX. Placuit in venditione hanc formam seruari, vt seu res, seu mancipia, vel quodlibet genus animalium venundetur, nemo propterea venditionis firmitatem inrumpat, quod dicit se vili precio vèdidisse: sed postquam factum est, negotium nõ sit mu-

tatum, nisi fortè viciū sibi à venditore celatum inuenerit. Si autem venditor dixerit viciū, stet emptio, & non sit immutata. Si autem non dixerit, mutari potest in illa die, & in alia, siue in tertia die: & si amplius de tribus noctibus illud habuerit, postea non potest mutare, nisi fortè eum inuenire infra tres dies non poterit. Tunc quando inuenerit, recipiat, qui viciū vendidit. & si noluerit recipere, iuret cum suis sacramentalibus quod viciū ibi nullū sciebat in illa die, quando negotium fecit: & stet factum.

Vt qui arras dederit pro quacunque re, precium reddere compellatur.

CCXI. Qui arras dederit pro quacunque re, precium cogatur implere, quod placuit emptori.

Vt peregrinos transeuntes nemo inquietet.

CCXII. Placuit ne peregrinos transeuntes quisquam inquietare præsumat, eisque nocere audeat, quia alij propter Domini, alij propter suas discurrunt necessitates. Quod si aliquis præsumptiosus fuerit, qui peregrino nocuerit, vel eum assallierit, aut despoliauerit, læderit, plagauerit, ligauerit, venderit, vel occiderit, ipse peregrino singulatim dupliciter, sicut de alio homine solet

componi, aut suo seniori vel socio cum sua lege componat. Quòd sit mortuus fuerit, & seniore ibi vel socium non habuerit, tunc Episcopus, aut sacerdotes eiusdē pagi ipsam compositionem in duplo sicut de indigena distringente iudice accipiant, & in suam eleemosynam illam tribuant, & insuper LX. solid. fisco cogatur persolvere. Et si peregrinum viuētem reliquerit, omnem iniuriam ei factam, & quicquid ei tulit dupliciter, vt prædictum est, per singula illi componat, sicut solet de infra prouinciam aliquem componere. Si autem eum occiderit, vt liberum hominem de ipsa prouincia in duplo componat, & ipsa pecunia à memoratis sacerdotibus in sua detur eleemosyna: quoniam Dominus ait, Peregrinum & aduenam non contristabis.

De eo qui res alienas vendiderit.

CCXIII. Si quis vendiderit res alienas sine voluntate Domini sui, aut seruum, aut ancillam, aut quācunque rem, ipsam legibus reddat, & similem aliam addat. Et si ipsum non potest inuenire, duos consimiles & æqualis meriti reddat.

De eo, qui alicuius quadrupedi unum oculum excusserit.

CCXIII. Si quis alicuius caballo, vel boui,

vel cuilibet de quadrupedibus vnum oculum excusserit, adprecietur illud pecus, quod valet, & tertiam partem componat.

De eo, qui iussu regis vel ducis aliquem occiderit.

ccxv. Si quis iussione regis vel ducis illius, qui ipsam prouinciam regit, hominē occiderit, non requiratur ei: nec propterea fardosus sit, quia lex & iussio Dominica occidit eum, & ipse non potuit contradicere. Princeps verò & successores eius defendāt eum, & totam progeniem eius, ne ob hoc pereat, aut malum patiatur. Quòd si propterea ipse aut eius progenies aliquid mali passi fuerint, aut occisi, dupliciter componantur.

De eo, qui scripturam protulerit, vt veritatem eius testibus probet.

ccxvi. Si quis scripturam profert, veritatē eius testibus probare debet, quia in omnibus causis constitutum est, vt scripturam prolator adfirmet.

Vt quicquid prouincialibus fuerit relaxatum per beneficium principis, ab exactore non requiratur.

ccxvii. Quicquid prouincialibus per beneficium principis tributorum fuerit relaxatum, ab exactore non requiratur.

Vt

*Vt presbyteri criminosi ad synodum venientes
in medio collocentur.*

ccxviii. Presbyteros criminosos canonicè ad synodum venientes, iubemus iuxta decreta Papæ Innocentij, cap. xxxiii. in medio collocari. Discussisque obiectionibus, quæ ipsis presbyteris impinguntur, si conuinci potuerint, à sacerdotali remoucantur officio, quia qui sancti non sunt, sancta tractare non possunt. Atque alieni efficiantur à ministerio, quod viuendo illicitè polluerunt. Et si cōuinci non potuerint, secundum antè caputulum, cōsultu Leonis Papæ & multorum Episcoporum statutum cum aliis presbyteris, & fidelibus iustisque hominibus satisfaciant Episcopo suo, & populo.

*Vt unusquisque presbyter Missam cum
sandaliis celebret.*

ccxix. Vt unusquisque presbyter Missam ordine Romano cum sandaliis celebret. Et hoc populo nūcietur, quod per omnes dies dominicos oblationes Deo offerant, & vt ipsa oblatio foris septa altaris recipiatur.

*Vt presbyter die Dominico cum benedi-
dicta aqua procedat.*

ccxx. Vt omnis presbyter die Dominico cum psallentio circumueat Ecclesiam suam

vnà cum populo, & aquam benedictam secum ferat: & vt scrutinium more Romano tempore suo ordinatè agatur.

De hospitalitate & cura pauperum.

ccxxi. Vt de hospitalitate, & cura pauperum memores sitis, & propter quod res ecclesiasticæ à fidelibus oblatae, & ab Ecclesia receptae sint, & eo modo illas distribuatis, vt ab illo, cui de his rationem reddituri estis, non damnationem, sed æterni gaudiij mercedem accipere mereamini.

Vt adiutorium à rege impendatur his, qui ministerium Ecclesiasticum adimplent.

ccxxii. Volumus vos scire voluntatè nostram, quòd nos parati sumus vos adiuuare vbicunque necesse est, vt ministerium vestrum adimplere valeatis: simulque vos admonemus, vt propter humilitatem nostrā & obedientiam, quam monitis vestris propter Dei timorē exhibemus, honorē nobis à Deo concessum cōseruetis, sicut antecessores vestri nostris antecessoribus fecerūt.

Vt nullius Episcopus vel abba per præmia suis hominibus beneficia det, vel auferat.

ccxxiii. Admonemus etiam Episcopos & abbates, vt per præmia beneficia hominibus suis nec auferant, nec donent, quia multae reclamationes, & querelæ de hac causa ad

nostras aures solent peruenire.

Vt clericus, vel monachus, vel sanctimonialis non accusetur ad iudicium civile.

ccxxv. Nemo audeat clericum, aut monachum, vel sanctimonialem foeminā ad civile iudicium accusare, sed ad Episcopum: & ipse ex lege vel canonibus cōsentaneam ac iustam sententiam proferat. Hæc omnes Episcopi custodiant, & omnes fideles sanctæ Dei Ecclesiæ, & nostri prouinciarum præsides procurent quorumcunque clericorum, vel monachorum, & sanctimonialiū lites dirimere. Si quis hanc constitutionem violauerit in magistratu positus, x. libris auri pœna multabitur. Si executor est, in catenis Ecclesiarum recludatur pœnas luiturus, & officium perdat.

De monacho, qui monasterium suum dimiserit.

ccxxvi. Si monachus monasterium suum dimiserit, omnia bona ipsius, & quæ in monasterium introduxit, & quæ non introduxit Domino monasterij sint, & ipse officio præsidis seruire cogatur. Si verò monachus ad alium monasteriū migrauerit, substantiā eius prius monasterium possideat, & in alio monasterio ipse non recipiatur.

De seruo in monasterium recepto.

X ij

CCXXVII. Si aliquis incognitus in monasterium ingredi voluerit, ante triennium monachi habitus ei non præstetur. Et si intra III. annos aut seruus aut libertus vel colonus quæratur, Domino suo reddatur cum omnibus, quæ adtulit, fide tamen accepta de impunitate. Si autem intra triennium requisitus non fuerit, postea quærri non potest: sed tantum ea, quæ in monasterium adduxit, Dominus serui recipiat.

De monachis laicis factis.

CCXXVIII. Si autem monachus laicus factus fuerit, honore & cingulo spoliatur: & res eius monasterio adiiciatur. Quod si monasticam vitam reliquerit, præses provinciae cum teneat, & curiae suae communeret.

De Ecclesia ædificanda.

CCXXIX. Nemo Ecclesiam ædificet antequam ciuitatis Episcopus veniat, & ibidem crucem figat publicè, & antè præfiniat qui ædificare vult, quòd ad luminaria, & ad custodiam, & stipendia custodum sufficiat, & facta donatione sic domum ædificet.

De eo, qui in domo sua oratorium fecerit.

cccxxx. Qui in domo sua oratorium habuerit, orare ibi potest: tamen non audeat in eo sacras facere missas sine permisso Episcopi loci illius. quòd si fecerit, domus illius fisci iuribus addicatur. comes & ministri eius qui hoc cognouit, & non prohibuit, libra auri mulctabitur, & ab Episcopo loci illius canonicam suscipiat excommunicationem vel exclusionem.

De electione abbatissæ.

ccxxxi. Abbatissa eligatur à cuncta congregatione non secundum ordinem, sed quàm melioris opinionis esse constiterit, & quàm meliores elegerint. Et qui eam eligunt, proponant sanctis Euangelis dicentes, quòd non propter amicitias vel gratiã humanam, sed scientes eam fide rectam, & vita castam, & administratione dignam, ad omnemque statum monasterij vtilem: & tunc confirmetur ab Episcopo, cui monasterium subiectum est.

De diaconissa vel Deo deuota.

ccxxxii. Si quis rapuerit, vel sollicitauerit, vel corruerit religiosam sceminam, bona amborum Ecclesia vindicet, in qua talis mulier habitauit. Ipsi tamen capitali periculo subiiciantur. Quòd si hæc mulier consensit, cum suis rebus monasticæ

CAPITVL.

cautioni tradatur. Si verò liberos habet, pars legitima eis referuetur, Quòd si intra annum post cognitum tale scelus à religiosis locis non vindicetur, comes loci illius hæc nostro fisco addicat. Si verò comes provinciae vindictam tali crimini imponi neglexerit, honore careat, & duas libras auri fisci iuribus dare compellatur.

De restituendo monasterio.

ccxxxiii. Nemini regum aut cuiquam hominum in proprium liceat monasteriũ tradere, vel cõmutare, vel quocunque comito vendere, hoc etiã diuina & Apostolica atq; canonica sub anathematis pœna sanxit auctoritas. Quòd si factum fuerit, nõ valebit. Sed is, qui accipit, precium amittat. Et qui distraxit, precium quod accipit in ipso monasterio amittat, & vnà cum precio monasterium perdat, & ipsum monasterium in pristinum reformetur statum.

De litigatoribus.

ccxxxiiii. In ciuitatibus, in quibus præfides præsunt, ipsi audiant causas, seu & defensores. Qui autem Episcopos, vel sacerdotes, aut clericos iudicare sibi maluerint, hoc quoque fieri non permittimus.

De scenicis.

ccxxxv. Si quis ex scenicis vestem sacer-

dotalem, aut monasticam, vel mulieris religiosæ, vel qualicunque Ecclesiastico statu similem indutus fuerit, corporali poenæ subsistat, & exilio tradatur.

De præscriptione XL. annorum.

ccxxxvi. Ne decem anni, neque viceni, vel xxx. annorum præscriptio religiosis, domibus opponatur, sed sola XL. annorum curricula: & non solum in cæteris rebus, sed etiam in legatis, & hæreditatibus.

Vt nemo audeat Episcopum, aut sacerdotem, vel clericum apud publicos iudices accusare.

ccxxxvii. Sancitum est, vt nullus Episcopum, aut sacerdotem, vel clericum apud iudices publicos accusare præsumat, sed apud Episcopos.

Ne ullus sacerdos indicetur, nisi præsentibus sint ipsius accusatores, iidemque legitimi.

ccxxxviii. A sancta Romana & Apostolica Ecclesia olim statutum est, & à nobis synodali sententia confirmatum, vt nullus ex sacerdotali catalogo iudicetur, aut damnetur, nisi accusatus accusatores legitimos præsentibus habeat, locumque defendendi ad abluenda crimina accipiat.

Vt vita accusantium primò discutiatur.

ccxxxix. Item à prædicta sancta Romana & Apostolica Ecclesia sancitum est, &

ab omnibus synodali auctoritate decretū,
vt semper primò persona, fides, vita & con-
uersatio accusantiū enucleatim perscrute-
tur: postea, quæ obiiiciunt, fideliter pertra-
ctentur, quia nō aliter fieri quicquā debet,
nisi prius impetitorum vita discutiatur.

De testibus requirendis in accusatione clericorū.

CCXL. Placuit, vt si quis aliquem clerico-
rum in accusatione fornicationis impetie-
rit, secūdum præceptum Pauli Apostoli le-
gitima testimonia requirātur ab illo. Quòd
si non potuerit, datis testimoniis adproba-
re quod dixit, excommunicationem accu-
sati accusator accipiat.

De culpabili persona non recipienda.

CCXLI. Si accusatoris persona in iudicio E-
piscoporū culpabilis apparuerit, ad arguē-
dum nō admittatur, nisi de propriis causis.

*De non iudicando quemquam ante exami-
natam causam.*

CCXLII. Non est iustum iudicare aut con-
demnare virum, cuius causa ad liquidum
non est examinata.

De non iudicando maiorem à minore.

CCXLIII. Maior à minore non potest iu-
dicari.

*De non iudicando quemquam absque le-
gitimo accusatore.*

CCXLIII. Iudicis nō est quemlibet iudicare vel condemnare absque legitimo acoufatore: quoniam & Dominus Iudam furē esse sciebat, sed quia nō est accusatus, ideo non est eicētus.

De eo, qui frequenter litigat, ut non suscipiatur absque examine.

CCXLV. Eius qui frequenter litigat, & ad accusandum est facilis, accusationē absque grandi examine nemo recipiat.

De rimando enucleatim causam in iudicio, & saepe ventilando.

CCXLVI. Iudicantem oportet cuncta rimari, & ordinem rerū plena inquisitione discutere, interrogandi ac proponendi adiiciendique patientia præbita ab eo, ut ibi actio partiū limitata sit pleniter. Nec prius litigantibus sua velit sententia obuiare, nisi quando ipsi peractis omnibus iam nihil amplius habuerint in quæstione, quod proponat: & tam diu actio ventiletur, quousque rei veritas perueniat. Frequenter interrogari oportet, ne aliquid prætermissum fortè remaneat, quod adnecti conueniat.

De his, qui se putant per testes redemptos ad sacerdotum accusationē admitti, ut non admittantur, nisi omni suspicione caruerint.

CCXLVII. Sunt quidam qui contra Ecclesiasticam regulam pugnare videntur, & per testes redemptos putant se ad accusationem admitti debere, hi omnino nō admittantur, nisi actis publicis docuerint omni se suspitione carere.

Vt nullus contra religionem faciat.

CCXLVIII. Non liceat Imperatori vel cuiquam pietatem custodienti aliquid contra mandata diuina præsumere.

Quòd laicis non sit de religione præsumendum.

CCXLIX. Laicis quamuis religiosis, nulli tamen de Ecclesiasticis facultatibus, vel de Deo dicatis hominibus aliquid disponendum adtribuatur facultas.

Vt liceat maiores iudices appellare, quotiens necessitas ingruerit.

CCL. Quàdocūque à quibuscumque iudicibus Ecclesiasticis ad alios iudices Ecclesiasticos, vbi est maior auctoritas, fuerit prouocatū, nō eis denegetur, qui prouocauerint.

De iniusto iudicio principis metu vel iussu terminato cassando.

CCLI. Iniustum iudicium & definitio iniusta regio metu vel iussu à iudicibus ordinata non valeat.



INCIPIVNT CAPITVLA
LIBRI SEXTI.

- I. De effusione sanguinis.
- II. Quòd hi, qui nomen Domini in vanum adsumpserint, grauitè feriantur.
- III. De honorando patre & matre.
- IIII. Vt qui vendiderit filiam suam in famulam, non egrediatur sicut ancilla.
- V. Vt qui hominem percusserit, morte moriatur.
- VI. De eo, qui per industriam proximū voluerit occidere.
- VII. De eo, qui percusserit patrem aut matrem.
- VIII. Non maledicèdum patri vel matri.
- IX. De eo, qui hominem furatus fuerit, & vendiderit.
- X. De his, qui rixati inter se fuerint, & percusserit alter alterum.
- XI. De eo, qui percusserit seruum suum

C A P I T V L.

vel ancillam lapide vel virga, & mortui fuerint.

- XII. Ut si aliqui inter se fuerint rixati, & percusserit ex eis aliquis mulierem prægnantem.
- XIII. Quod si mulier mortua fuerit, reddet percussor animam pro anima.
- XIII. Ut quicumque oculum seruo vel ancilla eruerit, liberos eos dimittat.
- XV. De boue cornupeta, qui virum vulnerauerit, vel mulierem, & de domino illius.
- XVI. De eo, qui cisternam aperuerit, & foderit.
- XVII. De boue alieno, si alterius boue vulnerauerit.
- XVIII. De eo, qui bouem aut ouem furatus fuerit.
- XIX. De fure, qui domum suffodiens reperi- tus fuerit.
- XX. De eo, qui læserit agrum vel vineam.
- XXI. De eo, qui ignem succederit in agris, ut damnum restituat.
- XXII. De eo, qui commēdauit amico pecuniam.
- XXIII. De asino, boue, oue, omni que iumento amico ad custodiendum tradito.
- XXIII. De eo, qui seduxerit virginem necdū

desponsatam, & dormierit cū ea.

XXV. De patre puellæ, si eam dare noluerit, ut reddat pecuniā iuxta morem dotis.

XXVI. De maleficis.

XXVII. De his, qui cum iumento coierint.

XXVIII. De his, qui diis immolant, vel aduenas affligunt.

XXIX. De decimis & primitiis Domino offerendis.

XXX. De deposito vel pignore dato.

XXXI. De turpitudine proximi non reuelanda.

XXXII. De homine, qui dormierit cum muliere ancilla.

XXXIII. Non debere augurari, nec obseruare magos & ariolos.

XXXIIII. De honorando sene.

XXXV. Nihil agendum contra æquitatem.

XXXVI. De eo, qui mæchatur cum uxore proximi sui.

XXXVII. De eo, qui dormierit cū nouerca sua.

XXXVIII. De eo, qui propter Deum furtum confessus fuerit.

XXXIX. De eo, qui ferro percusserit hominem.

XL. Ut propter unius testimonium nullus condemnetur.

C A P I T V L.

- XLI. De decimis separandis.
 XLII. De eo, qui ambulans per viam ni-
 dum auis inuenerit.
 XLIII. Vt cum ædificatur domus noua, fiat
 murus per circuitum domus.
 XLIIII. De vinea altero semine non sereda.
 XLV. Vt non atetur in boue simul & a-
 sino.
 XLVI. Non induendum vestimentum quod
 ex lana & lino contextitur.
 XLVII. De puella virgine desponsata.
 XLVIII. De desponsata virgine in agro re-
 perta.
 XLIX. Vt eunuchus attritis testiculis Ec-
 clesiam Domini non intret.
 L. De pecunia ad vsuram non fœne-
 randa.
 LI. De voto non differendo.
 LII. Vt homo, qui uxorem acceperit, nõ
 accedat ad bellum.
 LIII. Vt non occidantur patres pro filiis,
 nec filij pro patribus.
 LIIII. De eo, qui vim à persecutoribus pa-
 titur, vt suscipiatur.
 LV. De muliere, quæ cum viro suo non
 potest nubere.
 LVI. Vt absque consensu Episcopi obla-
 tiones non accipiantur.

- LVII. *Vt presbyteri ciuitatis sine iussu sui
Episcopi nihil iubeant.*
- LVIII. *Ne presbyteri rem Ecclesiæ absque
licentia Episcopi sui vendant.*
- LIX. *Si presbyter vel diaconus deseruerit
Ecclesiam suam, deponatur.*
- LX. *De presbyteris, vel diaconibus, aut
subdiaconibus à propriis Episco-
pis exauctoratis.*
- LXI. *Si quis Episcopus, presbyter, diaco-
nus, vel subdiaconus ad bellum
processerit, deponatur.*
- LXII. *Vt presbyteri alterius regionis non
sacrificent præsentibus presbyte-
ris ipsius regionis.*
- LXIII. *De vxoribus & viris se dimitten-
tibus.*
- LXIII. *De Episcopis litigantibus, vel iu-
dicatis.*
- LXV. *Ab hæretico nullus benedictionem
accipiat.*
- LXVI. *De orationibus ad patrem dirigēdis.*
- LXVII. *De presbytero ab alio Episcopo or-
dinato.*
- LXVIII. *De illis presbyteris, qui nesciūt iux-
ta præceptū saluatoris baptizare.*
- LXIX. *De missis nostris, qualiter cum epis-
copis singularum regionum circa*

CAPITVL.

*Ecclesias Dei, eiusque sacerdotes
agere debeant.*

LXX. De eo, qui semetipsum occidit, aut
laqueo se suspendit.

LXXI. Vt incestuosi & parricidæ canonicè
coërceantur.

LXXII. Vt nec à clerico phylacteria, nec ab
ullo fiant Christiano.

LXXIII. Vt nullus presbyter amplius quàm
vnam Ecclesiam sibi vindicet.

LXXIIII. De letania maiore, ut more Romano
celebretur.

LXXV. Vt nullus vitam sine communione
finiat, nec vnctione benedicti Dei
careat.

LXXVI. De presbyteris degradatis, & post
degradationem multis sceleribus
implicatis.

LXXVII. De his, qui volunt aquam consecra-
tam accipere.

LXXVIII. De clericis & presbyteris, si Epis-
copis suis obedire nolint, ut exco-
municentur.

LXXIX. De Episcopo Metropolitano.

LXXX. Vt vnusquisque progeniem suam
vsque ad septimam generationem
obseruet.

LXXXI. De presbyteris ab ignotis Episcopis
ordinatis.

ordinatis.

LXXXII. *Vt si quis homini aliquo iteranti mansionem vetauerit, LX. sol. componat.*

LXXXIII. *Vt omnibus maxima cura sit, ne sine confirmatione Episcopi vitam finiat aliquis.*

LXXXIIII. *De his, qui fidelium oblationes auferunt, vel vastant, aut sine proprij Episcopi iussione dant, vel accipiant.*

LXXXV. *Vt presbyteri vel diaconi non migrant de loco ad locum sine Episcopi proprij iussione.*

LXXXVI. *De Episcopis & clericis peregrinis, ut contenti sint hospitalitatis munere: & nulli eorum liceat officium sacerdotale in alterius parochia agere absque licetia Episcopi, in cuius parochia esse noscuntur.*

LXXXVII. *Vt nullus habeat nisi legitimū concubium.*

LXXXVIII. *De his, qui Episcoporum vocationē vel correctionem contempserint.*

LXXXIX. *Vt nullus laicorum ex prædictis Episcoporum quicquam accipiat.*

XC. *De eo, qui occiderit monachum aut*

CAPITVL.

clericum, ut arma relinquat.

XCI. Vt puella desponsata non detur alteri viro.

XCII. Vt baptizati cum catechumenis non manducent.

XCIII. De presbytero ordinato, qui se deprehenderit non esse baptizatum.

XCIII. Si liber ancillam in matrimonium acceperit.

XCV. Deraptoribus, & raptis virginibus vel viduis.

XCVI. De his, qui rapinas infra regnū faciūt. Ex capitulis domni Ludouici in Ghilenain Apostolica auctoritate & synodali sanctione, omnium videlicet clericorum ac laicorum generaliter cōsensu atque hortatu decretis.

XCVII. De sacerdotibus et leuitis atque monachis interfectis vel debilitatis.

XCVIII. De his, qui Episcopo aliquam iniuriā vel dehonorationem fecerint.

XCIX. De religiosa muliere decepta, id est, veste mutata vel religionē p̄fessa.

C. De blasphemia in Deum.

CI. De his, qui in domo sua oratoriū fecerint

CII. De priuilegiis Ecclesiarū, & clericorum non corrumpendis.

CIII. Ne Episcoporum vel reliquorū sa-

cerdotum vita turbetur.

- CIIII. De clericis vel sacerdotib⁹, qui accipiunt ecclesias sine licētia Episc. sui, vel de una ad aliam transeunt.
- CV. De incestuosis, & criminosis, ac de infirmis, & pœnitentibus, atque de ieiunio quatuor temporum.
- CVI. Vt Episc. iudices publicos moneât, ut rei carceribus reclusi Natiu. Dom. Pascha, et Pent. absoluantur, et missas illis audiant dieb⁹, ac refecti fiant.
- CVII. De possessionibus ad religiosa loca pertinentibus.
- CVIII. De monacho vel monacha.
- CIX. De his, quæ à singulis principib⁹ ecclesiis sunt cōcessa, et quæ singuli Antistites impetrauerint, quòd sacrilegiū sit hæc auferentibus: et de clericis, ut nō accusentur ad iudices seculares, sed ad Episc. proprios.
- CX. De priuilegiis Ecclesiarum.
- CXI. Vt ea, quæ ad religionē pertinet, locis suis & à suæ dioceseos synodis audiantur.
- CXII. Vt priuilegia Ecclesiarum semper maneant incorrupta.
- CXIII. Quòd sacrilegiū sit Eccl. aliquid auferre, aut sacerdotib⁹ vel ministris, aut ipso sancto cultui locoque iniu-

CAPITVL.

riam inferre.

- CXIII. *De his, qui Ecclesiastica priuilegia violant, vel dissimulant.*
- CXV. *Quòd hi, qui prædia Ecclesiastica diripiunt, vel vastant sacrilegi sint, exilióque damnandi.*
- CXVI. *Vt Episcopi et reliqui sacerdotes ab omnibus nexibus sint liberi.*
- CXVII. *Ne Iudæis adhæreant, vel deseruiāt Christiani.*
- CXVIII. *De sacrificiis per singulas missas à sacrificantibus sumendis.*
- CXIX. *De chorepiscopis, ne deinceps fiant.*
- CXX. *Ne Iudæi super Christianos magistri vel ministri ponantur.*
- CXXI. *De clericis falsariis.*
- CXXII. *Vt clerici non habeant aētionēs seculares.*
- CXXIII. *De clericis, qui de Ecclesia desistūt.*
- CXXIIII. *Quales sint clerici.*
- CXXV. *De multitudine clericorum.*
- CXXVI. *De ordinationibus sacris.*
- CXXVII. *De iniuria Episcopi, et letania subuersa.*
- CXXVIII. *Ne fideles propria ex cōsanguinitate uxores ducāt, nec illi qui dudum minimè nupserint, sine benedictione sacerdotis nubere præsumant.*

- CXXIX. De non recipiendis alienis pœnitentibus.
- CXXX. Vt non liceat clericũ vel monachũ sine epistola episcopi sui proficisci.
- CXXXI. De dotibus, & publicis nuptiis.
- CXXXII. De rebus Ecclesiæ ablatis, aut fraudatis, vel retentis.
- CXXXIII. Vt nemores Eccles. nisi cui iure debentur, in quibuslibet regionibus coniacentes competere audeat vel tenere.
- CXXXIII. De his, qui facultates Ecclesiæ delegatas auferunt, vel retentant.
- CXXXV. Vt socios suos nominet, apud quem pars rapinæ fuerit inuenta.
- CXXXVI. De his, qui diripienda indicare reperiuntur.
- CXXXVII. Vt abbates in eius Episcopi, in cuius parochia sunt, potestate persistant.
- CXXXVIII. Vt nullus monachus relinquat suũ monasteriũ, & cellas cõstruat sine Episcopi vel abbatis sui licentia.
- CXXXIX. De apostatis.
- CXL. De excommunicatis.
- CXLI. Ne iudices perfidorũ excessus absq; priorũ sacerdotũ cõsilio iudicet.
- CXLII. De expositis infatibus, ac collectiõne eorum.

CAPITVL.

- CXLIII. De clericis relinquentibus officium suū, & ad seculares cōfugiētibus.
- CXLIIII. Vt seruo non credatur, si super dominum suum, vel super alium liberum crimen iniecerit.
- CXLV. Vt testes ea tantū testificētur, quæ in cōspectu eorū acta esse noscuntur.
- CXLVI. Quales debeant scripturæ valere.
- CXLVII. De pactis, & placitis conseruandis.
- CXLVIII. Contra priorum definitionem filio vel heredi non licere venire.
- CXLIX. Ne quisquā accusetur, vel puniatur, nisi manifestis indicis scelus patuerit.
- CL. Vt ita valeat cōmutatio, sicut et emptio.
- CLI. Si timore compulsus quisquā se seruum esse dicat.
- CLII. De presbyteris vel diaconibus sine Episcopi sui epistolis ambulātibus.
- CLIII. Vt vnus abba duobus monasteriis minime præsideat.
- CLIIII. De presbyteris vel reliquis clericis non distringēdis à secularibus iudicibus, sed à suis Episcopis.
- CLV. Vt clerici iudices seculares nō adeāt.
- CLVI. De secularibus, qui per calūniā ecclesiā vel clericos fatigare præsumūt.
- CLVII. Ne testificentur manumissi.

- CLVIII. De his qui cū furibus cōscij fuerint.
- CLIX. Si possessor per violentiā expellatur.
- CLX. Vt fideles fidē sāctę trinitatis discāt.
- CLXI. De contumacibus presb. vel clericis.
- CLXII. De iudicibus clericis calūniam vel iniuriam inferentibus.
- CLXIII. Vt orationem dominicam omnes discant fideles.
- CLXIIII. Vt nullus episcopus alterius Episcopi, vel presbyter etiam alterius presbyteri parochiam inuadat.
- CLXV. Vt monasteriis vel reliquis Ecclesiis res non auferantur, vel ipsę a quoquam inquietentur.
- CLXVI. Vt nullus Episcopus sine consensu aliorum se præferat anteriori.
- CLXVII. Vt populi oblationes sacerdotibus in Ecclesia offerant: Et ut omni die dominica communicent.
- CLXVIII. Vt sacerdotes signa tangant horis canonicis.
- CLXIX. De stolis gestandis.
- CLXX. Vt secreta non incipiatur, nisi post hymnum finitum.
- CLXXI. Vt adnuntiatur symbolum fidelibus a sacerdotibus.
- CLXXII. Vt pres. adnūtiēt viris et fœminis, nisi memoriter symbolū et orationē domi-

CAPITVL.

- nicam tenuerit, de sacro fonte fili-
liolos vel filiolas non suscipiant.
- CLXXIII. Vt silentium in Ecclesia teneatur,
& deuotè verbum Dei audiatur.
- CLXXIIII. Vt Episcopis infantuli ad confir-
mandum præsententur.
- CLXXV. Vt presbyteri sine sacro chrismate,
oleoque benedicto non profici-
cantur.
- CLXXVI. Vt presbyteri oleum infirmorum ab
Episcopo expetant.
- CLXXVII. Vt nullus presbyter parochianus a-
liubi præsumat chrisma accipere,
nisi ab Episcopo suo in Cæna Do-
mini.
- CLXXVIII. Vt baptizari non præsumatur, nisi
in vigilia Paschæ & Pentecostes.
- CLXXIX. Vt instruuntur fideles, qui paruulos
de sacro fonte suscipere cupiunt.
- CLXXX. Vt nulla precia de baptizadis, con-
signandisque fidelibus exigantur.
- CLXXXI. De quorum baptismo absque dissi-
mulatione dubitatur, vt rebapti-
zentur præceptum est.
- CLXXXII. Vt presbyteri in Ecclesia fidem san-
ctæ Trinitatis doceant.
- CLXXXIII. Vt presbyteri adnuntient populo
quatuor legitima temporū ieiunia.

- CLXXXIII. *Vt ieiunia tria legitima in anno agantur.*
- CLXXXV. *Vt populus nisi duobus temporibus infantes suos ad baptismum non adferat.*
- CLXXXVI. *Vt dies dominicus reuerēter colatur.*
- CLXXXVII. *Vt adnuncient presbyteri eodē modo sicut sabbatum paschæ cū suo pascha, sabbatum pentecostes vnā cum suo die dominico celebrare.*
- CLXXXVIII. *Vt adnuncient presbyt. populo se ab inclitis abstinere connubiis.*
- CLXXXIX. *Vt publicē presby. adnuncient plebi decimas & primitias omniū frugum ad benedicendum afferre.*
- CXC. *Vt fideles intellegant pactum quod cum Deo in baptismo fecerunt.*
- CXCI. *Vt sacerdotes admoneant viros & mulieres, vt luminaria ad basilicas deportent.*
- CXCII. *Vt admoneant presbyteri plebem, ne in Ecclesia contentionibus, & verbositatibus deseruiant.*
- CXCIII. *Vt presbyteri sollicitē curent, ne inhonestā & turpia qualibet fiant in Ecclesiis.*
- CXCIII. *Ne in mortuorum funeribus iuxta paganorum ritum agatur.*

CAPITVL.

- CXCV. *Vt pro defunctis amicorum parētes
eorū xxx.dies adimplere faciant.*
- CXCVI. *De his, quos Episcopus aut sacerdos
excommunicauerit, ne eos fideles
recipiant.*
- CXCVII. *Vt nullus presbyter suam Ecclesiam
sine cōseſſu Episc. sui derelinquat.*
- CXCVIII. *Vt sacra mysteria nullus presbyter,
nisi in loco consecrato agat.*
- CXCIX. *Ne aliud altare in Ecclesia cōsecre-
ta, nisi quod ab Episcopo cōsecre-
tum est, aliquis presbyter erigat.*
- CC. *Vt Episcopus, presbyter, & diaco-
nus non sint aleatores & ebriosi.*
- CCI. *Vt nemo clericorū vsuras accipiat.*
- CCII. *Vt diem dominicum, in quo Domi-
nus resurrexit, cuncti venerabi-
liter colant.*
- CCIII. *De reconciliandis pœnitentibus.*
- CCIIII. *Quot dies purificationis mulieris.*
- CCV. *Vt Missarum celebrationes in locis
incongruentibus non fiant.*
- CCVI. *De propinquitate.*
- CCVII. *De eo, qui filios non habuerit, & in
eorum loco alium sibi hæredem
facere voluerit.*
- CCVIII. *De denarialibus, qualiter possint
hæreditare.*

- CCIX. *Vt omne sacramētū in Eccl. iuretur.*
- CCX. *Vt vitia, quæ remanserunt ex ritu gentiliū, fideles caueant.*
- CCXI. *Vt fideles se à vitiis abstineant, quæ quasi naturaliter in vsu habētur.*
- CCXII. *De armillis & bruniis negociatoribus non dandis.*
- CCXIII. *Vt Christiani ab otioso sermone se caueant, vel à cæteris vitiis.*
- CCXIII. *De cōiugio, quod à Deo sit cōstitutū, & quod nō sit causa luxuriæ, sed causa potius appetendorū filiorū.*
- CCXV. *Vt à coitu prægnantium fideles se abstineant.*
- CCXVI. *De canib⁹, q. in dextro armo tōsi sūt.*
- CCXVII. *De capitulis, quæ in legem nouiter addita sunt.*
- CCXVIII. *Qualiter fidelibus Christianis incesta cauenda sint.*
- CCXIX. *Vt nullus præsumat tholoneū rodaticum vel pulueraticum recipere.*
- CCXX. *Vt fideles iusta iudicia iudicent.*
- CCXXI. *Vt Ecclesiæ earū iustitiā obtineant.*
- CCXXII. *Vt potestātē Epif. omnes intellegāt, & instruantur, qualiter siue secundū canonicā siue secundū monasticam regulam eis viuendū sit.*
- CCXXIII. *De viduis, & orphanis, & minus*

CAPITVL.

potentibus.

- CCXXIHI. De non paruipendenda excommu-
nicatione sacerdotum.
- CCXXV. Capitularium Dominicum datum
anno incarnationis domini nostri
Iesu Christi DCCCVI. ad Theodo-
villā, & anno imperij domini
Karoli vi.
- CCXXVI. Vt compotus discatur.
- CCXXVII. De libris canonicis, vt veraces ha-
beantur.
- CCXXVIII. De his, qui terrenis mercimoniis in-
sistunt, vt magis ob supernæ vitæ
desiderium, quàm pro humana
ambitione faciant.
- CCXXIX. Ne Episcopus quilibet alterius ple-
bem Episcopi vel fines vsurpet.
- CCXXX. De clericis superbis, vt coerceantur.
- CCXXXI. De his, qui statuta patrum violant,
si laicus fuerit communione pri-
uetur: si clericus, honore.
- CCXXXII. De his, qui contra suam professionē
vel subscriptionē venerint, quid
agendum sit.
- CCXXXIII. De presbytero, qui se ab Episcopo
suo diuiserit.
- CCXXXIIII. De presbyteris, qui absque Episc. sui
conscientia agēda celebrauerint.

- CCXXXV. *Vt Episcopus lapsum incurrens, si plures congregare nequiverit, a duodecim audiatur.*
- CCXXXVI. *Vt Episc. plebes alienas non usurpent, et ut nemo ex eis collegam suum in diocesi supergrediatur.*
- CCXXXVII. *De Episcopo, qui ab aliquo impetitur, vel si ipse questionem aliquam retulerit, ut per Episcopos iudices causa terminetur.*
- CCXXXVIII. *Vt nullus Episcopus alium Episcopum conculcet, aut impediat.*
- CCXXXIX. *Ne presbyteri vel diaconi sine consuetudine Episcoporum suorum aliquid agant.*
- CCXL. *De loco dando peregrino Episcopo, in quo sacrificet.*
- CCXLI. *De his, qui falsa fratribus capitalia obiiciunt.*
- CCXLII. *De deponendo sacerdote vel leuita, si crimen aliquod de se confessus fuerit.*
- CCXLII. *De his, qui libellos famosos inuenti fuerint in Ecclesia posuisse, ut anathematizentur.*
- CCXLIII. *Vt delator, nisi se connexerit communione nec in finem accipiat, si inuentus fuerit quilibet per delationem*

C A P I T V L.

eius præscriptus vel interfectus.

- CCXLV. *Ne aliquis Episcopus vel inferior gradus dominico die quemquam iudicare præsumat.*
- CCXLVI. *De potente si pauperem expoliauerit, & non reddiderit ammonente Episcopo, ut excommunicetur.*
- CCXLVII. *Vt nullus clericus ab Episcopo suo recedere præsumat, & ad alium transire.*
- CCXLVIII. *Vt clerici, qui arma præsumpserint, in monasterium ad agendam poenitentiam tradantur.*
- CCLXIX. *Vt nullus regum huius canonis censuram in aliquo violare permittat.*
- CCL. *Vt unusquisque alterius ruinis succurrat, & iram Dei per suam compassionem à se remoueat.*
- CCLI. *Quod lex, quam rex qui prior fuit instituit, ab illo qui ei successerit, pari sententia roborata sit.*
- CCLII. *Vt in metropolitana sede ad synodum agendam omnes Pontifices conferant.*
- CCLIII. *Vt dignitatem amittant omnes, qui ad expeditionem exercitus non pergunt, aut de exercitu fugiunt.*
- CCLIIII. *Vt non varientur, quæ propter uti-*

litatem sunt instituta.

- CCLV. De fide Nicæna seruāda, & vt priuilegia Ecclesiarum integra maneant.
- CCLVI. Quòd contra caput non sit agendū.
- CCLVII. De presbyteris, qui contra canones ad comitatum ire voluerint, susceptis qui dominico decreto à communione alieni decernuntur.
- CCLVIII. De sacerdotum domini causis nō terminādis, priusquam res ex utraque parte fideliter audiātur, et puriter & diligenter perscrutentur.
- CCLIX. Quòd dominus, qui animas hominum saluat, imitatores nos velit suæ esse pietatis.
- CCLX. De religionis periculo ab vnius cuiusque pietatis cōsciētia remouēdo.
- CCLXI. Vt suarū rerū & omniū Ecclesiarū sint communionē contenti, quorū causa adhuc terminanda est.
- CCLXII. Vt non sinantur incurri, quorum causa incerta est.
- CCLXIII. De his, qui à sedibus suis fuerūt pulsī et alij in illorū locū sunt substituti.
- CCLXIIII. De his, qui non debent redire ad militiam secularem.
- CCLXV. De his, quos oportet maiori auctori-

CAPITVL.

tate curari.

- CCLXVI. Vt non imponat aliquis alicui pondus, quod ipse ferre non valet.
- CCLXVII. Vt nullus Apostolicas sanctiones temerare præsumat.
- CCLXVIII. De amicitia familiaritate seruanda quam qui non contendunt, facile seruant.
- CCLXIX. Vt aliena gentis homines ad exercitium imbuantur legibus.
- CCLXX. Quod hæc sit vera charitas, qua Deus proximisque diligitur: Et idcirco ammonendi sunt omnes fideles, ut hanc obseruare curent.
- CCLXXI. Vt contra extraneos parentela aut propinquitas testimonium minime dicat.
- CCLXXII. Si de fure quis nesciens aliquid comparauerit.
- CCLXXIII. Si ad diripiendum quisque alios inuitasse reperiatur.
- CCLXXIIII. De non suscipienda criminatione aduersus doctorem, neque accusatorem aduersus eum audiendum.
- CCLXXV. Ne unus Episcopus cognitionem sibi vindicet.
- CCLXXVI. Vt hi, quorum libertas nescitur, nequaquam accusent sacerdotes.

CCLXXVII.

- CCLXXVII. De his, qui falsa aliis invogant.
- CCLXXVIII. Ne viles personæ ad accusandum sacerdotes admittantur.
- CCLXXIX. Ne indices causam personæ absentis sua sententia præsumant.
- CCLXXX. Quod qui Episcoporum accusat, Dei ordinationem accusat.
- CCLXXXI. Ut litem habentes siue petitor siue possessor, si antistitum iudicium elegerint ad eos dirigantur.
- CCLXXXII. Ut ea inlibata seruentur, quæ patrum auctoritas Catholicorum lege instituit.
- CCLXXXIII. Ut privilegia, quæ propter religionem instituta sunt, nulla interminatione nova mutilentur.
- CCLXXXIII. Ut si chorepiscopi aliquam consecrationem, aut confirmationem fecerint, ab Episcopis canonicè refoventur.
- CCLXXXV. De generali totius populi supplicatione apud principem pro sacerdotum causa, ne in hostem aut pugnam pergerent: & quale eis omnibus ex hoc immineat periculum, ex capitulis domni Karoli Imperatoris Vuormatiæ generaliter decretis, atque ab omnibus

CAPITVL.

firmatis, & cunctis pro lege tenendis contraditis.

CCLXXXVI. *Ne Episcopi ad bella pergāt concessio domni Karoli Imperatoris.*

CCLXXXVII. *Ex quibus supras. Sacerdotibus omnibus.*

CCLXXXVIII. *De eo, qui facultatem depredationis dederit malitiosa factione, ut viuis comburatur.*

CCLXXXIX. *Vt capitale supplicium excipiat, qui violentiam commisisse dignoscitur.*

CCXC. *De eo, qui sibi indebitum locum usurpauerit.*

CCXCI. *Vt si Ecclesie priuilegia alicuius temeritate fuerint corrupta, pinculum v. librarum auri poena mulctetur.*

CCXCII. *De priuilegiis Ecclesiarum quatenus incorrupta persistant.*

CCXCIII. *Quod seruari debeat potius quam auferri, quod sancte Dei Ecclesie fuerit collatum.*

CCCXCIII. *Vt laicis quamlibet religiosis nulla sit disponendi de rebus Ecclesie data facultas.*

CCXCV. *Quod predones Ecclesie sacrilegi sunt, sicut scripturae testimonio comprobatur.*

- CCXCVI. Quòd ea, quæ Domino consecrantur
ad ius Ecclesiasticum pertineant.
- CCXCVII. Vt si quis dignitatem præsumpserit,
quam nõ meruit, à principe vel iu-
sto seniore, sacrilegus habeatur.
- CCXCVIII. Vt illi qui diuersis sceleribus impli-
cati sunt, ad accusationem vel ad
testimonium non admittantur.
- CCXCIX. De Episcopo deposito, qui se ad Ro-
manum pontificem reclamauerit.
- CCC. Ne in prædicatores Ecclesiæ detra-
ctiones seu vituperationes fiant
quod canonica scriptura damnat.
- CCCI. Quòd Episcopi inter se corrigere, si
quid ortum fuerit, debent.
- CCCII. De sacrilegis, quòd fures sint teste
scriptura.
- CCCIII. Quòd quicquid offertur Domino,
sanctum sanctorum sit, & ad ius
pertineat sacerdotum.
- CCCIII. De his sacrilegis, qui Ecclesiæ eius-
que sacerdotibus iniurias inferunt.
- CCCIV. Quòd omnia, quæ Domino offerun-
tur, proculdubio & consecratur.
- CCCVI. De eo, qui se incestuoso ordine his
personis, quibus à diuinis regulis
prohibitum est, coniunxerit.
- CCCVII. Ex lib. legũ Theodos. III. cap. XII.

CAPITVL.

de incestu.

- CCCVIII. *Vt nullus deuotam Deo virginem
vel viduam coniugem accipiat.*
- CCCIX. *Quòd blasphemiam Deo inferat, qui
secum Deo sacrata miscuerit.*
- CCCX. *Vt clericus proprio honore priue-
tur, si cum scemina Deo sacrata
vel velata se commiscuerit.*
- CCCXI. *Quòd sacrilegi & violatores iux-
ta Apostolum sunt, qui violant
sacratarum sceminarum corpora.*
- CCCXII. *Quòd fornicatio omnibus peccatis
periculosior esse perhibetur.*
- CCCXIII. *De excommunicandis iudicibus, &
potentibus qui non se emenda-
uerint.*
- CCCXIII. *Vt Episcoporu iudicio incesta ma-
trimonia emendetur.*
- CCCXV. *Quòd in eo loco unicuique manen-
dum sit, ubi votum vouerit.*
- CCCXVI. *Quòd maximum peccatum sit spi-
ritalis commatris coniunctio.*
- CCLXVII. *De eo, qui paganas obseruationes
fecerit.*
- CCCXVIII. *Præceptio, vt mancipia Christia-
na paganis, vel Iudais non tra-
dantur.*
- CCCXIX. *Vt omnes nouerint, quantum ma-*

lum sit Deo sacratas vel reliquas
incestare.

CCCXX. Vt Ecclesiarum priuilegia vel facultates, siue quicquid ad easdem pertinet, nullus inuadere præsumat.

CCCXXI. Vt neque rex, neque secularium quisquam per vim prædia Ecclesiarum rapiat, quas Episcopi, abbates, vel abbatissæ regere videntur.

CCCXXII. De his, qui non solum de rebus suis aliquid Ecclesiæ conferunt, sed etiam ab aliis conlatas iniuste possident.

CCCXXIII. De rebus Ecclesiæ, quæ sibi iure debeantur, ne in aliud transferantur.

CCCXXIIII. Quòd homicidæ ante Deum deputentur, qui res Ecclesiæ vastant.

CCCXXV. Vt capituli pœna mulctentur, qui sacrilegia, adulteria, prædationes aut deuastationes exercuerint.

CCCXXVI. De viris, quòd in castitate uxores suas diligere, eisque ut vasi infirmioris custodiam, & reliquam necessitatem debeant impendere.

CCCXXVII. De conseruanda fide inter *virum*
& uxorem.

CCCXXVIII. Ne clerici cuiuslibet ordinis à qui-
 buslibet laicis iniurientur, vel
 apud alios quam apud Episcopos
 accusentur.

CCCXXIX. Vt hi, qui innocentes apud princi-
 pem, vel apud alios accusauerint,
 damnentur.

CCCXXX. Vt clerici de his causis, quæ seculi
 leges non admittunt minimè im-
 petantur.



INCIPIT LIBER
SEXTVS.

Nonnulla Capitula legis diuinæ.

De effusione sanguinis.



VICVNQVE effuderit humanum sanguinem, fundetur sanguis illius.

Quòd hi, qui nomen Domini in vanum adsumpserint, grauiter

feriantur.

II. Non adsumes nomen Domini Dei tui in vanum: nec habebit infontem Dominus eum, qui adsumpserit nomē Domini Dei sui frustra.

De honorando patre & matre.

III. Honora patrem tuum & matrem tuam, vt sis longæuus super terram.

Vt qui vendiderit filiam suam in famulam, non egrediatur sicut ancilla.

III. Si quis vendiderit filiam suam in fa-

Z iiij

C A P I T V L.

mulam, non egredietur sicut ancillæ exire consueuerunt. Si placuerit Domino suo cui vendita est, dimittat eam liberam: & ad alium populum non licet ipsam vendere.

Vt qui hominem percusserit, morte moriatur.

v. Qui hominem percusserit volens occidere, morte moriatur.

De eo, qui per industriam proximum voluerit occidere.

vi. Si quis per industriam occiderit proximum suum, & per insidias: ab altari meo euelles eum, vt moriatur.

De eo, qui percusserit patrem aut matrem.

vii. Qui percusserit patrem suum aut matrem, morte moriatur.

Non malè dicendum patri vel matri.

viii. Qui malè dixerit patri suo vel matri, morte moriatur.

De eo, qui hominem furatus fuerit, & vèdiderit.

ix. Qui furatus fuerit hominem, & vendiderit eum, & conuictus fuerit, morte moriatur.

De his, qui rixati inter se fuerint, & percusserit alter alterum.

x. Si rixati fuerint viri, & percusserit alter proximum suum lapide vel pugno, & ille mortuus non fuerit, & iacuerit in lecto, si surrexerit & ambulauerit foris super bacu-

lum suum, innocens erit, ita tamen ut operas & impensas eius in medicos restituat.

De eo, qui percusserit servum suum vel ancillam lapide vel virga, & mortui fuerint.

XI. Qui percusserit servum suum vel ancillam lapide vel virga, & mortui fuerint in manibus eius, reus erit. Si autem vno die supervixerit, vel duobus, non subiacebit poenæ, quia pecunia eius est.

Ut si aliqui inter se fuerint rixati, & percusserit ex eis aliquis mulierem prægnantem.

XII. Si rixati fuerint homines, & percusserit quis mulierem prægnantem, & abortivum fecerit, si ipsa vixerit, subiacebit damno quantum expetierit maritus mulieris, & arbitri iudicaverint.

Quod si mulier mortua fuerit, reddet percussor animam pro anima.

XIII. Si autem mors eius fuerit subsequuta, reddet animam pro anima, oculum pro oculo, dentem pro dente, manum pro manu, pedem pro pede, adustionem pro adustione, vulnus pro vulnere, liuorem pro liuore.

Ut quicumque oculum seruo vel ancillæ eruerit, liberos eos dimittat.

XIII. Si percusserit quispiam oculum servi sui aut ancillæ, & luscus eos fecerit, dimittat

eos liberos pro oculo, quem eruit. Dentem verò si excusserit seruo vel ancillæ suæ, simili sententiæ subiaceat.

De boue cornupeta, qui virum vulnerauerit, vel mulierem, & de Domino illius.

xv. Si bos cornupeta virum aut mulierem occiderit, lapidibus obruatur, & nō comedetur. Domin⁹ cuius bos est, innocēs erit. Quòd si bos cornupeta fuerit ab heri& nudius tertius, & contestati sunt Dominum illius, nec reclusit eū, occideritque virum aut mulierem, & bos lapidibus obruatur, & Dominum illius occidant. quòd si precium ei fuerit impositū, dabit pro anima sua quicquid fuerit postulatus.

De eo, qui cisternam aperuerit, & foderit.

xvi. Si quis aperuerit cisternam, & foderit, & non operuerit eam, cecideritque bos vel asinus in eā, dominus cisternæ reddet precium iumentorum. Quod autem mortuum est, ipsius erit.

De boue alieno, si alterius bouem vulnerauerit.

xvii. Si bos alienus bouem alterius vulnerauerit, & ille mortuus fuerit, vendent bouem viuum, & diuident precium, & cadauer. si autem Dominus eius sciebat, quòd bos viciosus erat, & noluerit eū custodire, reddet bouem pro boue, & cadauer inte-

grum accipiat.

De eo, qui bouem aut ouem furatus fuerit.

xviii. Qui furatus fuerit bouem aut ouem, quinque boues pro vno restituat & quatuor oues pro vna oue.

De fure, qui domum suffodiens repertus fuerit.

xix. Si effregerit fur domum, siue suffodiens fuerit inuentus, & accepto vulnere mortuus fuerit, percussor non erit reus sanguinis. Quòd si orto sole hoc fecerit, homicidium perpetravit, & ipse morietur. Si inuentus fuerit apud eum, qui furatus est, viuens siue bos siue asinus restituatur.

De eo, qui læserit agrum vel vineam.

xx. Si læserit quispiam agrum vel vineam, & dimiserit iumentum suum, vt depascatur aliena, quicquid optimum habuerit in agro vel in vinea, pro damni æstimatione restituat.

*De eo, qui ignem succenderit in agris, vt
damnum restituat.*

xxi. Si egressus ignis inuenerit spicas, & comprehenderit accruos frugum, siue stantes segetes in agris, reddet damnum qui ignem succenderit.

De eo, qui commendauerit amico pecuniam.

xxii. Si quis commédauerit amico pecuniam aut vas in custodiam, & ab eo, qui

susceperit, furto ablatum fuerit: si inueni-
tur fur, duplum reddat: si latet, Dominus
domus applicabitur ad deos, & iurabit
quod non extēderit manum in rem proxi-
mi sui, ad perpetrandam fraudem in boue
vel asino, & oue ac vestimēto, & quicquid
damnum inferri potest, ad deos vtriusque
causa perueniat: & si illi iudicarint, duplum
restituunt proximo suo.

*De asino, boue, oue, omniq̃ue iumento amico
ad custodiendum tradito.*

XXIII. Si quis commendauerit amico asi-
num, bouem, ouem, & omne iumentum
ad custodiam, & mortuum fuerit aut de-
bilitatum, vel captum ab hostibus, nullus-
que hoc viderit, iusiurandum erit in me-
dium, quòd non extēderit manum in rem
proximi sui: suscipiatque Dominus iura-
mentum, & ille reddere non cogetur. Si
verò furto sublatum fuerit, restituat dam-
num Domino suo. si comestum à bestia,
deferat ad eum quod occisum est, & non
restauretur. Qui à proximo suo quicquam
horum mutuò postulauerit, & debilita-
tum aut mortuum fuerit Domino nō præs-
ente, reddere compellatur. quòd si im-
præsentiarius Dominus fuerit, non resti-
tuatur, maximè si conductus venerit pro

mercede operis sui.

De eo, qui seduxerit virginem necdum desponsatam, & dormierit cum ea.

xxiii. Si seduxerit quis virginē necdum desponsatam, & dormierit cum ea, dotabit eam, & habebit uxorem.

De patre puellæ, si eam dare noluerit, ut reddat pecuniam iuxta morem dotis.

xxv. Si pater noluerit virginem dare, reddat pecuniam iuxta morem dotis, quam virgines accipere consueuerunt.

De maleficis.

xxvi. Maleficos non patiaris viuere.

De his, qui cum iumento coierint.

xxvii. Qui coierit cum iumento, morte moriatur.

De his, qui diis immolant, vel aduenas affligunt.

xxviii. Qui immolat diis, occidatur. Aduenam non contristabis, neque affliges eū.

De decimis & primitiis Domino offerendis.

xxix. Decimas tuas & primitias non tardabis offerre Domino de filiis tuis primogenitis. De bobus quoque & de ouibus similiter facies: septem diebus sit cum matre sua, die octauo reddes illum Domino.

De deposito, vel pignore dato.

xxx. Depositum tuum, aut pignore datū, aut si aliquis sibi commēdata celauerit, aut

si rem perditam inuenerit, & iurauerit non inuenisse, conuictus delicti reddet omnia, quæ per fraudem voluerit obtinere: tertiã & quintam insuper partem Domino, cui fraudem intulerit.

De turpitudine proximi non reuelanda.

xxxI. Omnis homo ad sanguinem proximi sui non accedat, vt reuelet turpitudinem: & nullam discooperies turpitudinem mulieris, quia vestra turpitudine est.

De homine, qui dormierit cum muliere ancilla.

xxxII. Homo si dormierit cum muliere coitu seminis, quæ fuerit ancilla etiã nobilis, & tamen precio non redempta, nec libertate donata, vapulabũt ambo, & non moriantur.

*Non debere augurari, nec obseruare magos
& ariolos.*

xxxIII. Non auguramini, nec obseruabitis ad magos, nec ad ariolos, nec aliquid sciatis per eos. Ego Deus vester.

De honorando senem.

xxxIII. Coram cano capite confurgite, & honorate personam senis, & timete Deũ.

Nihil agendum contra æquitatem.

xxxv. Nolite iniquum aliquid facere in iudicio, in regula, in pondere, in mensura: statẽra iusta, & æqua sint pondera, iustus

modius, æquusque sextarius.

De eo, qui mœchatur cum uxore proximi sui.

xxxvi. Qui mœchatus fuerit cum uxore alterius, & adulterium fecerit cum coniuge proximi sui, morte moriantur & mœchus & adultera.

De eo, qui dormierit cum nouerca sua.

xxxvii. Qui dormierit cum nouerca sua, & reuelauerit ignominiam patris sui, moriantur ambo: sanguis eorum super eos.

De eo, qui propter Deum furtum confessus fuerit.

xxxviii. Si propter Deum confessus fuerit homo furtum, quod fecit, reddet capitale, & quintam partem desuper ei, in quem peccauit.

De eo, qui ferro percusserit hominem.

xxxix. Si quis ferro percusserit hominem, & mortuus fuerit, qui percussit, reus erit homicidii, & ipse morietur.

*Vt propter vnus testimonium nullus
condemnetur.*

xl. Ad vnus testimonium nullus cōdemnabitur.

De decimis separandis.

xli. Separabis decimas ex omnibus, quæ nascuntur tibi eo tempore, & repones inter ianuas tuas: fœnerabisque ea sacerdotibus & leuitis, aduenis & peregrinis, pupillis

CAPITVL.

& viduis, & benedicat te Dominus Deus tuus cunctis diebus vitæ tuæ.

*De eo, qui ambulans per viam nidum
auis inuenerit.*

XLII. Si ambulas per viam, & nidum auis inueneris in arbore vel in terra, & matrem pullis desuper incubantem, non tenebis eā cum filiis, sed abire patieris, captos tenens pullos suos, vt benedicat te Dominus.

*Vt cūm ædificatur domus noua, fiat murus
per circuitum domus.*

XLIII. Cūm ædificaueris domum nouam, facies murum tecti per circuitum, ne effūdatur sanguis in domum tuam, & sis reus labente alio, & in præceps ruente.

De vinea altero semine non ferenda.

XLIII. Non seres vineam tuam altero semine, nisi quæ nascuntur, & vinea pariter sanctificentur.

Vt non aretur in boue simul & asino.

XLV. Non arabis in boue simul & asino.

*Non induendum vestimentum quod ex
lana & lino contextitur.*

XLVI. Non indues vestimentum, quod ex lana & lino textum est.

De puella virgine desponsata.

XLVII. Si quis puellam virginem despōsa-
uerit, & inuenerit eam aliquis in ciuitate,
& con-

& concubuerit cum ea, adducas vtróſque ad portam ciuitatis illius, & lapidibus ob-ruentur, puella, quia nō clamauit cum eſſet in ciuitate: & vir, qui humiliauit eam.

De deſponſata virgine in agro reperta.

XLVIII. Si autem in agro repererit vir puellam, quæ deſponſata eſt, & dormierit cum illa, ipſe moriatur ſolus: puella nihil patiatur.

Vt eunuchus attritis teſticulis Eccleſiam

Domini non intret.

XLIX. Non intrabit eunuchus attritis vel amputatis teſticulis, & abſciſo veretro Eccleſiam Domini: nec ingrediatur eā manzer, hoc eſt, de ſcorto natus.

De pecunia ad uſuram non fœneranda.

L. Non fœnerabis fratri tuo ad uſurá pecuniá, nec frugē, nec quamlibet aliá rem.

De voto non differendo.

LI. Cùm voueris vótū Domino Deo tuo, non tardabis reddere: quia requirit illud Dominus Deus tuus. Et ſi moratus fueris, reputabitur tibi in peccatū, donec facies, quod ore proprio Domino promiſiſti.

Vt homo, qui uxorem acceperit, non accedat ab bellum.

LII. Cum acceperit homo uxorem, non accedat ad bellum: nec ei vllæ iniungantur

necessitates publicæ, sed vacabit absque culpa Domini sui: & vt vno anno lætetur cum vxore sua.

*Vt non occidantur patres pro filiis,
nec filij pro patribus.*

LIII. Quòd non occidantur patres pro filiis, nec filij pro patribus: sed vnusquisque pro peccato suo morietur.

*De eo, qui vim à persecutoribus
patitur, vt suscipiatur.*

LIIII. Si quis vim à persecutoribus passus fuerit, suscipiatur: & requiem inueniat, ad quamcunque ecclesiam venerit.

De muliere, quæ cum viro suo non potest nubere.

LV. Si vir & mulier coniunxerint se in matrimonium, & postea dixerit mulier de viro non posse nubere cum eo, si poterit probare, quòd verum sit, accipiat alium, eò quòd iuxta Apostolum non potuit illi reddere suum debitum.

*Vt absque consensu Episcopi oblationes
non accipiantur.*

LVI. Vt præter consensum Episcopi oblationes fructuū Ecclesiæ debitas nullus vel dare, vel accipere audeat.

*Vt presbyteri ciuitatis sine iussu sui
Episcopi nihil iubeant.*

LVII. Vt presbyteri ciuitatis sine iussu sui

Episcopi nihil iubeant, nec in vna quaque parochia aliquid agant.

*Ne presbyteri rem Ecclesiæ absque
licentia Episcopi sui vendant.*

LVIII. Vt presbyteri rem Ecclesiæ sine licentia vel scientia sui Episcopi non vendant, nec cuiquam tribuant.

*Si presbyter vel diaconus deseruerit
Ecclesiam suam, deponatur.*

LIX. Vt presbyter vel diaconus, qui deserit Ecclesiam suam, & ad aliam transierit, deponatur.

De presbyteris, vel diaconibus, aut subdiaconibus à propriis Episcopis exauctoratis.

LX. Vt presbyter vel diaconus aut subdiaconus, si à proprio Episcopo exauctoratur, sanctum ministeriū incipiat prærumpere, spem restitutionis non habeat.

Si quis Episcopus, presbyter, diaconus, vel subdiaconus ad bellum processerit, deponatur.

LXI. Si quis Episcopus, presbyter, aut diaconus, vel subdiaconus ad bellum processerit, & arma bellica indutus fuerit ad belligerandum, ab omni officio deponatur, in tantum, vt nec laicam communionem habeat.

*Vt presbyteri alterius regionis non sacrificent
præsentibus presbyteris ipsius regionis.*

Aa ij

LXII. Vt presbyteri alterius regionis, præsentibus ipsius regionis presbyteris, non sacrificent.

De vxoribus & viris se dimittentibus.

LXIII. Vt hi vel hæ, qui vxores aut viros dimittunt, non nubant: sed aut continētes maneant, aut sibimet reconcilientur.

De Episcopis litigantibus, vel iudicatis.

LXIII. Si litem habuerit Episcopus cum alio Episcopo, non alterius, sed sue prouinciæ iudices quærat: & vt iudicato in aliqua causa Episcopo, liceat iterare iudicium, & si necesse fuerit, liberè Episcopum adire Romanum.

Ab hæretico nullus benedictionem accipiat.

LXV. Vt ab hæretico benedictionem nullus accipiat.

De orationibus ad patrem dirigendis.

LXVI. Vt nullus in precibus nisi ad patrem dirigat orationem, & vt prius eas cum instructionibus vel eruditioribus tractet.

De presbytero ab alio Episcopo ordinato.

LXVII. Ordinatus clericus ab alio Episcopo non deprecante vel consentiēte suo in clero non maneat.

De illis presbyteris, qui nesciunt iuxta præceptum Saluatoris baptizare.

LXVIII. Illos homines, quos illi presbyteri

baptizauerunt, qui nescierunt iuxta præceptū Domini saluatoris nostri Iesu Christi baptizare, neque sanctæ trinitatis mystica verba inuocare, propterea iubemus eos baptizari, quia sine fide sanctæ trinitatis sunt baptizati.

De missis nostris, qualiter cum Episcopis singularum regionum circa Ecclesias Dei, eiusque sacerdotes agere debeant.

LXIX. Vt missi nostri vnà cum Episcopis propriis magnam curam habeant, quatenus dirutæ Ecclesiæ pleniter restaurentur, atque ornentur: & quæ dotata non sunt, vel quæ dotem suam perditam vel subtractam habent, pleniter & canonicè dotentur: vt quòd iniuste perdiderunt, iuste recipiant. Et si eas dotare noluerint quorum sunt, aut subtracta reddere noluerint, Episcopus proprius ad Dominū suæ sedis Ecclesiæ eas reuocet futuris temporibus possidendas. Si aliquis liberorum his resultauerit, ab Episcopo eiusdem loci reliquię ex his auferantur, & in meliori loco ponantur, & ipsæ destruantur vel cremantur.

De eo, qui semetipsum occidit, aut laqueo se suspendit.

LXX. De eo, qui semetipsum occidit, aut laqueo se suspendit, consideratum est, vt

si quis compatiens velit eleemosynam dare, tribuat: & orationes in psalmodiis faciat, oblationibus tamen, & missis ipsi careant. quia incomprehensibilia sunt iudicia Dei, & profunditatem consilij eius nemo potest inuestigare.

*Vt incestuosi & parricidæ canonicè
coerceantur.*

LXXI. De incestuosis & parricidis, vt canonicè coërcētur, sicut de illo iudicatum est, qui materteræ suæ filiam stuprauit, vt coniugium vltra non petat, & militiæ cingulum derelinquat, & aut monasterium petat, aut si foris remanere voluerit, tempora poenitentiae secundum canones pleniter desoluat.

*Vt nec à clerico phylacteria, nec ab ullo
fiant Christiano.*

LXXII. Vt à clericis vel laicis phylacteria vel falsæ inscriptiones aut ligaturæ, quæ imprudentes pro febribus aut aliis pestibus adiuturi putant, nullo modo vel ab illis vel à quoquam Christiano fiant, quia magicæ artis insignia sunt: sed pro infirmitate illud quod Apostoli & canones sanxerunt, id est, orationes, & sacri olei unctio fiat.

*Vt nullus presbyter amplius quàm vnàm
Ecclesiam sibi vindicet.*

LXXIII. Placuit omni synodali conuentui,
vt nullus presbyterorum amplius quàm vnàm
Ecclesiam sibi vindicare præsumat,
quia sicut quisque secularis non amplius
quàm vnàm habere debet vxorem, ita &
vnusquisque presbyter non amplius quàm
vnàm habere debet Ecclesiam.

De letania maiore, vt more Romano celebretur.

LXXIII. Vt letania maior more Romano
ab omnibus in VII. Kaléd. Maij celebretur.

*Vt nullus vitam sine communione finiat, nec
vntione benediçti olei careat.*

LXXV. Si infirmitate depressus quis fuerit,
vitam sine communione nõ finiat, nec vn-
ctione sacrati olei careat: & si finem perspi-
ciat, sacro sancto corpore Deo anima eius
à sacerdote precibus commendetur.

*De presbyteris degradatis, & post degradationem
multis sceleribus implicatis.*

LXXVI. Presbyteri degradati, & post de-
gradationem multis sceleribus implicati
ad pœnitentiam publicam secundum ca-
nones redigantur.

*De his, qui volunt aquam consecra-
tam accipere.*

LXXVII. Quòd in sabbato sancto Pascha

Aa iiij

vel in sabbato Pentecostes, si qui velint aquam consecratam ad aspersionem in domos suas recipere, ante chrismatis infusionem accipiant.

De clericis & presbyteris, si Episcopis suis obedire nolint, vt excommunicentur.

LXXVIII. Clerici & populi si Episcopis suis canonicè obedire noluerint, excommunicentur.

De Episcopo metropolitano.

LXXIX. Dignum est, vt metropolitanus, qui est pallio sublimatus, honoretur, & cæteros ammoncat.

Vt vnusquisque progeniem suam vsque ad septimam generationem obseruet.

LXXX. Progeniem suam vnumquemque vsque ad septimam obseruare decernimus generationem: & quandiu se agnoscunt affinitate propinquos, ad huius copulæ nō accedant societatem.

De presbyteris ab ignotis Episcopis ordinatis.

LXXXI. Præsbyteros, quos vnusquisque Episcopus in sua parochia reperit, si incogniti fuerint viri illi, à quibus sunt ordinati, & dubium est eos Episcopos fuisse an non, qui eos ordinauerunt, si bonæ actionis & catholici viri sunt ipsi presbyteri, & in ministerio Christi, omnique lege sancta

edocti & apti, ab Episcopo suo benedictionem presbyteratus suscipiant, & consecratur, & sic ministerio sacro fungantur.

Vt si quis homini aliquo iteranti mansionem vetauerit, LX. solid. componat.

LXXXII. Si quis homini aliquò pergenti in itinere mansionem vetauerit, LX. solid. componat in publico.

Vt omnibus maxima cura sit, ne sine Episcopi cōfirmatione vitam finiat aliquis.

LXXXIII. Vt omnes maximam curam habeant, ne sine cōfirmatione Episcopi quis vitam finiat, animáque periclitetur.

De his, qui fidelium oblationes auferunt, vel vastant, aut sine proprij Episcopi iussione dant vel accipiunt.

LXXXIII. Qui fidelium oblationes ab Ecclesijs, vel à iure sacerdotum auferunt, vel ablatas accipiunt, non solum aliena vota dirumpunt, sed & sacrilegium operantur: nec nō & Ecclesiæ Dei fraudatores existūt quia Ecclesiæ aliquid fraudari vel auferri sacrilegium esse à maioribus approbatur.

Vt presbyteri vel diaconi non migrent de loco ad locum sine Episcopi proprij iussione.

LXXXV. Presbyteri qui sine iussione proprij Episcopi de Ecclesijs ad alias Ecclesias

migrauerint, tandiu à cōmunionē habeantur alieni, quamdiu ad easdē redierint Ecclesias, in quibus primitus sunt instituti.

De Episcopis & clericis peregrinis, vt contenti sint hospitalitatis munere: & nulli eorum liceat officium sacerdotale in alterius parochia agere absque licentia Episcopi, in cuius parochia esse noscuntur.

LXXXVI. Vt Episcopi atque clerici peregrini contenti sint hospitalitatis mūnere oblato, nullique eorum liceat vllum officium sacerdotale absque permissu Episcopi, in cuius parochia esse cognoscitur, agere.

Vt nullus habeat nisi legitimum connubium.

LXXXVII. Vt nulli liceat nisi legitimum habere connubium, nullus incestum faciat, nullus coniugem propriam, nisi vt sanctum Euāgelium docet fornicationis causa relinquat. Quod si quisque propriam expulerit coniugem legitimo sibi matrimonio coniunctam, si Christianus esse rectē voluerit, nulli alteri copuletur, sed aut ita permaneat, aut propriæ reconcilietur coniugi.

De his, qui Episcoporum vocationem vel correctionem contempserint.

LXXXVIII. Si quis secularium tam ma-

ioris ordinis quam inferioris peccatum fecerit, & vocatus sui Episcopi auctoritate ad emendationem ac pœnitentiam venire distulerit, tãdiu sit ab Ecclesia extorris, & Catholicorum consortio sequestratus, quousque quod commisit emēdet, ac reatum suum vsque ad satisfactionem canonicè diluat, atque reconciliatione proprii Episcopi diuinis precibus indulgentiam consequatur & veniam: Ecclesiæque gremio, à cuius vtero deuiauerat, peracta satisfactione ab eodem immelioratus Episcopo canonicè reddatur.

Vt nullus laicorum ex prædiis Episcoporum quicquam accipiat.

LXXXIX. Præcipimus, vt nullus laicorum vel clericorum ex prædiis vel rebus, quæ ad sedes pertinent Episcoporum, siue de illis Ecclesiarum rebus, quæ in eorum parochiis sitę esse noscuntur, sine illorum iussione aut consensu Episcoporum, ad quorum pertinet curam, quicquam ambiant, concupiscant atque accipiant: ne cupidos sanctarum rerum ignis, qui in eis est, illos fauillofus exurat. Similiter omnes monemus, à cuncta Ecclesiarum omnium vastatione coërcere se, suosque, ac compescere totis viribus studeant. Nam

deuastant Ecclesias quid aliud intellegimus, quàm contra illum æterni imperij Deum & maiestatis homines mouere certamen, cum illæ ædes, illi die noctûque famulentur, & illi sint consecratæ? Videant vastantes, pronuntiamus, ne ab illo, si se commoueat, vastetur, cuius percussione montium dorsa ferre non possunt.

De eo, qui occiderit monachum aut clericum, ut arma relinquat.

xc. Qui occiderit monachum aut clericum, arma relinquat, & Deo in monasterio seruiat cunctis diebus vitæ suæ, nunquam ad seculum reuersurus, & septem annos publicam pœnitentiam gerat.

Vt puella desponsata non detur alteri viro.

xci. Puellam desponsatam non licet paribus dare alteri viro, tamen ad monasteriû licet ire si voluerit.

Vt baptizati cum catechumenis non manducent.

xcii. Non liceat baptizatis cum catechumenis manducare, nec osculum eis dare, vel aue illis dicere, quantò magis cum excommunicatis ab Episcopo, aut cum gentilibus?

De presbytero ordinato, qui se deprehenderit non esse baptizatum.

xciii. Si quis presbyter ordinatus deprehenderit se non esse baptizatum, & ordinetur iterum: & omnes, quos prius baptizauit.

Si liber ancillam in matrimonium acceperit.

xciiii. Si quis liber ancillam in matrimonium acceperit, nō habet licentiam dimittere eam, si prius consensu amborum coniuncti sunt.

*De raptoribus, & raptis virginibus
vel viduis.*

xcv. Si quis alterius sponsam virginem aut viduam necdum desponsatam rapuerit, vel furatus fuerit, placuit, vt siue eam postea sponsauerit, siue dotauerit, seu non, siue cū parentum eius voluntate quocūque commento ipsam accipere vel tenere potuerit, nunquam illam vxorem habeat, sed raptori aut furi auferatur, & proximis suis alio viro tempore congruo, si ipsa hoc malum non consenserit, nuptura legibusque acceptura reddatur. Raptor vero siue fur, omnesque eis consentientes publica poenitentia iuxta canonicam auctoritatem mulentur. Et proximi illius quicquid iniuste in tam nefando scelere egerunt, in triplo componant, & vnamquamque rem semotim legibus in triplo restituant ipsa nāque, quæ

in super bannum nostrum, id est. LX. solid. nobis persoluat, postmodum verò ante nos à comite adducatur, ut in bastonico retrusus, usque dum nobis placuerit, pœnas luat. Nam si publicè actum fuerit, publicam inde agat pœnitentiam iuxta sanctorum canonum sanctionem. Si verò occultè, sacerdotum consilio ex hoc agat pœnitentiam quoniam raptores, ut ait Apostolus, nisi veram egerint pœnitentiam, regnum Dei non possidebunt. Qui verò de rebus Ecclesiarum aliquid abstulexerit, grauius inde iudicetur, quia sacrarum rerum ablatio sacrilegium est & sacrilegus vocatur, qui ex his aliquid aut abstulerit, aut rapuerit. Infames quoque tales personæ usque ad satisfactionem Ecclesię, quem læserint, sunt habendæ.

*De sacerdotibus, & leuitis, atque
monachis interfectis, vel
debilitatis.*

xcvii. Si quis sacerdotem vel leuitam aut monachum interfecerit, vel debilitauerit iuxta statuta priorum capitulorum, quæ legi Salicæ sunt addita, componat: & in super bannum nostrum, id est, LX. sol. nobis persoluat. Et arma relinquat, atque in monasterio diebus vitæ suæ sub

ardua pœnitentia Deo seruiat, nusquam postmodum seculo vel secularibus militaturus, neque vxori copulaturus.

De his, qui Episcopo aliquam iniuriam vel dehonorationem fecerint.

xcviii. Si quis Episcopo aliquam iniuriam aut iniustam dehonorationem fecerit, de vita componat: & omnia quæ habere visus fuerit, Ecclesiæ, cui præesse dinoscitur, integerrimè societur: & nobis in triplo bānus noster, id est, lx. solidi persoluantur. Aut ipse in seruitio fisco nostro seruiturus semper societur, vsque se redimere in triplo iuxta Vvirgildum suum potuerit. Sancta verò Ecclesia in sacerdotibus constat, idcirco magna pœna plectendi sunt, qui Episcopis vel reliquis sacerdotibus iniuriam vel contumeliam fecerint. Nam detractio sacerdotum ad Christum pertinet, cuius vice legatione in Ecclesia funguntur.

De religiosa muliere decepta, id est, veste mutata vel religionem professa.

xcix. Si quis rapuerit, aut sollicitauerit, vel corruerit religiosam fœminam, bona amborū Ecclesia vindicet, in qua talis mulier habitauit: ipsi tamen capitali periculo subiiciantur. Quòd si hoc mulier non confēsit, cum suis rebus monasterij ditionibus tradatur,

tradatur. Si verò comes ipsius pagi vnà cū concilio sui Episcopi, in cuius parochia tale scelus commissum est, hoc vindicare neglexerit, honore carcat, & cingulum amittat, atque publica pœnitentia mulctetur: & insuper Vvirgildum suū fisci iuribus dare compellatur.

De blasphemiâ in Deum.

c. Si quis quolibet modo blasphemiam in Deum iactauerit, ab Episcopo vel comite pagi ipsius carceri vsque ad satisfactionem tradatur: & publica pœnitentia mulctetur, donec precibus proprii Episcopi publicè reconcilietur, ecclesiæque gremio canonicè reddatur.

De his, qui in domo sua oratorium fecerint.

ci. Qui in domo sua oratorium habuerit, orare ibidem potest: missas tamen in eo celebrare non audeat, nec agere cuiquàm permittat sine permisso vel dedicatione Episcopi loci illius. Quòd si fecerit, domus illius fisci iuribus addicatur. Comes verò qui hoc cognouit, & non prohibuit, publica pœnitentia mulctetur, vel honore priuetur.

De privilegiis Ecclesiarum & clericorum non corrupendis.

cii. Vt priuilegia, quæ Ecclesiis & clericis ab antecessoribus nostris, vel nobis concessa sunt, semper maneant incorrupta.

Ne Episcoporum vel reliquorum sacerdotum vita turbetur.

ciii. Nullis vita præsulum perturbetur excessibus, quia valde indignum est, vt qui throni Dei vocantur, aliqua motione turbentur, aut iniquè tractentur. Vnde est illud, Qui vos tangit, quasi pupillâ oculi mei: & illud, Qui vos audit, me audit: & Qui vos spernit: me spernit; & rursus, qui scandalizauerit vnum de pusillis istis, melius est illi, vt suspendatur mola asinaria in collo eius, & demergatur in profundum maris, & reliqua.

De clericis vel sacerdotibus, qui accipiunt

Ecclesias sine licentia Episcopi sui, vel

de vna ad aliam transeunt.

ciiii. Vt nemo accipiat Ecclesiâ infra parochiam sine consensu Episcopi sui, nec de vna ad aliam transeat.

De incestuosis, & criminosis, ac de infirmis, & pœnitētibus, atque de ieiunio quatuor temporū.

cv. Vt de incestuosis & criminosis magnâ curam habeant sacerdotes, ne in suis pereant sceleribus, & animæ eorum à districto iudice Christo eis requirantur. Similiter

de infirmis, ac pœnitentibus, vt morientes sine sacra olei vnctione, & reconciliatione, & viatico non deficiât. & vt quatuor temporum ieiunia à fidelibus diligenter custodiantur.

Vt Episcopi iudices publicos moneant, vt rei carceribus reclusi, Natiuitate Domini, Pascha

& Pentecoste absoluantur, & missas

illis audiant diebus, ac refecti fiant.

CVI. Vt Episcopus iudices publicos commoneat, vt in diebus celeberrimis, hoc est, Natiuitate Domini nostri Iesu Christi, & sancta Resurrectione, ac Pentecoste, quicumque miserrimi vinculis detinêtur, relaxari debeant: & propter ipsam reuerentiam Domini nostri Iesu Christi ipsi debeât absolutionem promereri. & iudex si pastorem commonentem despexerit, quamdiu loci illius Episcopo visum fuerit, ab Ecclesiæ liminibus arceatur.

*De possessionibus ad religiosa loca
pertinentibus.*

CVII. Possessiones ad religiosa loca pertinentes nullam descriptionem agnoscant, nisi ad constitutionem viarum vel pôtium, si tamen intra eadem loca habuerint possessiones. In aliis verò omnibus habeât integram immunitatem.

De monacho vel monacha.

CVIII. Quicūque monachus vel monacha in monasterium sunt ingressi, nihil de rebus suis habeant potestatem faciendi, quāuis liberos habeant: sed omnia eorum sint monasterij, quæ eadē die iustè possidebāt, quando ingressi sunt monasterium.

De his, quæ à singulis principibus Ecclesiis sunt concessa, & quæ singuli antistites impetrauerunt, quòd sacrilegium sit hæc auferentibus: & de clericis, ut non accusentur ad iudices seculares, sed ad Episcopos proprios.

CIX. Quæcunque à singulis regibus circa sacrosanctas Ecclesias sunt constituta, vel singuli quique antistites pro causis Ecclesiasticis impetrarunt, sub pœna sacrilegij iugi solidata æternitate seruentur. Clerici etiam non secularibus iudicibus, sed Episcopali audientiæ referuentur. Fas enim nō est, ut diuini muneris ministri tēporalium potestatum subdantur arbitrio.

De priuilegiis Ecclesiarum.

CX. Ut priuilegia, quæ Ecclesiis & clericis à singulis regibus vel Episcopis cæterisque rectoribus sunt concessa, semper maneant incorrupta.

Vt ea, quæ ad religionem pertinent, locis suis, & à suæ dioceseos synodis audiantur.

CXI. Quæcunque sunt ad religionis obseruantiam pertinentia, locis suis, & à suæ diocesos synodis audiantur.

Vt priuilegia Ecclesiarum semper maneant incorrupta.

CXII. Quæcunque circa sacrosanctas Ecclesias à principibus diuersis sunt statuta, manere inuiolata præcipimus.

Quòd sacrilegiũ sit Ecclesiæ aliquid auferre, aut sacerdotibus, vel ministris, aut ipso sancto cultui, locoque iniuriam inferre.

CXIII. Si quis in hoc genus sacrilegij proruperit, vt in Ecclesias earumque res intruēs sacerdotibus, & ministris, vel ipso cultui locoque aliquid, quod non oportet, iniuriæ inferat, diuini cultus iniuriam in conuictos siue confessos reos capitali sententia nouerit vindicandum. nec expectetur vt Episcopus iniuriæ propriæ ultionẽ deposcat, cui sanctitas ignoscendi soli gloriã derelinquit. Sitque cunctis non solum liberũ, sed etiam laudabile, facta atroces sacerdotibus aut ministris iniurias veluti publicum crimẽ persequi, ac de talibus reís ultionem mereri.

De his, qui Ecclesiastica priuilegia violant, vel dissimulant.

CXIII. Si Ecclesiæ venerabilis priuilegia

cuiusquam fuerint temeritate violata, vel dissimulatione neglecta, commissum hoc in triplo iuxta legum sanctionem Ecclesiæ, cui factum est, componatur: nobisque bannus noster in triplo, hoc est, LX. solid. persoluantur.

Quòd hi, qui prædia Ecclesiastica diripiunt, vel vastant, sacrilegi sint, exiliòque damnandi.

cxv. Ab omnibus illius vsurpationis contumelia depellenda est, ne prædia sibi cælestium secretorum dicata à quibusdam inruentibus vexentur. quòd si quis præsumperit post debitæ ultionis acrimoniã, quæ erga sacrilegos iure promenda est, exilio perpetuæ deportationis damnetur.

Vt Episcopi & reliqui sacerdotes ab omnibus nexibus sint liberi.

cxvi. Confecratio Episcopos & reliquos Domini sacerdotes tam à seruilibus, quàm & à cæteris adscriptis conditionibus semper liberos facit. idcirco præcipimus, vt nullus ab eis alia, nisi diuina requirat seruitia.

Nè Iudæis adhæreant, vel deseruiant Christiani.

cxvii. Placuit ne Iudæis mancipia deseruiant, vel adhæreant Christiana.

De sacrificiis per singulas missas à sacrificantibus sumendis.

cxviii. Placuit, vt quotienscunque sacrificās corpus & sanguinem Christi Iesu Domini nostri in altario immolat, totiens perceptionis corporis & sanguinis Christi se participem præbeat.

De chorepiscopis, ne deinceps fiant.

cxix. Placuit, ne chorepiscopi à quibusdam deinceps fiant. Quoniam hætenus à nesciētibus sanctorum patrum & maximè Apostolicorum decretis, suisque quietibus ac delectationibus inhærentes facti sunt. Idcirco & olim persæpe, & nostro à sancta Apostolica sede tempore sunt prohibiti, & ne deinceps à quoquā tam ordināte quàm ordinari cupiēte talis præsumptio assumatur, à cunctis nostri regni Episcopis est in synodo canonicè prohibitum.

*Ne Iudæi super Christianos magistri
vel ministri ponantur.*

cxx. Ne Iudæi administratorio vsu sub ordine villicorum atq; actorum Christianam familiam regere audeant, nec eis hoc à quoquam fieri præcipiatur. Si quis verò contra hæc agere præsumpserit, si Episcopus aut presbyter aut diaconus fuerit, proprio submoueaturn à gradu, si verò monachus aut laicus fuerit, communione priuetur. & si perseverauerint inobedien-

tes, anathematizentur.

De clericis falsariis.

cxxi. Si presbyter vel diaconus in causa pecuniaria falsum testimoniū dixerint, per tres annos separentur à sacro ministerio, si in criminali causa falsum dixerunt, deponantur, & legitimis pœnis subiiciantur. Cæteri verò clerici si in quacunque falsitate conuicti fuerint, degradentur, & legitimis subiiciantur disciplinis.

Vt clerici non habeant actiones seculares.

cxxii. Clericus vel monachus neque exactor publicarum, neque conductor, aut vectigalium magister, vel curator domus, vel procurator litis, vel fideiussor in talibus causis fiat. Si quis contra hæc statuta fecerit, si Episcopus est, omnes istorum res ex quacūque causa vel persona siue ante Episcopatum siue postea ad eum peruenerint, Ecclesiæ suæ eas vindicare sancimus. Si verò alij clerici hoc fecerint, pœnam pecuniarum, quam Episcopus existimauerit exigere, Ecclesiæ vindicadam. Hi verò qui actiones suas eis commiserint, vel fideiussores eos pro supradictis causis acceperunt, nullam contra Ecclesiam vel administratores eius vel aduersus ipsas personas, quas crediderunt, habeant actionem. Si verò

quis eos publico debito vel actione crediderit, vel fideiussores eos receperit, de sua substantia fisci debitum compellatur exoluere.

De clericis, qui de Ecclesia desistunt.

cxxiii. Clericis de Ecclesia desistentibus, & aliis in loco reuocatis, si redierint discessi nihil eis præstetur. Hoc verò quod discentes reliquerunt nō in usu rectorum, sed succedentibus cedat.

Quales sint clerici.

cxxiiii. Nemo fiat clericus, nisi qui bonū testimonium habet, & literatus est.

De multitudine clericorum.

cxxv. Ne passim Episcopus multitudinem clericorum faciat, sed secundum meritum vel redditum Ecclesiarum numerus moderetur.

De ordinationibus sacris.

cxxvi. Lector, subdiaconus, diaconus, presbyter si clericatus honorem contempserint, curiali conditioni cum suis facultatibus subiiciantur.

De iniuria Episcopi, & letania subuersa.

cxxvii. Si quis Episcopo vel aliis ministris sanctæ Ecclesiæ iniuriam fecerit, iubemus eum tormentis subiectū in exiliū mori. Sed & si ipsa sancta oratoria vel diuina

CAPITVL.

ministeria cōturbauerit, vel letaniam euerterit, capitali periculo subiaceat: si autem contumeliam tantum fecerit, tormentis & exilio tradatur.

Ne fideles ex propria consanguinitate uxores ducant, nec illi qui dudum minimè nupserrint, sine benedictione sacerdotis nubere præsumant.

cxxviii. Christiani ex propinquitatē sui sanguinis vsque ad septimum gradum conubia non ducant, neque sine benedictione sacerdotis, qui antè innupti erant, nubere audeant.

De non recipiendis alienis pœnitentibus.

cxxix. Qui pro delicto suo à communione separantur, placuit, vt in quibuscunque locis fuerant exclusi, eisdem locis communionem consequantur.

Vt non liceat clericum vel monachum sine epistola Episcopi sui proficisci.

cxxx. Clericis vel monachis sine commendatitiis epistolis Episcopi sui licentia non pateat euagandi.

De dotibus, & publicis nuptiis.

cxxxi. Nullum sine dote fiat coniugium, nec sine publicis nuptiis quisquam nubere præsumat.

De rebus Eccl. ablatis, aut fraudatis, vel retentis.

CXXXII. Si quis cuiuscūque munuscula Ecclesiæ sanctis scripturarum titulis conlata nefaria calliditate abstulerit, fraudauerit, inuaserit, retentauerit, atque suppresserit, & nō statim à sacerdote commonitus Deo conlata reddiderit, ab Ecclesiæ catholicæ communione pellatur.

Vt nemo res Ecclesiæ, nisi cui iure debent, in quibuslibet regionibus coniacentes competere audeat vel tenere.

CXXXIII. Vt nullus Episcoporū aut cuiuslibet ordinis clericus, vel alia quæcunque persona quibuslibet conditionibus seu in vno regno seu in alio positas alterius cuiuscunque Ecclesiæ res aut petat, aut præsumat accipere, quòd si fecerit, tādīu habeatur à communione Ecclesiæ, vel ab omniū fratrum ac filiorum charitate suspensus, donec ipse Ecclesiæ, cuius directo ordine iuris est, ablata legibus restituat.

De his, qui facultates Ecclesiæ delegatas auferunt, vel retentat.

CXXXIII. Ne cui liceat res vel facultates Ecclesiis aut monasteriis vel Xenodochiis pro quacunque eleemosyna cum iustitia delegatas retentare, alienare, atque subtrahere. Quòd si quis fecerit, tanquā necator pauperū antiquorū canonū sententiis con-

C A P I T V L.

strictus ab Ecclesiæ liminibus excludatur, quandiu ab ipso ea, quæ sunt ablata aut retenta, reddantur.

Vt socios suos nominet, apud quem pars rapinæ fuerit inuenta.

cxxxv. Apud quem scelus agnoscitur, & pars & rapinæ fuerit inuenta, statim socios suos nominare cogatur, quòd si nominare noluerit, teneatur ad vindictam.

De his, qui diripienda indicare reperiuntur.

cxxxvi. Quicumque ingenuus vel seruus aliquid diripiendum indicauerit, vt cuius-
cunque res euertatur, aut pecora vel iumē-
ta diripiātur, & ex hoc cæteris probationi-
bus publicè conuictus inueniatur, pro eo
quod iudicauerit, centum xx. flagella pu-
blicè extensus accipiat.

*Vt abbates in eius Episcopi, in cuius paro-
chia sunt, potestate persistant.*

cxxxvii. Abbates pro humilitate religio-
nis in Episcoporum potestate consistent.
Et si quid extra regulam fecerint, ab Epis-
copis corrigantur: qui semel in anno in lo-
co vbi Episcopus elegerit, accepta voca-
tione conueniant.

*Vt nullus monachus relinquat suum monasteriū,
& cellas construat sine Episcopi vel
abbatis sui licentia.*

CXXXVIII. Ut nullus monachus congregatione monasterij derelicta ambitionis aut vanitatis impulsu cellam construere sine Episcopi permissione, vel abbatis sui voluntate præsumat. *De Apostatis.*

CXXXIX. Quicumque post sanctæ religionis professionem Apostatant, & ad seculum redeunt, & postmodum pœnitentię remedia non requirūt, communionem penitus non accipiant. Quos etiam iubemus ad clericatus officium non admitti.

De excommunicatis.

CXL. Si quis à communione sacerdotali fuerit auctoritate suspensus, hunc non solū à clericorum, sed etiā à totius populi colloquio, atque conuiuio placuit excludi, donec resipiscēs ad sanitatem redire festinet.

Ne iudices perfidorū excessus absque propriorum sacerdotum consilio iudicent.

CXLI. Ne iudices quicquam de perfidorum excessibus extra sacerdotum comhibentiā iudicare, præsumant.

De expositis infantibus, ac collectione eorum.

CXLII. Si expositus ante Ecclesiam cuiuscunque fuerit miseratione collectus, cōtestationis ponat Epistolam. Et si is qui collectus est, intra decem dies quæsitus, agnitusque nō fuerit, securus habeat qui colle-

git. Sane qui post prædictum tempus eius caumniator extiterit, vt homicida Ecclesiastica distictione damnabitur, sicut patrum sanxit auctoritas.

*De clericis relinquentibus officium suum,
& ad seculares confugientibus.*

CXLIII. Placuit, vt clericus si relicto officio suo propter distictionem ad secularem fortasse confugerit, & solatium ei defensionis impenderit, cum eodem ab ecclesiæ communione pellatur.

*Vt seruo non credatur, si super Dominum suum,
vel super alium liberum crimen iniecerit.*

CXLIII. Seruo penitus non credatur, si super aliquem crimen obiecerit, aut si etiam Dominum suum in crimine impetierit. Nā etiam si in tormētis positus exponat, quod obicit, credi tamen illi nullo modo oportebit.

Vt testes ea tantum testificentur, quæ in conspectu eorum acta esse noscuntur.

CXLV. Testes non absentes, neque per epistolam testimonium dicant, sed præsentem quam nouerunt & viderunt, non taceant veritatem. Nec de aliis causis testimonium dicant, nisi de his tantummodò, quæ sub præsentia eorum acta esse noscuntur. Super qua re sacra scriptura testatur dicens:

Damus, inquiūt Pharifæi ad milites vobis pecuniā : & dicite, quia vobis dormientibus venerunt discipuli Iesū, & abstulerunt eum. Vnde ait Augustinus, dormientes testes adhibes : verè tu ipse obdormisti, qui scrutando talia defecisti. Si dormiebant, quid videre potuerunt? Si nihil viderunt, quo modo testes sunt? Sed defecerūt scrutantes scrutationes.

Quales debeant scripturæ valere.

CXLVI. Scripturæ, quæ diem & annum habuerint euidenter expressum, atque secundum legis ordinem cōscriptæ esse noscuntur, seu cōditoris vel testium fuerint signis aut subscriptionibus roboratæ, omni habeantur stabiles firmitate.

De pactis, & placitis conseruandis.

CXLVII. Pacta vel placita, quæ per scripturam legitimè ac iustissimè facta sunt, dummodo in his dies vel annus sit euidenter expressus, immutari permittimus.

Contra priorum definitionem filio vel hæredi non licere venire.

CXLVIII. Filio vel hæredi contra priorum iustam aut legitimam definitionem venire non liceat, quia iustè repellitur præsumptio illius, qui facta seniorum iniustè conatur inrumpere.

Ne quisquam accusetur vel puniatur, nisi manifestis iudiciis scelus patuerit.

CXLIX. Non passim damus accusandi vel puniendi licentiam, nisi aut manifestis iudiciis patuerit scelus, aut legitimè fuerit id ipsum malum accusatum atque conuictū. Quatenus nulla videantur intentione vel ordine patrū trāsgredi pręcepta sanctorum, aut obuiari sacris regulis antiquorum.

Vt ita valeat commutatio, sicut & emptio.

CL. Commutatio si non fuerit per vim & metum, extorta, talem qualem & emptio habeat firmitatem.

Si timore compulsus quisquam se seruum esse dicat.

CLI. Qui timore compulsus seruum se esse extra iudicium dixerit, nullum pręiudiciū libertatis incurrat, donec iudicio pręsentetur vt libertatē suam, si eam probauerit, pręsente iudice obtineat: aut si seruus conuincitur, statim Domino reformetur.

*De presbyteris vel diaconibus sine Episcopi sui epistolis ambulanti-
bus.*

CLII. Presbytero vel diacono sine antistitis sui epistolis ambulanti communionem nullus impendat.

Vt vnus abba duobus monasteriis minimè præsideat.

CLIII.

CLIII. Vnum abbatem duobus monasteriis interdiciamus præfidere.

De presbyteris vel reliquis clericis nõ distringēdis à secularibus iudicibus, sed à suis Episcopis.

CLIII. Ut nullus iudicū neque presbyteros neque diaconos neque reliquos clericos vel iuniores ecclesię sine licentia proprij Episcopi per se distringat, aut condemnare præsumat. Quòd si fecerit, tandiu communione priuetur, quandiu reatum suum agnoscat, & per satisfactionem emendet Ecclesię, quod commisit.

Ut clerici iudices seculares non adeant.

CLV. Nullus ex ordine clericorū inconsulto proprio Episcopo ad iudicem secularē pergat, neque apud eum suo Episcopo non permittente quēquam pulsare, aut cuiquā ante eum respondere, aut quicquam præponere præsumat, neque criminale negotium in iudicio seculari proponere audeat.

De secularibus, qui per calumniam ecclesiam, vel clericos fatigare præsumunt.

CLVI. Si quis secularium per calumniam ecclesiam, vel res eius, aut clericos cuiuslibet ordinis fatigare tentauerit, & ex hoc conuictus fuerit, ab Ecclesię liminibus, & catholica communione, nisi digne pœnituerit, & per satisfactionem Ecclesię

Ce

emendauerit, pellatur, & clericus ordine suo purgetur.

Ne testificentur manumissi.

CLVII. Libertus vel liberta in nullis negotiis contra quenquam testimonium dicere admittantur, excepto in aliquibus causis, vbi ingenuitas deesse dignoscitur: sicut permissum est & de seruis. Quia indignum nostra pensat clementia, vt liberto- rum testimonia ingenuis damna concutiât. Qui verò de eisdem fuerint progeniti, ad testimonium à tertia generatione admittantur.

De his, qui cum furibus conscij fuerint.

CLVIII. Non solum ille, qui furtum fecerit, sed etiam & quicumque conscius fuerit, vel furto ablata sciens susceperit, in numero furantium habeatur, & simili vindictæ subiaceat.

Si possessor per violentiam expellatur.

CLIX. Quicumque violenter expulerit possidentem, priusquam pro ipso iudicis sententia præcedat, si causam meliorem habuerit, ipsam causam, de qua agitur, perdat. Ille verò qui violentiam pertulerit, vniuersa in statu, quo fuerant, recipiat: & quæ possedit, securus teneat. Si verò illud inuadit, quod per iudicium obtinere potuit, &

causam admittat, & aliud tantum quantum inuasit, reddat expulso.

Vt fideles fidem sanctæ trinitatis discant.

CLV. Vt fideles fidē sanctæ trinitatis discāt, in qua inter cætera credere oportet, quòd per spiritum sanctū remissio peccatorū in baptismo, confirmatione, pœnitentia, & in cæteris canonicis decretis, sicut scriptū est, conferatur. Et quòd fidelibus in ecclesia per Christum eiusdem sancti spiritus dono per ministerium sacerdotale, & per pœnitentiam remissio peccatorum indubitanter adtribuatur : & quòd gentium omnium in vera carne in aduentu Christi resurrectio futura sit, & cætera. Quam fidē memoriter teneant, & suis sacerdotibus eam reddant, & exponant per singula verba: & ipsi sacerdotes eam fideliter & pleniter atque veraciter populum doceant. Quoniam primū fundamentum Christianæ religionis, fides catholica est, & hæc fides tunc vera est, & fructuosa, si bonis operibus exornetur, id est, charitate, humilitate, castitate, continentia, sobrietate, vnanimitate, concordia, iusticia, pietate, misericordia, innocentia, simplicitate, & cæteris his similibus, quæ omnia in dilectione Dei & proximi cōsistunt, sine his enim

nemo potest Deo placere, nec saluus esse.

De contumacibus presbyteris vel clericis.

CLXI. Si quis presbyterorum, diaconorū, vel reliquorum clericorum contumax aut superbus, vel inobediens aut rebellis episcopo suo extiterit, gradum habentes proprio gradu careāt. Reliqui verò clerici, vel monachi, aut laici vsque ad satisfactionem communione priuentur.

De iudicibus clericis calumniam vel iniuriam inferentibus.

CLXII. Si iudex cuiuslibet ordinis clericū publicis actionibus inclinare, aut distringere, aut calumniare, vel iniuriare absque episcopi sui permissu præsumperit, vsque ad Ecclesiæ satisfactionem cum omnibus tantis sceleribus auxiliantibus aut fauentibus communione priuetur, Episcopus tamen non dimittat, vt iniuriam patientibus plenam de præfatis clericis iusticiam canonicè non faciat.

Vt orationem dominicam omnes discant fideles.

CLXIII. Vt fideles orationem dominicam discant, & intelligant, & suis sacerdotibus eam verbo ex verbo reddant: & aliis fidelibus, qui eam nesciunt, doceant.

Vt nullus Episc. alterius Episcopi, vel presbyter etiam alterius presbyteri parochiam inuadat.

CLXIII. Vt nullus episcoporum vel presbyterorum parochiam alterius inuadat, sed contentus sit gubernatione creditæ sibi plebis.

Vt monasteriis vel reliquis Ecclesiis res non auferantur, vel ipsæ à quoquam inquietentur.

CLXV. Vt monasteria, quæ Deo consecrata sunt, nulli liceat in aliquo inquietare, nec quicquam de eorum rebus violenter abstrahere.

Vt nullus Episcopus sine consensu aliorum se præferat anteriori.

CLXVI. Vt nullus episcoporum se præferat alteri per ambitionē, sed omnes agnoscāt tempus & ordinem suæ ordinationis.

Vt populi oblationes sacerdotibus in Ecclesia offerant: & ut omni die Dominica communicent.

CLXVII. Placuit vt fideles oblationes corū sacerdotibus cotidie, si fieri potest, in Ecclesia offerāt: & si cotidie nō potest, saltem dominica die absque vlla excusatione fiat, & vt prædicationem audiant, & si fieri potest omni dominica die communicent, nisi criminali peccato & manifesto impediātur. Quia aliter salui esse non possunt, quoniam Dominus dixit: Qui manducat meam car-

CAPITVL.

nem, & bibit meum sanguinem, in me manet, & ego in eo: & qui manducat me, viuit propter me, & cætera exempla, quæ prolixa sunt hîc scribere.

*Vt sacerdotes signa tangant horis
canonicis.*

CLXVIII. Vt sacerdotes signa tangant horis canonicis, & illorum officium agant siue diurnale siue nocturnale, quia scriptum est, Sine intermissione orate: & idcirco non dimittant horas canonicas.

De stolis gestandis.

CLXIX. Vt sacerdotes stolas portent propter signum castitatis, sicut decretum est.

*Vt secreta non incipiantur nisi post
hymnum finitum.*

CLXX. Te igitur, non inchoent sacerdotes, nisi post angelicum hymnum finitum.

*Vt adnunciatur symbolum fidelibus
à sacerdotibus.*

CLXXI. Vt adnuncient presbyteri omnibus fidelibus sibi subiectis symbolum & orationem dominicam, vt sancto spiritu illustrante saluentur.

*Vt presbyteri adnuncient viris & fœminis, nisi
memoriter, symbolum & orationem domi-
nicam tenuerint, de sacro fonte filio-
los vel filiolas non suscipiant.*

CLXXII. Adnuncient presbyteri, vt neque viri neque fœminæ de sacro fonte filiolos vel filiolas suscipiant, nisi memoriter symbolum & orationem dominicā tenuerint.

Vt silentium in Ecclesia teneatur, & deuotè verbum Dei audiatur.

CLXXIII. Placuit vt fideles silentium in Ecclesia teneant, & deuotè verbum Dei audiant, & confessi veraciter de omnibus sceleribus suis sacerdotibus fiant, & mudent corpora & corda eorum, in quibus Deus condignè habitare dignetur. Quoniam illis dictum est, Templum Dei estis, in quibus habitare desidero. Et vt eorum sacerdoti in omnibus obediant, & instruantur pro quibus missa, vel sacerdotes constituti sint, & intellegant vim & mysterium dominici corporis & sanguinis, & missæ siue precum, quæ in ea à sacerdote fiunt. Dicitur enim in ipsa oratione: Memento Domine famulorum famularumque tuarum, & omnium circumstantium, quorum tibi fides cognita est, & nota deuotio: qui tibi offerunt hoc sacrificium laudis pro se suisque omnibus, pro redemptione animarum suarum, pro spe salutis & incolumitatis suæ: tibi que reddunt vota sua æterno Deo, viuo, & vero,

& reliqua. Instruantur etiam, vt cognoscāt potestatem Pontificum in ligando atque soluendo, & cætera, quę ad illos pertinent, atque reliquorum sacerdotum, vt timeant & venerentur secundum Deum præceptū eorum sacerdotes: & qualiter in his offendere solent, eis adnuntietur.

Vt Episcopis infantuli ad confirmandum præsententur.

CLXXIII. Adnunciēt presbyteri populis, vt quàm citius potuerint, suos infantulos ad confirmandum Episcopo præsentare faciant.

Vt presbyteri sine sacro chrismate, oleoque benedicto non proficiſcantur.

CLXXV. Vt presbyteri sine sacro chrismate, oleoque benedicto, & salubri Christi eucharistia alicubi non proficiſcantur, sed v-
bicunque vel fortuito requisiti fuerint, ad officiū suū veniant parati reddēdo debito.

Vt presbyteri oleum infirmorum ab Episcopo expetant.

CLXXVI. Vt omnes presbyteri oleum infirmorum ab Episcopo expetant, secūm-
que habeant, & moneant fideles infirmos illud exquirere, vt eodem oleo peruncti à presbyteris gratia Dei sanētur, quia oratio fidei saluabit infirmos.

Vt nullus presbyter parochianus aliubi præsumat chrisma accipere, nisi ab Episcopo suo in cœna Domini.

CLXXVII. Vt nullus presbyter parochianus aliubi præsumat chrisma accipere, nisi à suo Episcopo in cœna Domini.

Vt baptizari non præsumatur, nisi in vigilia Paschæ & Pentecostes.

CLXXVIII. Vt baptizare nullus præsumat, nisi per duo tempora, id est, vigilia Paschæ, & vigilia Pentecostes, nisi immineat mortis periculum.

Vt instruantur fideles, qui paruulos de sacro fonte suscipere cupiunt.

CLXXIX. Placuit vt instruantur fideles, qui paruulos de sacro fonte suscipere cupiunt, vt intellegant & vim eiusdem sacramenti, & quid pro aliis sponponderunt, vel pro quo fideiussores extiterunt: & sciant se nullo modo antea aliorum patres efficere, quàm supra dicta discant, & intellegant, seu reddant. Et si fideiussores pro terreno lucro damnari solent, quantò magis pro diuino iure ne damnentur cauere oportet? Illi tamen ab his officiis remouendi sunt, ne alios de sacro fonte in baptismo suscipiant, nec etiam ad percipiendū spiritus sancti donum aliorum patrini exi-

stant, qui & communione canonica priuati, & publicæ pœnitentiæ sunt subacti, donec per pœnitentiâ satisfactionis reconciliationem mereantur: vel etiam illi, qui tale peccatum commissum habent, pro quo publicè pœnitentiæ plectendi & ligandi sint.

Vt nulla precia de baptizandis, consignandisque fidelibus exigantur.

CLXXX. Vt nulla precia de baptizandis, consignandisque fidelibus exigantur. quod si perpetraverint, honoris sui sint periculum subituri.

De quorû baptismate absque dissimulatione dubitatur, vt rebaptizentur præceptum est.

CLXXXI. De quibus dubium est, vtrum sint baptizati an non, omnimodis absque vlllo scrupulo baptizentur. His tamen verbis præmissis, Non te rebaptizo, sed si nōdum baptizatus es, baptizo te in nomine patris, & filij, & spiritus sancti.

Vt presbyteri in Ecclesia fidem sanctæ trinitatis doceant.

CLXXXII. Notum est omnibus impossibile esse sine fide placere Deo. Nullus sit presbyter, qui in Ecclesia publicè non doceat lingua, quam auditores intellegant, fidem omnipotentis Dei in vnitatem &

trinitate simpliciter credere : & ea, quæ omnibus generaliter dicenda sunt, de malis euitandis, siue bonis faciendis, & iudicio in resurrectione futuro. Si verò ipse verbis manifestè explicare nō poterit, petat sibi ea à doctiore taliter transcribi, qualiter apertè legat, quod qui audiunt, intellegant : & qui amplius non poterit, vel his verbis admoneat, Pœnitentiam agite, adpropinquauit enim regnum cælorum.

Vt presbyteri adnuncient populo quatuor legitima temporum ieiunia.

CLXXXIII. Doceât presbyteri populo quatuor legitima temporum ieiunia obseruare, hoc est, mense Martio, Iunio, Septembrio, & Decembrio, quando sacri ordines iuxta statuta canonum distribuuntur.

Vt ieiunia tria legitima in anno agantur.

CLXXXIII. Iterum admoneant sacerdotes, vt ieiunia tria legitima in anno agantur, id est, XL. dies ante natiuitatem Domini, & XL. ante pascha, vbi decimas anni solui-
mus, & post pētecosten XL. dies. Quāquam enim nonnulla ex his canonica priuentur auctoritate, nobis tamen omnibus simul propter consuetudinem plebis & parentum nostrorum morem hunc obseruare,

C A P I T V L.

vt superius comprehensum est, conuenit. Et licet omnibus diebus orare, & abstinere conueniat, his tamen temporibus amplius ieiuniis & pœnitentiæ seruire oportet. Præter hæc autem legitima tempora ieiuniorum omni vi. feria propter passionem Domini ieiunetur. Sed & sabbati dies à plerisque propter quod in eo Christus iacuit in sepulchro, ieiunio consecratus habetur.

Vt populus nisi duobus temporibus infantes suos ad baptismum non adferat.

CLXXXV. Placuit vt populus ad baptismum eorum infantes non afferat, nisi duobus temporibus, si infirmitas non occupauerit: & quomodo in hoc offendunt, instruantur.

Vt dies dominicus reuerenter colatur.

CLXXXVI. Diem Dominicum secundum reuerentiā colite: opus seruale, id est, agrū, pratum, vineam vel si qua grauiora sunt, in eo non faciatis, nec causas nec calumnias inter vos dicatis, sed tantum diuinis cultibus seruiatis: & à vespera vsque ad vesperā dies Dominicus seruetur. Has siquidem præcipuas festiuitates adnuncient presbyteri, & diebus Dominicis sabbatizare, id est, in natali Domini dies III. viii. Kalen. Ianuariarum. In circūcisione Domini Kalen. Ianuar. diem vnum. In Epiphania viii.

Id. Ianua. diem vnum. In purificatione sanctæ Mariæ IIII. Non. Febr. diem vnum. In pascha Domini vsque in octauas paschæ, post Dominicam dies III. In ascensione Domini diem vnum. In natali sancti Ioannis Baptistæ VIII. Cal. Iul. diem vnum. In passione sanctorum Apostolorum Petri & Pauli. III. Calen. Iul. diem vnum. In assumptione sanctæ Mariæ XVIII. Cal. Septem. diem vnum. In transitu sancti Martini III. Id. Nouembris diem vnum. In passione sancti Andreæ Apostoli. II. Cal Decemb. diem vnum.

Vt adnuncient presbyteri eodem modo sicut sabbatum paschæ cum suo pascha sabbatum pentecostes una cum suo die Dominico celebrare.

CLXXXVII. Vt annuncient presbyteri eodem modo sicut vesperscente sabbato sanctum pascha celebratur, & ipsum diem Pentecostes similiter celeberrimū habeant vt sanctum paschæ, & ieiunium, & missam, & baptismum.

Vt annuncient presbyteri populo se ab illicitis abstinere connubiis.

CLXXXVIII. Adnunciet vnusquisque presbyterorū publicè plebī ab illicitis connubiis abstinere, & secundum Domini man-

datum legitimum coniugium nequaquam
posse vlla occasione separari, excepta causa
fornicationis nisi consensu amborum, &
hoc propter seruitium Dei.

*Vt publicè presbyteri adnuncient plebi decimas
& primitias omnium frugum ad bene-
dicendum afferre.*

CLXXXIX. Adnuncient presbyteri plebi
publicè, vt primitias omnium frugum ter-
ræ ad benedicendum afferant, & sic post ea
inde manducent : & decimas ex omnibus
fructibus & pecoribus terræ annis singu-
lis ad Ecclesias reddant, & de nouem par-
tibus, quæ remanserint, eleemosynas fa-
ciant, & ex ipsis peccata illorum redi-
mant, sicut scriptum est, Eleemosyna à
morte liberat, & ipsa purgat peccata, sicut
in Sapientia legitur : sicut aqua extinguit
ignem, ita eleemosyna extinguit pecca-
tum.

*Vt fideles intellegant pactum, quod cum
Deo in baptismo fecerunt.*

CXC. Placuit fideles intellegāt pactū, quod
cum Deo in baptismo fecerunt, à multis
ergo ex toto & à multis ex parte transgre-
ditur. Quid sit abrenunciare diaboli operi-
bus & pompis eius & omnibus operibus
eius, instruantur fideles. Si verò iura huma-

nae pactionis firma conseruantur, quantò magis feruentius iura tanti pacti, quæ cum Deo facta sunt, inreuocabiliter sunt obseruanda?

Vt sacerdotes admoneant viros & mulieres, vt luminaria ad basilicas deferant.

cxci. Vt sacerdotes admoneant viros & mulieres, vt ad basilicas luminaria, & incensum, & buccellas, & primitias afferat, sicut scriptum est: Honora Dominum de tua substantia, & de primitiis frugum tuarum da pauperibus.

Vt admoneant presbyteri plebem, ne in Ecclesia contentionibus & verbositatibus deseruiant.

cxcii. Admoneant presbyteri plebem, vt in Ecclesiis verbositare non præsumat, sed cum fletu & cum compunctione cordis, Dei implorent auxilium tam pro se, quàm & pro proximis suis. Et quâdo presbyter celebrat Missam, corda illorum semper ad cælestia adtendant. Et quando sanctæ lectiones vel Euangelia recitata fuerint, cum silentio & deuota mente pariter audiant, sicut Deus dixit per Moysen: Audi Israel, & tace: & oblationes auferant & communicare faciant.

Vt presbyteri sollicitè curent, ne inhonesta & turpia quælibet fiant in Ecclesiis.

cxciij. Quando populus ad Ecclesias venerit, tam per dies Dominicos, quàm & per solennitates sanctorum, aliud non ibi agat, nisi quod ad Dei pertinet seruitium. Illas verò balationes & saltationes, canticâque turpia ac luxuriosa, & illa lusa diabolica non faciat, nec in plateis, nec in domibus, neque in vlllo loco, quia hæc de paganorum consuetudine remanserunt. Et qui ipsa fecerit, canonicam sententiam accipiat.

Ne in mortuorum funeribus iuxta paganorum ritum agatur.

cxciij. Ammoneantur fideles, vt ad suos mortuos non agant ea, quæ de paganorum ritu remanserunt: sed vnusquisque deuota mente, & cum compunctione cordis pro eius anima, Dei misericordiam imploret. Et quando eos ad sepulturam portauerint, illum vlulatum excelsum non faciant, sed sicut superius diximus deuota mente & cum compunctione cordis, inquâ tum sensum habuerint, pro eius anima implorare Dei misericordiam faciant. Et illi qui psalmos non tenêt, excelsa voce Kyrieleyson, Christeleyson viris inchoantibus, mulieribusque respondentibus alta voce canere studeant pro eius anima. Et super eorum
tumulos

tumulos nec manducare, nec bibere præsumant. Quòd si fecerint, canonicam sententiam accipiant.

*Vt pro defunctis amicorum parentes eorum
xxx. dies adimplere faciant.*

cxcv. Fideles pro defunctis amicorum & parentibus eorum ieiunia & oblationes xxx. dies adimplere faciant: & mortuum super mortuum non ponant, nec ossa defunctorum super terram dimittant, quòd si fecerint, canonicæ sententiæ subiaceant. *De his, quos Episcopus aut sacerdos excōmunicauerit, ne eos fideles recipiant.*

cxcvi. Placuit vt fideles eos, quos episcopus aut sacerdos propter eorum peccata excōmunicauerit, nō recipiant antequam poenitentiam accipiant, & ad confessionem veniant.

Vt nullus presbyter suam Ecclesiam sine consensu Episcopi sui derelinquat.

cxcvii. Compellimur statuta canonum & in hoc seruare, vt nullus presbyter creditam sibi Ecclesiam sine consensu sui Episcopi derelinquat, & laicorum suasionem ad aliam transeat.

Vt sacra mysteria nullus presbyter, nisi in loco consecrato agat.

cxcviii. Vt nullus presbyter sacra myste-

ria nisi in locis ab Episcopo cōsecratis agere præsumat.

Ne aliud altare in Ecclesia consecrata, nisi quod ab Episcopo consecratum est, aliquis presbyter erigat.

cxix. Vt nullus presbyter in Ecclesia cōsecrata aliud altare erigat, nisi quod ab Episcopo sãctificatum est, vt sit discretio inter sacratum & non sacratum.

Vt Episcopus, presbyter & diaconus non sint aleatores & ebriosi.

cc. Quòd Episcopus & presbyter & diaconus aleator & ebriosus esse non debeat. Similiter clerici & laici si permãserint in alea, communione priuentur.

Vt nemo clericorum vsuras accipiat.

cc. Quoniã venerandi canones, & diuina prohibet auctoritas vsuras accipere, ideo nullus hoc clericorum facere præsumat: & in quantum poterūt, laicis vetare studeant.

Vt diem dominicum, in quo Dominus resurrexit, cuncti venerabiliter colant.

ccii. Placuit vt fideles diem Dominicum, in quo Dominus resurrexit, omnes venerabiliter colant. Nam si pagani ob memoriam & reuerentiam Deorum suorū quosdam dies colūt, & Iudæi more carnali sabbatum carnaliter obseruant, quantò magis

à Christianis iste dies honorifice colendus est? ne in illo sancto die vanis fabulis, aut locutionibus, siue cantationibus, vel saltationibus, aut derisionibus, stando in biuiis & plateis, vt solet, inseruiant: sed ad sacerdotem aut ad aliquem sapientem hominem & bonum veniant, & eorum prædicationibus & bonis locutionibus, quæ ad animam pertinent, vtantur: & illo die seu sabbato ad vespervas, & ad matutinas, siue ad Missam cum eorum oblationibus, si fieri potest, omnes canendo Kyrie eleyson decantent. Similiter & pastores pecorum eundo & redeundo in campum, & ad domum faciant, vt omnes eos veraciter Christianos, & deuotos esse cognoscant.

De reconciliandis pœnitentibus.

CCIII. Quia varia necessitate præpedimur canonum statuta de reconciliandis pœnitentibus pleniter obseruare, propterea omnino non dimittatur, vt vnusquisque presbyter iussione Episcopi de occultis tantum, quia de manifestis Episcopis semper conuenit, iudicet, & statim post acceptam confessionis pœnitentiam singuli data oratione reconcilientur, morientibus verò sine cunctamine communio, & reconciliatio præbeatur.

Quot sint dies purificationis mulieris.

cciii. Cum enixa fuerit mulier, post quot dies debeat Ecclesiam intrare testamenti veteris præceptione didicimus, vt pro masculino diebus xxxiii. pro fœmina autem lxvi. debeat abstinere. Quòd tamen, vt ait sanctus Gregorius, sciendum est, quia in mysterio accipitur. Nam si hora eadem, qua genuerit, actura gratias intret Ecclesiam, nullo peccati pondere grauatur. Voluptas etenim carnis, nō dolor in culpa est. In carnis autem commixtione voluptas est: in prolis verò prolatione gemitus. Unde & ipsi primo matrimonio dicitur: In doloribus paries. Si itaque enixam mulierem prohibemus Ecclesiam intrare, ipsam ei poenam suam culpam deputamus.

Vt missarum celebrationes in locis incongruentibus non fiant.

ccv. Placuit, vt fideles Missarum celebrationes in locis non consecratis & incongruentibus fieri omnino non debeant, nisi causa hostilitatis, vel longinqui itineris: & id in altaribus ab Episcopo consecratis fieri necessitas compellat. Sacerdotes tamen, qui in locis illicitis & non cōsecratis Missas canere præsumunt, gradū se sciant amissuros melius est enim Missam non audire,

quàm eam vbi non licet, nec oportet celebrare aut audire. Et de vsura, vt non fiat, omnes ammoncantur.

De propinquitate.

ccvi. In quarta propinquitatē carnis, quinta sextaque non licet nubere, sicut in lege scriptum est. Omnis homo ad propinquā sanguinis sui non accedat, vt reuelet turpitudinem eius, id est, vsque septimum gradum. Legitimum coniugium non licet separari sine consensu amborum, ita tamen, vt ambo Deo seruiant innupti. Potest autē alter alteri licentiā dare, accedere ad seruitutem Dei, si ipse tamen innuptus vel innupta permanferit. Mulier quæ subcubuerit cuilibet iumento, simul interficiatur cū eo. In nouo illa, sicut & ille qui cum pecoribus coierit, xv. annis, alias xi. pœniteat. Animalia tali à coitu hominū polluta, occidantur, carnesque canibus proiciantur. sed erura eorum absumantur. Vbi autem dubium est, non occidantur.

De eo, qui filios non habuerit, & in eorum loco alium sibi hæredem facere voluerit.

ccvii. Qui filios non habuerit, & alium quemlibet hæredē sibi facere voluerit, coram rege vel corā comite & scabinicis vel missis Dominicis, qui ab eo ad iustitias fa-

ciendas in prouincia fuerint ordinati, traditionem faciat.

De denarialibus qualiter possint hereditare.

ccviii. Homo denarialis non antea hereditare in sua agnatione poterit, quam usque ad tertiam generationem perueniat. Homo Chattularius similiter faciat.

Vt omne sacramentum in Ecclesia iuretur.

ccix. Omne sacramentum in Ecclesia, & super reliquias iuretur: & quod in Ecclesia iurandum est, vel cum vi. electis, vel si xii. esse debent, quales potuerit inuenire, Sic illum Deus adiuuet, & illi sancti, quorum istae reliquiae sunt, ut veritatem dicat. Si res interciata furto ablata fuerit, liceat ei, super quem res interciata fuerit, sacramento se excusare de furto, quod nec suae voluntatis aut conscientiae fuisset quod ablatum est: & aliud tantum sine damno restituat.

Vt vitia, quae remanserunt ex ritu gentilium, fideles caueant.

ccx. Placuit ut fideles caueant vitia, quae ex ritu gentilium remanserunt, id est, magi, arioli, sortilegi, venefici, diuini, incantatores, somniatores, coniectores, quos diuina lex inretractabiliter puniri iubet: & ne eos inter se sinant esse, prouidendum illis est.

*Vt fideles se a vitiis abstineant, quæ quasi
naturaliter in usu habentur.*

CCXI. Placuit vt fideles à vitiis detestandis, quæ habentur quasi naturaliter in usu, se abstineât: quæ Apostolus apertè dinumerat: id est: ebrietates, commestationes, cōtentiones, iræ, rixæ, dissensiones, detractiōnes, inuidiæ, inimiciæ: de quibus Apostolus ait, qui talia agunt, regnum Dei non consequentur. Et alibi, non solum qui faciunt, sed qui consentiunt facientibus: & de illis dici potest, Latantur cum malefecerint, & exultant in rebus pessimis.

De armillis et brunis negotiatoribus nō dandis.

CCXII. Vt armillæ & brunæ non dētur negotiatoribus.

*Vt Christiani ab ocioso sermone se caueant
vel à cæteris vitiis.*

CCXIII. Placuit vt fideles de ocioso sermone se caueant, pro quo in die iudiciij secundum Domini sententiam rationes omnes reddituri sumus: & de scurilitate, & stultiloquio, & maledictionibus, quoniā iuxta Apostolum malè dicentes regnum Dei nō possidebunt: & de mendacio, siue de periculo noxio assiduóque iuramento, & obscœnis turpibúsque canticis, ab his omnibus cūctis Christiani se fortiter cauere de-

bent, ne his studentes per negligētiam detrimentum suarum patiantur animarum.

De coniugio, quòd à Deo sit constitutum: & quòd non sit causa luxuriæ, sed causa potius appetendorum filiorum.

ccxiii. Placuit vt fideles scirent coniugium à Deo esse constitutum, cò quòd nō sit causa luxuriæ, sed causa potius filiorum appetendorū; & vt virginitas vsque ad nuptias fideliter seruetur; & vxores habentes neque pellicem, neque concubinam habere debeāt. quomodo etiā in castitate vxores suas diligere, eisque vtpote vasi infirmiori honorē debitū impendere. Et quòd coniunctio carnalis cum vxoribus gratia fieri debeat prolis, non voluptatis.

Vt à coitu pręnantium fideles se abstineant.

ccxv. Placuit vt fideles se abstineant à coitu pręnantium vxorū, necnon menstruo tempore, & vt causa fornicationis non sit vxor secundum Domini sentētiam dimittenda, sed potius sustinenda; & quòd hi, qui causa fornicationis dimissis vxoribus suis alias ducunt, Domini sententia adulteri esse notentur.

De canibus, qui in dextro armō tēsi sunt.

ccxvi. De canibus qui in dextro armō tōsi

sunt, vt homo qui eum habuerit, cum ipso cane in præsentiam regis veniat.

De capitulis, quæ in legem nouiter addita sunt.

CCXVII. Vt populus interrogetur de capitulis, quæ in legem nouiter addita sunt: & postquam omnes consenserint, scriptiones & manufirmationes suas in ipsis capitulis faciant.

Qualiter fidelibus Christianis incesta cauenda sint.

CCXVIII. Placuit vt fideles agnoscant, qualiter incesta Christianis cauenda sint. Et quòd loca Deo dicata frequentius deuotiusque ad Deum exorandum, sibi que propitium faciendum, sæpius quàm hætenus fecissent, frequentent: & quòd in basilicis Deo dicatis non sit fabulis ociosis, turpibusque, & obscænis sermocinationibus vacandum, & negotia secularia, publicaque placita habenda: & quòd hi, qui hæc in Ecclesiis Dei faciunt, maiora sibi peccata accumulent.

Vt nullus præsumat tholoneum rodaticum, vel pulueraticum recipere.

CCXIX. Vt nullus homo præsumat tholoneum per vias nec per villas rodaticum, nec pulueraticum recipere,

Vt fideles iusta iudicia iudicent.

ccxx. Placuit vt fideles iusta iudicia iudicent, & munera pro hoc non accipiant: & vt falsum testimonium vitent, & à detractione se abstineant, necnon à cæteris malis, quæ longum est dinumerare.

Vt Ecclesiæ earum iustitiam obtineant.

ccxxi. In primis omnium iussum est, vt habeant Ecclesiæ eorum iustitias, & in vita illorum, qui habitant in ipsis Ecclesiis: & post tam in pecuniis, quàm & in substantiis earum.

Vt potestatem Episcopi omnes intellegant, & instruuntur, qualiter siue secundum canonicam siue secundum monasticam regulam eis viuendum sit.

ccxxii. Vt omnes Episcopi potestatem intellegant, & instruuntur, vt vel secundum canonicam vel secundum monasticam regulam regant eorum ministeria tam in monasteriis virorum, quàm & in puellarum, & in forensis presbyteris seu reliquo populo Dei.

De viduis, & orphanis, & minus potentibus.

ccxxiii. Vt viduæ, orphani, & minus potentes sub Dei defensione, & nostro Mundeburdo pacem habeant, & eorum iustitias acquirant.

De non parvipendenda excommunicatione sacerdotum.

CCXXIII. Placuit vt fideles ne paruipendāt excommunicationē sacerdotum illorum: quoniam si hoc fecerint, iustè segregabuntur à cœtu Christianorum.

Capitulariū dominicū datum anno incarnationis Domini nostri Iesu Christi. DCCC. VI. ad Theodonis villam, anno Imperij Domni Karoli VI.

CCXXV. Vt lectiones in Ecclesia distinctè legantur. II. de cantu, vt secūdum ordinem & morem Romanæ Ecclesiæ fiat cantatus. III. De notariis, vt vnusquisque Episcopus & abba & singuli comites suum notarium habeant. IIII. De cæteris disciplinis Ecclesiæ, vt secundum canones vel regulā fiant. V. De medicinali arte, vt infantes hanc discere mittantur. VI. De Ecclesiis sine honore manentibus, absque officiis & luminariis, & de his qui decimas assumunt, & de Ecclesiis non curant, vt hoc omnimodis emendetur. & de altaribus, vt non superflua sint in Ecclesiis.

Vt cōpotus discatur.

CCXXVI. De cōpoto, vt veraciter discāt oēs.

De libris canonicis, vt veraces habeantur.

CCXXVII. Volumus, & ita missis nostris mādare præcipimus, vt in Ecclesiis libri canonici veraces habeātur, sicut iam in alio capitulari sæpius mandauimus.

*De his, qui terrenis mercimoniis insistant, ut
magis ob supernæ vitæ desiderium, quàm
pro humana ambitione faciant.*

CCXXVIII. Placuit vt ammoncantur omnes fideles, qui negotiis ac mercationibus rerum inuigilant, vt nō plus terrena lucra, quàm vitam accipiant sempiternam. Nam qui plus de rebus terrenis, quàm de animæ suæ salute cogitat, valde à via veritatis aberrat, & iuxta quendam sapientē in vita sua perdit intima sua. Sequendus est enim in hac parte, sicut & in cæteris, Apostolicus sermo, qui ait. Et ne quis supergradiatur, neque circumueniat in negotio fratrem suum: vindex est enim Deus de his omni- bus, sicut ab his qui labore agrorum, & cæteris laboribus victum atque vestitum & necessaria vsibus humanis adquirere inhiā- tes instant, decimæ & eleemosynæ dandæ sunt: ita his quoque, qui pro necessitati- bus negociis insistant, faciendum est. Vni- cuique homini Deus dedit artem, qua pas- citur & vnusquisque de arte sua, de qua corporis necessaria vel subsidia habet, ani- mæ quoque, quod magis necessarium est, subsidium administrare debet.

*Ne Episcopus quilibet alterius plebem Epif-
copi vel fines usurpet.*

ccxxix. Vt Episcopus alterius Episcopi plebes vel fines non vsurpet.

De clericis superbis, vt coerceantur.

ccxxx. Vt clerici, qui superbi vel contumaces sunt, coerceantur vt minores, qui maioribus inrogauerunt iniurias, metū habeant. quia manifestum est illos non esse Dei, qui humilitatē contemnunt: sed diaboli, qui superbiæ inuentor & princeps est. Vnde si quis tūmidus vel contumeliosus extiterit in maiorem natu, contemptus debet contumacia & superbia in omnibus frangi.

De his qui statuta patrum violant: si laicus fuerit, communione priuetur, si clericus, honore.

ccxxxi. Si quis statuta supergressus corruerit, vel pro nihilo habenda putauerit, si laicus est, communione: si clericus, honore priuetur.

De his, qui contra suam professionem vel subscriptionem venerint, quid agendum sit.

ccxxxii. Qui contra professionem vel subscriptionem suam venerit, in concilio deponatur.

De presbytero qui se ab Episcopo suo diuiserit.

ccxxxiii. Si quis presbyter contra Episcopum suum inflatus schisma fecerit, ana-

thema sit. Quòd si superbia, quod absit, inflatus secernēdum se ab Episcopi sui communione duxerit, ac separatim cum aliquibus schisma faciens, sacrificium Deo obtulerit, loco amisso anathema habeatur. Nichilominus & de ciuitate & congregatione, in qua fuerit, lōgius repellatur, ne vel ignorantes vel simpliciter viuentes serpentina fraude decipiat.

De presbyteris qui absque Episcopi sui conscientia agendam celebrauerint.

ccxxxiiii. Si quis presbyter inconsulto Episcopo agendam in quolibet loco uoluerit celebrare, ipse honori suo contrarius extitit.

Vt Episcopus lapsum incurrens, si plures congregare nequiuert, à duodecim audiatur.

ccxxxv. Si quis Episcopum, quod non optamus, in reatum aliquē incurrerit, & fuerit ei nimia necessitas non posse plurimos congregare, ne in crimine remaneat, à xii. Episcopis audiatur.

Vt Episcopi plebes alienas non usurpent, ut nemo ex eis collegam suum in diocesi super gradiatur.

ccxxxvi. Placuit ut à nullo Episcopo usurpentur plebes alienæ: nec aliquis Episco-

porum supergradiatur in diœcesi collegam suum.

De Episcopo, qui ab aliquo impetitur, vel si ipse questionem aliquam retulerit, ut per Episcopos iudices causa terminetur.

ccxxxvii. Si quis Episcopus à quoquam impetitur, vel ille aliquam quæstionē retulerit, per Episcopos iudices causa finiatur, siue quos eis primates dederint, siue quos ipsi vicinos ex consensu delegerint.

Vt nullus Episcopus alium Episcopum conculcet, aut impediat.

ccxxxviii. Vt nullus Episcopus alium cōculcet Episcopum, vel supergradiatur, aut aliquod ei incommodum in sua parochia, vel alicubi faciat.

Ne presbyteri vel diaconi sine conscientia Episcoporum suorum aliquid agant.

ccxxxix. Vt presbyteri vel diaconi sine conscientia Episcoporū suorū nihil agant.

De loco dando peregrino Episcopo, in quo sacrificet.

ccxl. Vt peregrino Episcopo locus sacrificandi detur, atque benigne suscipiatur.

De his, qui falsa fratribus capitalia obiiciunt.

ccxli. Eos qui falsa fratribus capitalia obieciſſe conuiſti fuerint: placuit vsque ad exitum non communicare, & infames

semper existere.

De deponendo sacerdote vel leuita, si crimen aliquod confessus fuerit.

CCXLII. Vt sacerdos vel leuita, si de se crimen aliquod confitetur, deponatur.

De his qui libellos famosos inuenti fuerint in Ecclesia posuisse, vt anathematizentur.

CCXLIII. Si qui inuenti fuerint libellos famosos in Ecclesia ponere, anathematizentur.

Vt delator, nisi se correxerit, communionem nec in finem accipiat, si inuentus fuerit quilibet per delationem eius proscriptus, vel interfectus.

CCXLIII. Delator si quis existerit fidelis, & per delationem eius aliquis fuerit proscriptus vel interfectus, placuit eum nec in fine accipere communionē, si leuior quoque causa fuerit intra quinquennium accipere poterit communionem. Si cathecumenus fuerit, post quinquennij tempora admittatur ad baptismum.

Ne aliquis Episcopus vel inferior gradu dominico die quemquam iudicare præsumat.

CCXLV. Vt nullus Episcopus vel quis infra positus die dominico causas iudicare præsumat. Ceteris verò diebus conhibentibus personis illa quæ iusta sunt habeant licentiam

tiam iudicādi, excepto criminali negotio.

De potente, si pauperem expoliauerit, & non reddiderit ammonente Episcopo, vt excommunicetur.

CCXLVI. Si quis potentum quemlibet expoliauerit, & ammonente Episcopo non reddiderit, excommunicetur.

Vt nullus clericus ab Episcopo suo recedere præsumat, & ad alium transire.

CCXLVII. Vt nullus clericus ab Episcopo suo recedat, & ad alium se transferat.

Vt clerici, qui arma præsumpserint, in monasterium ad agendam pœnitentiam tradantur.

CCXLVIII. Vt clerici, qui in quacunque seditione arma volentes præsumpserint, reperi amisso ordinis sui gradu in monasterio pœnitentiæ contradantur.

Vt nullus regum huius canonis censuram in aliquo violare permittat.

CCXIX. Huius constitutionis forma seruetur, vt execrandum anathema fiat, & vel vt præuaricator catholicæ fidei sēper à domino reus existat, quicumque regum deinceps canonis huius censurā in quocunque reediderit aut permiserit violandam.

Vt unusquisque alterius ruinis succurrat, & irā Dei per suam compassionem à se remoueat.

ccl. Occurrere certe miserorum ruinis debet subsidio vnusquisque, quo valeat ex relevatione alienę vindiçtę à se Dei remouere vindiçtam. libat enim Domino prospera qui ab afflictis pellit aduersa.

Quod lex, quam rex qui prior fuit instituit, ab illo qui ei successerit, pari sententia roborata sit.

ccli. Legem quam noster edidit princeps, stabili robore firmamus: atque vt futuris temporibus obseruetur, pari sententia definimus.

Vt in metropolitana sede ad synodum agendam omnes pontifices se conferant.

cclii. Placuit definire, vt paternis institutionibus obsequentes in metropolitana sede tempore quo omnes comprouinciales elegerint, pōtiffices ad synodum faciendam deuotis studiis conferantur.

Vt dignitatem amittant omnes qui ad expeditionem exercitus non pergunt, aut de exercitu fugiunt.

ccliii. Placuit vt omnis, qui aut in expeditionem exercitus absque graui necessitate non progreditur, aut de exercitu fugit, testimonio dignitatis suę sit inreuocabiliter carens: ita vt in quibusdam villulis vel territoriis siue vicis pestis huius infama-

tionis habitatores ipsorum locorum sint degeneres, & testificandi vel accusandi nullam habeant licentiam.

Vt non varientur, quæ propter utilitatem sunt instituta.

CCLIII. Quæ ad perpetuam utilitatē sunt instituta, nulla commutatione varientur. Nec ad priuatum trahantur commodum, quæ ad bonum sunt commune præfixa. Et manentibus terminis, quos statuerunt patres, nemo damnet alienum: sed intra fines proprios atq; legitimos prout quis voluerit, in latitudine se charitatis exerceat.

De fide Nicæna seruanda, & vt priuilegia ecclesiarum integra maneant.

CCLV. Vt fides Nicæna seruetur, & priuilegia Ecclesiarum inlibata permaneant.

Quod contra caput non sit agendum.

CCLVI. Contra caput etiam si faciendum est, non libenter admittimus.

De presbyteris, qui contra canones ad comitatum ire voluerint, susceptis, qui dominico decreto à communionē alieni decernuntur.

CCLVII. Ex relatione quorundam didicimus qualiter presbyteri qui contra canones aduersum nos ad comitatum, nescio qua audaci temeritate ire voluerint, suscepti sunt. Vnde has ad nos literas destina-

mus, in quibus decreto nostro sancimus memoratos perturbatores à communione esse alienos debere. Et illos qui effrenato hunc facto consilio assensum commodare voluerunt, vestræ charitatis est æstimare qualiter habeatur: quibus obiiicere debetis quod iuxta canones fortiter incurrere, & qualiter presbyteros non decebat rebelles existere tentauerunt. Vos autem moneamus in speculis esse debere, neque in corū prurupta audacia deuenire, quos anathematizatos scit sancta & Apostolica Ecclesia.

De sacerdotum Domini causis non terminandis, priusquam ex utraque parte fideliter audiantur, & puriter ac diligenter perscrutentur.

cclviii. Nos qui sacerdotum Domini maturavolumus esse iudicia, nihil possumus in incognitis rebus in cuiusquam patris præiudicium definire, priusquam vniuersa, quæ gesta sunt, veraciter audiamus.

Quod Dominus, qui animas hominum saluet imitatores nos velit suæ esse pietatis.

cclix. Dominus qui venit animas hominum saluare, non perdere imitatores nos. Vult esse suæ pietatis, ut peccantes quidem iustitia coërceat, conuersos autem à misericordia non repellat.

*De religionis periculo ab vniuscuiusque pietatis
conscientia re mouendo.*

CCLX. Remouete quæsumus à vestræ pietatis consciētia periculum religionis, & fidei: & quod in secularibus negociis vestræ æquitati conceditur, in rerum diuinarum pertractatione præstate, vt Christi euangelio vim nō inferat humana præsumptio.
*Vt suarum rerum & omnium Ecclesiarum sint
communione contenti, quorum causa
adhuc terminanda est.*

CCLXI. Illud quod ab antecessoribus nostris constitutum est, & nos approbamus. vt suarum rerum omniūque ecclesiarum communione sint interim contenti, quousque à nobis causa terminetur.

Vt non sinantur incurri, quorū causa incerta est.

CCLXII. Ne cuiusquam procaci impudentique versutia, quasi incertum quid sequendum sit, sinatis incurri, cum ab Evangelica Apostolicāque doctrina nec in vno quidem verbo liceat discedere, aut aliter de scripturis diuinis habere, quàm beati Apostoli & patres nostri didicerunt, atque docuerunt.

*De his qui à sedibus suis fuerunt pulsī, & alij in
illorum locū sunt ex epistola Leonis Papæ Cal-
chedonenſi concilio directā substituti.*

CCLXIII. Plurimos fratres sedibus suis pul-
 sos, & in exilia audiui^m deportatos, atque
 in loco superstitum alios substitutos, his
 primitus vulneribus adhibeatur medicina
 iustitiæ, ne quisquam ita careat propriis, vt
 alter vtatur alienis, quem errorem omnes
 relinquant nemini quidem perire honor
 debeat, sed illis qui pro fide laborauerunt,
 prius cum omni priuilegio oportet ius
 proprium reformari.

*De his qui non debent redire ad militiam
 secularem.*

CCLXIII. Quod ad militiam secularem
 post pœnitentiã redire nemo debeat, nec
 eis iustam superesse querimoniam, qui se
 ab inchoatis disceptationibus sponte sub-
 traxerint.

De his quos oportet maiori auctoritate curari.

CCLXV. Si extiterint aliqui fratres desides
 vel negligentes, quos oporteat maiori
 auctoritate curari, sic tamen est adhibenda
 correctio, vt semper sit salua dilectio. Vnde
 Apostolus Timotheum imbuens dicit, Se-
 niolem ne increpaueris, sed obsecra vt pa-
 trem. quæ moderatio si quibuscumque
 inferioribus membris ex Apostolica insti-
 tutione debetur, quanto magis fratribus &
 coepiscopis nostris reddenda est?

Vt non imponat aliquis alicui pondus, quod ipse ferre non valet.

CCLXVI. Sicut non vult aliquis grauis oneris sarcinam ferre, ita non audeat aliis graue pondus imponere.

Vt nullus Apostolicas sanctiones temerare præsumat.

CCLXVII. Ita vnanimis diuinis & Apostolicis constitutionibus seruiatis, vt in nullo patiamini pia canonum decreta violari. Vt nulli fas sit sine status sui periculo vel diuinas constitutiones, vel Apostolicæ sedis decreta temerare.

De amicitie familiaritate seruanda, quam qui non contendunt, facile seruant.

CCLXVIII. Omnis vt non contendit protegit amicitiam. Nā & Apostolus ad Corinthios scribit, Cum sint inter vos æmulationes, & cōtentiones, nōne carnales estis, & secundum hominem ambulatis? nihil per contentionem neque per inanem gloriam, sed in humanitate mentis inuicem æstimantes semetipsos non sua singuli respiciunt, sed aliorum.

Vt alienæ gentis homines ad exercitium imbuantur legibus.

CCLXIX. Alienæ gentis homines legibus ad exercitium imbui & permittimus &

Ec iiij

optamus: ad negotiorū vero discussionem
& refutamus & prohibemus. quamuis e-
nim eloquiis polleant, tamen difficultati-
bus hærent.

*Quod hæc sit vera charitas, qua Deus proxi-
musque diligitur, & idcirco ammonendi sunt
omnes fideles ut hanc observare curent.*

cclxx. Placuit vt ammoneantur omnes
fideles, quod hæc sit vera charitas, qui
Deū diligit plusquā se, & proximum tan-
quam se, & qui nihil vult aliis facere, nisi
quod sibi vult fieri, & plura quæ recen-
seri longū est. Nam quicumque in potu & cibo
& dandis atque accipiendis rebus charita-
tem putant, non mediocriter errant, di-
cente apostolo: Regnum Dei non est cibus
& potus. Nam & ipsa quando cum chari-
tate fiunt, bona sunt & inter virtutes
computanda.

*Vt contra extraneos parentela aut propinquit-
as testimonium minime dicat.*

cclxxi. Fratres, sorores, vterini, patrui, a-
uunculi, materteræ seu eorum filij, item
nepos, neptis, consobrini, vel amitimi, seu
etiā quidam ex propria consanguinitate in
iudicio aduersus extraneos testimonium
dicere non permittimus, nisi forsitan pa-
rentes eiusdem cognationis inter, se litem

habuerint, aut in causa de qua agitur, aliam omnino ingenuitatem deesse constiterit.

Si de fure quis nesciens aliquid comparauerit.

CCLXXII. Vniuersam rem nulli ingenuo liceat de incognito homine comparare, nisi certe fideiussorem adhibeat, cui credi possit vt excusatio ignorantie auferatur. Quod si aliter fecerit, qui comparauerit, à iudice districtus auctorem præsentet infra tempus sufficienter à iudice constitutum: quem si non potuerit, inuenire adprobet, se aut sacramento, aut testibus innocẽtem, quod cum furem nescierit. Et quod apud eum agnoscitur, accepta precij mediẽtate restituat: atque ambo datis inuincem sacramentis promittant, quod furem fideliter quærent. quod si omnino furem inuenire nequiuerint, rem tantum quantum empta est, Domino rei emptor ex integritate reformet. Si vero Dominus rei furem nouerit, & eum publicare noluerit, rem ex toto amittat, quam emptor quiete possideat. Hæc & de seruis forma seruabitur.

si ad diripiendum quisque alios inuitasse reperiatur.

CCLXXIII. Si quis ad diripiendum alios in-

uitauerit, vt cuiuscunque rem euertat, aut pecora vel animalia quæcūque diripiat, illi cuius res direpta est, in septuplum, quæ sublatæ sunt, restituat. Hi verò qui cum ipso fuerint, si ingenui sint, quinos solid. componere compellantur: aut si non habuerint vnde componant, cl. flagella suscipiant. Si verò serui hoc sine domini voluntate commiserint, centenis quinquagenis flagellis verberentur, & ab eis res omnes integro in statu reddantur.

De non suscipienda criminatione aduersus doctorem, neque accusatorem aduersus eum audiendum.

CCXXIII. Criminationes aduersus doctorem nemo suscipiat, nemo audiat, quia indignum est, vt hi qui throni Dei vocantur, aliqua monitione turbentur.

Ne vnus Episcopus cognitionem sibi vindicet.

CCLXXV. Placuit vt vnus Episcopus non vindicet sibi cognitionem.

Vt hi quorum libertas nescitur nequaquam accusent sacerdotes.

CCLXXVI. Quorum fides, vita, & libertas nescitur, non possint accusare sacerdotes liberos & legitimos,

De his qui falsa aliis inrogant.

CCLXXVII. Omnis qui falsa aliis intulerit, puniatur, & pro falsitate ferat infamiam.

Ne viles personæ ad accusandum sacerdotes admittantur.

CCLXXVIII. Viles personæ nullatenus admittantur ad accusationem sacerdotum.

Ne iudices causam personæ absentis sua sententia præsumant.

CCXXIX. Caucant iudices Ecclesiæ, ne absente eo cuius causa ventilatur, sententiam ferant, quia irrita erit, immo & causam in synodo pro facto dabunt.

Quod qui Episcopum accusat Dei ordinationem accusat.

CCLXXX. Dei ordinationē accusat, in qua constituuntur, si quis Episcopum accusat, vel cōdemnat, dum minus spiritalia, quam terrena sectatur.

Vt litem habentes siue petitor siue possessor si antistitum iudicium elegerint, ad eos dirigantur.

CCLXXXI. Volumus atque præcipimus, vt omnes ditioni nostræ Deo auxiliante subiecti tam Romani, quam Franci, Alamani, Baiouarij, Saxones, Thuringij, Fresones, Galli, Burgundiones, Brittones, Langobardi, Vvascones, Beneuentani, Gothi, Hispani, cæterique nobis

subiecti omnes, licet quocumque videatur
 legis vinculo constricti vel consuetudina-
 rio more connexi, hanc sententiam quam
 ex sexto decimo Theodosij Imperato-
 ris libro, capitulo videlicet xi. ad interro-
 gata Ablauij ducis illi & omnibus rescrip-
 tam sumpsimus, & inter nostra capitu-
 la pro lege tenendam consultu omnium
 fidelium nostrorum tam clericorum quam
 & laicorum posuimus, lege cunctis per-
 petua tenendam, id est. Quicumque li-
 tem habens siue possessor, siue petitor
 fuerit, vel in initio litis, vel decursis tem-
 porum curriculis, siue cum negotium
 peroratur, siue cum iam cœperit promi-
 sententia, si iudicium elegerit sacrosan-
 ctæ legis antistitis, illico sine aliqua dubi-
 tatione, etiam si alia pars refragatur, ad
 Episcoporum iudicium cum sermone li-
 tigantium dirigatur. Multa enim quæ in
 iudicio captiosæ præscriptionis vincula
 promi non patiuntur, inuestigat & pro-
 mit sacrosanctæ religionis auctoritas.
 Omnes itaque causæ quæ vel prætorio
 iure vel ciuili tractantur, Episcoporum
 sententiis terminatæ perpetuo stabilita-
 tis iure firmentur. Nec liceat vltius
 retractari negotium, quod Episcopo-

rum sententiis deciderit. Testimonium etiam ab vno licet Episcopo perhibitum, omnes iudices indubitater accipiant. Nec alius audiatur, cum testimonium Episcopi à qualibet parte fuerit repromissum. Illud est enim veritatis auctoritate firmatum, illud incorruptum, quod à sacrosancto homine conscientia mentis inlibatæ protulerit. Hoc nos edicto salubri aliquando censuimus: hoc perpetua lege firmamus, malitiosa litium semina comprimentes, ut miseri homines longis ac pene perpetuis actionum laqueis implicati ab improbis petitionibus vel à cupiditate perperam maturo fine discedant. Quicquid itaque de sententiis Episcoporum clementia nostra censuerat, etiam hac sumus lege complexi grauitatem tuam & cæteros pro utilitate omnium in perpetuum obseruare conueniet.

Vt ea inlibata seruentur, quæ patrum auctoritas catholicorum lege instituit.

CCLXXXII. Ea quæ circa catholicam legem vel olim ordinauit antiquitas, vel parentum nostrorum auctoritas religiosa constituit, vel nostra serenitas roborauit, nouella superstitione submota integra & inuiola custodiri præcipimus.

C A P I T V L.

Vt priuilegia quæ propter religionem instituta sunt, nulla interminatione noua mutilentur.

CCLXXXIII. Non nouum aliquid præsentis sanctione præcipimus, sed illa, quæ olim videntur indulta, firmamus. Priuilegia igitur quæ olim reuerentia religionis obtinuit, mutilari sub poenæ etiam interminatione prohibemus. Ita quoque vt qui Ecclesiæ obtemperant, his quibus Ecclesia beneficiis perfruantur.

Vt si chorepiscopi aliquam consecrationem aut firmationem fecerint, ab Episcopis canonice reformentur.

CCLXXXIII. Hominum confirmatio, Ecclesiarum, altarium, virginû, chrismatum, presbyterorum, diaconorum, & subdiaconorum consecrationes à chorepiscopis actæ ab Episcopis canonice ordinatis sunt reformandæ, canonicèque peragendæ: quia chorepiscopi hæc contingere non debuerunt, nec agere potuerunt. Non enim ea tribuere valuerunt, quæ non habuerunt. Nequaquam enim talis ordinatio, vel consecratio reiteratio esse à prudentibus & recte sapientibus videtur, sed irrita talis ordinatio & confirmatio, ac consecratio indubitâter fore agnoscitur. Si quis

autem chorepiscoporum aliquid ex prædictis agere tentauerit, non acta, sed imperfecta atque irrita erunt: & ipse omni ecclesiastico inreuocabiliter careat gradu.

De generali totius populi supplicatione apud principem pro sacerdotum causa, ne in hostem aut pugnam pergerent: & quale eis omnibus ex hoc immineat periculum, ex capitulis domni Karoli Imperatoris Vuormatiæ generaliter decretis atque ab omnibus firmatis, & cunctis pro lege tenendis contraditis.

CCLXXXV. Flexis omnes precamur poplitibus maiestatem vestram, vt Episcopi deinceps, sicut hætenus non vexentur hostibus, sed quando vos nōsque in hostem pergimus, ipsi propriis resideant in parochiis, Deoque fideliter famulari studeant, & earum sacrosancta mysteria canone, & Deo placite peragere satagant, atque pro vobis & cuncto exercitu vestro vnà cum omnibus sibi commissis orare viriliter, missasque decantare, & letanias atque eleemosynas agere decertant. Quosdā enim ex eis in hostibus & præliis vulneratos vidimus, & quosdam periisse cognouimus. Hæc vero valde periculosa, & oppido sunt cauenda, quæ idcirco suggerimus, ne pro talibus vos & nos simul pereamus. Nouit

Dominus quando eos in talibus videmus, terror adprehendit nos, & quidam ex nostris timore perterriti propter hoc fugere, & inimicis terga vertere solent. Plures enim potestis habere praeliatores. si illi propriis resident in parochiis, quàm si vobiscum pergunt. quoniam illi qui eos præuident, omnes tunc pugnabūt: quod modo nequaquam faciunt, sed eos tantummodo custodiunt. Nam sine dubio potius vobis nobisque proficere possunt, si remanserint, quàm si in hostem, vel ad pugnam perrexerint: quia tunc eorum precibus adiuvamur, & modo eorum pressuris grauamur. Quando vero Moyſes expansis ad cælum manibus orabat, vincebat Israël: & quando à precibus cessabat, & manus eius grauabantur, priusquam sustentatæ fierent, & ipse precibus insisteret, vincebatur, & terga vertebat. Talibus ergo & multis aliis exemplis fulti, quorum prolixitatem vitantes modo non dicimus, quia sapienti semel dicta sufficiunt prædicta, obnixè omnes precamur, & vt concedantur rogamus, quia nullatenus volumus adsentire, vt nobiscum ad talia pergant: nisi duo aut tres bene docti, electione videlicet cæterorum, ad benedictionem dandam, &

ad

ad periclitantium reconciliationem faciendam, ne vos & nos simul cum pluribus pereamus, sed eorum precibus, ut iam memoratum est, fulciamur. Quam formam & de sacerdotibus tenere optamus, id est, ut nec illi in hostem nisi benedicti, & ipsi electione atque permissione priorum Episcoporum, qui tamen tales sint, de quorum scientia & vita ac conuersatione omnes securi esse possimus. Illud tamē vobis & omnibus scire cupimus, quod non propterea hæc petimus, ut eorum res aut aliquid ex eorum pecuniis, nisi ipsis aliquid sponte nobis dare placuerit, aut eorum Ecclesias viduari cupiamus: sed magis eis, si Dominus posse dederit, augere desideramus ut & ipsi & vos & nos saluiore simus, & Deo potius ipso amminiculante placere mereamur: Scimus enim res Ecclesiæ Deo esse sacratas, scimus eas esse oblationes fidelium, & precia peccatorum, qua propter si quis eas ab Ecclesiis, quibus à fidelibus collatæ Deoque sacratæ sunt, aufert proculdubio sacrilegium committit. Cæcus enim est, qui ista non videt. Quisquis ergo nostrum suas res Ecclesiæ tradit, Domino Deo illas offert atque dedicat, suisque sanctis & non alteri, dicendo talia, & agendo ita. Facit

enim scripturam de ipsis rebus; quas Deo dare desiderat, & ipsam scripturam coram altari, aut supra tenet in manu dicens eiusdem loci sacerdotibus atque custodibus, Offero Deo, atque dedico omnes res, quæ hac in chartula tenentur insertę pro remissione peccatorum meorum, ac parentum, & filiorum, aut pro quocunque illas Deo deliberare voluerit ad seruiendum ex his Deo in sacrificiis, Missarumque solenniis orationibus, luminariis, pauperum ac clericorum alimoniis, & cæteris diuinis cultibus, atque illius Ecclesiæ vtilitatibus. Si quis autem eas inde, quod fieri nullatenus credo, abstulerit, sub pœna sacrilegij ex hoc Domino Deo, cui eas offero atque dedico, distriçtissimas reddat rationes. Ponnit etiã in ea alias coniurationes, quas enumerare longum est. Nam qui eas inde postea aufert, quid agit nisi sacrilegium? Si ergo amico quippiam rapere furtum est, Ecclesiæ vero fraudari vel auferri indubitanter sacrilegium est. Vnde & in sacris canonibus spiritu Dei conditis habetur ita. Si quis oblationes Ecclesiæ extra Ecclesiam accipere, vel dare voluerit præter Episcopi conscientiam, vel eius cui huiuscemodi sunt officia commissæ, nec cum eius voluerit

agere confilio anathema sit. Absit enim, vt rerum Ecclesiarum cupiditate vel ablatione sacrilegi, aut anathema efficiamur, aut talibus laqueis vnquam deuinciamur, quoniam scimus anathematos homines, vel sacrilegos, non solum infames, & à consortio fidelium priusquam hæc per publicam satisfactionem Ecclesiæ & Episcoporum recõciliationem, manusque impositionem emendent, alienos esse, sed etiam à regno Dei extorres fieri, si in talibus defecerint nõ dubitamus. Vt ergo omnis suspicio à nobis cūctis sacerdotibus, & omnibus Christi, & sanctæ Dei Ecclesię fidelibus fūditus auferatur, profiteamur omnes stipulis dextris in manibus tenētes, eaque propriis è manibus eiiciētes, corā Deo & Angelis eius, ac vobis cūctisque sacerdotibus, & populis circūstātibus, nec talia facere, nec facere volentibus consentire, sed magis Deo auxiliante resistere. Et hoc vobis omnibúsque fidelibus sanctæ Dei ecclesię, & nostris notum esse cupimus, quod cum his qui absque voluntate aut consensu, vel datione rectoris illius Ecclesiæ, cui ipsæ res iuste esse debentur, & maxime proprij Episcopi res Ecclesiæ à regibus petere, aut retentare, vel auferre, aut inuadere

C A P I T V L.

vel vastare præsumpserint, nec in hostē, nec ad pugnam, ire nec cibum sumere, nec ad Ecclesiam, vel ad palatium, aut in itinere pergere, nec etiam nostros homines cum eorum hominibus aut caballos, vel reliqua pecora nostra cum eorum pecoribus, aut ad pastum ire, aut simul habitare, vel manere, nec vllam participationem cum eis, nisi pro emendatione ante publicam emendationem & ecclesiæ satisfactionem vnquam scienter, aut libenter habere debeamus, ne pro eorū iniquitatibus atque flagitiis vna cū eis nos & nostri, quod absit, pereamus. Scimus enim quia perit iustus pro impio. Tales verò à nobis, si nos fideles habere vultis, segregate, & in ergastulū sub publica pœnitentia redigite, & postulata concedite. Vt ergo hæc omnia à vobis, & à nobis, siue à successoribus vestris, & nostris futuris temporibus absque vlla dissimulatione conferuentur, scriptis Ecclesiasticis inserere iubete, & inter vestra capitula interpolare præcipite.

*Ne episcopi ad bella pergant concessio domini
Karoli Imperatoris.*

CCLXXXVI. Omnibus notum esse volumus, quia non solum ea quæ super episcoporum & presbyterorum hostium vexationibus,

& precibus pro nobis & vobis fieri rogastis, concedere optamus, sed quicquid pro sanctæ Dei ecclesiæ & sacerdotum, siue totius populi, & vestra vtilitate inueneritis, concedere paratissimi sumus, & modo ista sicut petistis concedimus: & quando vita comite, Deo auxiliante ad generale placitum venerimus, sicut petistis consultu omnium fidelium nostrorum scriptis firmare nostris, nostrorumque atque futuris temporibus inrefragabiliter manenda firmissimè Domino amminiculante cupimus: Modo ea quæ generalia sunt, & omnibus conueniunt ordinibus statuere, ac cunctis sanctæ Dei ecclesiæ, nostrisque fidelibus ob Dei omnipotentis amorem & recordationem tradere parati sumus: & ad proximum synodalem nostrum conuentum ac generale placitum, vbi plures episcopi & comites conuenerint, ista sicut postulastis, firmabimus.

Ex quibus supra sacerdotibus omnibus.

CCLXXXVII. Studendum est episcopis, vt dissidentes fratres magis ad pacem, quam ad iudicium cohortentur.

Auctoritas ecclesiastica, atque canonica docet non debere absque sententia Romani pontificis concilia celebrare.

C A P I T V L.

Episcopi intercessione præstent his qui iniqua vi opprimuntur.

Nullus episcopus nisi in legitima synodo & suo tempore apostolica, atque canonica vocatione congregata super quibusdam criminibus pulsatus audiatur.

Varis detractationibus & accusationibus non decet labefactari primatem, sed magis patrum regulis roborari. Nam & Liberius Papa pro Athanasio duobus annis in exilio trusus est: & multi alij Episcopi, qui cum damnare noluerunt, exilio sunt damnati, quorum exemplum omnes conuenit sequi sacerdotes.

Multum derogatio præualet, quādo derogator creditur fide dignus: ideo nō omnes admittendi sunt, sed viri probatissimi.

Omnis accusatio intra prouinciam audiatur, & à comprouincialibus terminetur ultra prouinciæ terminos accusandi licentia non progrediatur.

Episcopos eiectos, atque suis rebus expoliatos in sedes proprias recipi, & sua omnia legaliter primo eis reddi sancti canones decreuerunt: & postea si quis eos accusare vellet, æquo periculo facere fanciuerunt, iudices esse decernentes Episcopos recta sapientes, in Ecclesia conuenientes, ubi te-

stes essent singulorum, qui oppressi esse videbantur.

Placuit, vt si quæcunque persona contra Episcopum, vel actores Ecclesiæ se proprium crediderit habere negocium, prius ad eum recurrat charitatis studio, vt familiari colloquio commonitus ea sanare debeat, quæ in querimoniam deducuntur, quam rem si deferre voluerit, sententiam suscipiat excommunicationis.

Si quæ causæ vel contentiones inter clericos & laicos tam maioris ordinis, quam etiam inferioris fuerint exortæ, placuit vt secundum synodum Nicænam congregatis omnibus eiusdem prouinciæ Episcopis iurgium terminetur, nec cui liceat sine præiudicio tamen Ecclesiæ Romanæ, quæ in omnibus causis debetur reuerentia custodiri, relictis his sacerdotibus, qui in eadem prouincia Dei Ecclesias nutu diuino gubernant, ad alias conuolare prouincias, vel aliarum prouinciarum Episcoporum iudicium expeti vel pati, nisi fuerit prouocatum. Quod si quis præsumpserit, & ab officio cleri depositus, & iniuriarum reus, ab omnibus iudicetur. Si autem maiores causæ in medio fuerint deuolutæ ad sedem Apostolicam, vt sancta synodus statuit, &

beata consuetudo exigat, post iudicium Episcopale referatur. Prudentissime iustissimeque decreta Nicæni cōcilij atque Africanī decreuerunt quæcūque negocia in suis locis, vbi orta sunt finienda. Maxime quia vnicuique concessum est, si iudicio offensus fuerit cognitorum, ad concilia suæ prouinciæ, vel etiam vniuersale prouocare.

Seruata quæ scripta est de gubernationibus regula, manifestum est, quid illa quæ sunt per vnamquamque prouinciā ipsius prouinciæ synodus dispenset, sicut Nicæno constat decretum esse concilio.

Quæcūque sunt ad religionis obseruantiam pertinentia locis suis, & à suæ dioceseos synodis audiantur. Vnaquæque prouincia suo metropolitano, & suis comprouincialibus Episcopis sit contenta. Maledictus omnis qui transfert terminos proximi sui, & dixit omnis populus, amen & reliqua. Qui sunt supra diocesin Episcopi nequaquam ad Ecclesias, quæ sunt extra præfixos sibi terminos, accedant: nec eas aliqua præsumptione confundant: non oportet transferri terminos à patribus constitutos, vt alter alterius parochiam inuadat, atque illuc celebrare diuina my-

steria inconsulto eo, cui commissæ est præsumat.

*De eo qui facultatem deprædationis dederit
malitiosa factione, ut viuus
comburatur.*

CCLXXXVIII. Si quis scelerata factione facultatem deprædationis dederit, vel si quis factam dimiserit, viuus comburatur.

*Vt capitale supplicium excipiat, qui violentiam
commississe dignoscitur.*

CCLXXXIX. Qui manifestam detigitur commississe violentiam, non iam relegatione aut deportatione insulæ plectatur, sed supplicium capitale excipiat. Nec interposita prouocationis sententia, quæ in cum fuerit dicta, suspendatur, quoniam nulla facinora sub vno violentiæ nomine continentur. Cum aliis vim inferre tentationibus, aliis cum indignatione resistentibus, verbera cedensque crebro detegatur admissæ: Vnde placuit ut si forte quis vel ex possidentis parte, vel ex eius qui possessionem temerare tetauerit interemptus sit, in cum supplicium exeri qui vim facere tetauerit, & alterutri parti causam malorum præbuit.

De eo qui sibi indebitum locum usurpauerit.

CCXC. Si quis indebitum sibi locum usurpauerit, nulla se ignorance defendat, sit-

CAPITVL.

que plenē sacrilegij reus , qui hoc agere
tētauerit.

*Vt si Ecclesiæ priuilegia alicuius temeritate
fuerint corrupta, piaculum v. librarum
auri pœna multetur.*

ccxci. Si Ecclesiæ venerabilis priuilegia
cuiusquam fuerint temeritate violata , vel
dissimulatione neglecta , commissum v. li-
brarum auri condemnatione plectatur.

*De priuilegijs Ecclesiarum, quatenus incorru-
pta persistant.*

ccxcii. Præcipimus vt priuilegia quę Ec-
clesiis & clericis lege concessa sunt, maneāt
incorrupta.

*Quod seruari debeat potius quam auferri, quod
sanctæ Dei Ecclesiæ fuerit collatum.*

ccxciii. Iniquum est & sacrilegij instar vt
quæ pro salute vel requie animarum suarū
vnusquisque venerabili Ecclesiæ contule-
rit , aut certē reliquerit ab his quibus ma-
xime seruari conuenerat auferri, & in aliud
transferri.

*Vt laicis quamlibet religiosis, nullā sit dispo-
nendi , de rebus Ecclesiæ data facultas.*

ccxciiii. Laicis quamuis religiosis nulla
de ecclesiasticis facultatibus aliquid dis-
ponendi legitur vnquam attributa facul-
tas,

*Quod prædones Ecclesiæ sacrilegi sint, sicut
scripturæ testimonio comprobatur.*

CCXCV. Sacrilegi sunt Ecclesiæ prædones,
vnde & in concilio Agatenſi sub quarto
cap. decretum habetur ita: Amico quid-
piam rapere furtum est: Ecclesię verò frau-
dari, vel abſtrahi, ſurripique ſacrilegium.
Omnes enim contra legem facientes, reſ-
que Ecclesiæ diripientes, vel Ecclesias ſa-
cerdotésque contra diuinas ſanctiões ve-
xantes, ſacrilegi vocantur atque indubi-
tanter infames ſacrilegique habēdi ſunt.

*Quod ea quæ Domino conſecrantur, ad ius
eccleſiaſticum pertineant.*

CCXCVI. Ea quæ Domino offeruntur vel
conſecrantur, ad ius pertinet ſacerdotum,
& ſacrilegi ſunt omnes, qui ea auferūt, vel
in alios transferunt.

*Vt ſi quis dignitatem præſumpſerit quam non
meruit à principe vel iuſto ſeniore
ſacrilegus habeatur.*

CCXCVII. Si quis præſumpſerit, quam non
meruit à principe vel ſeniore dignitatem,
ſacrilegus habeatur.

*Vt nulli qui diuerſis ſceleribus implicati ſunt
ad accuſationem vel ad testi-
monium admittantur.*

CCXCVIII. Homicidæ, malefici, fures, ſacri-

CAPITVL.

legi, raptōres, venefici, adulteri, & qui raptum fecerint, vel falsum testimonium dixerint, seu qui ad sortilogos magōsque cūcurrerint, nullatenus erunt ad accusationē vel ad testimonium admittendi.

De Episcopo deposito qui se ad Romanum pontificem reclamauerit.

ccxcix. Si quis Episcopus depositus agendum sibi negotium in vrbe Roma proclamauerit, alter Episcopus in eius cathedra post appellationem eius qui videtur esse depositus omnino non ordinetur, nisi causa fuerit iudicio Romani Episcopi determinata.

Ne in prædicatores Ecclesiæ detractiones seu vituperationes fiant, quod canonica scriptura damnat.

ccci. Quod omnibus fidelibus omnibūque ordinibus summoperè cauendum sit, ne clanculò aut publicè vnctum Domini detractionibus & vituperationibus dilanient, perpendentes illud exemplum Mariæ, quæ eo quod Moyfi famulo Domini propter Æthiopissam detraxit immunditia lepræ multata sit. Et illud Psalmistæ: Noli tangere Christos meos, & in prophetiæ meis nolite malignari. Et Dominus per Moisen ait, Diis non detrahes, & principi

populi tui non maledices. Et si Dauid regum iustissimus in Saül quem constabat iā a Domino reprobatum, & abiectum esse, manum mittere non præsumpsit, multò magis cauendum est ne manum detractio-
nis aut vituperationis siue indiscretio-
nis aut dehonorationis quidam mittant in vnctū Domini vel in prædicatores san-
ctæ Dei Ecclesiæ.

*Quod Episcopi inter se corrigere, si quid
ortum fuerit debent.*

ccci. Constantinus Imperator de accusa-
tionibus Episcoporum ait: hæ quidem ac-
cusationes tempus habebunt proprium, id
est diem magni iudicij: iudicem verò illum
qui tunc futurus est omnes iudicare. Mihi
ergo homini constituto de huiuscemodi
rebus non licet habere auditorium sacer-
dotum, scilicet accusantium & simul accu-
satorum, quos minime conuenit tales de-
bere monstrari qui iudicentur ab aliis. Im-
perator quoque Valentinianus de Episco-
porū causis sic ait: Supra nos inquit est ve-
strum negotium, & ideo vos de vestris in-
ter vos agite causis, quia supra nos estis. Et
reliqua.

De sacrilegis quod fures sint teste scriptura.
cccii. Omnib⁹ sciendū est q̃ sacrilegi fures

sint cuncti, qui res Ecclesiæ diripiunt, va-
 stant, inuadunt, vexantque, aut à iure Ec-
 clesiarum, quibus traditæ fuerant iniuste
 alienant. Vnde & beatissimus Augustinus
 in homelia quadragesima octaua Euāgelij
 Ioannis ita dicit: Ecce inter sanctos est
 Iudas, ecce fur est Iudas & ne contemnas,
 fur sacrilegus non qualiscunque fur, fur lo-
 culorum, sed dominicorum: loculorū sed
 sacrorum: si crimina discernuntur in foro
 qualiscunque furti & peculatus. Peculatus
 enim dicitur furtum de republica. Et non
 sic iudicatur furtum rei priuatæ quo mo-
 do publicæ. Quanto vehemētius iudican-
 dus est sacrilegus fur? nō vndecunque tol-
 lere: sed de Ecclesia tollere qui aliquid de
 Ecclesia aufert vel furatur, Iudæ proditori
 comparatur. Nota quod aliquid de Eccle-
 sia tollere furtum esse, beatus Augustinus
 asseueret, & patratores tanti furti, furem
 sacrilegum appellat, nec non & Iudæ per-
 dito æquiparet: & post pauca: Quare in-
 quit loculos habuit cui Angeli ministraue-
 runt, nisi quia Ecclesia ipsius loculos suos
 habitura erat? Ecce quibus tanti doctoris
 documētis instruimur, quia quod in capi-
 te præcessit, in corpore eius quod est Ec-
 clesia videtur impletum: Porro Christum

& Ecclesiam vnā personam esse nō nescimus: & ideo quæ Ecclesiæ sunt, Christi sunt, & quæ Ecclesiæ offeruntur, Christo offeruntur, & quæ ab Ecclesia eius tolluntur, proculdubio Christo tolluntur. Esto futurum erat vt Ecclesia Christi nummos haberet, si nummos vtique & prædia, & mancipia, & diuersarum specierum innumera ornamenta, & quia illicitum sit ea quæ conferuntur Ecclesiæ, auferri, beati Hieronymi scribentis in expositione Matthæi Euangelistæ, verba ita testantur: Omnis, inquit, qui stipe templi & his quæ conferuntur in vsus Ecclesiæ abutuntur in aliis rebus quibus suam expleant voluntatem, similes sunt scribarum & sacerdotum redimentium mendacium & sanguinem saluatoris.

Quod quicquid offertur Domino sanctum sacrorum sit, & ad ius pertineat sacerdotum.

ccchii. Nulli liceat ignorare, quod omne quod Domino cōsecratur siue homo fuerit, siue animal, siue ager, vel quicquid semel fuerit cōsecratum sanctum sacrorum, erit Domino, & ad ius pertinet sacerdotū. Propter quod inexcusabilis erit omnis qui ea Domino & Ecclesiæ quæ competent, aufert, vastat, iuuadit, vel diripit, vs-

que ad emendationem, Ecclesiæ quæ satisfactionem quod sit sacrilegus, & non tantum sacrilegus, sed etiam fur sacrilegus.

De his sacrilegis qui Ecclesiæ eiusque sacerdotibus iniurias inferunt.

ccciiii. Si quis in hoc genus sacrilegij proruperit, vt in Ecclesias, earumque res intruēs, sacerdotibus & ministris, vel ipso cultui locoque aliquid importet iniuriæ, vel inferat ad diuini cultus iniuriam, in conuictos siue confessos reos capituli sententia nouerit vindicandum. Nec expectetur vt Episcopus iniuriæ proprię ultionem deposcat, cui sanctitas ignoscendi soli gloriam derelinquit, Sitque cunctis non solum liberum, sed etiam laudabile factas atroces sacerdotibus aut ministris iniurias, veluti publicum crimen persequi, ac de talibus reis ultionem mereri.

Quod omnia quæ Domino offeruntur proculdubio & consecrantur.

cccv. Omnia quæ Domino offeruntur, proculdubio Domino cōsecrantur, & non solum sacrificia quæ à sacerdotibus super altare Domino consecrantur, oblationes fideiū dicuntur, sed quæcunque ei à fidelibus offeruntur, siue in mancipiis, siue in agris, vineis, syluis, pratis, aquis, aquarumue decursibus,

curfibus,artificiis,libris,vtenfilibus,petris;
edificiis,vestmentis,pellibus,lanificiis,pe-
coribus,pascuis,membranis,mobilibus,
& immobilibus,vel quæcunque de his re-
bus quæ ad laudem Dei fiunt vel supple-
mentum sanctæ Dei Ecclesiæ eiúsque sa-
cerdotibus,atque ornatû præstare possunt
Domino Ecclesiæque siue à quibuscun-
que ultro offerûtur, Domino indubitâter
consecrantur,& ad ius pertinēt sacerdotû.
Et quia Christû & Ecclesiã vnã personam
esse veraciter agnoscimus,quæcunque Ec-
clesiæ sūt,Christi sunt.Et quæ Ecclesiæ vel
in supradictis vel in quibuscunque specie-
bus,siue pollicitationibus,siue pignoribus,
siue scriptis,siue corporalibus rebus offe-
runtur,Christo offerûtur,& quæ ab Eccle-
sia eius quocunque commento alienantur
vel tolluntur,siue alienando,siue vastan-
do,siue inuadendo,siue minorando,siue
diripiendo,Christo tolluntur.Et si ab ami-
co quippiam rapere furtum est, præcipuè
Christo Domino nostro, qui est rex regû,
& Dominus dominâtium,aliquid auferre,
alienare,subripere,vel vastare sacrilegium
est: omnes namque Ecclesiæ prædones
manifestissimè sunt sacrilegi,& nullus sa-
crilegus nisi per puram probatamque at-

que publicam pœnitentiam & per Ecclesiæ satisfactionem Episcoporumque per manus impositionem iuxta canonicas sanctiones reconciliationem, regnū Dei possidebit: & non solum à regno Dei fit alienus, sed etiam à liminibus sanctæ Ecclesiæ, & præcipue ab illius quam læsit vsque ad prædictam satisfactionem extorris efficitur. Talium verò scelerum patratibus nisi post prædictam satisfactionem nec viuis nec mortuis communicare debemus, quia qui rapit pecuniam proximi sui iniquitatem facit, qui non solum sacrilegi, sed etiam fures, sacrilegi & lupi atque homicidæ pauperumque necatores sunt, & insuper anathematis vinculo damnati, coram Deo & sanctis eius efficiuntur.

*De eo qui se incestuoso ordine his qui personis
quibus à diuinis regulis prohibitum
est coniunxerint.*

cccvi. Si quis non eo gradu se incestuoso ordini cum his personis quibus à diuinis regulis prohibitum est coniunxerit: vsquequo pœnitentiam sequestratione testetur, vtrique communionem priuentur: & neque in palatio habere militiam, neque in foro agendarum causarum licentiam habebūt. Nam quoquomodo prædicti se incesto

coniunxerint Episcopi seu presbyteri in quorū diœcesi vel pago actū fuerit, regi vel iudicibus, scelus perpetratum denuntient: vt cum ipsis denunciatum fuerit, ab eorum communione & cohabitatione sequestrētur. Res autem eorum ad primos parentes, vsque ad sequestrationem perueniant: sub ea conditione, vt antequam segregentur, vt per nullum ingenuum, neque per parentes, neque per emptionem, neque per auctoritatem regiam ad proprias perueniant facultates, nisi præfatum scelus sequestrationis separationem & pœnitentiam fateantur.

Ex libro legū Theodosij. III. cap. XII. de incestis.
cccvii. Quod incesti non sint legitimi hæredes, sed infamia sint notatæ utræque personæ.

*Vt nullus deuotam Deo virginem vel viduam
coniugem accipiat.*

cccviii. Vt deinceps sicut canones Ecclesiastici perhibent nullus Deo deuotam virginem nullus sub religionis habitu consistentem, siue viduitatis continentiam professam vel sui proximam generis, aut etiam de cuius ammixtione incestiuæ notam possit subire infamiæ illicito connubio, aut vi aut cōsensu accipiat coniugem.

Quia nec verum poterit esse coniugium quod à meliori proposito deducitur ad deterius, & sub falsi nominis copula incestiua pollutione & fornicationis immunditia perpetratur. hòc verò nefas si agere à mūdo cuiuslibet gentis homines sexus vtriusque tentauerint, insistente sacerdote vel iudice, etiamsi nullus accuset omnimodis separati exilio perpetuo relegentur: Nec aliqua indè finitione sui quousque vixerint, longitudine temporis excusentur.

Quod blasphemiam Deo inferat, qui se cum Deo sacrata commiscuerit.

cccix. Scire vos conuenit, quia blasphemiam Deo irrogat, qui cum Deo sacrata, vel cum velata fœmina se commaculat.

Vt clericus proprio honore priuetur, si cum fœmina Deo sacrata, vel velata se commiscuerit.

cccx. Si clericus cum velata fœmina, vel cum Deo sacrata se maculauerit, proprio honore priuetur.

Quod sacrilegi & violatores iuxta Apostolicum sint qui violant sacratarum fœminarum corpora.

cccxi. Sciendum est omnibus quod Deo sacratarum fœminarum corpora per votum propriæ sponsionis & verba sacerdo-

tis Deo consecrata templa esse scripturarum testimoniis cōprobantur: & ideo violatores earum sacrilegi ac iuxta Apostolum filij perditionis esse noscuntur.

Quod fornicatio omnibus peccatis periculosior esse perhibetur.

cccxii. Quod pene omnibus peccatis grauior & deterior sit fornicatio & veraciter dici potest laqueus mortis & puteus inferni, ac vorago perditionis, eo quòd adulteri vel luxuriosi propter cordis inopiam perdunt animas suas. Nā vt ait scriptura, Precium scortæ vix vnus est panis, & qui se iungit meretrici vnum corpus efficitur, & qui luxuriatur mortuus est in corpore viuentē.

De excommunicandis iudicibus & potentibus qui non se emendauerint.

cccxiii. Vt iudices aut potentes qui pauperes opprimunt si commoniti à pontifice suo se non emendauerint, excommunicentur.

Vt Episcoporum iudicio incesta matrimonia emendentur.

cccxiv. Præcipimus vt iuxta decreta canonum adulteria & incesta matrimonia quæ non sunt legitima prohibeantur, & Episcoporum iudicio emendentur.

*Quod in eo loco unicuique manendum sit ubi
votum vouerit.*

cccxv. Vt vnusquisque in eo loco ubi constitutus fuit, & ubi votum vouit, ibi maneat, & ibi reddat vota sua.

Quod maximum peccatum sit spiritualis commatris coniunctio.

cccxvi. Sciendum est omnibus, quod cōiunctio spiritualis commatris, maximū peccatum sit, & diuortio separandum, atque capitali sententia multandum vel peregrinatione perpetua delendum.

De eo qui paganas obseruationes fecerit.

cccxvii. Decreuimus sicut & antecessores vel parentes nostri olim decreuerunt vt qui paganas obseruationes in aliqua re fecerit, mulctetur & damnetur quindecim solidis.

*Præceptio vt mancipia Christiana, paganis vel
Indæis non tradantur.*

cccxviii. Præcipimus generaliter omnibus vt mancipia Christiana paganis vel Iudæis non tradantur.

*Vt omnes nouerint quantum malum sit Deo
sacratas vel reliquas incestare.*

cccix. Iubemus omnes scire omnibūque populis sacerdotibus prædicare atque sub pœna sacrilegij denunciare, quantum ma-

lum & quàm maximum flagitium sit cum Deo deuotis fœminis, viduis vel virginibus, siue cum velatis siue cum Deo deuotis maximèque cum sanctimonialibus, & sacratibus Deo virginibus, vel viduis tam in monasteriis quam extra commisceri. Nam hoc peccatum duplex esse nō dubium est, vt verbi gratia dicamus cuius vindictę reus sit puer ante Dominum suum qui vxorem Domini sui adulterio violauerit, quantò magis ille qui sponsam Christi creatoris cœli & terræ putredine suâ libidinis commaculauerit, dicente beato Paulo Apostolo. An nescitis quia corpora vestra templa sunt Spiritus sancti? Et alibi: Nescitis quia templum Dei estis, & spiritus Dei habitat in vobis? Si quis autem templum Dei violauerit disperdet illum Deus, templum Dei sanctum est, quod estis vos. Et iterum idolatriæ seruituti, adulteros & fornicatores in sermone & numero peccatorū iungit, dicens: An nescitis quia iniqui regnum Dei non possidebunt? nolite errare quia neque fornicarij neque idolis seruientes, neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces regnum Dei possidebunt.

Vt Ecclesiarum privilegia, facultates siue quicquid ad easdem pertinet, nullus inuadere præsumat.

cccxx. Præcipimus omnibus ditioni nostræ subiectis, vt nullus privilegia Ecclesiarum monasteriorum infringere, resque Ecclesiarum inuadere, vel vastare, aut alienare, vel facultates earum diripere præsumat nec sine præcatio possidere pertentet, quia sicut à sanctis patribus instructi sumus grauissimum peccatū hoc esse dignoscitur testāte sacra scriptura quæ ait : qui abstulerit aliquid patri vel matri, & dicit hoc non esse peccatū, homicidij particeps est. Pater noster sine dubio Deus est, qui nos creauit, mater nostra Ecclesia, quæ nos in baptismo spiritualiter regenerauit. Ergo qui Christi pecunias & Ecclesiæ fraudat vel rapit, siue vastat vel alienat, homicida ante conspectum iusti iudicis esse deputabitur, de quo quidam sapientum dicit, qui rapit pecuniam proximi sui, iniquitatem facit, qui autem pecuniam Ecclesiæ abstulerit sacrilegium facit.

Vt neque rex, neque seculariū quisquam per vim prædia Ecclesiarum rapiat, quas Episcopi abbates vel abbatissæ possident.

cccxxi. Omnibus nos ipsos corrigentes

posterisque nostris exemplum dantes qualiter interdicimus, ut nullus laicus homo vel Imperator, vel Rex, aut aliquis præfectorum vel comitum seculari potestate fultus sibi per violentiam rapiat aut à nobis competere vel quocūque modo inuadere præsumat monasterium aut prædia vel quascunque res de potestate Episcopi vel abbatis aut abbatissæ, & incipiat ipse vice abbatis regere & habere sub se monachos, & pecuniā possidere quæ fuit Christi sanguine cōparata. Talem hominē antiqui patres nominabant raptorē & sacrilegum & homicidam pauperū & lupum diaboli intransentem in ouile Christi, & maxime anathematis vinculo damnandum ante tribunal Christi. De talibus memores estote scripturæ sancti Pauli Apostoli ad Timotheum dicētis, Diuitibus huius sæculi præcipe non sublime sapere, neque sperare in incerto diuitiarum, sed in Deo qui præstat omnia: Tales si ecclesiæ correctionem non recipiunt ethnicis & publicanis sunt similes, quibus nec uiuis nec mortuis communicat Ecclesia Dei. Talibus quia & hic & ibi reperiuntur cum tuba Dei plangamus, ne tacentes damnemur, aut simul, cum eis pereamus. Si autem impietate horribilis

est Deo ille qui impiè agit, certò separatus est talis à Deo, & anathemati iuste subicitur. Anathema enim nihil aliud significat nisi à Deo eiusque atque sanctæ Ecclesiæ fidelibus separatione, sicut in veteri & nouo testamento iudicium de anathemate significat.

De his qui non solum de rebus suis aliquid Ecclesiæ conferunt, sed etiam ab aliis collatas iniuste possident.

ccccxii. Placuit nobis & ab omnibus obseruari conuenit, vt qui nonnulli memores sui per quaslibet scripturas pro remedio animæ suæ de facultatibus suis Ecclesiis aliquid contulisse probatur, quod à diuersis, Deum minus timentibus hætenus mortifica calliditate tenetur, ita vt aliorum oblatio illis pertineat ad remedium, nec intueri corde possunt diem iudicij Domini, qui hoc cupiditatis delectantur ardore. Quicumque immemor interitus sui res Ecclesiis, vt supra diximus, delegatas iniustè possedit præsumpseritque retinere, & vetita comperta res Dei seruis dissimulauerit reformare ab omnibus Ecclesiis segregatus, à sancta cõmunionem habeatur extraneus. Nec aliud merentur habere remediũ, nisi cum culpam propriam rerum emendatio-

ne purgauerit: Indignè enim ad altare Domini properare permittitur, qui res Ecclesiasticas aut audet rapere aut iniuste possidere, qui verò in hac iniqua defensione perdurant, vt necatores pauperum omnes iudicandi sunt, quod eorum taliter alimenta subtraxerint. Sacerdotalis tamen debet esse prouisio vt vindictam admonitio manifesta præcedat, & res vsurpata sin iustè qui abstulit adhibita æquitate restituat. Quod si neglexerit & necessitas compulerit, postea prædonem sacerdotalis districtio maturata percellat. Neque quisquã per interregna absque proprij Episcopi auctoritate res dispēsare nitatur, quia Dei potentia cūctorum regnorum terminos singulari dominatione concludit. Qui vero his nostris sanctionibus contraierit, & quæ neglexit legibus emendare tardauerit, vel deinceps in prædicta nequitia perdurare voluerit, omnes honores quos habere videbatur perdat, & à nobis seculariter & legaliter strictim fortitèrque puniatur, & à sacerdotibus cœlesti gladio feriatur, & si se non correxerit non solum excōmunis sed etiam anathematizatus moriatur.

*De rebus Ecclesiæ quæ sibi iure debentur ne
in aliud transferantur.*

cccxxiii. Sciendum est omnibus quod sacrilegium sit res Ecclesiæ quocunque modo iniuste ab Ecclesiis, quibus iure debentur auferri, & in aliud transferri.

Quod homicidæ ante Deum deputentur, qui res Ecclesiæ vastant.

cccxxiiii. Volumus omnes scire quod qui Christi & Ecclesiæ pecunias auferunt, resque eius fraudant, rapiunt, vastant vel diripiunt; homicidæ ante Deum esse deputantur, quia res pauperum quos Ecclesia pascere debet diripiunt.

Vt capitali pœna multentur qui sacrilegia, adulteria, prædationes aut deuastationes exercuerint.

cccxxv. Sub pœna capitali sacrilegia, adulteria, prædationes vastationesque in regno nostro à quibuscunque fieri prohibemus. Ita vt si voluntariè quis ex his vnum vel aliquid fecerit de vita componat, & omnes res eius tam mobiles quam & immobiles fisco nostro socientur vel Ecclesiæ cuius res vastauerit, vel alienauerit, aut abstulerit tradantur. Maximum enim sacrilegium est oblationes fidelium quæ sunt res ecclesiarum auferre, vastare, alienare, inuadere, vel surripi. Nam vt ait sacra scriptura, Neque sacrilegi, neque adulteri, neque prædones, vel vastatores, qui sunt rapto-

res, regnū Dei possidebunt. Et si hi qui res fratrum diripiunt à regno Dei alieni fiunt, quid super his fieri putatis, qui res Deo dicatas diripiunt vel auferunt? Nam quantò grauius quis in præsentī seculo peccat, tantò grauius in inferno torquebitur?

*De viris quod in castitatē uxores suas diligere
eisque ut vasi infirmiori custodiam & reli-
quam necessitatem debeant impendere.*

cccxxvi. Omnes, scire volumus quod iubente Deo viri uxores suas in castitate debeant diligere, & eis ut pote vasi infirmiori honorem & custodiam atque cuncta quæ necessaria sunt, prout quisque potuerit, ministrare fideliter debebit. Quod & nos qui ministri Domini sumus, nec sine causa Dei gladium portamus Episcopali in vice omnium Episcoporum atque regali auctoritate pro viribus cunctos agere iubemus.

De conseruanda fide inter virum & uxorem.

cccxxvii. Scire omnes volumus, sicut & sæpius à Domini Episcopis & reliquis Dei seruis admoniti sumus, quod viri vxoribus suis, & uxores similiter viris suis veraciter fidem & dilectionem seruare debent, & non in aliquo ab his declinare, & quod non liceat cōiugatis, neque pellicem neque concubinam habere.

C A P I T V L.

*Ne clerici cuiuslibet ordinis à quibuslibet laicis
iniurientur, vel apud alios quam apud*

Episcopos accusentur.

cccxxviii. Et neque presbyteri, neque
diaconi, neque subdiaconi de Ecclesiis tra-
hantur, aut iniuriam aliquam eorum in scio
Episcopo patiantur, sed quicquid quis ad-
uersus eos habuerit, in notitiam Episcopi
proprij perducatur & ipse causam, iustitia
præeunte, discutiens animo, clericos ac-
cusanti satisfaciat.

*Vt hi qui Innocentes apud principem vel apud
alios accusauerint damnentur.*

cccxxix. De his qui Innocentes apud
principes aut iudices accusare cōuicti fue-
rint, si clericus honoratior fuerit ab officij
sui ordine degradetur, si vero secularis,
pœnam quā ipsi sicut uicti esset passuri erāt
patiantur: & insuper si talis causa fuerit vn-
de viuere debeant, à sacerdotibus publica
pœnitentia multentur vt spiritus saluus sit
in diebus Domini.

*Vt clerici de his causis quæ seculi leges non
admittunt minimè impetantur.*

cccxxx. Nullæ causæ à Iudicibus Ecclesia-
sticis audiantur quæ legibus non conti-
nentur, vel quæ prohibitæ esse noscuntur.

EXPLICIT LIBER SEXTVS.



INCIPIUNT TITVLI LIBRI SEPTIMI.

- I. *De primatu Ecclesiarum & sacerdotum.*
- II. *Vt omnis ordo clericorum vel laicorum Episcopo suo subiectus maneat.*
- III. *Vt tempus poenitentium in consideratione Episcopi consistat.*
- IIII. *De poenitentiâ cōversatione & fide.*
- V. *De fructuum oblationibus quæ ministris Ecclesiæ conferuntur.*
- VI. *Vt quicumque synodalem excommunicationem transgressus fuerit, in alia synodo spem recuperationis non habeat.*
- VII. *De suscipiendis iis qui persecutionem patiuntur.*
- VIII. *De lege & consuetudine.*
- VIII. *De alienis finibus non usurpandis.*
- X. *Vt transgressores canonum excommunicentur.*

CAPITVL.

- XI. De monendis his qui ordinantur.
- XII. De satisfactione pœnitentiæ.
- XIII. De malorum ordinatione vitanda.
- XIIII. De Episcopis qui inutiles ordinauerint.
- XV. De cauendis illicitis ordinationibus.
- XVI. Vt absque licentia Episcopi ad virgines vel viduas clerici non accedant.
- XVII. De appellatione primæ sedis.
- XVIII. De arbitrio Episcopi erga pœnitentes.
- XXIX. Vt nemini sit facultas relicta principali cathedra in Ecclesia in sua diocesi vel in re propria diutius residere.
- XX. De decursu clericorum ad Concil.
- XXI. De lectore vnius Ecclesiæ in alia Ecclesia non promouendo.
- XXII. De non inuadenda alterius parochia.
- XXIII. De iusto baptismo non iterando.
- XXIIII. De ultione peccatorum.
- XXV. De prohibitis non despiciendis.
- XXVI. De præuicatoribus canonum.
- XXVII. De dilatione temporum erga eos qui ad sacros ordines promonentur.
- XXVIII. Vt doctõribus contraria non doceantur.

ceantur.

- XXIX. De profundioribus quaestionibus.
 XXX. De non negligendis praeceptis canonum sed viriliter exercendis.
 XXXI. De non studendo nouitati.
 XXXII. Ut nullus sacerdos in alterius parochia aliquid praesumat.
 XXXIII. De docendo populo.
 XXXIII. Ut aliqua obligatus conditione absque petitione Domini sui non ordinetur.
 XXXV. De malis funditus abscindendis.
 XXXVI. De prauis persequendis.
 XXXVII. De plebe aduersus sacrilegos custodienda.
 XXXVIII. De unitate gregis, & pastoris.
 XXXIX. De tepidis Doctoribus.
 XL. Quomodo dubia vel obscura teneantur.
 XLI. De vxoribus & concubinis.
 XLII. De concubinis relinquendis.
 XLIII. De abstinendo à licitis.
 XLIII. Quod poenitentibus nulla lucra negotiationis exercere conueniat.
 XLV. De reatu potentum.
 XLVI. Ut prauis non consecrentur.
 XLVII. Ut iniusta populi petitio effectu careat.

CAPITVL.

- XLVIII. *De potestate data non abutenda.*
- XLIX. *Vt nemo petētem alterius parrochiæ
absoluat.*
- L. *De criminosis non promouendis.*
- LI. *De his qui variis passionibus irretiti
sunt.*
- LII. *De mortuis temere non iudicandis.*
- LIII. *De contentione vitanda.*
- LIIII. *Quod mali bona ministrādo noceāt.*
- LV. *Vt viuente viro vel uxore, nemo
eorum alteri coniugio copuletur.*
- LVI. *De potestate Episcopi in parrochia
sua.*
- LVII. *Vt nemo clericorum absque consen-
su Episcopi sui principem adeat.*
- LVIII. *De potestate Episcopi in rebus Ec-
clesiasticis.*
- LIX. *Vt clericus extra suam parrochiam
absque Pontificis sui permissu nō
proficiatur.*
- LX. *Qualiter Episcopi prouehantur.*
- LXI. *Quod turbis electiones Episcoporum
non concedantur.*
- LXII. *Vt Episcopi nisi vocati extra suam
diocesim nullas ordinationes faciāt.*
- LXIII. *De potestate primati dio cefios.*
- LXIIII. *Vt accusatores clericorum sine pro-
batione non recipiant.*

- LXV. *Vt criminofus vocem accusandi nō habeat.*
- LXVI. *Vt accusato locus unde ipse est concedatur ubi testes habere queat.*
- LXVII. *Vt Epifcopus ante iuftam definitionem ullatenus propria potestate priuetur.*
- LXVIII. *De primatibus in accusatione Epifcopi expetendis.*
- LXIX. *Vt nemo Ecclefiafticus testificari compellatur.*
- LXX. *De concilio vniuerfali.*
- LXXI. *De caufis fpecialibus.*
- LXXII. *Vt metropolitanus, in alterius provincia nihil præfumat.*
- LXXIII. *Vt contradicentibus non ordinetur Epifcopus.*
- LXXIII. *Quod tres Epifcopi præcepto Archiepifcopi ordinare poffint Epifcopum.*
- LXXV. *De contradicitione ordinationis Epifcopi.*
- LXXVI. *Quales perfonæ ad accusationem nō admittantur.*
- LXXVII. *Vt fi vnum crimen actusatores approbare nequierint, de cæteris nō admittantur.*
- LXXVIII. *Vt testes infra quatuordecim annos*

CAPITVL.

ætatis non recipiantur.

LXXIX. *Vt Episcopus accusatus ab omnibus cō-
prouincialibus coepiscopis vide-
licet suis audiatur vel indicetur.*

LXXX. *Quod legitima vxor sit nuptialiter
ducenda.*

LXXXI. *De metropolitanis ne comprouin-
cialium causas absque proprio E-
piscopo audiāt, neque alterius coe-
piscoporumque regulam vel crimē
præter cæterorum omnium cōprouin-
cialium Episcoporum præsentiam
discutere præsumant.*

LXXXII. *De accusatoribus sacerdotum calum-
niosis vel suspectis.*

LXXXIII. *De accusatoribus & accusationi-
bus submouendis.*

LXXXIIII. *De accusatoribus in maiorum natu
iudicio requirendis.*

LXXXV. *De Episcopis damnare volentibus
eum a quo sunt consecrati.*

LXXXVI. *De epis. eiectis vel suis rebus expo-
liatis vt ante non accusentur quā
legibus pleniter restituantur.*

LXXXVII. *De his quos leges sancti nō admittūt,
in clericorum causis nō admittēdis.*

LXXXVIII. *De non cogendo clericos in publicū
ducere testimonium.*

LXXXIX. Ne interuertor Episcopus cathedrā
ubi intercessor est sedeat.

XC. De Apostolicis & Canonicis decre-
tis minime violandis.

XCI. Decretū Domini Karoli Regis Frā-
corum ut serui Dei neque in hostē
pergant neque armaturā baiulēt.

XCII. Non esse fundēdum sanguinē Chri-
stianorū vel paganorū a sacerdotib⁹.

XCIII. De sacerdotibus qui plures uxores
habuerint.

XCIII. Vt parrochiam suam unusquisque
Episc. singulis circumeat annis.

XCIV. Vt presbyteri Episcopis suis subiecti
sint, & ut quadragesimæ tempo-
ræ ministerij sui rationē reddant.

XCV. Vt duabus vicibus in annū ad mallū
omnes liberi veniant.

XCVII. Vt nullus negligēs sit quādo pro Re-
ge vel fidelibus suis orandū fuerit.

XCVIII. De ieiunio quatuor temporum & a
sacerdote plebi denunciando &
ab hominibus obseruando.

XCIX. Vt nullus sacerdos nisi in locis con-
secratis missam celebret.

C. De sacerdotibus qui ministerium suū
adimplere non valent.

CI. De his qui pœnitētia accepta moriūtur

CAPITVL.

- CII. *Vt nullus Episc. vel seculariū alterius Episcopi res retinere p̄sumāt.*
- CIII. *De hoste & pugna atque arma sacerdotibus prohibita nisi electis.*
- CIIII. *De his qui putauerunt idcirco p̄ceptū fuisse non ire ad pugnā sacerdotes vt honor eis minueretur.*
- CV. *De sceleribus nefandis ob quæ regna percussa sūt vt pœnitus caueatur.*
- CVI. *De his presbyt. qui cōtra Episc. suos seculares defēsores habere noscūtur.*
- CVII. *Vt cuiuspiā gradus clericus sine pōtificis sui cōsensu nullū ad seculare iudicium attrahere p̄sumat.*
- CVIII. *Vt omni anno ministerij sui rationem presbyteri Episc. suo reddāt.*
- CIX. *Vt omnes Episcopi parrochias suas annis singulis circumeant.*
- CX. *De non iustificando vel testificando quemquam in sua causa.*
- CXI. *Vt Episcopus eiectus vel suis carēs rebus ante planam restitutionē nō accusetur nec ille qui suis libere et integerrime fruens bonis antequā familiariter cōueniatur neque respondere compellatur, nisi canonico venerit vocatus.*
- CXII. *Vt nullus clericus vel abbas ad iudi-*

*cia secularia sine iussione proprij
Episc. ire præsumat, et nullus suo
Episcopo contumax aut inobe-
diens existat.*

- CXIII.** *De Episcopis non accusandis nisi ad
summos primates quia nō oēs me-
tropolitani sūmi sūt primates &
hoc sumopere ab eis prævideatur ne
aliqua cupiditate, vel inuidia fiat.*
- CXIIII.** *Quid de aduocato agendū sit qui in
dolo, vel fraude, repertus fuerit.*
- CXV.** *De clericis monachis aut laicis con-
spirantibus.*
- CXVI.** *De peruasoribus finium aliorum.*
- CXVII.** *Vt presbyteri indiscrete ab Episc. vel
ab alijs aut laicis non mittantur.*
- CXVIII.** *De criminibus definitis minime re-
fricandis.*
- CXIX.** *De approbanda accusatione.*
- CXX.** *Vt presbyteri in Ecclesijs inconsul-
to Episcopo non constituantur vel
ab Ecclesijs expellantur ab aliquo.*
- CXXI.** *De his qui rapinam fecerint aut in-
ter agentes assalierint aut domo-
rum nocturni spoliatores fuerint
quid agendum sit.*
- CXXII.** *De homicidijs infandum.*
- CXXIII.** *De his qui viduas vel virgines in-*

CAPITVL.

consulto Epif. velare præsumūt.

CXXIII. De accusato Episcopo si comprouinciales suspectos habuerit ut Romanum appellet Pontificem.

CXXV. De reis ad Ecclesiam vel atria earum confugientibus vbi non abstrahantur.

CXXVI. Quid sint delatores vel quid de eis faciendum sit.

CXXVII. Vt nullus occultas nuptias aut raptum faciat vel propinquā suam, aut quā suus propinquus habuit ducat uxorem, sed dotatam & à parentibus traditam per benedictionē sacerdotum accipiat qui vult nubere uxorem.

CXXVIII. Quod excommunicati à sacerdote antequam canonica reconciliētur nō possint maiores natu accusare.

CXXIX. De homicidis, maleficis, veneficis, conuictis appellare violentibus non audiendis.

CXXX. De accusatoribus in iudicium præsentandis, & accusatis non modicum spatium accipiendis ad abluenda crimina.

CXXXI. De clericis nullo fiscali aut publico subdendis officio.

- CXXXII. De testibus vel accusatoribus qui cum inimicis morantur in sacerdotū accusatione non recipiendis.
- CXXXIII. De testibus non recipiendis qui Christianæ religioni infestī extiterint.
- CXXXIII. Vt illicitus accessus fœminarum ad altare non fiat nec ullæ fœminæ vasa sacra, aut corpus & sanguinem Domini contrectare præsumant.
- CXXXV. De accusatis sacerdotibus ut non prius in iudicium decendant quam accusatores secundum canonicas & legales sanctiones pleniter inquirantur.
- CXXXVI. De violatoribus sepulchrorum.
- CXXXVII. Vt sacerdotes suam non relinquant Ecclesiam.
- CXXXVIII. De presbyteris gradum amittentibus, quia Deo deteriorari solent aut filij Belial efficiantur quid agendum sit.
- CXXXIX. De laicis de religione disputandi præsumptibus
- CXL. De his qui falsa principū rescripta detulerint et nonnullis aliis causis.
- CXLI. Vt nullus de alterius presbyteri par-

CAPITVL

rochia populo persuadere audeat,
vt relicta propria parrochia ad
suam Ecclesiam conueniant aut
sibi eorum decimas dent.

CXLII. De his qui in blasphemiam alterius
aliquam scripturam vel cantica
composuerint vel cantauerint.

CXLIII. Vt nullus presbyter pœnitentes in-
consulto Episcopo reconciliare
audeat, & vt oēs publice pœnitē-
tes in cœna Domini ad Episcopū
propriū conueniāt, vt ab eo ca-
nonice absoluatur vel diiudicetur

CXLIIII. De clericis vel laicis qui suo Episco-
po calumniatores extiterint.

CXLV. De causis in iudicio conuincēdis &
de sentētia aduersus absētes infir-
māda et de causis in iudicio nō re-
uoluēdis, et vt absētes nō damnē-
tur et q̄ absētes nec accusare possūt

CXLVI. De sacerdotibus vel clericis qui per
pecunias aliorū sacerdotū Eccle-
lesias aut beneficia subripiūt vel
subuertunt.

CXLVII. Vt seculares de viris Deo dicatis
Ecclesiæque facultatibus ad se ni-
hil putent pertinere præter reue-
rentiam tantum.

- CXLVIII. De seruis Dominorū facinora confessis non audiendis.
- CXLIX. De his qui sine iussione Episcopi iudices seculares adeunt aut sine licentia et litteris Episcopi sui proficiuntur, et de laicis Ecclesiis vel laicis calomniam facientibus.
- CL. De laicis vitiosis à clericis nisi sponte voluerint non recipiendis similiter & de clericis.
- CLI. Vt hi qui sponte hominem occidere noluerint & non potuerint perpetrare vt homicidæ habeantur.
- CLII. Vt nulli sacerdotes eorum decimas aut aliquid de rebus vel facultatibus Ecclesiæ sine licentia proprii Episcopi vendere præsumant.
- CLIII. De anathematis hominib⁹ repellendis.
- CLIIII. De sententia aduersus absentes vel minores iudicata non valenda.
- CLV. De his qui inebriantur aut à cōmunionē nisi se correxerint suspendantur aut corporalia supplicio subdantur.
- CLVI. De his qui apud extraneos iudices causam suam proponunt et de his qui prius in proprio foro iurgauerint et de iudicibus qui sua negligentia à causa differunt.

CAPITVL.

- CLVII. *Quid de vaticinatoribus falsis agendum sit.*
- CLVIII. *Quid de Episcopo qui alium conculcare vel calumniare, aut iniuriare præsumpserit Episcopum faciendum sit.*
- CLIX. *Vt nullus presbyter in Ecclesia benedictiones publicas super populum fundere aut altare consecrare vel reconciliare præsumat.*
- CLX. *Vt absentibus quod ablatum est pleniter restituatur.*
- CLXI. *De negligentibus officiis diuinis & non venientibus ad matutinalia vel vespertinalia sine reliqua diuina officia.*
- CLXII. *De his qui in captiuitatem ducti sunt quid agendum sit.*
- CCXIII. *Vt presbyteri per singulas hebdomadas sicut ab Episcopo vel ab illo qui constitutus est ab eo vocantur ad ciuitatem conueniant absque vlla dilatione discendi gratia.*
- CLXIII. *Quid de conuictis in iudicio de euidenti violentia agendum sit.*
- CLXV. *De his qui reliquunt Ecclesiastica officia & ad seculares confugiunt*

& de clericis furtum Ecclesiæ faciētibz siue de clericis comam nutriētibz vel habitum aut vestimenta clericalia mutantibus.

CLXVI. *De seruis insciis vel consciis Domini violentiam facientibus & qualiter hoc corrigantur.*

CLXVII. *Vt clerici contumaces vel inflati contra Episcopum suum non sint, nec parui pendant eius excommunicationem & qualiter hoc facientes suam recipere debeant dignitatem.*

CLXVIII. *Quod accusatoribus ante discussionem utriusque partis non sit credendum.*

CLXIX. *De sacerdotibus non extrahendis.*

CLXX. *Vt qui indices suspectos habuerint vocem appellationis exhibeant.*

CLXXI. *Vt discordantes ad altare siue ad gratiam sanctæ communionis non accedant & si unus eorum se correxerit, & alter discordans inuentus fuerit quid de his agendum sit.*

CLXXII. *Quod pœnitentes à conuiuio & ornamentis atque alba veste abstinere debeant.*

CAPITVL.

- CLXXIII. De his sacerdotibus qui de Ecclesiasticis ad Ecclesias irrationabiliter transeunt, et de illis qui in locis eorum sunt ordinati.
- CLXXIII. Quod iniuriarum actiones non nisi presentes accusare possunt.
- CLXXV. Ut quod Ecclesia tricēnali iure possederit nullo liceat pro hoc deinceps appellare et de raptoribus viduarū vel virginū, et ut fœminæ sacris altaribus non ministrent.
- CLXXVI. De iudicibus cōtra legem iudicātibz & legem audire nolentibus.
- CLXXVII. De imperitis ut peritis nō pferantur.
- CLXXVIII. Ut liceat litigatoribus vitiatā causam appellationis remedio subleuare & ut appellatores in nullam custodiam redigantur.
- CLXXIX. Ut nullus falsum testimonium dicat & de periculo falsorum testū seu pœnitentia vel abiectione eorum.
- CLXXX. Quod eandem pœnam passurus sit accusator si conuincere accusatū nō potuerit quā reus passur⁹ erat.
- CLXXXI. Quod prolator semper scripturā affirmare debeat.
- CLXXXII. Ut omnes fideles suis Episcopis fideliter obediant.

- CLXXXIII. De homicidis quid agendum sit.
- CLXXXIIII. Quid de furibus, & malefactoribus sit agendum.
- CLXXXV. De incestis quid agendum.
- CLXXXVI. De accusatoribus nō facile recipiendis nec absque certa probatione quosquā iudicandis, vel dānandis.
- CLXXXVII. De Episcoporum superstitione atque damnatione.
- CLXXXVIII. De rebus Ecclesiasticis absque iussione Episcopi dispensandis.
- CLXXXIX. Vt mulieres nō ingrediantur ad altare & ut baptizati fidei sacramento instruantur, et post baptismū chrisma caeleste per Episcoporum manus impositionem omnes percipiant fideles.
- CXC. Quod nō cōueniat cathecumenis vel pœnitentibus in Pascha vel Pentecostem aut natiuitate Domini ante baptismum vel canonicā reconciliationē sacramentū dom. corporis dare, sed tantū sal benedictū
- CXCI. Vt in synodo prius quales causæ quæ ad normā Ecclesiæ pertinent finiātur, et postea spirituales ventiletur
- CXCII. De his qui res Ecclesiæ à principibus petunt vt irrita habeantur quæ

CAPITVL.

- obtinēt et ipsi cōmunionē priuētur.
- CXCIII. Vt nullus Episcopus de alterius Episcopi diocesi quicquā præsumat.
- CXCIII. Vt posteriores Episcopi non se præponant prioribus.
- CXCV. Vt clerici qui sine Epistolis Episcopi sui extra propriam parochiam profecti fuerint cōmunionē priuētur et si incorrigibiles apparuerint verberib⁹ arceatur.
- CXCVI. Vt laici non ordinentur nisi religionē præmissa & ut monasteriis puellarum probatæ vitæ homines præfigantur.
- CXCVII. De his qui districtiōnem Episcoporum circa se austeriorem putarint quid agendum sit.
- CXCVIII. De cōspiratione clericorum vel monachorum aut laicorum.
- CXCIX. De his qui res Ecclesiæ traditas inuadunt vel vastat absque proprij Episcopi consensu accipiunt quid agendum sit.
- CC. De his quæ die dominico agere prohibentur vel permittuntur.
- CCI. De his qui ante finitā missā de Ecclesia egredi præsument.
- CCII. De his qui in Ecclesia cum armis intrare

trare præsumunt.

- CCIII. *Vt laici in Ecclesia infra cancellòs stare non præsumant.*
- CCIIII. *De his qui sabbatho sancto paschæ hora nona ieiunium solunt.*
- CCV. *De purgatione sacerdotum qualiter vuormatia secunda vice à Domino Carolo & à suis tractata, atque sopita est.*
- CCVI. *De resto iudicio ab omnibus iudicando & litibus & contentionibus cauendis.*
- CCVII. *Vt testes priusquàm de causa interrogentur sacramèto cõstringantur.*
- CCVIII. *Vt Episcopos vel sacerdotes aut clericos in iudiciis secularibus nullus accuset.*
- CCIX. *Vt mancipia quæ Iudæi emerint aut circunciderint ab eorum potestate auferantur.*
- CCX. *De integra restitutione.*
- CCXI. *De his quæ iniuste ablata sunt ut iustis legibus in integrum restituantur.*
- CCXII. *Vt Ecclesiarum vel clericorum seruos à iudicibus non liceat vexari.*
- CCXIII. *Vt dotes Ecclesiarum simul cum ip-*

CAPITVL.

sis Ecclesiis semper ad proprij Episcopi pertineant dispositionem.

CCXIII. *Vt Episcopi semper prouideant qualiter iudices cum omnibus sibi commissis agant.*

CCXV. *De deuotis peccatibus non recipiendis nisi peccare desierint.*

CCXVI. *De his qui excommunicantur a sacerdotibus ut nullus ad eos accedat.*

CCXVII. *De vagis & leuibus sacerdotibus ac clericis quid agendum sit.*

CCXVIII. *De tenendis ad solutionem qui debitum promittunt.*

CCXIX. *De his qui ad vendendum alterius rem accederint quid agendum sit.*

CCXX. *Vt creditor rem debitoris prius non vendat, quam cum de solutione ter conueniat.*

CCXXI. *Vt cum rebaptizatis fideles non communcent.*

CCXXII. *De his qui iubente sacerdote de Ecclesia exire contempserint quid agendum sit.*

CCXXIII. *De clericis increpationi inobedientibus verberandis.*

CLXXIII. *De his qui aliis aliquid debent & ipsis ab eis aliquid debetur, ut in*

solutionem computantur.

- CCXXV. De his qui filiis familias aliquid cōmendauerint quid agendum sit.
- CCXXVI. De secularibus qui suas uxores derelinquunt.
- CCXXVII. Vt stipendia clericis iuxta meritum distribuuntur.
- CCXXVIII. De accusatoribus accusationibus quas seculi leges non admittunt à clericorum causis repellendis.
- CCXXIX. De Episcopo qui alterius parrochianum præsūmit retinere, vel ordinare seu iudicare.
- CCXXX. De peregrinis iudiciis non recipiendis.
- CCXXXI. De pœnitentibus qualiter pœnitentiam debeant accipere.
- CCXXXII. De his qui alienā pecuniam sibi cōmodatam adtrahere præsūmunt.
- CCXXXIII. De creditore qui debito tardante ad solutionē pignus quod penes se retinet vendiderit quod amplius acceptum est debitori reddendū.
- CCXXXIIII. Vt Episcopus ultra suam prouinciam ad iudicium minime deuocet nisi fuerit prouocatū, sed ab omnibus suis cōprouincialibus Episcopis infra suā prouinciā audiatur.

CAPITVL.

- CCXXXV. De Episcopis qui Romanum appellant pontificem.
- CCXXXVI. De presbyteris qui in suis parrochiis aliquid paganismi agere permittunt, & de agris in quibus hæc acta esse noscuntur quid agendum sit.
- CCXXXVII. De pœnitentibus quæ defunctis viris aliis nubere præsumunt.
- CCXXXVIII. De his qui rem alterius vendendam acceperint si eam minus vèdiderunt quod eis mandatum fuerat soluere coguntur.
- CCXXXIX. De eo qui seruum bona fide comparauerit si seruus ex priori vitio fugerit, quid agendum sit.
- CCXL. De his qui discussos potestate tyrannica damnare præsumunt & de Episcopis vel sacerdotibus quod non debeant ab aliis iudicari nisi & à quibus ordinari.
- CCXLI. De his qui habent causas aduersus Episcopos proprios vel aduersus alios apud synodum prouinciæ audiendis exceptis his qui aduersus suum metropolitanum quærelam habuerint.
- CCXLII. De ore eorum in accusatione vel testimonio obseruando qui diuinis

vocibus mortui esse noscuntur.

- CCXLIII. De non neganda appellatione accusati.
- CCXLIII. Quod reis qui de se confessi sunt super alios non sit credendum.
- CCXLV. De peruasoribus finium priusquam causa iudicio terminetur.
- CCXLVI. De his qui contra voluntatē defun-
cti faciunt ut perdat hereditatē.
- CCXLVII. De his quibus per testamentum, ali-
quid delegatum est quod nihil
contra voluntatem defuncti li-
ceat agere.
- CCXLVIII. Quod voluntas defuncti ab heredi-
bus in omnibus peragenda.
- CCXLIX. De filiis qui patrem laeserint dona-
tionibus carendis.
- CCL. De donatione in filio à patre facta
si ab eo laesus fuerit reuocando.
- CCLI. Quod omnibus qui lite pulsati fue-
rint non alibi quā in proprio foro
iurgandum sit.
- CCLII. Ut appellantes nulla arceantur de-
tentione.
- CCLIII. De his qui contempto fide iussore ad
solutionē potius debitore delegerint.
- CCLIII. Quod liberi homines statu suū et de-
teriorare & immeliorare possint.

CAPITVL.

- CCLV. De concubinis non habendis.
- CCLVI. De monachis qui monasteria sua cō-
temnunt ab Episcopo reuocandis.
- CCLVII. De feminis quæ religionis vestem
domus propriis mutauerint si po-
stea concubitum degerint quid
agendum sit.
- CCLVIII. Quod quatuor persone in iudiciis
semper adesse debeant.
- CCLIX. Quod non solum qui furtū fecerint,
sed & qui ad hoc perficiendum
adiutorium aut consiliū dederint,
furti actione sunt tenendi.
- CCLX. Qui sunt agnati & qui sunt cognati.
- CCLXI. De his qui se metu aut terrore serui
esse mentiti sunt.
- CCLXII. De his qui domos effregerint vel
villas expoliauerint aut expu-
gnauerint vel rapinas fecerint
quid agendum sit.
- CCLXIII. De his qui latrones vel reliquos ma-
lefactores susceperint.
- CCLXIII. De his qui incendium fecerint.
- CCLXV. De non valendis constitutionibus
contra canones vel decreta præ-
sulum aut bonos mores conditis.
- CCLXVI. Vt non constringat clericum sente-
tia non a suo iudice dicta.

- CCLXVII. De comprouinciali synodo retractanda per vicarios urbis Romæ Episc.
- CCLXVIII. Vt nullus Episc. aut actores Ecclesia apud alios prius accuset quam eū familiariter cōueniat atque ab eo familiarem iusticiam petat.
- CCLXIX. De infamibus vel sacrilegis quod religiosos accusare non possunt.
- CCLXX. Quod hi qui pro iniuria mediocri damna subire compelluntur infames efficiantur.
- CCLXXI. De absentibus non damnandis.
- CCLXXII. Vt hi qui res alienas violenter occupant quicquid ibi perditum vel alienatū fuerit eis quibus competeant pleniter restaurent.
- CCLXXIII. De his qui cum pecoribus coitu mixti sunt aut more pecorū vsque affinitatis lineā consanguineis incestū cōmiserūt siue cū masculis cōbuerunt.
- CCLXXIIII. Quod i causa capitali vel i causa stat^o nō aduocatus sed per ipsos sit agendū.
- CCLXXV. Vt metropolitani Episcoporum comprouincialium causas non præsument audire, nisi præsentes omnes fuerint Episcopi cōprouinciales.
- CCLXXVI. Vt reprehentia qua laici arguuntur à clericis respuatur.

CAPITVL.

- CCLXXVII. De delatoribus quid agendum sit
vel qui sunt delatores.
- CCLXXVIII. De his qui in alterius fama aut scri-
pturam, aut verba contumeliosa
confixerint.
- CCLXXIX. De his qui vnam rem duobus Do-
minis donauerint.
- CCLXXX. De seruis in caput Domini à quo-
quam non interrogandis.
- CCLXXXI. De his qui irati crimen aliquod
cuilibet dixerint si postea respi-
cientes hoc perficere noluerint
quid agendum sit.
- CCLXXXII. Vt hi qui crimen obiecerint scribant
se probaturos ut & ibi causa a-
gatur ubi crimen admissum esse
dignoscitur.
- CCLXXXIII. De his qui ante alterius iudicē fue-
rint pulsati, quid agendum sit.
- CCLXXXIIII. De his qui famosos libellos legere
aut cantica famosa cantare præ-
sumunt.
- CCLXXXV. De his qui diuinos vel mathemati-
cos consulere præsumunt.
- CCLXXXVI. De auctoribus, vel concitatoribus
seditionum vel tumultuum.
- CCLXXXVII. De periculo indicantium & proui-
dentiæ eorum.

CLLXXXVIII. De accusatione aduersus doctorem
submouenda.

CCLXXXIX. Quod hi qui aduersus patres armā-
tur Deo existant odiosi.

CCXC. Qualiter decimæ et oblationes fideiū
à sacerdotibus sunt dispensandæ.

CCXCI. Quod fœminæ cū presbyteris vel re-
liquis clericis nō debeant habitare
nec eis ministrare nec infra cācel-
los stare neque ad altare accedere.

CCXCII. Ut incesti à sacerdotibus per veraces
et Deo timentes homines fideliter
perquirātur et canonice puniātur.

CCXCIII. Ut presb. & reliqui clerici ab oībus
vitiis se caueant & subiectos sibi
fideliter instruant atque bonis o-
peribus omnibus ducatū præbeāt.

CCXCIII. De confessionibus fideiū accipien-
dis & diiudicandis, et consilium
dandis qualiter pro modulo &
quantitate peccati sit pœnitentiæ
temporis institutio.

CCXCV. De paruulorū instructione tã fidei
& baptismatis ministerio quam
sancti spiritus dono.

CCXCVI. De frequenti peccatorū confessione.

CCXCVII. De manifestatione alienorū peccato-
rum et quod ea celare peccatū sit.

CAPITVL.

CCXCVIII. Quod grauius delinquunt qui fidem
perceperunt quam alij si tamē in
bono opere persistant.

CCXCIX. De coniugio quod à Deo sit insti-
tutum.

CCC. De castitate eorum qui cōiugio sunt
copulandi.

CCCI. Ut omnes à minore vsque ad mino-
rē suis sacerdotibus sicut Episcopo
Domino obediētes existāt cuius
vice legationem in Ecclesia fun-
guntur ex capitulis Domini Ca-
roli Theodonis villa firmatis.

CCCII. De infantium baptismo, Ecclesiarū
vel altarium seu fidelium consi-
gnandorum dubitatione quid a-
gendum sit.

CCCIII. De aduocatis vel defensoribus Ec-
clesiarum à principe postulandis.

CCCIII. Ut ubi quisque ordinatus ibi perti-
neat.

CCCIV. De presb. & ministris ut à suis &
non ab alijs Episcopis chrisma pe-
tant vel accipiant, et de corepisc.
cassanda superstitione.

CCCVI. De his qui rapiunt fœminas ut eas
non habeant uxores, qualiter de
raptu agendum sit.

- CCCVII. *Quod in omnibus locis Deo orandū sit et nō in aliis quam in Deo dicatis ab Episcopis locis missa sit celebranda.*
- CCCVIII. *De secularibus qui Episcopis suis inobediētes existunt & ad emendationem sui tardant venire quid agendum sit.*
- CCCIX. *De clericis ut nō utantur armis, vel sagis.*
- CCCX. *Ut ea quæ Episcopus in sua diocesi corrigere non valet ad alios referat Præsules, vel si necesse fuerit Regi intimet.*
- CCCXI. *De his qui Deo famulātur si in bathrum fornicationis inciderint qualiter corrigendi sint.*
- CCCXII. *De his qui à paganis baptizati fuerint.*
- CCCXIII. *De his qui à corepiscopo confirmati fuerint.*
- CCCXIII. *Ut qui ab hereticis baptizatus fuerit in nomine sanctæ trinitatis nō rebaptizetur, sed sola manus impositione perficiatur.*
- CCCXV. *Ut hi de quibus dubitatur utrū baptizati sint an nō vel à presb. diis immolāti vel imolaticiis carnib⁹*

CAPITVL.

- vesceti sūt baptizati vt rebaptizēt.*
CCCXVI. *Ne vllus plusquam duas uxores accipiat.*
- CCCXVII.** *De orationibus et elemosinis atque missarū celebrationibus pro fidelibus defunctis fideliter agendis quibus impij carere debent, quoniā nec eorū elemosina à sacerdotibus vel reliquis fidelibus accipienda est.*
- CCCXVIII.** *De Episcopo iudicato si Apostolicā sedem appellare voluerit.*
- CCCXIX.** *De his qui à iudicibus quos primates dederint appellauerint, quid agendum sit.*
- CCCXX.** *De abiecto clerico ab aliena Ecclesia non recipiendo.*
- CCCXXI.** *De priuilegiis Ecclesiarum illibate seruandis.*
- CCCXXII.** *De clericis à propriis Episcopis corrigendis.*
- CCCXXIII.** *Vt nullus coepisc. per impositionē manus spiritum sanctum tradat, aut consecrationem perficiat.*
- CCCXXIII.** *De his qui à corepisc. sunt ordinati presbyt. diaconi vel subdiaconi.*
- CCCXXV.** *De presb. Eporū quo ipsi ire nō potuerint ad corrigendum mittendis.*

- CCCXXVII. De eo qui fallax in fide repertus fuerit.
- CCCXXVIII. Quod non solum flagitia deſlenda ſed etiam amaris poenitentiae fluctibus ſint eradicanda.
- CCCXXVIII. Vt in ſancto Paſchae ſabbato die & paraſceue miſſae non agantur.
- CCCXXIX. De his qui in locis illicitis et minime conſecratis contra canonicam auctoritatem miſſas celebrare vel audire praesumunt.
- CCCXXX. Quod inceſtum committat qui ſecum conſanguinea ſua uſque affinitatis lineam coniungit.
- CCCXXXI. Vt inceſti quandiu in ſcelere maneant non fidelium chriſtianorum, ſed tantum aut gentilium aut cathecumenorum, vel energumenorum locum teneant.
- CCCXXXII. De inceſtis nullo coniugij nomine praeualendis.
- CCCXXXIII. De canonicae accuſationis ordine.
- CCCXXXIII. De ſeruis & libertis vel infamibus perſonis non recipiendis.
- CCCXXXV. De Episcopis & reliquis ſacerdotibus vel clericis ad ſeculares iudices minime accuſandis.
- CCCXXXVI. De primatum et metropolitanorum differentia.

CAPITVL.

- CCCXXXVII. De familiaribus vel hominibus tã liberis quam seruis dominum accusantibus vel secreta eius pro-
dentibus quid agendum sit.
- CCCXXXVIII. Vt Episcopi à Deo cuius serui existunt sint iudicãdi, quia iuxta Apostolum nemo alienũ seruum debet iudicare & quod ab humanis aut prauẽvitæ hominibus sint lacerãdi ipso Domino regulam tribuente.
- CCCXXXIX. De his qui seipsos quocumque modo necant.
- CCCXL. Ne laici intersint quãdo canonica, iura ventilãtur vel regularia examinantur nisi in propria accusentur persona.
- CCCXLI. Vt Ecclesiastica iura semper illibata permaneant.
- CCCXLII. Suggestio ad Imper. Carolũ et Epõs.
- CCCXLIII. De alienis iudicibus non recipiendis & peregrina iudicia vel examina respuenda.
- CCCXLIIII. De Episc. qui aduersus ppriũ metropolitanũ vel cõtra alios quosque habuerit causam quid agendũ sit.
- CCCXLV. Quod fundamentum totius bonitatis sit Christus Iesus & qualiter

in ouile ouium per ostium sit intrandum.

CCXLVI. *De causis definitis minime remouendis.*

CCCXLVII. *De his qui contra prepositos suos se erigunt & de accusatoribus vel testibus inimicis quid agendū sit.*

CCCXLVIII. *De Regulis clericorum.*

CCCXLIX. *De neganda accusatorū licentia criminandi priusque seipsos purga-uerint de his quæ eis obiiciuntur.*

CCCL. *De falsis testibus & periuris quid agendum sit.*

CCCLI. *De qualitate virginis in coniugio.*

CCCLII. *Vt clerici vel laici in aliena Ecclesia non communicent sine litteris Episcopi sui.*

CCCLIII. *Vt qui clericum alienum defendere nititur, communione priuetur.*

CCCLIIII. *De accusationibus in clericorū causis non suscipiendis quæ seculi legibus prohibentur, & de clericis damnatis à nemine defendendis.*

CCCLV. *Vt non alij metropolitani primates appellentur nisi illi qui primas sedes tenent quia alij non turmas facere de Episcopis quam illi qui primas sedes tenent, qui turmas*

CAPITVL.

facere debent sicut in hac sententia iubetur.

- CCCLVI. Quod cum illis quibus Episcopus nō loquitur non sit loquendum, nec cum excommunicatis communicandum ut ipsi humilient semetipsos ut festinius reconcilientur.
- CCCLVII. De non iurandis Episcopis aut lacerandis sed potius tollerandis.
- CCCLVIII. De legitimo coniugio.
- CCCLIX. De his qui de suspitione vel absque legitimo accusatore aliquos iudicare præsumunt.
- CCCLX. Ut Episcopi singulos annos circum-eant parrochias suas.
- CCCLXI. Ut presbyteri, & diaconi quādo per parrochias constituuntur stabilitatis et obedientiæ suæ atque statuta seruare promissionem faciāt Episcopo.
- CCCLXII. Ne iudices quoslibet clericos vel seruos Ecclesiæ in suis angariis aut quibuslibet rebus occupare præsumant.
- CCCLXIII. De Ecclesiasticis et dotibus earū ut ad Ep̃i sēper dispositionē pertineāt.
- CCCLXIII. Quod clerici iudices seculares adire non debeant.

- CCCLXV. De his qui viduis vim inferunt aut
fœminas inuitas ducunt.
- CCCLXVI. De his qui Ecclesiam intrât & non
communicant.
- CCCLXVII. De his qui acceperint eucharistiam
& non sumpserit.
- CCCLXVIII. Ut hi qui à sacerdotibus excommu-
nicantur à fidelibus vsque ad re-
conciliationem nisi quibus per-
missum fuerit semper vitentur.
- CCCLXIX. De his qui pro munere & fauore a-
licuius iusticiam opprimunt.
- CCCLXX. Qualiter hæc statuta seruanda, &
de his qui hæc contemnunt siue
clericis siue laicis quid agendum
sit.
- CCCLXXI. De his qui ab antecessoribus nostris
circa cultum diuinum statuta
fuerunt vt semper illibata per-
maneant.
- CCCLXXII. De Capitulis Apostolica auctori-
tate roboratis.

EXPLICIT CAPITVLA.

Kk



INCIPIT LIBER
SEPTIMVS.

*Nonnulla hæc capitula pro breuitate Li-
bri canonici atque leuitate à Domino
Carolo & à suis sapientissimis Episco-
pis excerpta sunt quædam de capite
sententiæ, quædam vero de medio, quæ-
dam autem de fine, quæ valde necessa-
ria habenda sunt atque memoriter re-
tinenda. Reliqua vero tam ab eisdem
quam & postea à Domino Ludouico
eius filio, suisque proceribus aucta sunt.*

De primatu Ecclesiarum & sacerdotum.



T vnaquæque Ecclesia siue
vnusquisque sacerdos suum
primatum teneat, sicut anti-
tiquis canonibus constitu-
tum est.

Vt omnis ordo clericorum vel laicorum Episcopo suo subiectus maneat.

II. Clerici qui præficiuntur in thoicis vel qui ordinantur in monasteriis vel basilicis martyrum sub Episcoporum qui in vna quaque ciuitate sunt secundum sanctorum patrum traditiones potestate permaneant nec per contumaciam ab Episcopo suo dissiliant: Quicumque verò audent euertere huiusmodi formam quocunque modo nec proprio subiiciuntur Episcopo, si quidem clerici sunt, canonum correptionibus subiaceant, si vero laici vel monachi fuerint communione priuentur.

Vt tempus pœnitentum in consideratione Episcopi consistat.

III. Penes Episcopos erit potestas modum conuersationis pœnitentum probantes vel humanius erga eos agere vel amplius tempus adiiicere. Ante omnia verò præcedens eorū vita & posterior inquiratur, & ità eis impertiatur humanitas.

De pœnitentum conuersatione & fide.

IIII. Conuersatio pœnitentum & fides tempus abbreviat.

De fructuum oblationibus quæ ministris Ecclesiæ conferuntur.

V. Si quis oblationes Ecclesiæ extra Eccle-

si accipere vel dare voluerit præter Episcopi conscientiam, vel eius cui huiusmodi sunt officia commissæ nec cum eius voluerit agere consilio anathema sit.

Vt quicumque synodalem excommunicationem transgressus fuerit in alia synodo spem recuperationis non habeat.

VI. Si quis Episcopus damnatus à synodo vel presbyter aut diaconus à suo capitulo ausi fuerint de sacro ministerio aliquid contingere siue Episcopus iuxta præcedentem consuetudinē, siue presbyter aut diaconus, nullo modo liceat ei nec in alia synodo, restitutionibus spem aut locum habere satisfactionis: sed & communicantes ei omnes abiici de Ecclesia, & maxime si postquam didicerint hoc factum esse communicare tentauerint.

De suscipiendis his qui persecutionem patiuntur.

VII. Statuimus per omnia vt hi qui persecutionem patiuntur à prauis quibusque vel infidelibus, suscipiantur à iustis, & fidelibus.

De lege & consuetudine.

VIII. Aliqua canonē & ordine tenentur: Aliqua consuetudine firmata sunt.

De alienis finibus non usurpandis.

ix. Inhibitū est ne quis alienos fines vsurpet aut per premium vel fauorem alicuius terminos patrū statutos transcendat. Quāquam nouellæ suggestiones quæ, vel obscuræ vel sub genere latēt inspectæ à nobis formam accipiant & quod in laicis reprehenditur, id multò magis debet in clericis prædamnari. Vniuersum concilium dixit: Nemo contra prophetas, nemo contra Euangelium, vel contra Apostolum facit aliquid absque periculo.

Vt transgressores canonum excommunicentur.

x. Transgredientem canonum definitionem excommunicatum esse præcipimus.

De monendis his qui ordinantur.

xi. Si quis clericus ordinatur moneri debet constituta seruare.

De satisfactione pœnitentiæ.

xii. Satisfactio pœnitentiæ non est tam temporis longitudine, quam cordis compunctione pensanda.

De malorum ordinatione vitanda.

xiii. Qui tales ordinant sacerdotes, quales esse non debent, non est hoc consulere populis sed nocere, nec præstare regimen, sed augere discrimen.

De Episcopis qui inutiles ordinauerint.

xiiii. Qui in ordinandis sacerdotibus san-

CAPITVL.

ctorum patrum statuta neglexerit, & quos
refutare debuerunt, consecrarunt. Vnde si
qui Episcopi talem ordinauerint sacerdo-
tem qualem esse non liceat, etiamsi aliquo
modo damnum proprii honoris euaserint
ordinationis tamen vim vltius non ha-
bebunt, nec ei sacramento vnquam inter-
erunt, quod neglecto iudicio præstiterūt.

De cauendis illicitis ordinationibus.

xv. Ab illicitis ordinationibus est absti-
nendum, & si quæ factæ sunt ordinationes
illicitæ remoueantur, Nec tātum putemus
petitiones valere populorum vt cum his
parere cupimus cōtra voluntatem Domi-
ni Dei nostri quæ nos peccare prohibet ali-
quid agamus.

*Vt absque licentia Episcopi ad virgines vel vi-
duas clerici non accedant.*

xvi. Clerici vel continentes ad viduas vel
virgines nisi ex iussu Episcoporū vel pres-
byterorū non accedāt. Et hoc non soli fa-
ciant, sed cum conclericis vel cum his qui-
bus Episcopus aut presbyter iussērit. Nec
ipsi Episcopi vel presbyteri soli habeant
accessum ad huiusmodi fēminas, sed vbi
clerici præsentes sunt, aut graues aliqui
Christiani.

De appellatione primæ sedis.

xvii. Vt primæ sedis Episcopus nō appelletur princeps sacerdotum aut summus sacerdos, vel aut aliquid huiuscemodi, sed tantum primæ sedis Episcopus.

De arbitrio Episcopi erga pœnitentes.

xviii. Pœnitentibus secundum differentiam peccatorum Episcopi arbitrio pœnitentiæ tempora decernentur.

Vt nemini sit facultas relicta principali cathedræ in Ecclesia in sua diocesi vel in re propria diutius residere.

xix. Placuit vt nemini sit facultas relicta principali cathedræ ad aliam Ecclesiam in diocesi constitutam se conferre, vel in re propria diutius quam oportet constitutam curam vel frequentationem agere, & propriam plebem negligere.

De occursu clericorum ad concilium.

xx. Placuit vt quotienscunque concilium congregandum est Episcopi & presbyteri qui neque ætate neque ægritudine aut alia grauiori necessitate impediuntur competenter occurrant. Quod si occurrere non potuerint excusationes suas in tractoria subscribant.

De lectore unius Ecclesiæ in alia Ecclesia non promouendo.

xxi. Placuit vt qui semel in Ecclesia legerit

ab alia Ecclesia ad clericatum non tenentur, aut promoueatur, & vt ab electis iudicibus non sit prouocandum.

De non inuadenda alterius parrochia.

xxii. Non oportet transferri terminos à patribus cōstitutos, vt alterius parrochiam alter inuadat, atque illuc celebrare diuina mysteria inconsulto eo cui commissa est præsumat.

De inſto baptiſmate non iterando.

xxiii. Ritè baptiſatos, illo dono iterari non poſſe, & aliter ſola aqua lotos baptiſare in nomine patris, & filij, & ſpiritus ſancti neceſſe eſt prouideri.

De ultione peccatorum.

xxiiii. In Ecclesia peccata populi inulta remanere non debere.

De prohibitis non deſpiciendis.

xxv. Si quis interdicta deſpexerit, gradus ſui periculo ſubiacebit.

De præuicatoribus canonum ſubmouendis.

xxvi. Quiſquis ſacerdotum contra interdicta canonū fecerit à ſuo eſt officio promouendus, & veniam ſibi deinceps nouerit denegari.

De dilatione temporum erga eos qui ad ſacros ordines promouentur.

xxvii. Qui ſe diuinæ militiæ deſiderat m̃a-

cipari, siue inter lectores, siue inter exorcistas quinquennio teneatur, ex inde acolitus vel subdiaconus quatuor annis, & sic ab benedictionem diaconatus si meretur accedat, in quo ordine quinque annis, si inculpatè gesserit adherere debebit, & postea si probus fuerit sacerdos efficiatur.

Vt doctoribus contraria non doceantur.

xxviii. Non debere quęquam ad iniuriam doctorum vindicare doctrinā, quia timeo ne conhibere sit hoc tacere, & alibi: Merito causa nos respicit si silentio faueamus errori.

De profundioribus quęstionibus.

xxix. Profundiores quęstiones nec contemnendę sunt nec pœnitus asserendę.

*De negligendis pręceptis canonum
sed viriliter exercendis.*

xxx. Nec ociosa nobis esse patitur qui hęc exercenda non negligenda donauit.

De non studendo nouitati.

xxxi. Si studere incipiamus nouitati, traditum nobis à patribus ordinem calcabimus.

*Vt nullus sacerdos in alterius parrochia
aliquid pręsumat.*

xxxii. Sit vnusquisque sacerdos concessis sibi contētus limitibus, nec in alterius par-

C A P I T V L.

rochia quicquam præsumat, ne vsurpatione locus alieni sacerdoti in alterius concedatur iniuriam.

De docendo populo.

xxxiii. Docendus est populus non sequendus.

Vt aliqua obligatus conditione absque petitione Domini sui non ordinetur.

xxxiiii. Qui originali aut alicuius conditione obligati sunt, non debent ab Episcopis ordinari, nisi forte eorum petitio, aut voluntas accesserit, qui aliquid sibi in eos vindicant potestatis: debet enim esse immunis ab aliis, qui diuinæ militiæ fuerit aggregandus.

De malis funditus abscindendis.

xxxv. Ea quæ male pullulant radicitus euellantur, & messem dominicam zizania nulla corrumpant.

De prauis persequendis.

xxxvi. Aliter nobis commissos regere nō possumus nisi eos qui sunt perditores aut perditī zelo fidei dominicæ persequamur, & sanis mentibus, ne vestis hæc latius diuulgetur si veritate qua possumus abscidamus.

De plebe aduersus sacrilegos custodienda.

xxxvii. Ante tribunal domini de reatu

negligentiæ se non poterit excusare, qui plebem suam cōtra sacrilegos persuasionis auctores noluerit custodire.

De unitate gregis & pastoris.

xxxviii. Aliter vnus grex & vnus pastor non sumus, nisi quemadmodum apostolus docet, dicens: simus autem perfecti in eodem sensu, & in eadem sapientia.

De tepidis doctoribus.

xxxix. Interiorum ordinum culpæ ad nullos magis referendæ sunt quam ad desides negligentēque doctores, qui multam sepe nutriunt pestilentiam dum necessariam dissimulant adhibere medicinam.

Quomodo dubia vel obscura teneantur.

xl. In his quæ vel dubia vel obscura fuerint id nouerimus sequendum quod nec præceptis Euangelicis contrarium, nec decretis sanctorum inuenitur aduersum.

De vxoribus & concubinis.

xli. Non omnis mulier viro iuncta vxor est viri: neque omnis filius hæres est patris. Itaque aliud est vxor, aliud concubina: sic & aliud ancilla, aliud libera. Et alibi, non est dubium eam mulierem non pertinere ad matrimonium, in qua docetur nuptiale non fuisse misterium.

De concubinis relinquendis.

XLII. Non est coniugij duplicatio quando ancilla relicta vxor assumitur, sed profectus est honestatis.

De abstinendo à licitis.

XLIII. Oportet eum qui pro illicitis veniā poscit etiam multis licitis abstinere.

Quod pœnitentibus nulla lucra negotiationis exercere conueniat.

XLIII. Nulla lucra negotiationis pœnitentibus exercere conuenit, quia difficile est inter vendentis euentisq̃ue commercium non interuenire peccatum.

De reatu potentium.

XLV. Reatu maiore delinquit qui potiore honore perfruitur, & maiora facit vitia delictorum sublimitas dignitatum.

Vt prauī non consecrentur.

XLVI. Quisquis prauorum consecrator extiterit sacerdotum factum suū ipse dissoluat, & quod commisit illicitè aut à decessoribus suis inuenit amissum, si proprium periculum vult vitare damnabit.

Vt iniusta populi petitio effectu careat.

XLVII. Nec tantum putemus petitiones valere populorum vt cum his parere cupimus contra voluntatem Domini Dei nostri qui peccare prohibet aliquid agamus.

De potestate data non abutenda.

XLVIII. Priuilegium meretur amittere, qui permissa sibi abutitur potestate.

Vt nemo pœnitentem alterius parrochie absoluat.

XLIX. Nullus sacerdos in alterius ciuitate vel diœcesi pœnitentem, vel sub manu positum sacerdotis, vel qui reconciliatum se esse dixerit, sine consensu & litteris Episcopi vel presbyteri in parrochia presbyter aut Episcopus in ciuitate suscipiat.

De criminosis non promouendis.

L. Ad clerum criminosi nequeant promoueri, & in clero positi in aliquibus criminibus inuenti fuerint à suis officiis arceantur.

De his qui variis passionibus irretiti sunt.

LI. Dæmoniis aliisque passionibus irretitis ministeria sacra tractare non licet.

De mortuis temere non iudicandis.

LII. Non est temere iudicandum de his qui ad Deum migrauerint.

De contentione vitanda.

LIII. Summoperè contentio est vitanda.

Quod mali bona ministrando sibi noceant.

LIIII. Mali bona ministrando sibi tantummodò nocent, nec Ecclesiæ sacramenta commaculant.

Vt viuente viro vel uxore nemo eorum alteri coniugio copuletur.

LV. Qui interueniente repudio alio se matrimonio copularit, quos in vtraque parte adulteros esse manifestum est. Qui vero vel vxore viuente, quamuis dissotiatum videatur esse coniugium ad aliam copulam festinarunt ne possunt adulteri non videri, in tantum vt etiam hæ personæ quibus coniuncti sunt adulteri esse monstrentur.

De potestate Episcopi in parrochia sua.

LVI. Vt vnusquisque Episcopus habeat suæ parrochiæ potestatem, & regat iuxta reuerentiam singulis competētem & prouidētiam gerat omnis possessionis quibus sub eius est potestate.

Vt nemo clericorum absque consensu Episcopi sui principem adeat.

LVII. Si quis adire principem necessaria causa deposcit hoc agatur cum consilio & tractatu metropolitani, & ceterorum Episcoporum ipsius prouinciæ.

De potestate Episcopi in rebus Ecclesiasticis.

LVIII. Episcopus Ecclesiasticarum rerum habeat potestatem ad dispensandum erga omnes qui indigent cum summa reuerentia & timore Dei: participet autem & ipse quibus indiget si tamen indiget.

Vt clericus extra suam parrochiam absque pontificis sui permissu non proficiatur.

LIX. Nō oportet sacerdotem vel clericum sine iussione sui proficisci pontificis.

Qualiter Episcopi prouehantur.

LX. Episcopi iudicio metropolitanorum, & eorum Episcoporum qui circum circa sunt prouehantur ad Ecclesiasticam potestatem.

Quod turbis electiones Episcoporum non concedantur.

LXI. Non est permittendum turbis electiones eorum facere qui sunt ad sacerdotium prouehendi.

Vt Episcopi nisi vocati extra suā diocēsim nullas ordinationes faciant.

LXII. Non vocati Episcopi extra suam diocēsim accedant propter ordinationes faciendas, vel propter alias dispensationes Ecclesiasticas.

De potestate primati diocescos.

LXIII. Si quis à metropolitano læditur apud primatem diocescos iudicetur.

Vt accusatores clericorum sine probatione non recipiantur.

LXIII. Clericos vel laicos accusantes Episcopus aut clericos passim & sine probatione ad accusationem recipi non debere nisi prius eorum discutiatur existimationis opinio vel suspitio.

C A P I T V L.

Vt criminosus vocem accusandi non habeat.

LXV. Is qui in aliquibus criminib⁹ irreſtitus est, vocē aduersus maiorē natu non habeat accusandi: ab vniuersis Episcopis dictū est, si criminosus est non admittatur, placet.

*Vt accusato locus vnde ipse est concedatur,
vbi testes habere queat.*

LXVI. Placuit vt accusatus vel accusator in eo loco vndē est ille qui accusatur si metuit aliquam vim temerariæ multitudinis, locum sibi eligat proximum, quo non sit difficile testes eius perducere vbi causa finiatur.

*Vt Episcopus ante iustam definitionem vllatenus
propria potestate priuetur.*

LXVII. Adimi Episcopo Episcopatum antequam causa eius exitus appareat nulli Christiano videri iure pōtest.

*De primatibus in accusatione Episcopi
expetendis.*

LXVIII. Si quis Episcopus accusatur, ad primates ipsius prouinciæ causam eius deferat accusator.

Vt nemo Ecclesiasticus testificari compellatur.

LXIX. Vt nulla ad testimonium dicendum Ecclesiastici cuiuslibet pulsetur persona.

De concilio vniuersali.

LXX. Concilium vniuersale non nisi necessitate

fitate faciendum.

De causis specialibus.

LXXI. Causæ quæ communes non sunt in suis prouinciis iudicentur.

Vt metropolitanus in alterius prouincia nihil præsumat.

LXXII. Vnaquæque prouincia suo metropolitano & suis comprouincialibus Episcopis sit contenta, Nec aliquis in limitibus alterius prouinciæ quicquam præsumat.

Vt contradicentibus non ordinetur Episcopus.

LXXIII. Nolentibus clericis vel populis nemo debet Episcopus ordinari: sit facultas clericis renitendi, si se viderint prægrauari, & quos extranverso cognouerint non timeant refutare.

Quod tres Episcopi præcepto archiepiscopi ordinare possint Episcopum.

LXXIII. Si necessitas fuerit tres Episcopi in quocunque loco sint archiepiscopi præcepto ordinare possunt Episcopum.

De contradictione ordinationis Episcopi.

LXXV. Si de ordinatione Episcopi fuerit contradictio oborta, non præsumant ad purgandum eum qui ordinandus est tres iam, sed postuletur ad numerum vnus vel duo in eadem plebe cui ordinandus est discutiantur ergo primo personæ contradi-

centium, postremò verò illa quæ obiiiciunt pertractentur, & cum purgatus fuerit sub conspectu publico ita demum ordinetur Episcopus.

Quales personæ ad accusationem non admittantur.

LXXVI. Placuit vt omnes serui vel liberti omnesque infames personæ ad accusationem non admittantur, vel omnes quos ad accusanda publica crimina leges publicæ non admittunt.

Vt si vnum crimen accusatores approbare nequiverint de cæteris non admittantur.

LXXVII. Placuit vt quotienscunque clericis ab accusatoribus multa crimina obiiiciuntur vt vnum ex ipsis de quo prius egerit adprobare non valuerint ad cætera non admittantur.

Vt testes infra XIII. annos ætatis non recipiantur.

LXXVIII. Testes ad testimonium non admittendos qui nec ad accusationem admitti præcepti sunt, vel quos ipse accusator de sua domo produxerit ad testimoniũ aut infra XIII. ætatis suæ annos nullus admittatur.

Vt Episcopus accusatus ab omnibus cõprouinciabilibus Epis. videlicet suis audiatur vel indicetur.

LXXIX. Si quis Episcopus super cortis criminibus accusatus fuerit, ab omnibus audiatur qui sunt in provincia Episcopis.

Quod legitima uxor sit nuptialiter ducenda.

LXXX. Dubium non est eam mulierem non pertinere ad matrimonium in qua dicitur nuptiale non fuisse mysterium. Igitur quicumque filiam suam viro habenti concubinam in matrimonium dederit non ita accipiendum est quasi eam coniugato dederit, nisi forte illa mulier & ingenua facta, & dotata legitimè & publicis nuptiis honestata videatur. paterno arbitrio viri nuptæ carent culpa, si mulieres quæ à viris habebantur in matrimonio non fuerant, quia aliud est nupta, aliud concubina.

De metropolitanis ne comprouincialium causas absque proprio Episcopo audiant neque alicuius Episcoporumque regulam vel crimen præter cæterorum omnium comprouincialium Episcoporum præsentiam discutere præsumant.

LXXXI. Ut nullus metropolitanus absque cæterorum omnium comprouincialium coepiscoporum instantia aliquorum audiat causas eorum clamante canonum tuba. Nullus metropolitanus præter omnium conscientiam non faciat aliquid, sub auditu comprouincialium coepiscoporum, nisi

quantū ad propriam pertinet parrochiam.

*De accusatoribus sacerdotum calumniosis
vel suspectis.*

LXXXII. Accusatores calumniosos vel suspectos nemo suscipiat, nemo audiat.

*De accusatoribus & accusationibus
submouendis.*

LXXXIII. Accusatores & accusationes quas seculi leges non admittunt & nos submouemus.

*De accusatoribus in maiorum natu
iudicio requirendis.*

LXXXIII. Querendum in iudicio, cuius sit conuersationis & fidei is qui accusat, & is qui accusatur.

*De Episcopis damnare volentibus eum
à quo sunt consecrati.*

LXXXV. Episcopi pontifici à quo consecrati probantur, præiudicium inferre nullum possunt. Quod si præsumptum fuisse cognoscitur, viribus carere non dubium est, nec posse inter Ecclesiastica vlllo modo statuta censerì.

*De Episcopis eiectis vel suis rebus expoliatis
ut ante non accusentur, quam legibus
pleniter restituantur.*

LXXXVI. Si quis Episcopus suis fuerit rebus expoliatus, & in accusationē pulsatus

ordinatione pontificum oportet prima fronte cedere, vt omnia quæ per suggestiones inimicorum amiserat, legaliter potestati eius ab honorabili concilio redintegrentur, & præsul prius statui pristino reddatur ipseque demùm potestatiuè nō subito sed diu dispositis ordinatisque suis tunc ad tēpus veniat ad causam, & si iustè videatur accusantiū propositionibus respōdeat.

De his quos leges seculi non admittunt, in clericorum causis non admittendis.

LXXXVII. Quos leges seculi non admittūt his dicendi in cognitionem vel adsequendi aliquid deneganda est licentia.

De non cogendo clericos in publicum dicere testimonium.

LXXXVIII. Clerici de iudicij sui cognitione, non cogantur in publicum dicere testimonium.

Ne interuentor Episcopus cathedram ubi intercessor est sedeat.

LXXXIX. Item constitutum est, vt nulli interuerti licitum sit cathedram cui intercessor datus est, quibuslibet populorum studiis vel seditionibus retinere.

De Apostolicis & canonicis decretis minimè violandis.

XC. Prouidēdū est in omnibus ne in aliquo

CAPITVL.

Apostolica vel canonica decreta violētur.

*Decretum domini Caroli Regis Francorum ut
serui Dei neque in hostem pergant,
neque armaturam baiulent.*

xci. Carolus gratia Dei Rex regnūque Francorum rector, & deuotus sanctæ Ecclesiæ defensor atque adiutor in omnibus Apostolicæ sedis hortatu omniumque fideiū nostrorū, & maxime Episcoporū, ac reliquorū sacerdotū cōsultu, seruis Dei per oīa omnibus armaturā portare, &c. f. s. 2.

*Non esse fundendum sanguinem Christianorum
vel paganorum a sacerdotibus.*

xcii. Vt sacerdotes, neque christianorum neque paganorum sanguinem fundant.

De sacerdotibus qui plures uxores habuerint.

xciii. Si sacerdotes plures uxores habuerint, vel sanguinem christianorum vel paganorum fuderint, aut canonibus obuauerint sacerdotio priuentur quia deteriores sunt secularibus.

*Vt parrochiam suam unusquisque Episcopus
singulis circumeat annis.*

xciiii. Statuimus vt singulis annis vnusquisque Episcopus parrochiam suam sollicite circumeat, populum cōfirmare & plebes docere, & inuestigare & prohibere paganas obseruationes, diuinōsque vel sorti-

legos, auguria, filacteria, incantationes,
vel omnes spurcicias gentilium, studeat.

De Chrismate.

xcv. Presbyter semper paratus sit ad suscipiendum Episcopum, cum collectione & adiutorio populi qui ibi confirmari debet, & in cœna Domini semper nouum chrisma ab Episcopo suo quærat, & de veteri nullus baptizare præsumat, sed ardere in luminaribus Ecclesiæ vetus non tardet.

Vt duabus vicibus in annum ad mallum

omnes liberi veniat.

xcvi. Vt ad mallum venire nemo tardet, vnum circa æstatem, & alterum circa autumnum, ad aliud verò si necessitas fuerit, vel si denunciatio regis urgeat vocatur venire, nemo tardet.

*Vt nullus negligens sit quando pro rege vel
fidelibus suis orandum fuerit.*

xcvii. Vt quando denunciatum fuerit pro rege, vel pro fidelibus suis qualibet causa orationes facere, nemo ex hoc negligens appareat.

*De Ieiunio quattuor temporum & à sacerdote
plebi denunciando & ab hominibus
observando.*

xcviii. Vt ieiunium quattuor temporum & ipse sacerdos obseruet & plebi denun-

ciet obseruandum.

*Vt nullus sacerdos nisi in locis consecra-
tis missam celebret.*

xcix. Nullus sacerdos nisi in locis Deo di-
catis, vel in itinere in tabernaculis & men-
sis lapideis ab Episcopis consecratis mis-
sam celebrare præsumat, quod qui præ-
sumpserit, gradus sui periculo subiacebit.

*De sacerdotibus qui ministerium suum adim-
plere non valent.*

c. Sacerdotes qui ritè non sapiunt adim-
plere ministerium suum, nec discere iuxta
præceptum suorum Episcoporum pro vi-
ribus satagūt, vel contemptores canonum
existunt, ab officio proprio sunt submo-
uendi quousque hæc pleniter emendatum
habeant.

De his qui penitentia accepta moriuntur.

ci. De his qui recedunt de corpore pœni-
tentia accepta, placuit sine reconciliatoria
manus impositione eis cōmunicare quod
moriēti sufficit consolationi secundum
definitiones patrum, qui huiuscemodi cō-
munionem congruenter viaticum nomi-
nauerunt. Quod si supervixerint, stat in or-
dine pœnitentum vt ostensis necessariis
pœnitentiæ fructibus, legitimam commu-
nionem cum reconciliatoria manus impo-

fitione recipiant.

*Vt nullus Episcoporum vel secularium alterius
Episcopi res retinere præsumat.*

cii. Vt nullus Episcoporum vel secularium cuiuscunque alterius Episcopi siue Ecclesie, siue priuatas res, aut regnorum diuisione aut prouinciarum sequestratione competere aut retinere præsumat: quod si quis hoc facere tētauerit, tandiu sit ab omnium charitate suspensus & à communione sequestratus quoadusque res ablatas cū fructuum satisfactione restituat.

*De hoste & pugna atque armis sacerdotibus
prohibitis nisi electis.*

ciii. Secunda vice propter ampliorem obseruantiam apostolica auctoritate & multorum sanctorum Episcoporum admissione instructi, sanctorumque canonum regulis, edocti, consultu videlicet omnium nobilium nostrorum nosmetipsos corrigentes posterisque nostris exemplum dantes volumus vt nullus sacerdos in hostem pergat, nisi duo vel tres tantum Episcopi electione cæterorum propter benedictionem & prædicationem populiq̃ue reconciliationem & cum illi selecti sacerdotes qui bene sciant populis pœnitentias dare, missas celebrare, de infirmis curam habere, sa-

cratiq̃ue olei cum sacris precibus vnctio-
nem impendere, & hoc maxime prouidere
ne sine viatico quis de seculo recedat. Hi
vero nec arma ferant, nec ad pugnam per-
gant, nec effusores sanguinum, vel agitato-
res fiant, sed tantum sanctorum pignora &
sacra ministeria ferant, & orationibus pro
viribus insistant, vt populus qui pugnare
debet auxiliante Domino victor existat, &
non sit sacerdos sicut populus. Reliqui ve-
ro qui ad Ecclesias suas remanēt, suos ho-
mines bene armatos nobiscum, aut cum
quibus iusserimus dirigant, & ipsi pro no-
bis, & cuncto exercitu nostro missas, Le-
nias, oblationes, elemosynas faciant orā-
tes Deum cæli vt proficiamus in itinere
quo pergimus, victorēsque Deo admini-
culante existamus. Gentes enim & reges
eorūque sacerdotes secum pugnare per-
miserant, nec præualebant in bello, nec vi-
ctores extiterant quia non erat differentia
inter laicos & sacerdotes, quibus pugnare
non est licitum, hæc verò Galliarum, Spa-
niarum, Longobardorum, nonnullasque
alias gentes, & reges earum fecisse cogno-
uimus, qui propter prædictum nefandissi-
mum scelus, nec victores extiterunt, nec
patrias retinuerunt. Quam foueam cauē-

tes mauolumus cum paucis & licitis Domino opem ferēte victores existere, quam cum multis & illicitis terga, quod absit, vertere, & cum prædictis gentibus perire. Qualis enim victoria datur vbi sacerdotes vna hora Dominica pertractāt ministeria, & Christianis Dominicum porrigunt corpus pro suarum animarum redemptione, & post Christianis quibus hoc ministrare debuerant aut paganos quibus Christum prædicare propriis sacrilegisque manibus necant, præcipuè dicente eis Domino, vos estis sal terræ, quod si sal euanuerit in quo condietur ad nihilum valet vltra nisi vt mittatur foras, & conculcetur ab hominibus, & dum hæc ità se habeant elegimus, potius Domino adminiculante nobisque illis & cunctis eorū Ecclesiis opem ferente nec quicquam eis pro hoc de honoribus, vel Ecclesiarum rebus minuente, vt gradus eorum, & sanctorum canonum decreta custodiāt, quam illi aut nobis imperantibus, aut consentientibus, contra hæc faciant, aut gradibus careant, aut pereant, & nos simul quod absit, cum eis & victoria careamus vel pereamus. Quoniam peccatis exigentibus, timemus sit alia & tam illicitò eis intemperamus, aut agere cōsentiamus,

CAPITVL.

vt vna cum eis pereamus, quia non solum qui faciunt, sed & qui consentiunt faciētibz, æquo piaculo rei sunt in conspectu Dei & sanctorum eius. Si verò ista veraciter ex vtraque parte fuerint custodita, credimus quia corruent antè nos omnes paganæ gentes, & erimus victores insuper, & bene agentes Domino auxiliante vitam possidebimus sempiternam.

De his qui putauerunt idcirco præceptum fuisse non ire ad pugnam sacerdotes vt honor eis minueretur.

CIIII. Quia instigante antiquo hoste audiuius quosdam nos suspectos habere propterea quod concessimus Episcopis & sacerdotibus, ac reliquis Dei seruis vt in hostes nisi duo aut tres à cæteris electi, & sacerdotes similiter perpauci ab eis electi nō irent sicut in prioribus nostris continetur capitularibus nec ad pugnam properarēt, nec arma ferrent, nec homines tam christianos quam paganos nocerent, nec agitadores sanguinum fierent, vel quicquam contra canones facerent, quod honores sacerdotum, & res Ecclesiarum auferre vel minorare eis voluissemus, quod nullatenus facere velle, vel facere volentibus consentire omnes scire cupimus. Sed quantò

quis eorum amplius suam normam seruauerit, & Deo seruiert, tantò eum plus honorare, & cariorem habere volumus. Et vt hæc certius credantur, & per futura tempora conseruentur, præcipimus vt nullus res Ecclesiæ nisi precario possideat, & postquam ipse precariæ functæ fuerint, faciant potestatiue speculatores Ecclesiæ vtrum elegerint, aut ipsas res recipiant, aut posteris eorum sub precario & censu habere permittant. Ità tamen vt ipsi proprias & vtilis res eisdem Ecclesiis de quarum iure esse videntur legaliter tradant, & sic à rectoribus earundem Ecclesiarum precariæ si renouandæ sunt canonicæ renouentur. Nouimus ergo multa regna & reges eorum propterea cecidisse, quia Ecclesias spoliauerunt, resque earum vastauerunt, abstulerunt, alienauerunt, vel diripuerunt, Episcopisque & sacerdotibus, atque quod magis est Ecclesiis eorum abstulerunt & pugnantibus dederunt. Quapropter nec fortes in bello, nec in fide stabiles fuerunt, nec victores extiterunt, sed terga multi vulnerati & plures interfecti verterunt, regnaque & regiones, & quod peius est, regna cælestia perdiderunt, atque propriis hereditatibus caruerunt & hætenus carèt. Quæ omnia

vitâtes, nec talia facere, nec cōsentire, nec
 infantibus aut successoribus nostris exem-
 plum dare volumus, sed quantum valemus
 & possimus adiuncto Leonis Papæ & om-
 nium Episcoporum quorum consilio vsi
 hoc egimus, spiritu nostro spiritui per Deū
 & omnium sanctorū merita prohibemus,
 contestamur quæ nec talia faciant, vel fa-
 cere volentibus consentiant, sed adiutores
 & defensores, atque sublimatores Eccle-
 siarum & cunctorum seruorum Dei, pro
 viribus existant, ne in foueam, in quam
 prædicti reges & regnâ ceciderunt, cadant,
 aut in profundum, quod absit, inferni de-
 mergantur. Et vt hæc deuotius per futura
 tempora conseruentur, præcipientes iube-
 mus, vt nullus tam nostris quam futuris
 temporibus à nobis vel successoribus no-
 stris vlllo vnquam tempore absque consen-
 su & voluntate Episcoporum, in quorum
 parrochiis esse noscuntur res Ecclesiarum
 petere, aut inuadere vel vastare, aut quo-
 cūque ingenio alienare præsumat. Quod
 si quis fecerit tam nostris, quam & succes-
 sorum nostrorum temporibus, pœnis sa-
 crilegij subiaceat, & à nobis atque succes-
 soribus nostris, nostrisque iudicibus vel
 comitibus sicut sacrilegus, & homicida vel

fur sacrilegus legaliter puniatur & ab Episcopis nostris anathematizetur, ita ut mortuus etiam sepultura & cunctis Dei Ecclesiæ precibus & oblationibus careat nec eleemosinam suā quisquam recipiat. Quod autem maximum sacrilegium sit res Ecclesiæ auferre, alienare, vastare, vel subripi, maximè omnes scripturæ diuinæ testatur: Et Beatus Symmachus Papa synodali sententia cunctos feriēdo dicit: iniquū est, inquit, & sacrilegij instar ut quæ vel pro salute, vel pro requiæ animarū suarū vniuscuique venerabili Ecclesiæ pauperum cōtulerit, aut certè reliquerit, ab his quib⁹ maximè seruari conuenerat auferri, aut in aliud transferri & multa sanctorum canonum decreta & sanctorum patrum edicta hæc eadem testantur quæ scrutari & scire cupientibus perfacile patent.

*De sceleribus nefandis ob quæ regna percussa
sunt ut penitus caueantur.*

cv. Prohibemus omnino sub pœna sacrilegij generaliter omnibus cunctarum Ecclesiarum rerum inuasiones, vastationes, alienationes sacerdotumque & reliquorum seruorum Dei, oppressiones, vexationes, atque cunctorum generum iniurias, nec non & cunctis vtriusque sexus ho-

CAPITVL.

minibus, adulteria, fornicationes sodomiticásque luxurias atque incesta vel cuncta illicita coniugia, homicidia iniusta, periuria, falsa testimonia, & omnia illicita, pro quibus non solum regna vel reges, sed etiam homines in eis commanentes perire cognouimus. Sed quia Deo auxiliante per merita, & intercessiones sanctorum seruorúmque Dei quos sublimare & honorare curauimus, atque curamus hætenus nos & successores nostros, regna & regiones adsciuius, & victorias multas habuimus deinceps summo opere omnibus nobis prouidendum est ne pro prædictis illicitis, & spurcissimis luxuriis his quod absit careamus. Nam multæ regiones quæ rerum Ecclesiarum inuassiones, vastationes, alienationes, vexationesque, & sacerdotum, reliquorúmque seruorum Dei oppressiones vel quascunque iniurias, quæ iam dicta illicita, & adulteria vel sodomiticam luxuriam, vel commixtionem meretricum sectatæ fuerunt, Nec in bello seculari fortes nec in fide stabiles perstiterunt, & qualiter Dominus talium criminum patratoribus vltrices pœnas, per Sarracenos & alios populos venire & seruire promisit, cunctis earum gesta legentibus

gentibus liquet, & nisi nos ab his caueamus, similia nobis superuenire non dubitamus, quia vindex est Deus de his omnibus. Quapropter sciat vnusquisq; subiectus qui in vno ex his repertus, atque conuictus fuerit, & honores si habet omnes perdere, & in carcerem se vsque ad iustam emendationem atque per publicæ pœnitentię satisfactionem retrudi, & ab omni fidelium consortio fieri alienum: valde enim cauenda est illa fouea, in quam alios cecidisse cognouimus.

*De his presbyteris qui contra Episcopos suos
seculares defensores habere noscuntur.*

CVI. Quod illi presbyteri qui sine Episcopo proprio arbitrio viuentes, seculares defensores contra Episcopos & seorsum populos congregant eorūque erroneum ministerium, non in Ecclesia sed per agrestia loca & mansiunculas agunt, & Ecclesiam conturbant, tales sacerdotes vitandi, & honore proprio sunt priuandi, carceribusque vel monasticæ vitæ sub pœnitentia diebus vitæ suæ tradendi mala quæ egerunt lucturi.

*Vt cuiuspiam gradus clericus sine pontificis
sui consensu nullum ad seculare iudicium
attrahere præsumat.*

Min

CVII. Clericus cuiuslibet gradus sine pontificis sui permisso nullum ad seculare iudicium præsumat attrahere, nec laico quemlibet clericum in seculari iudicio liceat accusare, cum priuatorum christianorū causas magis Apostolus ad Ecclesias deferri, atque ibidem terminari præcipiat.

Vt omni anno ministerij sui rationem presbyteri Episcopo suo reddant.

CVIII. Vt vnusquisque presbyter per singulos annos Episcopo suo rationem ministerij sui reddat, tã de fide catholica quam de baptismo, atque de omni ordine ministerij sui.

Vt omnes Episcopi parrochias suas annis singulis circumeant.

CIX. Vt singulis annis vnusquisque Episcopus parrochiam suam circumeat, populumque confirmet, ac doceat, & ea quæ vitanda sunt prohibeat, & quæ agenda sunt vtiliter agere suadeat.

De non iudicando vel testificando quenquam in sua causa.

CX. Vt nullus in sua causa iudicet, aut testimonium dicat.

Vt Episcopus eiectus vel suis carens rebus ante plenam restitutionem non accusetur, nec ille qui suis libere & integerrime fruens bonis an-

tequam familiariter conueniatur, neque respondere compellatur nisi canonice venerit vocatus.

CXI. Canonica testante, tuba didicimus, quod Episcopus eiectus, aut suis rebus exspoliatus, nequaquam debet accusari vel iudicari, antequam legaliter & pleniter restituitur. Si quis verò liberè suis ecclesiæque sibi commissæ & integerrimè fruens rebus, ac honoribus, super certis accusatur criminibus postquam antè non licet quā accusatoribus familiariter vt ea emendare debeat super quibus res agitur admonitus fuerit si inter sese minimè pugnauerint, canonice ad synodum cōuocetur, vt ab omnibus qui hæc prætermiserint, ex vtraque parte publice arguantur & corrigantur, qui familiariter se & secrete corrigi noluerunt. Quod si sponte aut aliqua necessitate compulsus, aut in fratrum cōuentu aut in quolibet loco non canonice vocatus, nec olim familiariter commonitus venerit, à nullo compellatur antequam hæc fiant vt respondeat. Sed prius vt prælibatum est, familiariter conueniatur, vt de se & de suis ea sanè vnde quærimonia agitur. Deinde tempore in Nycenis canonibus præfixo vt canonice respondeat, ad synodalem con-

CAPITVL.

uocetur conuētum, & vt Episcopum apud iudices publicos nemo audeat accusare. Sed aut apud primates diœcesearum, aut apud sedem Apostolicam nec aliorum nisi suorum aut certè electorū iudicium sententia impetatur vel teneatur. Sane si circa hæc factis actum fuerit viribus carere in omnibus haud dubium est.

Vt nullus clericus vel Abbas ad iudicia secularia sine iussione proprij Episcopi ire presumat, & nullus suo Episcopo contra max aut inobediens existat.

cxii. Statutum est in synodis à sanctis patribus, vt nullus clericus ad iudicia laicorū publica conueniat, nisi per iussione[m] Episcopi sui vel abbatis iuxta canonem Carthaginensem. ii. cap. ix. vt ibi scriptum est: Qui relicto Ecclesiastico iudicio, publicis iudiciis purgari voluerit, etiamsi pro illo fuerit prolata sententia, locum suum amittat hoc in criminali iudicio, in civili verò perdat quod euicit, si locum suum obtinere voluerit. Cum enim ad eligendos iudices vndique Ecclesię patet auctoritas, quia se indignum fraterno cōsortio iudicat, qui de vniuersa Ecclesia malè sentiendo quidem de seculari iudicio poscit auxilium, tum priuatorum christianorū causas Apo-

stolus magis ad Ecclesiam deferri, atque ibidē determinari præcipiat. Simul & hoc statutum est, vt nullus presbyter aut diaconus vel subdiaconus, aut fidelis laicus, vel quicunque regulæ mancipatur suo Episcopo inflatus, aut schisma faciens, aut contumax vel inobediens appareat. Quoniam in canonibus scriptum est, presbyteri & diaconi præter Episcopum nihil agere pertentent, & per inobedientiam primus homo occidit, quicunque vero audent euertere huiusmodi formā quocunque modo, nec proprio subiiciuntur Episcopo siquidem clerici sunt canonum correctionibus subiacebunt. Si vero laici vel monachi fuerint, communione priuentur.

De Episcopis non accusandis nisi ad summos primates, quia non omnes metropolitani summi sunt primates & hoc summopere ab eis præuideatur ne aliqua cupiditate vel inuidia fiat.

cxiii. Si quis Episcoporum accusatur, ad summos primates causam deferat accusator, qui attentius discutiantur si causa pietatis hoc fiat, nec ne: Quod si alicuius inuidia aut inimicitia, vel praua cupiditate aut mala voluntate actum fuerit, nullo modo tale recipiatur negotium: Quoniā incōueniens est vt hi qui troni Dei vocātur & im-

mobiles esse debent; prauorum accusatio-
nibus moueantur vel perturbentur. Nam
si causa pietatis agi inuētum fuerit, patien-
ter audiantur, minus ne reiiciantur, & ca-
nonicè corrigantur.

*Quid de aduocato agendum sit qui in dolo vel
fraude repertus fuerit.*

CXIII. Si aduocatus in causa suscepta ini-
qua cupiditate fuerit repertus à conuentu
honestorum, & à iudiciorum communio-
ne separètur, & videat ne iudicis & asser-
toris personam accipiat.

*De clericis vel monachis aut laicis
conspirantibus.*

CXV. Vt nec clerici, nec monachi, vel laici
conspirationem, vel insidias contra pasto-
rem suum faciant, quod si fecerint, cano-
nicis subiaceant increpationibus.

De peruasoribus finium aliorum.

CXVI. Si quis peruasor approbatus fuerit,
tantum spatij restituat, quātum præsump-
sit inuadere cum fructibus duplis.

*Vt presbyteri indiscretè ab Episcopis vel ab aliis
aut laicis non mittantur.*

CXVII. Statutum est vt presbyteri, sicut ha-
ctenus factum est, indiscretè per diuersa
non mittantur loca ab Episcopis nec ab
aliis praelatis, nec etiam à laicis, ne forte

propter eorum absentiam, & animarum periculo, & Ecclesiarum in quibus constituti sunt negligantur.

De criminibus definitis minimè refricandis.

cxviii. De his criminibus de quibus absolutus est accusatus, refricari accusatio non potest.

De approbanda accusatione.

cxix. Si quis aduersarium suum ita apud iudicem crediderit accusandum, vt se asserat violentiam pertulisse ad probationem rei cum conuenit teneri.

Vt presbyteri in Ecclesiis inconsulto Episcopo non constituentur, vel de Ecclesiis expellantur ab aliquo.

cxx. Sancitum est, vt sine auctoritate vel consensu Episcoporum presbyteri in quibuscumque Ecclesiis ne constituentur nec expellantur. Et si quis deinceps hoc facere tentauerit, synodali sententia districtè ferriatur.

De homicidis infantum.

cxxi. Si quis infantem necauerit, vt homicida teneatur.

De his qui rapinam fecerint aut iter agentes assallierint aut domorum nocturni spoliatores fuerint quid agendum sit.

cxxii. Si quis ad faciendam rapinam aggredditur, aut iter agentem in prædiis.

ad federit, aut domum alterius nocturnus spoliator intrauerit, & occisus fuerit, mors latronis ipsius à nemine requiratur.

De his qui uiduas vel virgines inconsulto

Episcopo velare præsumunt.

cxxiii. Statutum est viduas incōsultis Episcopis velare non debere, Simul & hoc constitutum est vt si quispiam presbyterorum deinceps huius constitutionis normā contumaciter transgressor extiterit, scilicet vt aliquas viduas inconsulto Episcopo velare præsumpserit, gradus sui periculum incurrat, similiter & de puellis virginibus à presbyteris non velandis statutum est vt si quis hoc facere tentauerit, tanquam transgressor canonum dāmnetur.

De accusato Episcopo si comprouinciales suspectos habuerit vt Romanum appellet

pontificem.

cxxiiii. Placuit vt quodocunque accusatur Episcopus si comprouinciales aut vicinos suspectos habuerit, sanctæ & vniuersalis Romanæ Ecclesiæ appellet pōtificem vt ab eo quicquid iustum & Dei placitum fuerit, terminetur.

De reis ad Ecclesiam vel ad atria earum confugientibus, vt non abstrahantur.

cxxv. Vt reos timoris necessitas non con-

stringat circa altaria manere & loca veneratione digna polluere depositis armis qui fugerint. Quod si non deposuerint sciant se armatorum viribus extrahendos, & quicumque eos de porticibus & de atriis, de hortulis, de balneis, vel adiacentiis Ecclesiarum abstrahere præsumpserit capite puniatur.

Quid sint delatores vel quid de eis faciendum sit.

cxxvi. Delatores dicuntur qui vt facultates prodiderint alienas, aut caput impetunt alienum qui si conuenti fuerint, continuo strangulentur, Si seruus super Dominum fuerit delactor etiã si obiecta probauerit puniatur.

Vt nullus occultas nuptias aut raptum faciat vel propinquam suam, aut quam suus propinquus habuit ducat uxorem, sed dotatam & à parentibus traditam per benedictionem sacerdotum accipiat qui vult nubere uxorem.

cxxvii. Sancitum est, vt publicæ nupteæ ab his qui nubere cupiunt fiant quia sæpe in nuptiis clam factis, graui peccata tam in sponsis aliorum quàm & in propinquis siue adulterinis cõiugiis, & quod peius est dicere consanguineis accrescunt vel accumuluntur. Ex his autem procreari solent

CAPITVL.

cæci, claudi, gibbi & lippidi, siue alij turpibus maculis aspersi & hoc ne deinceps fiat omnibus cauendum est. Sed prius conueniendus est sacerdos in cuius parrochia nuptiæ fieri debent in Ecclesia coram populo, & ibi inquirere vnà cum populo, ipse sacerdos debet si eius propinqua sit an non aut alterius vxor vel sponsa vel adultera & si licita aut honesta omnia pariter inuenerint, tunc per consilium & benedictionem sacerdotis & consultu aliorum bonorum hominum eam sponsare, & legitimè dotare debet. Scribit namque de legitimo matrimonio Beatus Augustinus ita. Talis esse debet quæ vxor habenda est. Vt secundum legem sit casta in virginitate & dotata legitimè, & à parentibus tradita sponsa, & à paranimphis accipienda, & ita secundum legem & Euangelium publicis nuptiis honestata in coniugio licitè sumenda, & omnibus diebus vitæ suæ nisi ex consensu & causa vacandi Domino nunquam propter hominem separanda, & si fornicaria fuerit & vir eius voluerit, dimittenda, sed illa viuentē, altera non ducēda, quia adulteri regnum Dei non possidebunt, & pœnitentia illi accipienda. Nolite vos viri habere vxores, quorum priores mariti viuunt, adulter-

rina enim sunt ista coniugia, & hoc vt diximus omnino prouiderendum est ne eius sit propinqua, quia scriptum est omnis homo ad proximam sanguinis sui non accedat, vt reuelet turpitudinem eius similiter scriptum est. Cum vxore proximi tui nō coibis, nec feminis eius commixtione commaculaberis. Et in decretalibus Papæ Gregorij legitur: Si quis diaconam aut monacham, aut cōmatrem spiritalem, aut fratris vxorē, aut neptem aut nouercā, aut nurum suam aut consobrinam, aut de propria cognatione, vel quam cognatus habuit duxerit vxorē, anathema sit. Et responderunt omnes tertio anathema sit. Item si quis viduā rapuerit vel furatus fuerit in vxorem, vel consentientes ei, anathema sit, & respōderunt omnes tertio anathema sit. Si quis virginē, nisi desponsauerit, eā rapuerit, vel furatus fuerit in vxorem vel consentientes ei, anathema sit, & responderunt omnes tertio anathema sit. Et alibi in canonibus præceptum est, vt nemo vsque affinitatis lineam ex propinquitate sui sanguinis connubia ducat. Neque virginibus sine benedictione sacerdotis quis nubere præsumat. Oppido enim ista omnia cauenda sunt ne fiant, sed postquā ista omnia probata fuerint

CAPITVL.

& nihil impedierint, tunc si virgo fuerit cū benedictione sacerdotis sicut in sacramentorio continetur & cum cōsilio multorum bonorum hominum publicè & non occultè ducenda est vxor vt boni ex eis filij Domino miserante procrentur, & non tales sicut superius dictum est.

Quod excommunicati à sacerdote ante quam canonice reconcilientur non possint maiores natu accusare.

cxxviii. Vt excommunicatus à sacerdote, quandiu in ipsa est excommunicatione maiores natu vel Episcopos accusare non præsumat, quod si præsumperit nō recipiatur, sed aut maiori excōmunicationi subiaceat aut ab Ecclesia pellatur.

De homicidis, maleficis, veneficis, cōuictis appellare volentibus non audiendis.

cxxix. In ciuilibus causis vel leuioribus criminibus legibus dilatio præstanda est: homicidæ, adulteri, malefici conuicti si appellare voluerint non audiantur.

De accusatoribus in iudicium præsentandis & accusatis non modicum spatium accipiendis ad ablucenda crimina.

cxxx. Nemo debet iudicari aut damnari priusquam accusator præsens habeatur & spatium non modicum defendendi acci-

piat accusatus ad abluenda crimina.

De clericis nullo fiscali aut publico

subdendis officio

cxxxi. Vt clerici nullo fiscali aut publico subdantur officio, sed liberi ab omni humano seruitio Ecclesiæ deseruiant.

De testibus vel accusatoribus qui cum inimicis

morantur in sacerdotum accusatione

non recipiendis.

cxxxii. Non sunt illi testes suscipiendi neque accusatores qui cum inimicis morantur, vel quos ipsi de domo produxerint, quia corrumpunt mores bonos colloquia mala.

De testibus non recipiendis qui christianæ

religioni infesti extiterint.

cxxxiii. Vt testandi vel accusandi licentia denegetur qui christianæ religionis & nominis dignitatem neglexerint.

Vt illicitus accessus fœminarum ad altare non

fiat nec ullæ fœminæ vasa sacra aut corpus

& sanguinem Domini contrecta-

re præsumant.

cxxxiiii. Statutum est vt illicitus fœminarum accessus ad altare non fiat, quia contra omnem auctoritatem diuinam & canonicam institutionem est fœminas sanctis altaribus se vltro ingerere, aut sacra vasa impudenter cōtingere siue indumenta sa-

cerdotalia presbyteris ministrare aut corpus & sanguinem Domini contingere, populisque porrigere, quod omni ratione & auctoritate caret & ne vltius fiat omnimodis prohibitum est. Et quęcunque fęminę deinceps hoc facere pręsumpserint iudicio canonico vsque ad satisfactionem subduntur. Quod autem mulieres ingredi ad altare non debeant, in concilio Calcedonenfi & in decretis Gelasij Papę copiosissimę inuenitur.

De accusatis sacerdotibus vt non prius in iudicio decident quam accusatores secundum canonicas & legales sanetiones pleniter inquirantur.

cxxy. Si quis criminatur, non ante in iudicium decident quam accusator pręsentetur, atque secundum legem & canonicam sententiam exquiratur. Quod si indigna ad accusandum persona inuenitur, ad accusationem non admittatur, quia indignum est vt vita innocentis vlla maculetur pernicie.

De violatoribus sepulchrorum.

cxxyi. Qui sepulchra violauerint, puniantur tam ingenui quam serui. Si maior persona in hoc scelere fuerit deprehensa, amissa medietate honorum suorum perpe-

tua notetur infamia : Si clericus depositus omni honore clericali, perenni exilio deputetur. Si iudex hoc persequi aut implere distulerit, facultatibus & honore priuetur, & quicumque hoc scelus accusare voluerit, licentia tribuatur.

Vt sacerdotes suam non relinquant Ecclesiam.

cxxxvii. Vt nequis qualibet nec essitate suam relinquat Ecclesiam.

De presbyteris gradum amittentibus quia Deo deteriorari solent vt filij Belial efficiantur quid agendum sit.

cxxxviii. Sancitum est de presbyteris gradum amittentibus, vt vnusquisque Episcoporum tam per se quam & per ministros suos vitam & conuersationem morumque emédationem eorum cognoscat, eosque canonicè pœnitentię subdere non negligat, iuxta quod in concilio Cæsariensi tit. i. scribitur : Si presbyter vxorē acceperit ab ordine deponatur: Si vero fornicator fuerit, aut adulterium perpetrauerit, amplius pelli debet, & ad pœnitentiam redigi. Nonnulli enim amisso gradu à Deo filij Belial efficiuntur, vt nec publicis quia fas nō est, nec canonicis propter iniuriam & negligentiam rectorum legibus constringantur.

CAPITVL.

De laicis de religione disputandi præsummentibus.

cxxxix. Nulli egresso ad publicum disputandi de religione, vel tractandi vel consilij aliquid deferendi, vel maiores natu accusandi, patescat occasionis aditus. Si quis post hæc contra hæc veniendum crediderit, vel insistere motu pestiferę persuasionis tentauerit, competēti pœna & digno supplicio coërceatur.

*De his qui falsa principum rescripta detulerint
& nonnullis aliis causis.*

cxl. Qui falsa principum rescripta detulerint, vt falsarij puniantur. Qui falsum nesciens allegauit, falsi pœna non teneatur. In caput Domini patroniue nec seruus nec libertus, interrogari potest. Vt prægnantem nemo torquëat. Qui de se confessus est, super alium credi non potest.

*Vt nullus de alterius presbyteri parrochia populo
persuadere audeat, vt relicta propria parrochia ad suam Ecclesiam conueniant
aut sibi eorum decimas dent.*

cxli. Statutum est vt nullus presbyter fidelibus sanctę Dei Ecclesię de alterius presbyteri parrochia persuadeat, vt ad suā Ecclesiam relicta propria Ecclesia, conueniant, & suas decimas sibi dent. Sed vnusquisque

quisque sua Ecclesia & populo sit cōtētus, & quod sibi non vult fieri, alteri nequaquā faciat, iuxta illud Euangelij: Quaecunque vultis vt faciant vobis homines, hæc eadē facite illis. Quisquis autem cōtra hæc constituta venerit, aut hæc infringere tentauerit, tanquā contemptor gradus sui periculo subiacebit.

De his qui in blasphemiam alterius aliquam scripturam vel cantica composuerint vel cantauerint.

CXLII. Is qui in blasphemiam alterius cātica composuerit, vel qui cantauerit ea, extra ordinem vindicetur. Nam lex exiliari iubet eos qui libellos famosos excogitant, aut proponunt. Notatur infamia quicumque dum appellat in iudicem conuitium dixerit, non tātum is qui maledictum, aut conuitium dixerit famosus efficitur, sed & is cuius consilio factum esse patuerit.

Vt nullus presbyter pœnitentes inconsulto Episcopo reconciliare audeat, & vt omnes publicè pœnitentes in cœna Domini ad Episcopum proprium conueniant vt ab eo canonicè absoluantur vel diiudicentur.

CXLIII. Statutum est in sanctis canonibus prohibitum, vt nullus presbyter pœnitentem publicè inconsulto Episcopo recon-

CAPITVL.

liare præsumat, nisi morte fortè periclitā-
tem. Sed omnes publicè pœnitentes quin-
ta feria ante Pascha quæ est cœna Domini
ad ciuitatem in cinere & cilicio, in præsen-
tiam Episcopi prostrato vultu conueniant,
& ibi ab Episcopo canonicè & ordinabili-
ter sicut in sacramentario, & in Romano
ordine continetur, reconcilientur, atque
diuidentur, consolenturque, & prædi-
centur, quid deinceps agere quidue vita-
re debeant instruantur, atque insuper diui-
nis precibus per manus impositionem ab
Episcopo sanetur. Nullo namque tempo-
re presbytero in publica missa pœnitētem
reconciliare sine licentia Episcopi concess-
sum est. Si quis hoc facere præsumpserit
canonica correctione multetur.

*De clericis vel laicis qui suo Episcopo calum-
niatores extiterint.*

EXLIII. Si quis clericus vel laicus expro-
brator vel calumniator suo Episcopo exti-
terit, vt homicida habeatur.

*De causis in iudicio conuincendis, & de senten-
tia aduersus absentes infirmenda & de causis
in iudicio non reuoluendis, & vt absentes
non damnentur, & quod absentes nec accusa-
re nec accusari possint.*

EXLV. Conuinci nemo potest in iudicio,

sine testibus aut scriptura. Sententia absente parte alia à iudice data, nullam obtinet firmitatem, Causa inter.præsentēs iudicata, per decennium reuolui non potest, nec inter absentes post vicēnium, in causa capitali absens nemo dānetur, neque absens per alium accusatorē accusari potest.

De sacerdotibus vel clericis qui per pecunias aliorum sacerdotum, ecclesias aut beneficia subripiunt vel subuertunt.

CXLVI. Sancitum est, atque omnibus modis prohibitum, vt si quis presbyter præuētus fuerit alieno clerico aut laico munera dare aut dedisse, aut aliquam pecuniam tribuere, vt alterius presbyteri Ecclesiam subripiat, pro hac cupiditate seu rapina turpis lucri gratia deiiciatur à clero, & alienus existat à regula. Nam si pro misericordia Episcopo placuerit, longo tempore cum pœnitendo, quæ gessit in carceris ærumna recludere & vsque ad satisfactionē ibi detinere liceat, & postea si se correxerit, & talia deinceps minimè se facere promiserit, humanius erga eum agere poterit si voluerit, & ipse dignus inuentus fuerit. *Vt seculares de viris Deo dicatis Ecclesiæque facultatibus ad se nihil putent pertinere*

præter reuerentiam tantum.

Nn ij

CAPITVL.

CXLVII. Sinodali decreto sancitum est, ne laici vel seculares de viris Deo dicatis Ecclesiæque facultatibus aliquid ad se putent vel præsumant propter reuerentiã pertinere. Quorũ quarũque sacerdotibus disponendi indiscussæ à Deo cura cõmissa docetur. Si quis contra hæc venire præsumpserit anathemate feriatur.

*De seruis dominorum facinora confessis
non audiendis.*

CXLVIII. Si serui facinora dominorum confessi sunt nullo modo audiantur, nisi fortè eos reos deferant maiestatis.

*De his qui sine iussione Episcopi iudices seculares
adeant, aut sine licentia & litteris Episcopi sui
proficiscuntur, & de laicis Ecclesiasticis vel
clericis calumniam facientibus.*

CXLIX. Sancitum est vt presbyter vel diaconus siue quilibet clericus regulæ subiectus inconsulto Episcopo ad iudicem secularem non pergat. Nec non & hoc sancitum est, vt sine Epistola Episcopi sui non liceat clericum vel monachum proficisci, & alibi in canonibus legitur ita: Presbyter, aut diaconus vel clericus sine antistitis sui epistolis ambulans, communionem ei nullus impendat. Simulque statutum est, vt si quis secularium per calumniam Ecclesiam

aut clericum fatigare tentauerit & conuictus fuerit, Ecclesiæ liminibus, & catholica communione nisi dignè pœnituerit, coërceatur.

De laicis vitiosis ac clericis nisi sponte voluerint non recipiendis, similiter & de clericis.

CL. Omnes Episcopi in tertia sessione acclamauerunt: Sane dignum est vt sicut sacerdotes vel clericos sua in accusatione vel secularibus iudiciis laici non recipiunt, ita ipsi in sacerdotum vel clericorum accusationibus seu Ecclesiasticis negotiis nisi sponte non recipiantur. Quoniam inconueniēs est, vt hi qui hos respuunt, ab his recipiantur.

Vt hi qui sponte hominem occidere voluerint & non potuerint perpetrare vt homicidæ habeantur.

CLI. Qui hominem voluntariè occidere voluerit, & perpetrare non potuerit vt homicida habeatur.

Vt nulli sacerdotes eorum decimas aut aliquid de rebus vel facultatibus Ecclesiæ sine licentia proprij Episcopi vendere præsumant.

CLII. Statutum est vt nullus presbyter vel diaconus eorum decimas vel aliquid de rebus Ecclesiæ sine consilio proprij Episcopi

CAPITVL.

irreuerenter vendere præsumat: quia in canonibus decretum est ita: Placuit vt presbyteri vel diaconi non vendant rem Ecclesiæ vbi sunt constituti nesciētibus Episcopis suis, & ne deinceps fiat cauēdum est, sicut à quibusdam in aliquibus locis impudenter factum audiuius, eo quod quidam sacerdotes antequàm messes maturæ vel collectæ essent, eorum decimas vendere causa ebrietatis tentauerunt. Quod ne deinceps fiat pariter omnes inhibemus, Sed vt prius cum gratiarum actione à sacerdotibus recipiantur, & si necessitas fuerit pro restauratione Ecclesiarum vel pro redemptione captiuorum eas vēdere cum consilio proprij Episcopi, & aliorum bonorum sacerdotum hoc faciant, ne qualibet occasione occultè, & sine testimonio fraudentur oblationes fidelium, & vnde pauperes recreari debent, vel Ecclesiæ restaurari seu clerici viuere siue Episcopi recipi, hospites & peregrini pasci ac venerari presbyteri vel diaconi, aut quilibet fideiū in suis nimis potationibus vel commestationibus, seu carnalibus desideriis, qui multis modis aguntur, inflectere non præsumant. Sed in prædictis rebus eas fideliter subministrent, & sciant se non suarum, sed

dominicarum rerum esse dispensatores. Propterea quasi dominicas res fideliter eas conseruare & vtiliter dispēfare Domini sacerdotes oportet, & si, quod absit, aliter fecerint, canonica inuectione destriētē feriantur.

De anathematis hominibus repellendis.

CLIII. Omnium anathematum vox in accusatione vel testimonio aut humano iudicio penitus non audiatur, nec hi accusare quenquam permittantur. Sed si quis anathematis pœnam parui duxerit, aut in insula relegetur, aut exilio deputetur ne possit Ecclesiam Dei eiusque famulos perturbare.

De sententia aduersus absentes vel minores iudicata non valenda.

CLIII. Aduersus absentes vel minores sententia iudicata non valebit.

De his qui inebriantur aut à communionē, nisi se correxerint suspendantur aut corporali supplicio subdantur.

CLV. Sancitum est vt presbyteris vel diaconibus seu à reliquis clericis omnimodo vitetur ebrietas, quæ omnium vitiorum fomes ac nutrix est. Itaq; eum quem ebriū fuisse constiterit vt ordo patitur aut quadraginta dierum spatia communionē sta-

CAPITVL.

tuimus submouendum, aut corporali subdendum supplicio.

De his qui apud extraneos iudices causam suam proponunt, & de his qui prius in proprio foro non iurgauerint & de iudicibus qui sua negligentia a causa differunt.

CLVI. Si quis alium crediderit accusandum, apud prouinciæ illius iudicem negotium suum proponat, omnem iacturam litis incurrat, qui non antè in proprio foro iurgauerit. Quod si per negligentiam iudicis causa definita nō fuerit, tantum eum fisco, nostro iubemus exsoluere, quantū res ipsa de qua agitur valuisse cognoscitur & qui consiliis suis adhærent exilio deputentur.

Quid de vaticinatoribus falsis agendum sit.

CLVII. Vaticinatores qui se futura scire dicunt, cæsi de ciuitate iactentur.

Quid de Episcopo qui alium conculcare vel calumniare aut iniuriare præsumpserit

Episcopum, faciendum sit.

CLVIII. Vt nullus Episcopus alium Episcopum conculet, eūque calumniare, vel iniuriare præsumat, quod si fecerit gradus sui periculo subiacebit.

Vt nullus presbyter in Ecclesia benedictiones publicas super populum fundere, aut altare consecrare, vel reconciliare præsumat.

CLIX. Statutum est vt presbyteri benedictionem in Ecclesia super plebem fundere, aut altare consecrare, aut reconciliare, aut submouere, vel collocare vlllo modo non præsumant. Simul & hoc statutum est, vt altare erigere vel de loco in locum transmutare, vt à quibusdam factū audiuius, sine Episcopi sui licentia, vel consilio cuius est & ipsum altare cōsecrare & promotionem vel violationem reconciliare, presbyteri non pertentent quod si aliter fecerint, gradus sui periculo subiacebunt.

Vt absentibus quod ablatum est pleniter restituatur.

CLV. Propter absentes legem volumus iterare, vt quicquid fuerit eis à qualibet persona ablatum, totū amicis eorūque proximis vel seruis cū iudicem interpellaauerint, sine dilatione reddatur. Vt res quas discedens Dominus in sua proprietate dimisit integra ab actoribus Domini quocūque sedeat vindicentur, quæcūque aut in militia constitutis, vel absentibus peruasa fuerint, sine aliqua iubemus dilatione restitui.

De negligentibus officiis diuinis, et non venientibus ad matutinalia vel vespertinalia siue reliqua diuina officia.

C A P I T V L.

CLXI. Statutum est, vt si quis presbyter, vel diaconus aut quilibet clericus Ecclesiæ deputatus, si intra ciuitatem fuerit, aut in quolibet loco in quo Ecclesia est, & ad quotidianum psallendi sacrificium matutinis vel vespertinis horis ad Ecclesiam nō conuenerit deponatur à clero, si tamen castigatus veniam ab Episcopo pro satisfactione voluerit promereri.

*De his qui in captiuitatem ducti sunt
quid agendum sit.*

CLXII. Quicumque necessitate cupiditatis ducti sunt & non sua voluntate, sed hostili deprædatione ad aduersarios transierunt, quæcūque in agris vel in mancipiis antequam tenuerunt, siue à fisco possideantur, siue aliquid ex his per principem cuiuscūque datum est sine ullius contradictione personæ tempore quo redierint vindicent, ac præsumant si tamen cū aduersariis non sua voluntate fuerint sed captiuitate se detentos esse probauerint.

Vt presbyteri per singulas hebdomadas sicut ab Episcopo vel ab illo qui constitutus est ab eo vocentur ad ciuitatem conueniant absque ulla dilatione discendi gratia.

CLXIII. Statutum est vt omnes presbyteri parrochiæ ad ciuitatem per turmas & per

hebdomadas ab Episcopo sibi constitutas conueniant discendi gratia, vt aliqua pars in parrochiis presbyterorum remaneat, ne populi & Ecclesiæ Dei absque officio sint, & aliqua vtilia in ciuitate discant, vtmeliores ad parrochias demum & sapiētiores atque populi vtiliores absoluti reuertātur & ibi ab Episcopo idest in ciuitate, siue à suis benedictis ministris bono animo instruātur de sacris lectionibus, & diuinis cultibus, & sanctis canonibus siue de baptis-
matis sacramento, atque Missarum solemnibus & precibus, & de reliquis officiis omnibus sibi necessariis pleniter & distinctè ac sigillatim imbuantur, & omnia quæ illi per parrochias docere, prædicare, facere debent, eos Episcopus & sui benedicti ministri veraciter & discretè doceant. Vt quid facere vel quid vitare debent, sciant, quatenus eorum vitam bene, & condignè, atque irreprehensibiliter ducant, & aliis bene viuendo bonum exemplum absque vlla offensione præbeant, & eorum ministeria sapienter, & rationabiliter adimpleant, vt in nullam quod absit offensionem incidant, sed Dei gratiam promereri valeant.

Quid de conuictis in iudicio de euidenti violentia agendum sit.

C A P I T V L.

CLXIII. Conuictus in iudicio de euidenti violentiæ crimine, reus capite ponatur.

De his qui relinquunt Ecclesiastica officia & ad seculares confugiunt, & de clericis furtum Ecclesiæ facientibus, siue de clericis comam nutrientibus vel habitum aut vestimenta clericalia mutantibus.

CLXV. Sancitum est, vt quisquis clericus relicto officio suo propter distinctionem ad secularem quemlibet confugerit, & is ad quem recurrit solatium ei defensionis impenderit, cum eodem de Ecclesiæ communione pellatur. Simulque sancitum est, vt si quis clericus furtum Ecclesiæ fecerit, peregrina ei communio tribuatur. Simili modo decretum est, vt clerici qui comam nutriunt ab Archidiacono, etiamsi noluerint, inuiti detundantur. Vestimenta verò vel calceamenta eis nisi quæ religionem deceant, vti aut habere non liceat.

De seruis insciis vel consciis dominis violentiam facientibus & qualiter hæc corrigantur.

CLXVI. Serui si inscio domino confessi vel conuicti fuerint violentiam commisisse, addicti tormentis grauibz puniatur, si verò iubentibus dominis violentiæ crimen admisierunt, domini qui illicita præceperunt notentur infamia, & nobilitatis vel

honoris sui dignitatem tenere non possint. Serui autem qui talibus dominorum iussionibus paruerunt, in metallo detrudantur, cæterum non liceat iudicibus discussionem violentiæ differre, vel dimittere vel donare. Si autem probauerint violentiam, & non statim vindicauerint, noverint se periculum subituros, viles autem personæ quæ frequenter admisisse violentiam comprobantur, constituta legibus pœna supra scripta omnimodis feriantur.

Vt clerici contumaces vel inflati contra Episcopum suum non sint, nec parui pendant eius excommunicationem, & qualiter hoc facientes suam recipere debeant dignitatem.

CLXVII. Statutum est vt contumaces clerici, prout dignitatis ordo permiserit, ab Episcopis corrigantur, & si qui priores gradus elati superbia communionem fortasse contempserint aut Ecclesiam frequentare, vel officium suum implere neglexerint, peregrina eis communio tribuatur, ita vt cum eos pœnitentia correxerit, rescripti in matricula gradum suum dignitatẽque recipiant.

Quod accusatoribus ante discussionem utriusque partis non sit credendum.

CAPITVL.

CLXVIII. Quotiens quilibet accusator aliquid de aduersario suo eo absente suggererit, ei ante discussionem vtriusque partis penitus non credatur.

De sacerdotibus non extrahendis.

CLXIX. Præcipimus, vt nullo vel falso insimulatus crimine extrahatur sacerdos.

*Vt qui iudices suspectos habuerint, vocem
appellationis exhibeant.*

CLXX. Si quis iudicem pro quibuscunque causis aduersum sibi senserit, aut habuerit fortè suspectum, vocem appellationis exhibeat, vt cùm ei concessum fuerit, integro negotio apud alium iudicem amotis dilationibus possit audiri.

*Vt discordantes ad altare siue ad gratiam sanctæ
communione non accedant, & si vnus eorum
se correxerit & alter discordans inuen-
tus fuerit, quid de his agendum sit.*

CLXXI. Sancitum est vt personarū discordantium nemo antequàm reconcilientur ad altare Domini accedere audeat, vel gratiam communionis sanctæ precipere, sed geminato tempore per pœnitentiā compensabitur, in quo discordiæ seruierant. Quod si vnus eorum alio contemnente ad satisfactionem caritatis occurrerit, ex eo tempore vt pacificus in Ecclesiam recipia-

tur, ex quo ad concordiam festinasse con-
uincitur.

*Quod penitentes à conuiuiis & ornamentiis atque
alba veste abstinere debeant.*

CLXXII. Qui luget abstinere debet à con-
uiuuiis ac ornamentis & alba veste.

*De his sacerdotibus qui de Ecclesiis ad Ecclesias
irrationabiliter transeunt, & de illis qui in
loco eorum sunt ordinati.*

CLXXIII. Sancitum est vt illi sacerdotes,
qui de Ecclesiis ad Ecclesias migrant vel
inmigrauerunt & suos titulos absque licentia
& consensu Episcopi dimittunt vel dimi-
ferunt tandiu à communione habeantur
alieni, quandiu ad eas redierint Ecclesias
in quibus primò sunt constituti. Quod si
alius alio transmigrante in locum viuientis
ordinatus est, tandiu vacet sacerdotij di-
gnitate qui suam deseruit Ecclesiã, quan-
diu successor eius quiescat in Domino.

*Quod iniuriarum actiones non nisi præsen-
tes accusare possunt.*

CLXXIII. Iniuriarum actiones nō nisi præ-
sentes accusare possunt. Crimē enim quod
vindiçtæ aut calumniæ iudicium expectat,
per alios intendi non potest.

*Vt quod Ecclesia tricennali vice possederit nul-
lo liceat pro hoc deinceps appellare & de ra-*

C A P I T V L.

ptoribus viduarum vel virginum, & vt fœminæ sacris altaribus non ministrent.

CLXXV. Statutum est vt facultates Ecclesię nec non dioceses quæ ab aliquibus possidentur sacerdotibus iure sibi vindicent, quod terricennalia lex conclusit, & vltra triginta annos nulli liceat pro id appellere quod legum tempus exclusit. Simulque sancitum est, vt raptores viduarum vel virginum ab Ecclesię communione pellantur, & vt fœminæ sacris altaribus non ministrent, vel aliquid ex his quæ virorū sunt officiis deputata, præsumant.

De iudicibus contra legem iudicantibus & legem audire volentibus.

CLXXVI. Quicumque iudex oblatas sibi in iudicio leges vel iuris species audire noluerit & cum ira eas iudicauerit, ex hac re conuinctus in carcere deportetur.

De imperitis vt peritis non præferantur.

CLXXVII. Valde iniquum est vt imperiti, magistris, noui, antiqui vel Iudæi præferantur emeritis.

Vt liceat litigatoribus vitiatam causam appellationis remedio subleuare & vt appellatores in nullam custodiam redigantur.

CLXXVIII. Iudices obseruare debent, vt liceat litigatori vitiatam causam appellationis

nis remedio subleuare. Et appellatores nec in carcerem redigantur, nec à militibus faciant custodire, sed agendum negotium suum liberi obseruent, nec etiam in supplicium destinatis appellandi vox denegetur. *Vt nullus falsum testimonium dicat, & de periculo falsorum testium seu pœnitentia vel abiectione eorum.*

CLXXIX. Volumus atque præcipimus, vt omnes à falso testimonio se abstineant, scientes & hoc grauissimum scelus esse, & ab ipso Domino in monte Synai prohibitum, dicente eo, Non falsum testimonium dixeris, siue testis falsus nō erit impunitus. Sciat enim se quisquis hoc perpetrauerit, aut tali pœnitentia purgandum, sicut de periurio, aut tali damnatione, & excommunicatione feriendum sicut de homicidio vel periurio. Summa enim stultitia & nequitia est vt aliquis homo qui Christiano nomine censetur, pro cupiditate argenti, vel auri, aut vestimentorum siue agrorum vel cuiuslibet rei sicut sæpe contingere solet propter ebrietatem, aut ventris ingluuiem, in tā grande scelus corruat, vt aut septē annis in arcta ærumna sit, aut ab Ecclesia sit repulsus, dicente Domino: Quid prodest homini si lucretur vniuersum mū-

dum, animæ vero suæ detrimentum faciat.

*Quod eandem pœnam passurus sit accusator, si
conuincere accusatum non potuerit,
quam reus passurus erat.*

CLXXX. Pœnam quā reus passurus erat, accusator excipiat, si conuincere eū non potuerit. Nemo potest debitorem plus agnoscere, quàm ille qui iniuriæ sustinuit nequitiam.

Quod prolator semper scripturam affirmare debeat.

CLXXXI. Statutum est vt scripturam prolator adfirmet. Nam si is qui scripturam protulit eius non adstruxerit veritatem, vt falsitatis reum esse detinendum.

*Vt omnes fideles suis Episcopis
fideliter obediant.*

CLXXXII. Qui Episcopum suum noluerit audire & excōmunicatus fuerit, & renuerit perennem cōdemnationem Episcoporum apud Deū sustineat, & insuper palatio nostro sit omnino extraneus, & omnes facultates eius ad legitimos parentes pertineant.

De homicidis quid agendum sit.

CLXXXIII. De homicidis ita iussimus obseruare, vt quicumque ausu temerario alium sine causa occiderit, vitæ periculo feriatur,

& pretio nullo se redimere vnquam valeat, & si cōuenerit vt ad compositionem quisque descendat, nullus de parentibus aut amicis eum quicquam adiuuet, quod si fecerit suum vuirgildum omnino cōponat.

Quid de furibus & malefactoribus sit agendum.

CLXXXIII. De furibus & malefactoribus hoc decreuimus obseruari, vt si quinque aut septem bonæ fidei homines, absq; inimicitia præposita, criminosum cum sacramenti interpositione esse dixerint, quomodo contra legem furtū perpetravit, sic secundum legem moriatur. Et si iudex comprehensum latronē laxauerit, vitam suam amittat, & vt cæteri disciplinam omnibus obseruent.

De incestis quid agendum.

CLXXXV. Vt incestum nullus sibi vnquam societ coniugium, quod si contigerit ab Episcopo loci illius separētur, & publicam septem annorum iuxta canonicos gradus ambo agant pœnitentiam. Qui autem hoc agere noluerit, ab omnibus vt anathema habeatur.

De accusatoribus non facile recipiendis nec absque certa probatione quosquam iudicandis vel damnandis.

CLXXXVI. Omnia primo diligenter cunctos oportet inquirere vt cum iustitia definiatur. Nullus quēquam ante iustum iudicium damnet, nullum suspicionis arbitrio iudicet, prius quidem probet, & sic iudicet: non enim qui accusatur, sed qui conuincitur reus est. Pessimum namque & periculosum est, quenquam de suspicionē iudicare. In ambiguis Dei iudicio semper referuetur sententia. Quod certē agnoscunt, suo, quod nesciunt, diuino referuent iudicio: quoniam nō potest humano condemnari examine, quem Deus suo iudicio reseruauit. Incerta namque non debemus iudicare, quousque veniat Dominus, qui latentia producet in lucem, & illuminabit abscondita tenebrarum, & manifestabit consilia cordium. Quamuis enim vera sint, non tamen credenda sunt, nisi certis iudiciis comprobātur, nisi quæ manifesto iudicio conuincuntur, nisi quæ iudicario ordine publicantur.

*De corepiscoporum superstitione
atque damnatione.*

CLXXXVII. Omnibus sanctæ Dei Ecclesiæ fidelibus, & nostris notum esse volumus, quia non parua quæstio de corepiscoporum superstitione, aut nos non semel aut bis vel

ter venerat, sed sæpissime nostris auribus molestiam intulerat. Ipsa enim quæstio nō solum inter clericos, sed etiam inter laicos crebrius vētilabatur. Dicebant ergo presbyteri, diaconi & subdiaconi, à regularibus Episcopis ordinati nō eos esse presbyteris vel diaconos aut subdiaconos, quia corepiscopis videbātur quasi sacrati, nec sacerdotale eos debere peragere officiū, nisi forent à canonicè ordinatis Episcopis consummati. Sumentes quoque de canonica auctoritate sanctionē affirmabant à corepiscopis ordinatos vulneratū potius quàm Episcopaliter sanētificatū per illam manus impositionem habere caput. Vbi autē vulnus infixum est, medicina est adhibenda, quia possit recipere sanitatem. Similiter & laici dicebant quod talium ministrorum vel sacerdotum, id est, qui à corepiscopis erunt quasi ordinati officia audire nollent, nec eorum infantes maiores vel minores aut familiam eorum per manus impositionem consignari vel cōfirmari vsquam vel-
lent, ne magis vulnus quam benedictionem acciperent. Quod iurgium cum enucleatius discutere voluissemus, placuit nobis ex hoc Apostolicā sedem consulere iubente canonica auctoritate, atque dicente.

CAPITVL.

Si maiores causæ in medio fuerint deuolutæ, ad sedem Apostolicam vt sancta synodus statuit, & beata consuetudo exigit incunetâter referatur. Quapropter Arnonem Archiepiscopum misimus ad Leonem Apostolicum, vt inter cætera quæ ferebat etiâ eum & hoc interrogare vt quicquid super his definiendum esset Apostolica auctoritate à nostris Episcopis regulariter sopiretur. Qui nobis verbis & scriptis ab eo renunciâs hæc non esse necesse iterare vel definire, quia sæpissime à suis prædecessoribus & à multis sanctis Episcopis, atque synodalibus sanctionibus eos esse prohibitos atque damnatos, & ideo non esse necesse ventilare sed definita tenere: Dixit enim nullû fore presbyterû vel diaconum aut subdiaconum ab eis ordinatû, nec Ecclesiam ab eis dedicatam, nec virginem consecratam, nec quenquam confirmatum, neque quicquam quod de Episcopali ministerio præsumere peractum, Sed quicquid ex his ab eis illicitè erat præsumptum, omnia à canonicè ordinatis Episcopis debere ritè peragere, & in meliorem statum reformare, quia quod non ostenditur gestum, ratio non sinit vt videatur iteratum. Prædictus autem corepisco-

pus omnes præcepit damnare, & in exilio detrudi. Ista vero omnes maximè regni nobis à Deo commissi Episcopi cum eodem Arnone permittent præfato Apostolico mitiùs tractantes, iam dictos villanos Episcopos inter presbyteros statuerunt, ita vt amplius nihil de Episcopali ministerio præsumerent, nec ipsi deinceps à quoquam fierent, qui gradus sui periculum vitare vellet. Decretum namque est in illa synodo quam Reginisbure, pro eadem vel pro aliis causis Apostolica auctoritate præfato prætexto habuimus, nihil ex prædictis à quoquam eorum agere nec facere volentibus consentire, sed quicquid ab his Episcopaliter præsumptum est, à canonicè ordinatis Episcopis peragi debere, nec ullam vsquàm de Episcopali ministerio à cœpiscopis aliquid accepisse, quia nihil indante erat, quod aliquis horum accipere potuisset, quoniam quod non habuit quis eorum, dare non potuit. Nam Episcopi non erant quia nec ad quandam ciuitatis Episcopalem sedem titulati erant, nec canonicè à tribus Episcopis ordinati, ideo de Episcopali ministerio nihil agere potuerunt, & idcirco non ostenditur gestum, quod præfixi agere putauerunt, quia quod non

habuerunt, nullatenus dare potuerunt. Ideo namque nulla causa permittit, vt videatur iteratum, quod de causis memoratis à canonicè ordinatis Episcopis cognoscitur regulariter peractum. Vnde & cùm sæpe quæstio de malè accepto honore nascatur, quis ambigat, nequaquam esse tribuendum quod nō docetur fuisse collatū. Scimus enim sicut & antiquis patrū legimus decretis posse vera ac iusta legitimi Episcopi benedictio auferre omne vitium quod à vitioso fuerat iniectum.

*De rebus Ecclesiasticis absque iussione proprij
Episcopi dispensandis.*

CLXXXVIII. Placuit vt Episcopi rerum Ecclesiarum in omnibus iuxta sanctorum canonum sanctiones plenam semper habeant potestatem; nullus eas dare vel accipere, absque proprij Episcopi audeat iussione, nullus eas inuadere, vel vastare, aut quomodo deteriorare præsumat. Nam de vastantibus Ecclesias earumque res nihil aliud intelligimus, quàm contra illum æterni imperij Dominū, eiusque maiestatis homines mouere certamē. Cùm illæ ædes illi die noctūque famulantur, & illi sint cōsecratæ. Videant ergo vastantes easque inuadentes prænūtiamus ne ab illo si se com-

moueat vastatur & disperdetur cuius percussione montium dorsa ferre non possunt. Nos vero ista nec agere volumus, nec facere volentibus consentire, ne nos ipsos quod absit perdamus, aut se perdere volentibus cōsentiamus. Quapropter precipimus vt se quis ex iure Ecclesiastico hactenus nostra largitate aliquid possedit, si illa deinceps habere voluerit, vt ad proprios Episcopos veniat, & ab eis, & à præpositis Ecclesiarum, vnde esse videntur quocunque modo iustè potuerit eam impetrare satagat, & nihil ex eis aliter ambigat aut concupiscat vel accipiat ne cupidus sanctarum rerum ignis qui in eis est fauillōsius exurat. Vnde & in sacris canonibus spiritui Dei conditis, decretum habetur ita. Si quis oblata dederit vel acceperit præpter Episcopū vel eum qui cōstitutus est, ab eo ad dispensandam misericordiam pauperibus, & qui dat & qui accipit anathema si. Scimus enim anathematōs homines, & in præsentī seculo infames esse, ac perditos, & à cōsortio fidelium in omnibus absque pane & aqua fieri alienos, atque si absque Ecclesiæ satisfactōe de hac vita recessoerint, à regno Dei fore extorres, quam foueam cauere dissimulans

vel recusans nostra se sciat per omnia care-
 re societate, quia non solum qui faciunt,
 sed qui facientibus praua consentiunt, rei
 sunt. Satius enim nobis est regnum nō ha-
 bere terrenum, quam æternum perdere,
 Plus verò me credo Deum posse per san-
 ctorum suorum merita adiuuare, quàm
 omnem militiam secularem: Quapropter
 omnes scire cupimus, si super his quibus
 fruimur bonis vniuersum mundum lucra-
 re potuissemus, nostram vestrasque animas
 perdere noluissemus, nec se pro prædictis
 cupiditatibus perdere volentibus consen-
 tire. Testante namque Euangelica tuba di-
 dicimus, nihil prodesse homini vniuersum
 mundum lucrare, si animæ suæ detrimentū
 patiatur. Et iterum: quam dabit homo
 cōmutationem pro anima sua. Et iterum,
 ibunt hi in supplicium æternum, isti au-
 tem in vitam æternam.

*Vt mulieres non ingrediantur ad altare, & vt
 baptisati fidei sacramento instruantur, & post
 baptismum chrisma cæleste per Episcoporum
 manus impositionem omnes percipiant fideles.*

CLXXXIX. Non oportet mulieres ingredi
 ad altare. Baptisandos verò oportet fidei
 symbolum discere, & quinta feria septi-
 manæ maioris Episcopo vel presbyteris

reddere. Et qui in ægritudine cōstituti baptismū perceperint sani facti fidei symbolo doceantur, vt nouerint quanta natione dignis habiti. Oportet etiā baptisatos post baptismum chrisma cæleste percipere, & regni Christi participes fieri.

Quod non conueniat cathecumenis vel pœnitentibus in pascha, vel Pentecostē, aut natiuitate Domini ante baptismum vel canonicam reconciliationem sacramentum Dominici corporis dare, sed tantum sal benedictum.

cx. Vt per solemnitates nisi mos paschales dies sacramentum cathecumenis non detur, nec eis qui à liminibus Ecclesię sunt exclusi, neque eis ante canonicam reconciliationem, qui publicam gerunt pœnitentiam, sed tantum benedictum sal à sacerdotibus pro communione tribuatur. Et quia fideles per illos dies sacramenta non mutāt nec cathecumenos vel publicè pœnitentes oportet mutare.

Vt in synodo prius generales causę quę ad normam Ecclesię pertinent finiantur, & postea speciales ventilentur.

cxci. Placuit vt quotiens secundum statuta patrum synodus congregata fuerit nullus Episcoporum vel presbyterorum aliquam prius causam aggere audeat,

C A P I T V L.

quàm ea quæ ad emendationem vitæ & ad feueritatem regulæ animæque pertinētur finiantur.

De his qui res Ecclesiæ à principibus petunt, ut irrita habeantur, quæ obtinent & ipsi à communione priuentur.

cxcii. Qui reicolam Ecclesiæ petunt à regibus & horrendæ cupiditatis impulsu egentium substantiam rapiunt, irrita habeantur quæ obtinent, & à communione Ecclesiæ cuius facultatem auferre cupiunt, excludantur.

Vt nullus Episcopus de alterius Episcopi diocesi quicquam præsumat.

cxciij. Ne parrochias cuiuslibet Episcopi alterius ciuitatis Episcopus canonum temerator iuuadat, & vesanæ cupiditatis facibus inflammetur suis quemadmodū non contentus rapiat aliena.

Vt posteriores Episcopi non se præponant prioribus.

cxciij. Vt nullus Episcopus prioribus suis se audeat antepondere.

*Vt clerici qui sine Epistolis Episcopi sui extra propriam parrochiam profecti fuerint, communionem priuentur, & si incorrigibiles appa-
ruerint verberibus arceantur.*

cxcv. Clericis sine commendatitiis Epi-

stolis Episcopi sui licentia non patēte euagandi, & in omni loco ad quem sine Epistolis sui Episcopi vt dictum est venerint, à communione habeantur alieni. In monachis quoque par forma seruetur, quos si verborum increpationem emendauerint, etiam verberibus statuimus coerceri.

*Vt laici nō ordinentur nisi religione præmissa,
& vt monasteriis puellarum probatæ
vitæ homines præfigantur.*

cxvi. Præcipimus ne laicus nisi religione præmissa clericus fiat. In monasterium verò puellarum homines non nisi probatæ vitæ ætatis prouectæ, ad quasunque earum necessitates vel ministraciones permittantur intrare. Ad faciendas verò missas clerici qui ingressi fuerint statim peracto ministerio regredi festinent. Aliter autem nec clericus nec monachus iuuenis vllum ad puellarum congregationem habeat accessum, nisi hoc aut paterna aut germana necessitudo probetur admittere.

*De his qui distractionem Episcoporum circa se
austeriorem putauerint quid agendum sit.*

cxvii. Si quis clericorum circa se aut distractionem, aut retractationem Episcopi sui putat iniusta iuxta antiquas constitutiones recurrat ad synodum.

De conspiratione clericorum vel monachorum aut laicorum.

cxviii. Si quis clericorum vt in multis locis diabolus instigante actum fuisse perpatuit rebelli auctoritate se in vnum coniuratione intercedente collegerint, aut sacramenta inter se data, aut chartulam conscriptam fuisse patuerit, nullis excusationibus hæc præsumptio præuelletur, sed res decreta cum in synodum ventum fuerit, in præsumptoribus iuxta personarum & ordinum qualitatem à pontificibus qui tunc in vnum collecti fuerint, vindicetur. Quia sicut charitas ex præceptis dominicis corde non chartulæ conscriptione vel coniuratione est exhibenda, ita quod supra sacras admittitur scripturas auctoritate & distictione pontificali est reprimendū.

De his qui res Ecclesiæ traditas inuadant vel vastant aut absque proprij Episcopi consensu accipiunt quid agendum sit.

cxcix. Si quis res Ecclesiæ debitas vel proprias sacerdotis horrendæ cupiditatis instinctu occupauerit, retinuerit, aut à potestate ex competitione perceperit, nisi eas restituerit, nullis se rebus excuset. Quod si agnito iure Ecclesiastico non statim Ecclesiæ vel sacerdoti reformauerit, aut vt ipsū

ius agnoscere possit in iudicium electorum venire destulerit, tandiu à communione Ecclesiastica suspendatur, quandiu restitutis rebus tam Ecclesiam quàm sacerdotem reddat indemnem. Similis etiam his qui oblationes defunctorum Ecclesiis vel sacerdotibus legaliter dimissas, quolibet ordine adsignare tardauerint, vel retinere præsumpserint, distractiones Ecclesiasticæ iuxta priores canones forma seruetur. Cui etiam sententiæ subiacebit, quisquis sibi quolibet ordine quod pro deuotione sua Ecclesiis dedit, renouare præsumpserit, abbatibus, presbyteris cæterisque ministeris de rebus Ecclesiasticis, vel sacro ministerio traditis, nihil alienare, vel obligare, absque permissione & subscriptione Episcopi sui liceat, quod si præsumpserint degradentur communione concessa, & quod temerè præsumptum, aut alienatum est, ordinatione Episcopi reuocetur.

*De his quæ die Dominico agere prohibentur
vel permittuntur.*

cc. Audiuius persuasum esse populis die dominico agi cū ballis aut bubus vel vehiculis itinera nō debere, neque vllā rem ad victū reparare, vel ea quæ ad nitorem domus vel ad hominis pertinent, nullatenus

exercere, quæ res ad Iudaicam superstitionem magis, quàm Christianam obseruantiam pertinere probatur. Quapropter id statuimus, vt die dominico quod ante fieri licuit, liceat. A rurali tamen opere, id est, aratro, vel vinea, vel secatione, messis excussione, exarto, vel sæpe censuimus abstinendum, quod facilius ad Ecclesiam venientes, orationis gratia, vacent. Quod si inuentus fuerit aliquis in operibus superscriptis, atque interdictas exercere præsumperit, qualiter hæc emendare debeat, non in laicorum distractione, sed in sacerdotis castigatione consistat.

De his qui ante finitam missam de Ecclesia egredi præsumunt.

ccr. De missis nullus laicorum ante discedat, quàm Dominica dicatur oratio, & si Episcopus præsens fuerit, eius benedictio expectetur, neque ante missam expletam quis egredi præsumat.

De his qui in Ecclesia cum armis intrare præsumunt.

ccri. Sacrificia matutina missarum, siue vespertina ne quis cum armis pertinentibus ad bellorum vsum expectet. Quod qui fecerit in sacerdotis potestate cōsistat, qui alienum distriktionem debeat castigare.

*Vt laici in Ecclesia infra cancellos stare
non præsumant.*

CCIII. Vt laici secus altare quo sancta mysteria celebrantur, intra clericos tam ad vigiliis quàm ad missas stare poenitus non præsumant. Sed pars illa quæ à cancellis versa altare diuiditur, choris tantum psallentium pateat clericorum. Ad orandum verò & communicandum laicis, & fœminis sicut mos est pateant sancta sanctorum.

*De his qui sabbatho sancto Paschæ, hora
nona ieiunium soluunt.*

CCIII. Quidam sabbatho sancto ab hora nona ieiunium soluunt, conuiujs vtuntur, & dum sol ipse eadē die tenebris palliatus luminē subduxerit, ipsaque elementa turbata mæstitiam totius mundi ostenderint, illi ieiunium tanta die polluant, epulisque inseruiunt, & quia totum eundem diem vniuersalis Ecclesia propter passionem Domini, in mœrore & abstinencia peragit, quicunque in eo ieiunium propter paruulos, senes, & languidos ante peractas indulgentiæ preces persoluerit, à Paschali gaudio depellatur, nec in eo sacramentum corporis & sanguinis Domini percipiat, qui diem passionis eius per abstinenciam honorat.

C A P I T V L.

*De purgatione sacerdotum qualiter vuormatia
secunda vice à Domino Carolo & à suis
tractata atque sopita est.*

ccy. Omnibus vobis tã præsentibus quàm futuris scire cupimus, quia ideo consultu sedis Apostolicæ, & omnium nostrorum Episcoporum, ac reliquorum sacerdotum, atque maximè cūctorum fidelium nostrorum, de purgatione criminatorum sacerdotum tãta tractauimus, cumque cum testibus, sicut in anteriori capitulari nostro continetur fieri decreuimus, quoniam nesciebamus eãdem causam à beato Gregorio Papa esse definitã. Nam cum vuormatiæ generalem conuentum habuissemus, allata est nobis à Trichulfo Maguntiacensi metropolitano epistola beati Gregorij Papæ, in qua inter cætera continebãtur hæc. De presbytero verò vel quolibet sacerdote à populo accusato, si certi non fuerint testes qui crimini illato approbent veritatem, iusiuradum erit in medio, & illum testem proferat de innocentia suæ puritate cui nuda & aperta sunt omnia, sicque maneat in proprio gradu. Istã verò omnia quia vires nostras excedūt, in iudicio Episcoporum iuxta canonicam sanctionem definiendam reliquimus, vt hæc quando

orta fuerint ita definire satagant, vt nec secundum sæculum istam reprehensionem, nec penes Deum, quod absit, damnationem, sed æternæ beatitudinis ipso auxiliante qui omnia infucata præstat præmia consequantur.

De recto iudicio ab omnibus iudicando, & de litibus & contentionibus cauendis.

CCVI. Omnes moneamus vt lites vel contentiones non rectè iudicatas, ad patientiæ culmen perducere studeant, sicut Dominus Iesus Christus in mādatis suis nos admonet dicens: Iustè iudicate filij hominū, & in quocumque iudicio iudicaueritis, iudicabitur de vobis. & iterum, Munera excæcant oculos sapientium, & tollunt verba iustorum, qui consentit, non rectè iudicat. Sic docent præcepta Domini: Quod tibi non vis fieri alteri non facias. Vē vobis iudices & principes qui ab impio accipitis munera, & iustitiam iusti aufertis ab eo, & rememoramini quod dicit. Reddidit Deus vnicuique secundum opera sua, vel secundum iudicia sua.

Vt testes priusquam de causa interrogentur sacramento constringantur.

CCVII. Testes priusquam de causa interrogentur sacramento debere constringi, vt

iurent se nihil falsi esse dicturos, hoc etiam iubemus vt honestioribus magis, quàm vi-
lioribus testibus fides potiùs admittatur.
vnius autẽ testimonium quamlibet splen-
dida & idonea videatur esse persona, nulla-
tenus audiendum.

*Vt Episcopos vel sacerdotes aut clericos in iu-
diciis secularibus nullus accuset.*

ccviii. Mâsuetudinis nostræ lege prohibe-
mus in iudiciis Episcopos accusare, nedũ
ad futura ipsorum beneficio impunitas æ-
stimatur libera sit ad arguendos eos ani-
mis furialibus copia. Si quidem igitur que-
relarum quod quispiam defert apud alios
potissimum Episcopos conuenit eximplo-
rari, vt oportuna atque commoda cuncto-
rum quæstionibus audiëntia commodetur.

*Vt mancipia quæ Iudæi emerint aut circuncide-
rint ab eorum potestate auferantur.*

ccix. Si quis Iudæorum Christianum ser-
uum vel cuiuslibet alterius sectæ emerit, &
circunciderit, à Iudæi ipsius potestate sub-
latus in libertate permaneat.

De integra restitutione.

ccx. Integra restitutio dicitur, si quando
res quælibet, aut causa quæ perierat in pio-
rem statum reparatur, vel id quod alicui
sublatum est reformatur. Ita vt eorũ causæ

vel res in integrum reuocentur, qui aut per timorem potestatis alicuius, cōpulsī sunt, aut fraude vel errore decepti sunt, aut per captiuitatem vel quamcunque iniustam necessitatem longæque stantiam suam, aut statum ingenuitatis perdidisse noscuntur. Aut si qui pro necessitate longæque peregrinationis absentant, vel restauranda ea quæ indemnīs minorum gesta esse probantur.

De his quæ iniuste ablata sunt vt iustis legibus in integrum restituantur.

CCXI. Quotiens de reuocanda re vel causa integri restitutionis beneficium petitur, aut in rem aut in personam agendum est, vt res ipsa quæ sublata est recipiatur. Et cū in persona actio cōperit intendi, is qui rem indebitè abstulisse conuincitur, id quod sublatum est intra annū in quadruplum reformetur, post annum verò in duplum reddendum est.

Vt Ecclesiarum vel clericorum seruos, à iudicibus non liceat vexari.

CCXII. Ecclesiarum seruos, & Episcoporū vel omnium clericorum, à iudicibus vel actoribus publicis in diuersis angariis fatigari diuina præcipimus auctoritate. Vnde omne concilium, ac pietate gloriosissimū

C A P I T V L.

Domini nostri poposcitur, vt tales deinceps à suis inhibeat, sed serui supra scriptorum officiorum, in eorum vsibus vel Ecclesiæ laborent. Si quis vero iudicium aut actorum, clericum aut seruum clerici vel Ecclesiæ in publicis ac priuatis negotiis occupare voluerit, à communione Ecclesiastica, cui impedimentum facit, efficiatur extraneus.

*Vt dotes Ecclesiarum simul cum ipsis Ecclesiis
semper ad proprij Episcopi perti-
neant dispositionem.*

CCXIII. Multi contra canonum statuta Ecclesias quas ædificauerint postulant consecrari, ita vt dotem quam eidem Ecclesiæ contulerint non censeant ad Episcopi ordinationem pertinere, quod factum & in præterito displicet, & in futuro prohibetur, sed omnia secundum constitutionem antiquam ad Episcopi ordinationem & potestatem pertineant.

*Vt Episcopi semper præuideant qualiter iudices
cum omnibus sibi commissis agant.*

CCXIII. Sint semper perspectores Episcopi secundum regis admonitionem, qualiter iudices cum populis agant, & aut ipsos præmonitos corrigant, aut insolentias eorum auditibus principum innotescant. Quod

si correptos emendare nequiverint, & ab Ecclesia, & à cōmunionē eos suspendant.

De deuotis peccantibus non recipiendis, nisi peccare desierint.

ccxv. Deuotam peccantem non recipiendam in Ecclesia, nisi peccare desierit. Si & desinens egerit aptam pœnitentiā decem annis, recipiat communionem. Prius autem quàm in Ecclesia admittatur ad orationem, ad nullius conuiuium christianæ mulieris accedat. Quod si admissa fuerit, etiam hæc, quæ eam receperat habetur absens: Corruptorem etiam par pœna constringat. Quæ autem maritum acceperit non admittatur ad pœnitentiā, nisi adhuc viuente marito ipsa castè viuere ceperit, aut postquam ipse decesserit.

De his qui excommunicantur à sacerdotibus,

ut nullus ad eos accedat.

ccxvi. Si quis laicus per excommunicatiōnem abstinet, ad domum eius clericorum vel religiosorū nullus accedat. Similiter & clericus si abstinet, à clericis deuitetur: Si quis cum illo colloqui, aut cōuiuare fuerit deprehensus, etiam ipse abstinēatur: Sed hoc pertineat ad eos clericos qui eius sunt Episcopi & ad omnes qui commoniti fuerint de eo qui abstinet, siue laico quolibet,

siue clerico.

De vagis & leuibus sacerdotibus ac clericis quid agendum sit.

ccxvii. Hoc etiam placuit vt vagus atque instabilis clericus siue etiam in diaconali ministerio vel presbyteri officio cōstitutus si Episcopi à quo ordinatus est præceptis non obedierit, vt in delegata sibi Ecclesia officium dependat assiduum, quousque in vitio permanserit, & communione & honore priuetur.

De tenendis ad solutionem qui debitum promittunt.

ccxviii. Si quis pro alterius debito se pecuniam promiserit redditurū, ad solutionem statuta promissionis est retinendus.

De his qui ad vendendum alterius rem accesserint quid agendum sit.

ccxix. Si facto pretio rem vendendam aliquis cuiunque tradiderit, & dum ab eo vendenda profertur quacunque occasione perierit, ei perit, qui eam dederat distrahendam. Cæterum si rem acceptam non rogante Domino, sed promittente eo qui accepit dum vellet venundare, perdiderit sibi rei perditæ ingerit detrimentum.

Vt creditor rem debitoris prius nō vendat, quam cum de solutione ter conueniat.

ccxx. Creditoris si sine conditione pignus sibi depositum tenens tē debitorem conuenerit vt soluto debito pignora sua recipiat, & sibi debitor noluerit post tres admonitiones soluto debito pignora sua recipere, creditor distrahendi pignoris habebit liberam potestatem.

Vt cum rebaptizatis fideles non communicent.

ccxxi. Cum rebaptisatis fideles religiosi nec in cibo participant,

De his qui iubente sacerdote de Ecclesia exire contempserint, quid agendum sit.

ccxxii. Qui iubente sacerdote pro quacunque culpa ab Ecclesia exire contempserit pro noxa contumaciæ tardius accipiantur ad veniam,

De clericis increpationi inobedientibus

verberandis.

ccxxiii. Clerici quos increpationi non emendauerit, verberibus coercantur.

De his qui aliis aliquid debent, & ipsis ab eis

aliquid debetur vt in solutionem

computentur.

ccxxiiii. Si quis debeat alicui solidos decem, & ille qui debet de quacunque ratione debeatur illi à creditore suo solidi quinque, & veniat creditor totos decem solidos à debitore petat, si probauerit ille de-

CAPITVL.

bitor sibi ab eo quinque solidos deberi, quare illum in solidum pro totis decem solidis conuenit causam perdit qui noluit debitum compensare. Similis ratio est de frumento vel de aliis speciebus.

De his qui filijs familias aliquid commendauerint quid agendum sit.

ccxxv. Qui filio familias contra interdicta legum in suo patre pecuniam commendauit, eam nec viuente nec mortuo patre ab eodem poterit postulare.

De secularibus qui suas uxores derelinquunt.

ccxxvi. Hi vero seculares qui coniugale consortium absque culpa grauiore dimittunt, vel etiam dimiserunt, & nullas causas dissidij, probabiliter proponentes, propterea sua matrimonia dimittunt, vt aut illicita, aut aliena præsumant, sed antequam apud Episcopum comprouinciales dissidij causas dixerint, & priusquam uxores iudicio damnentur abiecerint, à communione Ecclesiæ & sancti populi cætu pro eo quod fidem & coniugiū maculant, excludantur.

Ut stipendia clericis iuxta meritum distribuuntur.

ccxxvii. Clerici etiam omnes qui Ecclesiæ fideliter vigilant atque seruiunt, stipendia sanctis laboribus debita secundum serui-

tij sui meritum, vel ordinationem canonum sacerdotibus consequantur.

De accusatoribus & accusationibus, quas seculi leges non admittunt, à clericorum causis repellendis.

ccxxviii. Accusationes & accusatores, atque earum negotia quæ seculares non adsciscunt leges, diuina à fidonica funditus à clericis repellere auctoritate censemus, quia indignum est superioribus pati ab inferioribusque inferiores ab eis vti despicunt.

De Episcopo qui alterius parrochianum præsumit retinere, vel ordinare seu iudicare.

ccxxix. Nullus Episcopus alienum parrochianum præsumat retinere, aut ordinare vel iudicare, absque proprii Episcopi voluntate. Quia sicut irrita erit eius ordinatio ita & diiudicatio. Quoniam censemus nullum alterius iudicis nisi sui sententia teneri. Nam qui eum ordinare non potuit, nec iudicare vllatenus poterit.

De peregrinis iudiciis non recipiendis.

ccxxx. Peregrina iudicia generali sanctione prohibemus, quia indignum est vt ab externis iudicetur, qui prouinciales, & à se electos debet habere iudices.

C A P I T V L V

*De penitentibus qualiter penitentiam
debeant accipere.*

ccxxxi. Pœnites tempore quo pœnitentiam petunt, impositionem manus & cilicium à sacerdote consequantur, & si aut comas non deposuerint, aut vestimenta non mutauerint, abiciantur, & nisi dignè pœnituerint non recipiantur. Iuuenibus etiam non facile pœnitentia committenda est propter ætatis fragilitatem, viaticum tamen omnibus in morte positis non denegandum.

*De his qui alienam pecuniam sibi commodatam
adtractare præsumant.*

ccxxxii. Si quis sacculum vel argentum signatū deposuerit, & is penes quem depositum fuit illud inuito eo contrectauerit, & depositi & furti actio in eum competit.

*De creditore qui debito tardante ad solutionem
pignus quod penes se retinet vendiderit*

*quod amplius acceptum est de-
bitori reddendum.*

ccxxxiii. Si quis creditor debitore in solutionē tardante rem sibi pro debito positam distraxerit, si quid amplius acceptum fuerit quam quod dicebatur, quod plus acceptum est restituatur debitori.

Vt Episcopus ultra suam prouinciam ad iudicium minimè deuocet, nisi fuerit prouocatum sed ab omnibus suis cōprouincialibus Episcopis infra suam prouinciam audiatur.

ccxxxiii. Nullus Episcopus extra sū prouinciam ad iudicium deuocetur, sed vocato eo canonicè in loco omnibus congruo tempore synodali ab omnibus comprovincialibus Episcopis audiatur, qui concordem super eum canonicamque proferre debent sententiam, quia si hoc minoribus tam in clericis quam laicis concessum est, quanto magis de Episcopis seruare conuenit. Nam si ipse metropolitanus aut iudices suspectos habuerit aut infestos senserit, apud primatem diocesos, aut apud Romanæ sedis pontificem iudicetur.

De Episcopis qui ad Romanum appellant pontificem.

ccxxxv. Placuit vt si Episcopus accusatus appellauerit ad Romanum pontificem, id statuendum quod ipse censuerit.

De presbyteris qui in suis parrochiis aliquid paganismi agere permittunt, & de agris in quibus hæc acta esse noscuntur, quid agendum sit.

ccxxxvi. Si in alicuius presbyteri parrochia infideles aut faculas accenderint, aut

CAPITVL.

arbores, aut fontes aut saxa venerantur, si hoc eruere neglexerit, sacrilegij reum esse cognoscat: Dominus aut ordinator rei ipsius, si admonitus hoc emendare noluerit, communione priuetur.

De pœnitentibus quæ defunctis viris aliis nubere præsumunt.

ccxxxvii. Pœnitens quæ defuncto viro alio nubere præsumpserit, vel suspecta vel interdicta familiaritate cum extraneo cõuixerit, cum eodem ab Ecclesiæ liminibus arceatur hæc etiam & de viro in pœnitentia posito placuit obseruari.

De his qui rem alterius vendendam acceperint, si eam minus vendiderint pretium quod eis mandatum fuerat solvere cogantur.

ccxxxviii. Si quis cuilibet mandet vt rem suam decem solidos vëdat, & ille eam octo vendiderit, pretium quod ei mandatum est, quicquid minus ab emptore percepit mandatori compleri compellitur. Venditio tamen rescindi non potest.

De eo qui seruum bona fide cõparauerit, si seruus ex priori vitio fugerit quid agendum sit.

ccxxxix. Seruus bona fide comparatus, si ex veteri vitio fugerit, nō tantum precium Dominus, sed & ea quæ per fugam abstulit

reddere cogetur.

*De his qui indiscussos potestate tyrannica dānare
presumunt, & de Episcopis vel sacerdotibus
quod non debeant ab aliis indi-
cari, nisi & à quibus ordinari.*

CCXL. Sunt nonnulli qui in discussos potestate tyrannica non canonica auctoritate damnant, & sicut nōnullos gratia fauoris sublimant, ita quosdam odio inuidiāque permoti humiliant, & leui opinionis aura condemnant, quorum crimina non approbāt, ideóque communi decreto cēsemus, vt quandocunque aliquis Episcoporum criminatur, cōgregatis omnibus eiusdem prouinciæ Episcopis causa eius audiat, vt non occultē iudicetur vel damnetur quia ab aliis iudicari prius nō potest, nisi ab his quibus ordinari potuit, quod si aliter factum fuerit, nullas vires habebit.

De his qui habent causas aduersus Episcopos proprios vel aduersus alios apud synodum prouinciæ audiendis, exceptis his qui aduersus suum metropolitanum querelam habuerint.

CCXLI. Si clericus vel laicus habuerit causam aduersus Episcopum proprium vel aduersus alterum, aut Episcopus aduersus quemquam apud synodum prouinciæ iudicetur. Quod si aduersus eiusdem prouin-

CAPITVL.

ciæ metropolitanum Episcopus vel clericus habuerit, querelam, petat primatem diocesanos, & apud ipsū iudicetur, aut apud sedem Apostolicam.

De ore eorum in accusatione vel testimonio obstruendo, qui diuinis vocibus mortui esse noscuntur.

CCXLII. Placuit eorum accusandi sacerdotes & testificandi in eos vocem obstruere, quos non humanis, sed diuinis vocibus mortuos esse scimus, quia vocē funestam potius intercidi quam audiri oportet.

De non neganda appellatione accusati.

CCXLIII. Placuit vt accusator si iudices suspectos habuerit, liceat appellare, quia nemo oportet negari audientiam roganti.

Quod reis qui de se confessi sunt super alios non sit credendum.

CCXLIII. Non est credendum contra alios eorum confessioni qui criminibus implicantur, nisi se prius probauerint innocentes, quia periculosa est & admitti nō debet rei aduersus quemcunque professio.

De peruasoribus finium priusquam causa iudicio terminetur.

CCXLV. Si peruasor finium fuerit approbatus eo quod priusquā aliquid iudicio terminetur id quod alter tenuerat inuasisse non solum

lum illud quod malè præsumpserit, amittat, sed vt non vnus quis rem alienam occupet, cum fuerit in causa cōuictus peruasor iuris alieni tātum spatij restituat quantum præsumpserit inuadere.

De his qui contra voluntatem defuncti faciunt vt perdant hæreditatem.

CCXLVI. Omnibus qui contra voluntatem defuncti faciunt vt indignis auferatur hæreditas.

De his quibus per testamentum aliquid delegatum est, quod nihil contra voluntatem defuncti liceat agere.

CCXLVII. Qui per testamētum sibi aliquid derelictum acceperit, & vendicauerit, & voluerit contra voluntatem defuncti agere, licentiam pœnitus non habebit.

Quod voluntas defuncti ab hæredibus in omnibus sit peragenda.

CCLVIII. Nulli quidem de bonis vsurpandis virorum nec diuidendis contra bonos mores concessa licentia est, sed præcipiente patre, diuisionem ab eo factam durare, si modo vsque ad extremū eius viuendi spatium voluntas eadē perseuerasse doceatur.

De filiis qui patrem læserint donationibus carendis.

CCXLIX. Si quis filius donatione patris ali-

C A P I T V L.

quid fuerit cōsecutus & cū postmodū mō-
dum læserit , probata in iudicio læsionis
causa, donationem pater si voluerit in in-
tegrum reuocet.

*De donatione in filio à patre facta si ab eo
læsus fuerit reuocanda.*

ccl. Donatio in filio à patre facta si læsum
se pater esse probauerit reuocetur.

*Quod omnibus qui lite pulsati fuerint non alibi
quàm in proprio foro iurgandum sit.*

ccli. Clericus vel laicus si crimine aut li-
te pulsatus fuerit non aliubi quàm in foro
suo vocatus audiatur.

Vt appellantes nulla arceantur detentione.

cclii. Appellantem nō debet afflictio vlla
aut carceris aut detētionis iniuriare custo-
dia, si liceat appellatori vitiatā causam ap-
pellationis remedio subleuare.

*De his qui contempto fideiussore ad solutionem
potius debitorem delegerint.*

ccliii. Si quis contempto fideiussore, de-
bitorem suum tenere maluerit , fideiussor
vel hæres eius à fideiussionis vinculo libe-
ratur. Si verò procurator litis victus fuerit,
mandator eius ad solutionem tenetur.

*Quod liberi homines statum suum & dete-
riorare & immeliorare possint.*

ccliiii. Homo liber qui statū suū in pote-

state habet, & peiorare eum, & meliorem facere potest, atque ideo operas suas diuinas nocturnasque locat.

De concubinis non habendis.

cclv. Qui vxorem habet, eo tempore concubinam habere non potest, ne ab vxore eum dilectio separet concubinæ.

*De monachis qui monasteria sua contemnunt
ab Episcopo reuocandis.*

cclvi. Illud etiam vnanimi consensu conuenit obseruari, vt si quis monachorū aut monacharum in cōgregatione positi, religiosam conuersationem elegerint, & postea aut ad parentes aut quamcunque proprietatem se de congregatione ipsa subtraxerint, & ab Episcopo suo per epistolam admoniti ad cepta monasterij sui redire distulerint, sint vsque ad exitum vitæ à cōmunionem suspensi, nec prius ad Euchari- stia gratiam admittantur, quàm ad ouile suum de quo se vagationis insolentia visi sunt subtraxisse, cū humilima supplicatione debeant & satisfactione reuerti.

De fœminis quæ religionis vestē domib. propriis mutauerint, si postea concubitus elegerint quid agendum sit.

cclvii. De viduis & puellis quæ sibi in habitu religionis in domibus propriis tam à

CAPITVL.

parentibus, quàm per se vestem mutaue-
rint, & se postea contra instituta patrum,
vel præcepta canonum coniugio credide-
rint copulâdas, tamdiu vtrique habeantur
à communione suspensi, quousque quod
illicitè perpetraverint emendent. Quod si
emendare neglexerint, à communione vel
omnium Christianorum conuiuio in per-
petuo sint sequestrati.

*Quod quatuor personæ in iudiciis semper
adesse debeant.*

cclviii. Quot personæ solent in iudiciis
esse? Quatuor, accusator causæ, defensor
causæ, testes, & iudex. Quo quisque utitur
officio? Iudex æquitate: testes, veritate:
accusator intentione ad amplificandam
causam: defensor, extenuatione ad minuē-
dā causam. Sæpe enim fit causa ratiocina-
tionis, aut metu, aut gloria, aut pecunia,
id est, aut commodi aliquid appetendi, vel
incommodi aliquid vitandi.

*Quod non solum qui furtum fecerint, sed & qui
ad hoc perficiendum adiutorium aut con-
siliū dederint, furti actione
sunt tenendi.*

cclix. Non tantum qui furtum fecerit,
sed etiam is cuius opera aut cōsilio furtum
factum fuerit, furti actione tenebitur.

Qui sint agnati, & qui sint cognati.

CCLX. Agnati sunt qui per virilem sexum descendunt: cognati autem, qui per femineum. Et ideo patrui vel patruorum filij, & agnati sunt, & cognati: Auunculi verò, & auunculorum filij cognati sunt nō agnati.

De his qui se metu aut terrore seruos esse mentiti sunt.

CCLXI. Qui metu & impressione alicuius terroris apud acta præsidis seruum se esse mentitus est, postea statum suum defendenti non præiudicat.

De his qui domos effregerint vel villas expolauerint aut expugnauerint, vel rapinas fecerint quid agendum sit.

CCLXII. Hi qui ædes aliquas villæ sue expolauerint, effregerint, expugnauerint, si quidem id turba cum telis coacta fecerint, capite punientur. Telorum autem appellatione, omnia ex quibus saluti hominis noceri possit accipiuntur.

De his qui latrones vel reliquos malefactorum susceperint.

CCLXIII. Receptores aggressorum itēque latronum, eadem pœna afficiuntur, qua ipsi latrones, sublati enim susceptoribus grassantium cupido conquiescit.

De his qui incendium fecerint.

Qq iij

CAPITVL.

CCLXIII. Si aliquis malitiæ studio incendium miserit, de hoc crimine conuictus pœnis grauissimis iubetur interfici, quod si per negligentiam factum incendium probatur, damnum quod cuicunque illatum fuerit, res quæ incendio perierit, dupli satisfactione farciatur.

De non valendis constitutionibus contra canones vel decreta præsulum, aut bonos mores conditis.

CCLXV. Constitutiones contra canones, & decreta præsulum Romanorum, seu reliquorum pōtificum, vel bonos mores nullius sint momenti.

Vt non constingat clericum sententia non à suo iudice dicta.

CCLXVI. In clericorum causa huiusmodi forma seruetur, vt ne quenquam eorum sentētia non à suo iudice dicta cōstringat.

De comprouinciali synodo retraētanda per vicarios vrbis Romæ Episcopi.

CCLXVII. Vt comprouincialis synodus retraētatur per vicarios vrbis Romæ Episcopi si ipse decreuerit.

Vt nullus Episcopum aut aētores Ecclesiæ apud alios prius accuset quàm eum familiariter conueniat atque ab eo familiaritatem iustitiam petat.

CCLXVIII. Si quis aduersus Episcopū causam habuerit non prius alios Episcopos, vel alios iudices adeat vt eū accuset, quā familiariter ei suam indicet querelā, & ab eo aut iustam emendationem, aut rationabilem percipiat excusationem. Ipsa nos instruente veritate: Si peccauerit in te frater tuus, vade & corripe eum inter te, & ipsum solum, si te non audierit, adhibe duos vel tres tecum, & si vos non audierit, dic Ecclesiæ, id est, accusa eum publicè tunc, & non prius. Et reliq.

De infamibus vel sacrilegis, quòd religiosos accusare non possunt.

CCLXIX. Nulli infami atque sacrilego de quocunque negotio liceat quādoque aduersus religiosum christianū quamuis, humilis aut seruilis persona sit testimonium dicere, nec de quacunque re, actione, vel inscriptione christianum impetere.

Quòd hi qui pro iniuria mediocri damna subire compelluntur, infames efficiantur.

CCLXX. Qui pro iniuria mediocri æstimatæ iniuriæ damna subire compellitur, quamuis ciuilitè videatur addictus, tamen infamis efficitur.

De absentibus non damnandis.

CCLXXI. In causa capitali absens nemo dā-

netur, neque absens per alium accusare aut accusari potest.-

Vt hi qui res alienas violenter occupāt, quicquid ibi perditum vel alienatum fuerit eos quibus competeant pleniter restituant.

cclxxii. Si ex rebus quas violenter aliquis occupauit, quælibet sub quacunque occasione perierint aut arserint, vel serui violenter occupati mortui fuerint, quamlibet fraude illius qui occupauit id quod perit factum non videatur, tamen ab ipso quæcunque perierint reddenda sunt qui rem iuris alicui violenter iussus est occupasse.

De his qui cum pecoribus coitu mixti sunt, aut more pecorum vsque affinitatis lineam cum consanguineis incestum commiserunt, siue cum masculis concubuerunt.

cclxxiii. In hoc titulo Græca verba posita sunt *peri ton a logeús allenonece a logio menon con*, quod nos Latine possumus dicere, De his qui irrationabilitèr versati sūt siue versantur. In qua sentētia sensus triplex est. Id est, de his qui cum pecoribus coitu mixti sunt, aut more pecorum, cum consanguineis vsque affinitatis lineam incestum commiserunt, aut cum masculis concubuerūt. Quisquis autem ex his vnum egerit, aut

capite puniatur, aut si ei vita concessa fuerit, iuxta Ancyрани concilij sententiam quæ in cap. xv. & xvi. continetur pœnitentiam veraciter agat.

Quòd in causa capitali vel in causa status, nō per aduocatos, sed per ipsos sit agendum.

cclxxiii. Si quando in causa capitali, vel in causa status interpellatum fuerit, non per procuratores, sed per ipsos est agendū.

Vt metropolitani Episcoporum comprouincialium causas non præsument audire, nisi præsentes omnes fuerint Episcopi comprouinciales.

cclxxv. Si quis metropolitanus Episcopus, nisi quod ad suā solummodo propriā pertinet parrochiam sine consilio & volūtate omnium comprouincialium Episcoporum extra aliquid agere tentauerit, gradus sui periculo subiacebit, & quod egerit irritum habeatur, & vacuū. Sed quicquid de prouincialium coëpiscoporum causis, suarūque Ecclesiarum & clericorum atque secularium necessitatibus agere aut desponere necesse fuerit, hoc cum omniū consensu comprouincialium agatur pontificum, nō aliquo dominationis fastu, sed humilima & concordi administratione sicut Dominus ait: Non veni ministrari, sed

CAPITVL.

ministrare, & alibi, Qui maior est vestrum
erit minister vester. Et reliqua. Similiter &
ipsi comprouinciales Episcopi cum eius
cōsilio, nisi quantum ad proprias pertinet
parrochias, agant iuxta sanctorum consti-
tuta patrum, vt vno animo, vno ore, con-
corditer sancta glorificetur trinitas in se-
cula.

*Vt reprehensio qua laici arguuntur à cle-
ricis respuatur.*

CCLXXVI. Notum sit omnibus, quia quod
in laicis reprehenditur, id multo magis de-
bet in clericis prædamnari.

*De delatoribus quid agendum sit, vel
qui sint delatores.*

CCLXXVII. Delatori aut lingua capuletur,
aut conuicto caput amputetur, delatores
autem sunt qui inuidia produnt alios.

*De his qui in alterius famam aut scripturam aut
verba contumeliosa confixerint.*

CCLXXVIII. Qui in alterius famam publicè
scripturam aut verba contumeliosa cōfin-
xerit, & repertus scripta non probauerit,
flagelletur. Et qui ea prius inuenerit rum-
pat, si non vult auctoris facti causam incur-
rere.

*De his qui vnam rem duobus domi-
nis donauerint.*

cclxxix. Si aliquis vnā rem duobus per legitimas scripturas donauerit, vni prius, & alteri postea non quærendus est in his donationibus, qui primus, qui posterior sit, sed qui rem tradente donatore possederit, his eam cui est tradita possidebit: nec interest vtrum in parentes an in extraneos talis sit facta donatio.

*De seruis in caput Domini à quoquam
non interrogandis.*

cclxxx. Serui in caput Domini, neque à præside, neque à procuratore, tam in pecuniarijs, quàm in capitalibus causis interrogari possunt.

*De his qui irati crimen aliquod cuilibet dixerint,
si postea resipiscentes hoc perficere noluerint,
quid agendum sit.*

cclxxxi. Si quis iratus crimen aliquod cuilibet temere obiecerit, conuicium non est pro accusatione habendum, sed permissio tractandi spatii, id quod iratus dixerit per scripturam se probaturum esse fateatur: vt si fortasse resipiscens post iracundiam iterare ac scribere voluerit, non vt reus criminis teneatur.

*Vt hi qui crimen obiecerint scribant se probaturos
vt & ibi causa agatur vbi crimen ad-
missum esse dignoscitur.*

CCLXXXII. Qui crimen obijcit, scribat se probaturum reuera & ibi causa agatur, vbi crimen admittitur, vt qui non probauerit quod obiecit, pœnam quam intulerit ipse patiatur.

De his qui ante alterius iudicem fuerint pulsati, quid agendum sit.

CCLXXXIII. Pulsatus ante suum iudicem causam dicat, & non ante suū iudicē pulsatus si voluerit taceat, & vt pulsato quotiens appellauerit, induciæ dentur.

De his, qui famosos libellos legere, aut cantica famosa cantare præsumunt.

CCLXXXIII. Hi qui inuenti fuerint libros famosos legere vel cantare, excommunicentur.

De his qui diuinos vel mathematicos consulere præsumunt.

CCLXXXV. Qui de salute principis vel summa reipublicæ mathematicos, ariolos, aruspices, vaticinatores consulit, cum eo qui responderit, capite puniatur.

De auctoribus vel concitatoribus seditionum vel tumultuum.

CCLXXXVI. Auctores seditionis & tumultus vel concitatores populi pro qualitate dignitatis aut in crucem tollantur, aut bestiis obiiçantur, aut in insulam deportentur.

De periculo iudicantium & prouidentia eorum.

cclxxxvii. Maius periculum est iudicātis quàm eius qui iudicatur, vnde vnicuique prouidendum est, ne aliquem iniustè iudicet aut puniat.

De accusatione aduersus doctorem submouenda.

cclxxxviii. Accusationes aduersus doctorem nemo suscipiat, quia nō potest humano condemnari examine quem Deus suo seruauit in iudicio.

Quod hi qui aduersus patres armantur, deo existant odiosi.

cclxxxix. Sic odit Deus eos qui aduersus patres armantur, vt patrum inuasores qui in omni mundo infamia notantur.

Qualiter decimæ & oblationes fidelium à sacerdotibus sint dispensandæ.

ccxc. Instruendi sunt presbyteri paritèrque admonendi, quatenus nouerint decimas & oblationes, quas à fidelibus accipiūt, pauperum & hospitem & peregrinorum esse stipendia, & nō quasi suis, sed quasi commédatis vti debere, de quibus omnibus sciant rationem se reddituros in conspectu diuinæ maiestatis, & nisi eas fideliter pauperibus, & his quibus permis-

sum est administrauerint, condemnationē patiendos. Qualiter verò dispensari debeāt canones sacri instituunt. Scilicet vt quatuor partes ex omnibus fiant, vna ad fabricam Ecclesiæ releuandam, altera pauperibus distribuenda, tertia presbytero cū suis clericis habenda, quarta Episcopo reservanda: Et quicquid exinde pontifex iusserit prudenti consilio est faciendum.

Quod fœminæ cum presbyteris vel reliquis clericis non debeant habitare, nec eis ministrare, nec infra cancellos stare, neque ad altare accedere.

ccxci. Inhibendum & modis omnibus tenendum est vt nullus sacerdos eas personas fœminarum, sicut in eanonibus insertū cōtinetur, de quibus suspitio potest esse in domo sua habeat. Et non solum illas, sed neque eas quas antiqui canones concedunt, quia instigante diabolo etiam in illis scelus frequenter perpetratum reperitur, aut etiā in pedisequis earum. Nā si qua de his habuerit talē necessitatē cui sit necessaria sustētatio presbyteri, habeat in villa aut in vico domū longè à presbyteri conuersatione, & ibi ei subministret, quæ necessaria sunt. Sed & hoc secundum auctoritatem canonum modis omnibus prohi-

bendum, vt nulla fœmina ad altare præsumat accedere, aut presbytero ministrare, vel infra cancellum stare aut sedere.

*Vt incesti à sacerdotibus per veraces & Dei timentes homines fideliter perquirantur,
& canonicè puniantur.*

ccxcii. De incestis omni studio perquirendum est sacerdotibus per homines veraces, & timorem Dei ante oculos habentes, & si reperti fuerint, statim aut per se emendare studeant, aut cum adiutorio archidiaconi sui vel Episcopi hoc ipsum extirpare satagant, ne tanto flagitio & scelere & illi polluantur & pereant, & alij in eorum vicinitate omnipotentis Dei iram incurrant.
Vt presbyteri & reliqui clerici ab omnibus vitiis se caueant, & subiectos sibi fideliter instruant atque bonis operibus omnibus ducatum præbeant.

ccxciii. Admonendi sunt clerici & instruendi, vt primum ipsi ab omni fornicatione & immunditia & luxuria, & ab omni pollutione carnis sint alieni, & tunc plebem sibi subiectam & verbis prædicent, & exempla ostendât. Vt à fornicatione & ab omni irrationabili veluti pecudum, luxuria & pollutione abstineant, & mundo se corpore & mente Deo præparent.

CAPITVL.

De confessionibus fidelium accipiendis & diiudicandis, & consiliis dandis, qualiter pro modulo & quantitate peccati sit pœnitentia.

ccxciiii. Quærendum namque est sacerdoti, cùm accipit quilibet fidelis cōfessionem peccatorum, qualiter primo peccatū perpetratum, aut si postea iteratum, aut frequenter actum sit, si spontè, si coactè, si per ebrietatem, aut per quodlibet ingeniū factum sit, & cum viderit vnde radix illius peccati processit, tunc cōgruam adhibeat medicam. Qualis verò peccati adhibenda sit medicina, secundum canonum authenticorum sanctorum patrum esse debet, & non secundum placitum hominis, sed secundum Dei voluntatem, nec in hac parte voluntas aut gratia hominis sequenda est, sed voluntas Dei in omnibus exquirenda: quatenus dignis precibus vt pœnitentia digna placari possit omnipotentis Dei vindicta omnes concurrant, quam suo vitio prouocauit.

De paruulorum instructione tam fidei & baptismatis ministerio quam sancti spiritus dono.

ccxcv. Sciendum est omnibus quòd paruuli instituendi sint cum ad intelligibilem ætatem

ætatem venerint, & fidei sacramēto & baptisimatis mysterio & septiformis gratiæ sancti spiritus dono.

De frequenti peccatorum confessione.

ccxcvi. Notū esse omnib⁹ volumus, quòd confessio peccatorum, excepta ea quæ sacerdotibus ad consiliū accipiendū Deūmque placandum sit, Deo frequenter in oratione sit facienda.

De manifestatione alienorum peccatorum, & quod ea celare peccatum sit.

ccxcvii. Omnibus fidelibus notum fore desideramus, quod quorundam peccatorum alienorum conscij, nisi ea emendationis & salutis causa prodiderint, delinquāt. Vnde scriptū est, nihil prodest illi suo errore nō pollui, qui cōsensum præstat erranti. Et alibi, Non solum qui faciunt, sed qui consentiunt facientibus rei sunt.

Quòd grauius delinquūt qui fidem perceperunt, quàm alij, si tamen in bono opere persistant.

ccxcviii. Sciendum est omnibus & sine obliuione retinendum, quòd grauius puniantur qui fidem Christi perceperunt, & in malis vitam finierunt, quàm illi qui sine fide mortui sunt, & tamen bona egerunt opera: quoniam melius est fidem non per-

cipere, quàm post eius perceptionem retrorsum abire.

De coniugio quòd à Deo sit institutum.

cccix. Notum sit omnibus quòd coniugium à Deo sit constitutum, & non sit appetendum causa luxuriæ, sed procreatione filiorum, & quòd bonorum cōiugatorum vita per Iob sit designata.

De castitate eorum qui coniugio sunt copulandi.
ccc. Sciendum est omnibus, & firmiter retinendum, quòd hi qui vxores ducere voluerint sicut eas castas & incorruptas cupiunt inuenire, sic ad eas casti & incorrupti debent accedere, easque cum benedictione sacerdotis, sicut in sacramentario continetur, accipere, sed prius eas dotali titulo debent conligare.

Vt omnes à minore vsque ad maiorem suis sacerdotibus sicut ipsi Domino obedientes existant, cuius vice legatione in Ecclesia funguntur. ex Capitulis Domni Caroli in Theodonis villa firmatis.

ccci. Volumus atque præcipimus vt omnes suis sacerdotibus, tam maioris ordinis, quam & inferioris, à minimo vsq; ad maximum vt summo Deo, cuius vice in Ecclesia legatione funguntur, obediētes existāt. Nam nullo pacto agnoscere possumus

qualiter nobis fideles existere possunt, qui Deo infideles, & suis sacerdotibus inobedientes apparuerint, aut qualiter nobis obediētes nostrisque ministris ac legatis obtemperantes erunt qui illis in Dei causis & Ecclesiarum vtilitatibus non obtemperant. Potius namque, iuxta veritatis vocem, ille metuendus est, qui potest animam & corpus perdere in gehennam, quam ille qui corpus torquere & honores temporales potest auferre. De illis dictum est: Qui vos audit, me audit: & qui vos spernit, me spernit: & alibi, Qui vos tangit, tangit pupillam oculi mei: & rursus, Qui scandalizauerit vnum de pusillis istis, melius est illi ut suspendatur mola asinaria in collo eius, & demergatur in profundum maris. Et iterum, Qui vos recipit, me recipit; & qui me recipit, recipit eum qui me misit. Et multa alia horumque similia. His ergo fulti oraculis, iubemus ut omnes eis pro viribus ad eorum peragenda ministeria, & ad malos & peccatores atque negligētes homines distringendos summopere obediētes existant. Qui autem in his, quod absit, aut negligētes eisque inobediētes fuerint inuenti, sciant se nec in nostro imperio honores retinere, licet etiam filij nostri fuerint, nec in

palatio locum, neque nobiscum aut cum nostris societatem aut communionem ullam habere, sed magis sub magna districtione & ariditate pœnas luere. In his nãque omniũ nostrorum fidelium volumus agnoscere fidem ac beneuolentiam: quoniã si hæc fideliter & vtiliter impleuerint, tunc Deo & nobis fideles erunt: Si autem, quod absit, secus egerint, tunc non solum infideles, sed etiam infames atque reprobī **manifestè** apparentes notabuntur, eorumque domus publicabuntur, & ipsi exiliabuntur.

De infantum baptismo & Ecclesiarum vel altarium seu fidelium consignandorum dubitatione, quid agendum sit.

cccii. Placuit vt infantes quando non inueniuntur certissimi testes qui eos sine dubitatione baptifatos esse testentur, neque ipsi sunt per ætatem idonei de traditis sibi sacramentis respondere, absque vllō scrupulo legitimo baptizari. Similiter & de Ecclesiis vel altaribus, atque de consignandis fidelibus, quotiens super his dubitatur, agendum est, id est, vt sine vlla trepidatione consecrentur, & fideles confirmētur; quoniam quod non ostenditur gestum, ratio non finit vt videatur iteratum.

*De aduocatis vel defensoribus Ecclesiarum à
principe postulandis.*

ccciii. Pro Ecclesiarum causis ac necessitatibus earum, atque seruorum Dei executores vel aduocati seu defensores quotiens necessitas ingruerit, à principe postulentur, & ab eo fideliter atque libenter iuxta canonicas sanctiones fidelissimi dentur.

Vt ubi quisque ordinatus, ibi pertineat.

ccciiii. Clerici cuiuslibet gradus in quibuscunque locis ordinati fuerint ministri, ad eadem loca pertineant, atque in ipsis locis perseuerent.

*De presbyteris & ministris Ecclesiae, ut à suis et
non ab aliis Episcopis chrisma petant vel
accipiant, & de corepiscoporum*

cassanda superstitione.

cccv. In singulis Episcoporum parrochiis presbyteri eorumque ministri non à quibuscunque Episcopis, sed à suis propriis chrisma petant vel accipiant, nec alio vnquam tempore, iuxta sanctos canones, vel secundum morem Romanum, nisi in coena Domini sanctum chrisma conficiatur. Quibus etiam diebus presbyteris vel eorum ministris canonicè dispensandum est, sed non aliis tradendū nisi solummodo presbyteris vel diaconis aut subdiaconis bene fide-

bus. Indignum enim est vt alij illud suscipiant, nisi illi qui hoc in tradendo vsuri sunt. Similiter & hoc statutum est, vt à corepiscopis, qui iuxta sanctorum canonũ decreta locum LXX. discipulorum id est presbyterorum tenent, vel ab ipsis presbyteris, nec virginum consecratio, nec sancti spiritus traditio, nec Ecclesiarum vel altarium consecratio, vel illa quæ solis Episcopis debentur, fiant. Nā si à duobus Episcopis, Episcopus non potest consecrari, quomodo ille Episcopus erit aut aliquid de Episcopali ministerio nisi quantum presbyter, cuius locum in Ecclesia tenet, agere poterit? Omnia ergo quæ isti præsumptuosi de Episcopali ministerio egerint, irrita esse comprobantur, & effectum carere, atque per omnia tam Apostolica sede, quàm & omnium Episcoporum decreto irrita esse, & potius nocumenta quàm aliqua adiumenta sunt iudicata, ac sæpius interdicta. Ideoque, ne fiât omnino sub anathematis vinculo interdicimus, atque qui ab eis sunt polluti, potius quàm sanctificati, in meliorem statum canonice, id est, à tribus ordinatis Episcopis vt reformatur iubemus; quia hæc reformatio non est iteratio, sed Ecclesiastica & canonica perfectio.

De his qui rapiunt feminas, ut eas non habeant uxores, qualiter de raptu agendum sit.

cccvi. Placuit ut hi qui rapiunt feminas vel furantur aut seducunt, ut eas nullatenus habeant uxores, quamvis eis postmodum conveniat, aut eas dotaerint, vel nuptialiter cum consensu parentum suorum acceperint. Si quis autem uxorem habere voluerit, canonicè & legaliter eam accipiat, & non rapiat: qui verò eam rapuerit, vel furatus fuerit, aut seduxerit, numquam eam uxorem habeat, sed propinquis suis eam legibus reddat, & in triplo plenum bannum dominicum componat, & insuper canonicè publicam pœnitentiam gerat. Ad quod omnes una voce clamauerunt dicentes, Ista omnes firmiter tenere volumus, & in perpetuum ab omnibus conservari optamus.

Quòd in omnibus locis Deus orandus sit, & non in aliis quàm in Deo dicatis ab Episcopis locis missa sit celebranda.

cccvii. Sciendum est omnibus, quòd in aliis competentibus locis, si locus basilicæ procul fuerit, oratio ad Deum, & confessio peccatorum fieri debeat & possit. Missarum vero celebratio nõ nisi in locis ab Episcopis Deo dicatis, excepto tempore hostili-

CAPITVL.

tatis, & hoc non nisi in altaribus, & tabernaculis ab Episcopis Deo dicatis, vllatenus rite fieri possit aut debeat.

De secularibus, qui Episcopis suis inobedientes existunt, & ad emendationem sui tardant venire, quid agendum sit.

cccviii. Si quis secularium tam maioris ordinis, quàm & inferioris peccatum egerit, & vocatus sui Episcopi auctoritate, ad emendationem ac pœnitentiam venire distulerit, tamdiu sit ab Ecclesia extorris, & à catholicorū consortio sequestratus, quousque quod illicitè commisit, emendet, ac reatum suum vsque ad satisfactionem canonicè diluat, atque recôciliatione proprii Episcopi diuinis precibus indulgentiâ cōsequatur & veniam, ecclesiæque gremio, à cuius vtero deuiauerat, peracta satisfactione ab eodē emendatus Episcopo canonicè reddatur.

De clericis vt non vtantur armis vel sagis.

cccix. Vt clerici pompis, aut sagis, vel armis non vtantur.

Vt ea quæ Episcopus in sua diœcesi corrigere non valet, ad alios referat presules, vel si necesse fuerit, regi intimet.

cccx. Vt ea quæ in sua diœcesi Episcopus per se suosque corrigere vel emendare ne-

quiuerit, coram reliquis Episcopis ad corrigendum insinuet, vel regi iudicare non tardet, vt qui Ecclesiasticis regulis inobediens apparuerit, per potestates exteras corrigatur.

De his qui Deo famulantur, si in baratrum fornicationis inciderint, qualiter corrigendi sunt.

cccxi. Statuimus vt quisquis seruorū Dei, vel ancillarum Christi in crimen fornicationis lapsus fuerit, quòd in carcere pœnitentiā faciat in pane & aqua: & si ordinatus presbyter sit, duos annos in carcere permaneat, & ante flagellatus & scorticatus videatur, & post Episcopus adaugeat. Si autē clericus vel monachus in hoc peccatum inciderit, post tertiam verberationem in carcerem missus vertentem annum ibi pœnitentiā agat. Similiter & nonnanes velatæ eadem pœnitentia teneātur, & radantur omnes capilli capitis eius.

De his qui à paganis baptizati fuerint.

cccxi. Præcipimus vt qui à paganis baptizati sunt, denuò à Christi sacerdotibus in nomine sanctæ trinitatis baptizentur, & postea ab Episcopis chrismentur; quia aliter christiani nec dici, nec esse possunt.

De his qui à corepiscopo cōfirmati fuerint.

cccxiij. Si quis ab Episcopo & non à corepiscopo, qui non Episcopus sed vicarius Episcopi, priusquā prohibiti essent & erāt & dicebantur, fuerit cōfirmatus, reiterari talis confirmatio non debet. Nam corepiscopi ante Apostolicam atque synodalem prohibitionem, non ex numero Apostolorum, sed ex lxx. discipulorū, vt sacri canones testantur, ordine erant, quos nunquā spiritum paraclitū tradidisse nouimus. Sed quia olim, vt dictū est, iam dicti corepiscopi prohibiti sunt, ideo modo nihil sunt, nec spiritū paraclitū vllō vnquā tempore tradere potuerunt, nec modo possūt. Quapropter non apparet iteratum, quod olim canonicē non agnoscitur patratum.

Vt qui ab hæreticis baptisatus fuerit in nomine sanctæ Trinitatis non baptisetur, sed sola manus impositione perficiatur.

cccxiij. Quicumque baptisatus fuerit ab hæreticis in nomine patris & filij & spiritus sancti, nullo modo rebaptisari debet, sed per solam manus impositionem purgandus est.

Vt hi de quibus dubitatur utrū baptisati sint an non, vel à presbytero dñs immolanti, vel immolaticijs carnibus vescenti sunt baptisati, vt rebaptisentur.

cccxy. Quòd hi qui dubitant vtrum sint baptisati an non, vel à presbytero diis mactanti vel immolaticiis carnibus vescenti, fuerint baptisati, vt baptisentur præceptum est.

Ne ullus plusquam duas uxores accipiat.

cccxvi. Ne quisquam amplius quàm duas accipiat uxores, quia tertia superflua est.

De orationibus & eleemosinis atque missarum celebrationibus pro fidelibus defunctis fideliter agendis, quibus impij carere debent, quoniã nec eorum eleemosina à sacerdotibus vel reliquis fidelibus accipienda est.

cccxvii. Quòd pro Catholicis defunctis sint memoriæ faciendæ & oblationes Deo offerendæ: Non tamen pro impiis, quamuis sint christiani, ex his aliquid agere licebit.

*De Episcopo iudicato si Apostolicam sedem .
appellare voluerit.*

cccxviii. Vt iudicatus Episcopus ad Apostolicam sedem, si voluerit, appellet, ex cõcilio Sardicense titulo v. Quòd si appellauerit, in cathedra ipsius alter nõ ordinetur.

De his qui à iudicibus quos primates dederint, appellauerint, quid agendum sit.

cccxix. Vt si à iudicibus quos primates dederint quis appellauerit, alij iudices am-

plioris numeri decernantur, quòd si & ab ipsis appellauerit, ad sententiam concilij causa deferatur.

De abiecto clerico ab aliena Ecclesia non recipiendo.

cccxx. Vt abiectum clericum aliena Ecclesia non admittat.

De priuilegiis Ecclesiarum illibatè seruandis.
cccxxi. Priuilegia atque præcepta Ecclesiarum manere semper incorrupta præcipimus, & quicquid ab antecessoribus vel parentibus nostris circa sacrosanctarum Ecclesiarum vtilitates constitutum est, vel quæ singuli quique antistites pro causis Ecclesiasticis impetrarunt, sub pœna sacrilegij iugi solidata æternitate seruentur.

De clericis à propriis Episcopis corrigendis.
cccxxii. Placuit vt clerici non distringantur vel diiudicentur, nisi à propriis Episcopis. Fas enim nō est vt diuini muneris ministri, temporalium potestatum subdantur arbitrio. Nā si priorum Episcoporum iussionibus inobediētes extiterint, tunc, iuxta canonicas sãctiones, per potestates exteras adducantur, id est, per iudices seculares.
Vt nullus corepiscopus per impositionem manus, spiritum sanctum tradat, aut consecrationem perficiat.

cccxxiii. Placuit, sicut Leonis Papæ, & omnium Episcoporum nostrorum atque reliquorum fidelium generali & synodali consultu decreuimus, ut nullus corepiscopus per manus impositionem spiritum sanctum tradere, aut sacerdotes vel leuitas, aut subdiaconos sacrare, vel virgines velare, aut sanctum chrisma conficere, vel Ecclesias aut altaria sacrare, aut benedictionem in publica missa populis tribuere præsumat, quæ omnia summis pontificibus, id est, cathedralibus Episcopis debentur, & non corepiscopis vel presbyteris, quorum formam iuxta sanctorum canonum decreta corepiscopi gerunt. Si autem ij aliquid ex his agere tentauerint, irrita erunt quæ ab iis geruntur, & ipsi omni Ecclesiastico honore funditus priuentur.

De his qui à corepiscopis sunt ordinati presbyteri, diaconi, vel subdiaconi.

cccxxiiii. Ut hi qui à corepiscopis presbyteri vel diaconi aut subdiaconi sunt ordinati, nullatenus in presbyterat⁹ aut diaconatus vel subdiaconatus officio ministrare, præsumant. Similiter homines qui ab imperitis ab eis videntur esse confirmati, vel virgines, seu Ecclesiæ sacratæ aut chrisma confectum, siue altaria dedicata, pro con-

firmatis vel sacratīs aut dedicatis minimè habeantur: quia quæ illi non habuerūt, dare non potuerūt, quoniam ex his eis quicquam agere non licet; quæ omnia summis pontificibus debentur, & non corepiscopis, qui nec summi pontifices vel Episcopi fuerunt, nec deinceps vsquam fieri possūt. Nullum enim ex LXX. ex his aliquid vnquā fecisse legimus vel scimus, ad quorum exemplum & formam presbyteros vel corepiscopos, antequam ipsi corepiscopi prohibiti essent, fuisse agnouimus. Hæc verò omnia à cathedralibus Episcopis, qui à cōprouincialibus Episcopis aut præsentia aut iudicio metropolitani consecrati esse noscuntur, agenda sunt, & non à presbyteris vel corepiscopis, qui ambo vnus formæ esse videntur. Quæ si ab eis aut propter imperitiā, aut propter præsumptionē acta, vt prædictum est, ab imperitis esse putantur, à cathedralibus tamē Episcopis reformanda vel peragenda sunt: quia quæ illi in his agere cogitarunt, imperfecta remanserunt, & vt iam prælibatum est, quod illi nō habuerunt, dare non potuerunt: Episcopi namque non fuerunt, quia nec à tribus Episcopis, nec ad aliquam Episcopalem cathedram ordinati fuerūt, & ideo ex his ni-

hil agere potuerunt, & ne alicui talis ordinatio vel confirmatio aut consecratio, reiteratio esse videatur, attendat illud quod scriptum est, quod non ostenditur gestum, ratio non finit, vt videatur iteratum.

De presbyteris Episcoporum, quo ipsi ire non potuerint, ad corrigendum mittendis.

cccxxv. Vt Episcopi tunc immunes habeantur à damnis, cum eorum presbyteros ad ea quæ ipsi non correxerint, remiserint corrigenda.

De eo qui fallax in fide repertus fuerit.

cccxxvi. Si coram hominibus repertum mendacium & infamem facit & damnis affligit, quanto magis in diuina fallax fide præuentus non erit penitus ad accusationem vel ad testimoniū admittendus? merito ergo accusare & testificari prohibentur, qui in recta fide suspecti.

Quòd non solum flagitia deslenda, sed etiam amaris pœnitentiæ fletibus sint eradicanda.

cccxxvii. Sicut deslendum Christianis est eorum scelus qui in Christo præuaricatores existunt, ita modis omnibus decernendum, vt absque satisfactione Ecclesiæ, nullus omnino veniam mereatur: qui à meliori proposito ad deterius declinasse conuincitur: quia crudelis & stupenda præsum-

ptio crudeliori debet extirpari supplicio.

*Vt in sancto paschæ sabbato & parasceue
missæ non agantur.*

cccxxviii. Vt sabbato sancto, hoc est, in vigilia Paschæ ieiunium ante noctis initium, nisi à paruulis aut infirmis non soluitur: Nec missa in parasceue, aut in eodem sabbato sancto vel diuina mysteria his duobus diebus celebrentur: canonibus quippe iubentibus, biduo isto sacramenta penitus non debent celebrari.

*De his qui in locis illicitis & minime consecratis
contra canonicam auctoritatem, missas celebrare vel audire præsumunt.*

cccxxix. Statutum sæpissime & inhibitum est, vt missarum celebrationes in locis incongruentibus fieri omnino non debeant: simul & hoc decretum est, vt si quis presbyterorum, excepto quādo in itinere pergitur, & locus basilicæ procul est, & id in altaribus ab Episcopo consecratis fieri necessitas compellit, ne populus Dei sine missarum celebratione, & corporis & sanguinis Dominici perceptione maneat, Missarum celebrationes in huiusmodi locis illicitis, post tot tantæque prohibitiones facere tentauerit, gradus sui periculum incurrat. Et hoc populis denūciandum sum-

mopere

in opere à sacerdotibus ac prædicandum est, ne missas in prædictis illicitis locis sacerdotibus cantare suadeāt, vel hæc illicita facere presbyteros deprecantur: quoniam scriptum est, Vide ne offeras holocausta tua in omni loco quæ videris, sed in loco quæ elegerit Dominus ut ponat nomē suū ibi. Satius igitur est Missam non audire quàm eā ubi non licet nec oportet celebrare nec audire. Et in canonib⁹ legitur, ut nullus sacerdotum in domibus, vel in aliis locis nisi in Ecclesiis dedicatis celebrare Missas audēat. Si quis cōtra hæc decreta egerit, canonica correctione feriatur. Simul & hoc statutum est, ut nullus sacerdos in aliis, quam in Deo dicatis vasis & ab Episcopis consecratis ministrare seu missas celebrare præsumat. Quia sicut non est concessum ut alij missas cantent, & sacrificia cōsecrent, quā illi qui ab Episcopis sunt consecrati; ita nō est licitum ut in aliis domibus vel altaribus aut vasis Missas sacerdotes celebrare præsumant, quàm ab Episcopis consecratis. Sunt etiam ab Episcopis consecranda & benedicenda corporales, pallæ, ac alia vestimenta sacerdotalia, nec non & omnia quæ in usus basilicæ vel altaris sine ministerio sacerdotum ad divina mysteria ex-

plenda complectuntur: quatenus cum his
sacratibus Deo sacratius siue placabilius mi-
nistrare valeant. Vnde & in aliis sanctorum
patrum decretis legitur, Quāquam Deum
vera fide vbique orare liceat, sacrificia verò
offerre, aut corpus Domini conficere nul-
lo modo legimus aut veraciter scimus in
aliis locis iustè fieri, nisi in locis Deo ab E-
piscopo dicatis, nisi causa hostilitatis aut
summæ necessitatis: Et hoc non in man-
sionibus, aut in domibus non sacratis, sed
in tabernaculis dedicatis ab Episcopis, &
altaribus à pontificibus sacra vnctione in-
unctis, & diuinis precibus consecratis: Et
hoc summa ex necessitate & in itinere, pro-
cul ab Ecclesia positis, ne populus sine mis-
sarum solemnibus, & sacramenti corporis &
sanguinis Domini nostri Iesu Christi per-
ceptione remaneat. Ab antiquis autem pa-
tribus & predecessoribus nostris, nulla alia
ex occasione aut pigritia seu præsumptio-
ne, sed pro prædicta necessitate hoc con-
cessum esse legimus. Aliter quoque nisi vt
præfixum est, in locis non consecratis mis-
sarum solemnibus agere non licet. Et hoc nisi
ex summis & pro prædictis necessitatibus
fieri vilo modo licet. Quoniam lex diuina
admodum præcipiens ait: Caueat quisque.

ne offerat holocausta sua in omni loco, sed in loco quem Dominus elegit. Et alibi: Rectè offert qui ad Ecclesiam necessitate pre-occupante, aut infirmitate venire non potest. Et aliubi, Deum orat, sed nō rectè diuidit qui in locis illicitis & altaribus minime consecratis, missarū celebrationes peragit. Multo enim melius est, missas nō cantare aut audire, quā in locis illicitis missas cātare aut audire. Quoniā qui illicita agit, & prohibita facit, non modicū errat, & nimis peccat: Et nisi poenitentiam canonicè & iustè in hoc seculo ex hoc egerit, maximam condemnationem in futuro iudicio propter hoc indubitanter percipiet. Multa verò & innumerabilia exempla ex his in supradictis legalibus, & in aliis canonicis & diuinis libris inueniuntur, quæ hic pro prolixitate inferere distulimus, & pro fastidio ac labore scriptorum siue lectorum hic nō inseruimus. Nam si quis ex his potiora, & plura exempla inuenire desiderat, in præfixis libris sufficienter legendo, & diligenter quærendo inuenire poterit. Si quis ergo post tot prohibitiones hæc decreta Apostolica, & synodali atque imperiali auctoritate renouata, & maxime omnium imperij nostri populorum, ac procerum

nostrorum consensu & hortatu conscripta atque firmata temerare præsumperit, si clericus fuerit, gradus sui periculo subiacet: Si verò monachus aut laicus fuerit, à liminibus Ecclesiæ, vsque ad Ecclesiæ satisfactionem extorris fiat. Si autem quod absit, suo Episcopo vel reliquis sacerdotibus inobediens vel contumax extiterit, à comitibus vel missis nostris comprehensus in carcerem, vsque ad nostram & proprii Episcopi atque Ecclesiæ satisfactionem, sub magna ærumna retrusus maneat.

Quòd incestum committat qui se cum consanguineæ suæ vsque affinitatis lineam coniungit.

cccxxx. Nullus fidelium vsque affinitatis lineam, id est, vsque in septimam progeniem, consanguineam suam ducat uxorem, vel eam quoquo modo incesti macula polluat. Si quis verò hoc scienter temerare præsumperit, si liber est, bannum nostrum, id est, lx. sol. fisco nostro persoluat, & insuper canonicè vt incestus luat ac publicè iuxta canonicos gradus pœniteat. Si autem seruus vel Ecclesiasticus fuerit publicè flagelletur, ac decaluetur, & iuxta proprii Episcopi iussionem pœnitentiam

publicè & canonicè gerat. Quòd si aliquis tam liber quàm seruus aut Ecclesiasticus, vel fiscalinus proprio Episcopo, vel suo sacerdote, aut archidiacono inobediens vel contumax siue de hoc, siue de alio quolibet scelere extiterit, omnes res eius à comite, & à misso Episcopi ei contendantur vsque dum Episcopo suo obediat, aut canonicè pœniteat. Quòd si nec se ita correxerit, & ad Episcopum & canonicam pœnitentiam venire distulerit, à comite comprehendatur, & in carcerem sub magna ærumna reclusus teneatur, nec rerum suarum potestatem habeat, quousque Episcopus iusserit. Quòd si comes vel eius ministri hæc adimplere distulerit, canonicè ab Episcopo vel à suo ministro excommunicetur, & vsque dum hæc pleniter adimpleat, semper communione catholicorum careat, vsque dum ipsi Episcopo humanius erga eum aliquid agere placuerit. Si verò, quod non optamus, ipse comes aut de prædictis causis, aut de ipsa excommunicatione inobediens aut negligens apparuerit, honore comitatus, pariter & communione careat, vsque dum ambo in nostram præsentiam veniant, vt nos illum Episcopali auctoritate atque imperiali metu ita corriga-

mus, vt ceteri timorem habeant, ne deinceps talia committere vllatenus audeant.

Vt incesti, quandiu in scelere manent, non fidelium

Christianorum, sed tantum aut gentilium

aut cathecumenorum vel energu-

menorum locum teneant.

cccxxxi. Incesti dum in ipso detestando, atque nefando scelere manent, non inter fideles christianos, sed inter gentiles, aut cathecumenos, aut energumenos habeantur, id est, cum christianis non cibum sumant, non potum, non in eodem vasculo edant aut bibant, sed soli hoc faciant: non osculentur, aut salutentur ab eis, sed si suis sacerdotibus inobedientes extiterint, & à tam nefandissimo se scelere segregare, atque ad publicam pœnitentiam redire noluerint, inter eos habeantur, qui spiritu periclitantur in mundo, vel etiam inter eos de quibus ipsa per se Veritas ait; Si te non audierit, sit tibi sicut ethnicus & publicanus. Nam cum fidelibus non debent orare, nec Ecclesiam intrare, sed ad ianuam Ecclesiæ excubare, & intrantibus eam atque exeuntibus ex ea, vultu in terra prostrato, veniam postulare, &, vt pro se orare non dedignetur, flagitare, & lachrymis perfusi vultu contrito; atque humiliato spiritu,

semper omnibus apparere, usque ad satisfactionē Ecclesiæ, & proprii Episcopi canonicam reconciliationem manere, & ad pristinum incestum nunquam redire, nec secularia negotia exercere, nec placitis aut accusationibus vel testimoniis interesse; sed crebris sacerdotum precibus, manúsque pontificis proprii impositionibus, & eleemosinarum largitionibus, atque cæterorum bonorum hominum exhibitionibus eos purgari sanarique oportet.

De incestis nullo coniugij nomine præualendis.
cccxxxii. Incestos nullo coniugij nomine præualendos esse censemus.

De canonica accusationis ordine.
cccxxxiii. Accusationis ordinem canonicis dudum regulis institutum seruare iubemus, ut si quis clericus in criminali vel in leuiori causa pulsatur, vel in discrimine capitis arcessitur, non statim reus æstimetur, quia accusari potuit, ne subiectam innocentiam faciamus: Sed quisquis ille est qui crimen intendit, in iudicium Episcopale veniat, nomen rei indicet, vinculum inscriptionis arripiat, custodiæ similitudinem, habita tamen dignitatis æstimatione, patiatur, nec sibi fore nouerit licentiam mentendi, cum calumniantes ad vindictā pos-

cat similitudo supplicij.

*De seruis & libertis vel infamibus personis
non recipiendis.*

cccxxxiiii. Omnes serui vel liberti, omnesque infames personę non permittantur maiores natu accusare, vel omnes quos ad accusanda publica crimina leges publicę non admittunt. Infames sunt cuncti quos decreta canonica & Ecclesiastica atque leges seculares ascribunt infames esse.

*De Episcopis & reliquis sacerdotibus vel clericis ad seculares iudices minimè
accusandis.*

cccxxxv. Si quis Episcopus, presbyter aut diaconus, vel quilibet clerici apud Episcopos, quia alibi non oportet, à qualibet persona fuerint accusati, quicumque fuerit, siue ille sublimis vir honoris, siue vllius alterius dignitatis, qui hoc genus illaudabilis intencionis arripuerit, nouerit docēda probationibus, monstranda documentis se debere inferre. Si quis ergo circa huiusmodi personas non probanda detulerit, auctoritate huius sanctionis intelligat se iacturam famę proprię sustinere, vt damno pudoris, existimationis dispendio, discat sibi alienę verecundię impunè insidiari saltem de cætero non licere. Nam sicut

episcopos, presbyteros, diaconos, ceterosque si his obiecta potuerint, comprobare, ab Ecclesiasticis gradibus æquum est remoueri, ita similis videri debet iustitię modus, quod appetitæ innocentia modera- tam deferri iussimus ultionem. Ideo huiusmodi duntaxat causas Episcopi subte- stificatione multorum in actis audire de- bebant.

*De primatum & metropolitanorum
differentia.*

eccxxxvi. Nulli alij metropolitani appel- lentur primates, nisi illi qui primas sedes tenent, & quos sancti patres synodali & Apostolica auctoritate primates esse de- creuerunt. Reliqui verò qui alias metropo- litanas sedes sunt adepti, non primates sed metropolitani vocentur.

*De familiaribus vel hominibus tam liberis quam
seruis Dominum accusantibus, vel se-
creta eius prodentibus quid
agendum sit.*

cccxxxvii. Si quis ex familiaribus, vel ex seruis cuiuslibet domus cuiuscūque crimi- nis delator atque accusator emerferit, eius existimationem caput atque fortunas pe- titurus cuius familiaritati vel Domino in- hæserit, ante exhibitionem testium, anteo

examinatum iudicium, in ipsa expositione criminum atque accusationis exordio ultore gladio feriat. Vocē enim funestam potius intercedi quam audiri oportet. Eorum verò accusandi sacerdotes vel testificandi in eos os obstruimus, quos non humanis, sed diuinis vocibus mortuos esse scimus.

Quod Episcopi à Deo, cuius serui existunt, sint iudicandi: quia iuxta Apostolum, nemo alienum seruum debet iudicare, & quod ab humanis aut prauæ vitæ hominibus sint lacerandi, ipso Domino regulam tribuente.

cccxxxviii. Episcopi à Deo iudicādi sunt, non ab humanis aut prauæ vitæ hominibus lacerandi, ipso Domino exemplū dante, quando per se ipsum, & non per alios, vendentes & ementes eiecit de templo, & mensas nummulariorum proprio euertit flagello, & eiecit de templo. Et sicut alibi ait, Deus stetit in sinagoga Deorū; in medio autem Deos discernit.

De his qui se ipsos quocunque modo necant.
cccxxxix. Quicumque se propria voluntate aut in aquam iactauerit, aut collum ligauerit, aut de arbore præcipitauerit, aut ferro percusserit, aut quomodolibet voluntariæ se morti tradiderit, istorum ob-

latio non recipiatur.

Nelatici intersint quando canonica iura ventilantur, vel regularia examinantur, nisi in propria accusentur persona.

cccxl. Quando ea quæ canonica sunt ventilantur, vel quædam regularia examinantur, neque iudices seculares, neque aliquos laicos interesse oportet, nisi hos tantummodo qui in propria accusantur persona.

Vt Ecclesiastica iura semper illibata permaneant.

cccxli. Monemus ut iura Ecclesiarum sicut à patribus diuinitus inspiratis sunt ordinata, inuiolata permaneant. Nihil alienum improbus ambitus concupiscat, nec per alterius imitationem suum aliquis querat augmentum.

*Suggestio populi ad Imperatorem Carolum
& Episcopos.*

cccxlii. Deus ad hoc vestram religiositatem ordinauit, ut & iniustitiam remoueat, & præsumptiones abscindatis, & sacerdotio laborantibus succurratis, & multis opprobriis locum non præbeat, sed post agnitionem ei qui calumniam patitur adiutorium feratis, illum vero qui calumniā facit, si verè est calumniator, abscindatis.

De alienis iudicibus non recipiendis, & peregrina iudicia vel examina respuenda.

cccxlIII. Episcopis singulorum locorum, omnium qui sub eorum degunt modamine, curę sit causas vtilitatęque disponere. Valde enim est incongruum, vt omıssis suis, alij quilibet illorũ se causis admisceāt: Sed illi eorum vitam competenti regularique debeant moderatione disponere, qui eos ordinare canonicę possunt, vel a quibus ordinati sunt, & qui pro commissis eorũque animabus compelluntur reddere rationem.

De Episcopo qui aduersus proprium metropolitanum, vel contra alios quosque habuerit causam, quid agendum sit.

cccxlIII. Si fortę, quod non optamus, aliquem Episcopum contra proprium metropolitanũ vel contra alios quosque contingat aliquid habere causę, decreuimus vt ob hoc sedis Apostolicę iudicium his qui petere festinant licentiã, habeāt, quod scitis canonum etiam antiquorum patrum institutione permissum.

Quod fundamentum totius bonitatis sit Christus Iesus, & qualiter in ouile per ostium sit intrandum.

cccxlV. Fundamentum aliud nemo potest ponere, pręter id quod positum est, qui est Christus Iesus. Quisquis ergo cum

dilectione Dei & proximi, fidei, quæ in Christo est firmitatem tenet, eundem Iesum Christum Dei & hominis filium apud se posuit fundamentum. Sperandum ergo est quia ubi Christus fundamētum est, bonorum quoque operum sequatur ædificiū. Ipsa quoque per se Veritas dicit; Qui non intrat per ostium in ouile ouium, sed ascendit aliundē, ille fur est & latro: Qui autem intrat per ostium, pastor est ouium. Et paulò post subiecit dicens; Ego sum ostium. Ille ergo in ouile ouium intrat per ostium, qui intrat per Christum: Ipse autē per Christum ingreditur, qui de eodē creatore ac redemptore humani generis vera sentit & prædicat, & prædicata custodit. Culmen regiminis ad officium portandi oneris suscipit, non ad appetitum gloriæ transitorij honoris. Curæ quoque suscepti ouilis solleter inuigilat, ne oues Dei, aut peruersi homines praua loquētes dilaniēt, aut maligni spiritus oblectamenta vitiorū suadentes, deuaſtent.

De causis definitis minimè recommouendis.

CCOXLVI. Flagitari iudicium non debet de causa quæ definita vel iudicata est.

De his qui contra prepositos suos se erigunt, & de accusat. vel testibus inimicis quid agendū sit.

cccxlvi. Qui se contra præpositos suos erigunt, profectò ostenditur, quia esse serui Dei contemnunt. Filius Dei in sancto ait Euangelio: Ego non accuso nec iudico quenquam. Nihil enim sine patre facit filius, quia communis eorum operatio est, & vnita voluntas. Hoc verò in loco quasi iudex loquitur, dicens: Qualis iudex, quales testes Deo esse debeant: vt cognoscant homines in iudicando, quòd non ex voluntate & potestate sua, sed ex æquitatē debeat formare sententiam. Iustitia in iudicando est manifestanda, non potentia.

De regulis clericorum.

cccxlviii. Clerici lege patrum monentur vt à vulgari vita seclusi; à mundi voluptatib. sese abstineant: non spectaculis, non pōpis interfint: Conuiuia publica fugiant priuata non tantum pudica, sed sobria colant. Vfuris nequaquam incumbant. Quin nec turpium occupationes lucrorū fraudesque cuiusquam studiosè appetant. Amorem pecuniæ, quasi materiem cunctorum criminum fugiant. Sæcularia officia negotiâque abiiciât. Honorum gradus per ambitiones non appetant. Pro beneficiis medicinæ Dei, munera non accipiât. Dolos & coniurationes caueât. Odium, amu-

lationem, detractionē, & inuidiam fugiāt. Non vanis oculis: non infrena lingua, aut petulanti tumidoque gestu incedant, sed pudorem ac verecundiam mentis, simplici habitus incessu, ostendant: Obscœnitatem etiam verborum, sicut & operum, penitus execrentur. Viduarum ac virginum visitationes, frequentationesque fugiant. Contubernia extranearum foeminarum nullatenus appetant. Castimoniam quoque intacti corporis perpetuo conseruare studeant; aut certè vnus matrimonij vinculo federentur; Senioribus quoque debitam præbeant obedientiam. Neque vlllo iactantiæ studio semetipsos attollant. Postremo in doctrina, in lectionib. Psalmis, Hymnis, Canticis spiritalibus exercitio iugi incumbant. Tales enim esse debent qui diuinis cultibus sese mancipandos student, scilicet vt dum scientiæ operam dant, doctrinæ gratiam populis administrent.

*De neganda accusatis licentia criminandi prius quam seipsos purgauerint de his quæ
eis obiciuntur.*

cccxlx. Neganda est accusatis licentia criminandi, priusquàm se crimine quo premuntur se exuerint.

De falsis testibus & periuris quid agendum sit.

CAPITVL.

cccl. Si quis conuictus fuerit aliquos ad falsum testimonium vel periurium attraxisse, aut per quamcunque corruptionem sollicitasse, ipse quidem vsque ad exitum non communicet.

De qualitate virginis in coniugio.

cccli. Sciscitandum est si vult pater virginis, quia caput mulieris vir, requirenda est à patre voluntas virginum, dum Deus relinquant hominē in manibus consilij sui.
Vt clericus vel laici in aliena ecclesia non communicent sine litteris Episcopi sui.

ccclii. Statutum est, vt vnusquisque clericus vel laicus nō communicet in alia plebe sine litteris Episcopi sui.

Vt qui clericum alienum defendere nititur, communionem priuetur.

cccliii. Si forte aliquis clericorum regulam disciplinæ ecclesiasticæ subterfugiens fuerit euagatus, quicumque eum susceperit, & illum pontifici suo non reconciliauerit, sed magis defensare præsumpserit, Ecclesiæ communionem priuetur.

De accusationibus in clericorum causis non suscipiendis quæ seculi legibus prohibentur: & de clericis damnatis à nemine defendendis.

cccliiii. Statutum est vt nullæ accusationes

tiones à iudicibus audiantur ecclesiasticis quæ legibus seculi prohibentur: & vt si quis cuiuslibet honoris clericus iudicio Episcoporum quocunque crimine fuerit damnatus, non liceat eum siue ab ecclesiis quibus præfuit, siue à quolibet homine defendari, interposita pœna damni, pecuniæ atque honoris, quo nec ætatem nec sexum excusandum esse præcipimus.

Vt non alij metropolitani primates appellentur nisi illi qui primas sedes tenent: quia alij non possunt tres turmas facere de Episcopis, quam illi qui primas sedes tenent, qui tres turmas facere debent, sicut in hac sententia iubetur.

ccclv. Placuit vt quotienscunque concilium congregandū est, Episcopi qui neque ætate, neq; ægritudine, neque alia grauiori necessitate impediuntur, competenter occurrant, primatibúsque suarum prouinciarū intimetur vt de vniuersis Episcopis vel duę vel tres turmæ fiant. Ac de singulis turmis vicissim, quotquot electi fuerint, ad diem concilij instantissime, occurrant.

Quod cum illis quibus Episcopus nō loquitur nō sit loquendum, nec cum excommunicatis cōmunicandum: vt ipsi humilient semetipsos vt festinius reconcilientur.

ccclvi. Exempla sancti Clementis vtilia

quæ præfenti tempore Ecclesiis necessaria,
 sunt honorificè proferenda, & cum reue-
 rentia ab omnibus fidelibus ac præcipuè
 clericis recipiēda. Ex quibus quod specia-
 liter placuit, propter venerandam antiqui-
 tatem, statutis præsentibus roboramus.
 Quod supra scriptus beatus martyr de bea-
 tissimi Petri Apostoli constitutione com-
 memorat, dicens: Quædam autem etiam
 ex vobis ipsis intelligere debetis, si qua sūt
 quæ ipse propter insidias hominum malo-
 rum non potest euidentius & manifestius
 proloqui: Verbi gratia, inimicus est alicui
 pro actibus suis: vos nolite expectare vt ip-
 se vobis dicat, Cum illo nolite amici esse,
 sed prudenter obseruare debetis & volun-
 tati eius videlicet quia Ecclesiæ curam ge-
 rit, absque commotione obsecundare, &
 auerti ab eo cui ipsum sentitis aduersum,
 sed nec loqui his quibus ipse non loquitur,
 vt vnusquisque qui in culpa est, dum cupit
 omnium vel vestram sibi gratiam repara-
 re, festinet citius reconciliari ei qui omni-
 bus præest, vt per hoc redeat ad salutem,
 cum obedire ceperit monitis præfidentis
 & cætera; quæ in consequentibus deno-
 tantur amicis eorum, qui veritati inimici
 sunt. Sciat itaque deinceps clerus ad rea-

tum, sed & fidelium populus ad culpam si-
bi adscribendum, si quis in hoc vitium ma-
lorum computatur, vel disciplinæ subuer-
sor fore agnoscitur.

*De non iniuriandis Episcopis aut lacerandis,
sed potius tolerandis.*

CCCLVII. Episcopum verò oportet opor-
tunè & importunè atque sine intermissio-
ne Ecclesiam suam docere, eamque pru-
denter regere & amare, vt à vitiiis se absti-
neat, & salutem consequi possit æternam:
& illa cum tanta reuerentia eius doctrinam
debet suscipere, eumque amare & dilige-
re, vt legatum Dei & præconem veritatis.
Quia, testante veritate, quodcūque ligaue-
rit super terram, erit legatum & in cælo, &
quodcūque soluerit super terram, erit so-
lutū & in cælo. Nimis timenda est hæc sen-
tentia & præuidendum vobis ne offen-
datis eos, qui tantam à Domino habent
potestatem. Et ideo potius obediendi, di-
ligendi, ac summopere sunt venerandi, nō
detrahendi, vel lacerandi aut eiiciendi, sed
portandi & amandi, ipso dicente Domi-
no, Qui vos audit, me audit, & qui vos
spernit me spernit. Ideo hæc vobis & om-
nibus fidelibus præcipimus, vt ab his vos
caueatis & posteris vestris non malum, sed

bonum exemplum relinquatis; quoniam iniuria Episcoporum ad Christum pertinet, cuius vice funguntur. Vnde & vos qui veri Dei estis discipuli, abiicite à cordib⁹ vestris ante omnia, discordias & animorum dissensiones, ex quibus omne opus malum procedit, & benignitatem ac simplicitatem tota mente seruate. Verumtamen scitote cuncti, quòd supra omnes vos laboret Episcopus: quia vnusquisque vestrum suum proprium fert laborem, ille verò & suum & singulorum. Et ideo sicut ille pro vobis omnibus, ita & vos omnes pro eo summo opere laborare debetis, in tātum vt si etiam necesse fuerit, animas vestras pro eo ponatis, sicut & ipse animam suam pro vobis, si necesse fuerit, ponere debet, ipso dicente Salvatore, Bonus pastor animam suam dat pro ouibus suis. Vos verò obedite eis, & vigilate pro eis, quia ipsi vigilant quasi rationem pro animabus vestris reddituri vt cum gaudio hoc faciant & non gementes.

De legitimo coniugio.

CCCLVIII. Decretum est vt vxor legitime viro iungatur: aliter enim legitimum, vt à patribus accepimus & à sanctis Apostolis eorumque successoribus traditum inuenimus, non fit coniugium, nisi ab his qui su-

per ipsam feminam dominationē habere videntur, & à quibus custoditur, vxor petetur, & à parentibus propinquioribus sponsetur, & legib. dotetur, & suo tempore sacerdotaliter, vt mos est, cum precibus & oblationibus à sacerdote benedicatur, & à paranimphis, vt consuetudo docet, custodita & sociata, à proximisque tempore congruo petita, legibus detur, & solemniter accipiat: & biduo vel triduo orationibus vacent, & castitatem custodiant, vt boni soboles generētur, & Domino suis in actibus placeant. Taliter enim & Domino placebunt, & filios non spurios, sed legitimos atque hæreditabiles generabunt.

De his qui de suspitione vel absque legitimo accusatore aliquos iudicare præsumunt.

CCCLIX. Placuit vt nullus quemquam clericorum vel laicorum de suspitione aliqua iudicare præsumat. Similiter ne sine accusatore legitimo quispiam condemnetur; quia pessimum & periculosum est quempiam de suspitione iudicare, aut sine legitimo accusatore quemquam damnare.

Vt Episcopi per singulos annos circumeant parochias suas.

CCCLX. Placuit vt vnusquisque Episcopus per singulos annos cunctas diœceses par-

C A P I T V L.

rochiâsque suas circuire non negligat, sed docendo, confirmando: singulâque quæ necessaria sunt, restaurando & corrigendo prout melius valuerit, reformare satagat.

Vt presbyteri & diaconi, quando per parrochias constituuntur, stabilitatis & obedientie suæ atque statuti seruare promissionem suo faciant Episcopo.

CCCLXI. Quando presbyteri aut diaconi per parrochias constituuntur, oportet eos professionem Episcopo suo facere.

Ne iudices quoslibet clericos vel seruos Ecclesiæ in suis angariis, aut quibuslibet rebus occupare præsumant.

CCCLXII. Vt non liceat iudicibus clericos vel seruos Ecclesiæ in suis angariis occupare.

De Ecclesiis & dotibus earum, ut ad Episcopi semper dispositionem pertineant.

CCCLXIII. Placuit ut omnes Ecclesiæ cum dotibus, & omnibus rebus suis in Episcopi proprij potestate consistant, atque ad ordinationem vel dispositionem suâ semper pertineant.

Quod clerici iudices seculares adire non debeant.

CCCLXIII. Vt clerici qui iudices seculares appetunt, excommunicentur.

*De his qui viduis vim inferunt, aut fœminas
inuitas ducunt.*

CCCLXV. Placuit vt viduis pro castitate violentiam nullus inferat, & vt mulier inuita virum non ducat: quod si quis fecerit, in triplo nobis bñum nostrum persoluat, & ab Episcopo proprio, atque, si necesse fuerit, distringente comite publicam per gradus canonicos pœnitentiam agere cogatur: Et si inobediens extiterit, nobis per firmissimos fideiussores præsentedur, vt aut in carcerem retrudatur, aut in exilium deportetur, vt & cæteri timorem habeant, ne vnquam talia agere præsument.

*De his qui Ecclesiam intrant & non
communicant.*

CCCLXVI. Placuit vt omnes qui in Ecclesiam intrant, nisi à suo fuerint excommunicati sacerdote, communicent: Si qui autem hoc facere noluerint, tandiu à communione & christianorum consortio habeantur alieni, quandiu per satisfactionem Ecclesiæ à proprio mercantur per manus impositionem reconciliari Episcopo, & sanctæ restitui communioni.

*De his qui acceperint eucharistiam & non
sumpserint.*

CCCLXVII. Placuit vt omnes qui sacram

ceperint Eucharistiam & non sumptserint,
vt sacrilegi repellantur.

*Vt hi qui a sacerdotibus excommunicantur à fi-
delibus vsque ad reconciliationem, nisi
quibus permissum fuerit, sem-
per vitentur.*

CCCLXVIII. Placuit vt his qui à suis excom-
municantur sacerdotibus, nullus fidelium
communicet, nisi quibus permissum ab eis
fuerit, nec priusquam canonicè reconci-
lientur, ad eos accedat. Quod si quis face-
re tentauerit, simili sententiæ subiaceat.

*De his qui pro munere & fauore alicuius
iustitiam opprimunt.*

CCCLXIX. Quàm sit extraneus à christianæ
fidei regula, qui se defensorem veritatis in-
simulat, & veritatem ipsam munerum ac-
ceptione commaculat, audiat contra se
prophetam dicentem; Pro eo quod vendi-
distis argento iustum, & pauperem pro cal-
ciamētis, ecce ego, stridebo super vos, sicut
stridet plaustrum onustum fœno, & peribit
fuga à veloce, & fortis non obtinebit vir-
tutem suam, & robustus corde inter fortes
nudus effugiet.

*Qualiter hæc statuta seruanda sint, & de his qui
hæc contemnunt siue clericis siue laicis
quid agendum sit.*

ccclxx. Has omnes constitutiones Ecclesiasticas quas summatim breuiterque perstrinximus sicut plenius in canone continentur, manere perenni stabilitate sancimus. Si quis ergo clericus aut laicus harum sanctionum obediens esse noluerit, si clericus fuerit, excommunicationi subiaceat: Si verò laicus fuerit, & honestioris loci persona, medietatem facultatum suarum amittat fisci viribus, profuturam. Si verò maioris loci persona est, amissione rerum suarum multatus, in exilio deputetur.

De his quæ ab antecessoribus nostris circa cultum diuinum statuta fuerunt, ut semper illibata permaneant.

ccclxxi. Quæcunque à parentibus nostris diuersis sunt statuta temporibus, manere inuiolata atque incorrupta circa sacrosanctas Ecclesias præcipimus. Nihil igitur à priuilegiis immutetur, omnibus qui Ecclesiis seruiunt tuitio deferatur. Quia temporibus nostris addi potius reuerentiæ cupimus, quàm ex his quæ olim præstita sunt, immutari.

De capitulis Apostolica auctoritate roboratis.

ccclxxii. Maxime trium ultimorum capitula

CAPITVL.

istorum librorum Apostolica sunt cuncta auctoritate roborata; quia his cuedis maxime Apostolica interfuit legatio. Nam eorum nomina præter trium, id est, Leonis, Sergij, & Georgij hic non inseruimus, licet ea per singulos conuentus inserta inuenissemus, vitantes legentium atque scribentium fastidia. Si quis autem plenius ea nosse voluerit, istorum legat authentica, quibus illa inserta reperiet. Interdum hæc discendo & amando, atque operibus complendo non negligat; quia, ut Dominus nouit pro amore & utilitate sanctæ Dei Ecclesiæ, ut horum in præmio prælibatum est, sunt collecta isticque inserta. Legentibus pax, custodientibus gloria, operibusque hæc complentibus vita ut tribuatur æterna, oramus.

EXPLICIT LIBER SEPTIMVS.

Quæ sequuntur omiſſa libro ſeptimo in Rem. Inter capit. CCXCIII. & CCXCV. ex Belluac hic inſeruimus.

De his qui prius non habentes odium, sed se defendentes aliquem occiderint, qualiter corrigenda sit temporis institutio.

Si quis quiete gradiens per viam aut si etiam in domo sua fuerit, aut in platea ciui-

tatis aut in villa subito aut ab alio superuē-
tus aut litis commotione volens se defen-
dere, non habens contra illum antea odiū,
interfecerit hominem, septem annis secū-
dum canonicam institutionem pœniteat,
tres vero communione priuetur, quatuor
autem in communione orationum & ob-
lationum susceptus, in sacerdotis pendeat
arbitrio vtrum dignus sit corpus Christi
accipere, aut vsque ad plenitudinem pœ-
nitentiæ ab eo separari. Abstinencia cibo-
rum in prouidētia sacerdotis erit secundū
possibilitatem pœnitentis & deuotionis
afflictum & lacrimarum.

De muliere quæ duobus fratribus nupserit,

& de viro eius.

Mulier quæ duobus fratribus nupserit
abiici debet vsque ad diē mortis, sed pro-
pter humanitatem, in extremis suis sacra-
mentis reconciliari oportet, ita tamen vt
prius soluatur coniugium & maneat innu-
pta & vir eius absque vxore simili pœnitē-
tiæ sit subditus. Quod si duo fratres cum
vna fœmina fornicati fuerint, nescientes
alter alterius fornicationem, statim vt co-
gnouerint adulterium, qui eam habet vxo-
rem, dimittat: & ille quidem post actā pœ-
nitētiā, si vxor defuncta fuerit potest al-

teri sociari: illa viuentē, nequaquā. Illa verò numquam vltēius poterit in coniugium assumi: & iugi pœnitentia submissa, ad extremum vitę cōmunionis gratiā percipiat.

De mulierib. & viris infantes opprimentibus quid agendum sit.

Mulier quę dormiens filium suū oppres-
serit & mortuus fuerit, sex annis pœniteat:
Vir eius, si in domo illius fuerit, quatuor.
Si verò in vno lecto, simili modo pœni-
teat, duos in pane & aqua, reliquos qua-
tuor, secundum quod sacerdos illos vide-
rit posse, abstinentiam imponat ciborum.

*De muliere quę adulterauit virum suum; simili-
ter & de viro, qui vxorem suam adul-
terauit, qualiter de ambobus
agendum sit.*

Mulier habens virum, si adulterium per-
petrauerit, & occultē ad confessionē vene-
rit, septem annos pœniteat, tres in pane &
aqua, cæteros quattuor in prouidentia erit
sacerdotis, qualiter eam viderit posse: & ita
ei ciborum abstinentiā imponatur. Simili-
ter & vir habēs vxorem, si adulterium per-
petrauerit, faciat, id est, per triennium nō
communicet. Si cui vxor adulterium per-
petrauerit, & hoc à viro deprehensum fue-
rit & publicatū, dimittat vxorē si voluerit,

propter fornicationem. Illa vero, secū-
dum quod superius insertū est, publicè agat pœ-
nitentiā. Vir verò eius, illa viuente, nulla-
tenus habebit licētiā aliam ducere vxo-
rem. Quod si voluerit adulteram sibi recō-
ciliari, licentiā habeat, ita tamen vt pari-
ter cum illa pœnitentiā agat, & exacta
pœnitentiā, ad communionis gratiā, si-
cut superius continetur insertum, vtrique
accedant. Similis forma & in muliere ser-
uabitur. Si eam vir eius adulterauerit, ha-
bet potestatem dimittendi virum propter
fornicationem; maneat tamen innupta
quamdiu vir eius vixerit, quia nec ille ha-
bet potestatem aliam accipere prima vi-
uente, nec illa, primo. Habent tamen pote-
statem semetipsos reconciliare.

*Vt ad confirmationem Episcopi omnes deuote
conueniant, eique quæ necessaria sunt,
ministrare non negligant.*

Præcipimus vt ad accipiendum per ma-
nus pontificis impositionem spiritus sancti
donum, sollicitè & deuote omnes concur-
rant, & Episcopo suo ea quæ necessaria
sunt, fideliter ministrent, eique ab omni-
bus per omnia obediatur.



ADDITIO PRIMA.

*Cuius capitula in quibusdam vetustis
exemplaribus, numeris cum præce-
dentibus continuantur.*

INDEX CAPITVLORVM ADDI- TIONIS PRIMÆ.

- I. *De Abbatibus, mox ut ad mona-
steria sua remeauerint, ut regu-
lam discutiant & efficaciter le-
gant, & quod legerint & intelle-
xerint, cum suis obseruent mona-
chis.*
- II. *De monachis, ut regulam sancti
Benedicti qui valuerint memori-
ter discant.*
- III. *De regulari officio, ut iuxta præce-
ptum sancti Benedicti deuotè ce-
lebretur inter alia.*
- IIII. *Vt tam in coquina quàmque & in
cunctis monasterij officinis mo-
nachi operentur, & ut ipsi vesti-
menta sua lauent.*
- V. *Vt monachi post matutinalem ex-*

pletionem, nisi ante constitutam surrexerint horam, denuò ad lectos suos non præsumant causa dormiendi redire.

- VI. *Vt monachi nisi in Sabbato sanctæ Paschæ, per totam quadragesimam non radantur: alio tempore post finitos XV. dies licitò radantur tam in sabbatis quàm & in octauis Paschæ.*
- VII. *De balnearum usu.*
- VIII. *De non edendis volatilibus monachis intus forisve, nisi infirmitatis causa.*
- IX. *Ne Episcopi monachis volatilia comedere præcipiant.*
- X. *Ne à monachis poma & lactuce, nisi quando alius cibus sumitur, manducentur.*
- XI. *De certo tempore phlebotomandi obseruando, & ut monachis tunc ibi cibus potusque magis in supplementum largiatur.*
- XII. *Vt si necessitas postulauerit, monachis post vespertinum cibum ante completorium potus tribuatur: Similiter quadragesimali tempore vel quando mortuorum of-*

INDEX CAP.

ficiū egerint.

- XIII. *De monacho à priore suo increpato.*
- XIII. *Ne nudi coram aliis vapulent monachi.*
- XV. *Ne soli in itinere dirigantur monachi.*
- XVI. *Ne sibi compatres vel commatres monachi faciant.*
- XVII. *Ne murmurent monachi tempore legēdi, & meridiano occupati ad colligendas fruges.*
- XVIII. *De monachis quarta & sexta feria ieiunantibus.*
- XIX. *Vt in quadragesimali tempore monachi libros accipiant.*
- XX. *De vestimento monachis nec satis pretio, sonec satis vili dando.*
- XXI. *De cuculla mensura.*
- XXII. *De potestate abbatis si extra mensuram infra positam aliquid addendum decreuerit.*
- XXIII. *De pedibus fratrum vicissim lauandis.*
- XXIII. *De madato post cœnam faciendo.*
- XXV. *De mensura monachorum, ut ea Abbates illorum sint contenti.*
- XXVI. *De villis fratrum, ut eas non circumcant monachi.*

XXVII.

- XXVII.** *De Abbate vel quolibet monachone ad portam monasterij cum quocunque hospite manducare præsumat.*
- XXVIII.** *Ne seruitores fratrum post refectiorem eorum ad unam mensam, sed in propriis sedeant locis.*
- XXIX.** *De lectore, ut nihil, nisi quod regula decernit, accipiat.*
- XXX.** *De Alleluja in Septuagesima dimittenda.*
- XXXI.** *De præposito, ut maiorem quam cæteri habeat potestatem.*
- XXXII.** *De præposito monachis non constituendo, nisi & ipse monachus sit.*
- XXXIII.** *De senioribus. fratribus monasterium circumeuntibus.*
- XXXIIII.** *De nouicio fratre, ut non facilis ei in monasterium tribuatur ingressus.*
- XXXV.** *De monacho quam professionem faciat.*
- XXXVI.** *De puero, ut pater & mater eum ad altare offerant.*
- XXXVII.** *De infantibus oblati, ut carnem comedant.*
- XXXVIII.** *De fratribus post sextam dormientibus.*

INDEX CAP.

- XXXIX. De fratribus, ut usque ad nonam in
Quadragesima operentur.
- XL. De his qui quolibet modo grauiter
delinquant fratribus.
- XLI. De eo qui in refectorio negligenter
coram fratribus aliquid excesserit.
- XLII. De plebeio non recipiendo in monasterio,
nisi prius monachus fieri voluerit.
- XLIII. Ne monachus iurando sermonem
proferat, nisi sicut sancti patres constituerunt loqui.
- XLIIII. De Abbatibus cellulas monachorum
vel canonicorum habentibus.
- XLV. De schola in monasterio non habenda,
nisi de his qui oblati fuerint.
- XLVI. De precipuis solemnitatibus sanctorum,
ut plenarium in eis officium fiat, & bis monachi edant.
- XLVII. De ieiunio in parasceue.
- XLVIII. De benedictione post completorium dicenda.
- XLIX. De decimis dandis tam Ecclesie quam pauperibus.
- I. De specialibus psalmis pro elemosynarijs & defunctis cantandis.
- II. De Pentecoste, ut per hebdomadam

non flectantur genua neque ieiunetur, nisi dies ieiunij extiterint.

LII. *De laicis in refectorium monachorum manducandi vel bibendi causa non ducendis.*

LIII. *De vestimentis & calciamentis, ut fratribus quoties expedit dentur.*

LIIII. *De his qui preponuntur ut Nonni vocentur.*

LV. *De seniore decano.*

LVI. *De preposito, decano, & cellarario.*

LVII. *De libra panis, ut triginta solidos penset antequam coquatur.*

LVIII. *De dormitorio hospitum.*

LIX. *De Abbatibus, ut secum monachos in itinere non nisi ad Synodum ducant.*

LX. *De duobus signis ad tertiam, sextam & nonam pulsandis.*

LXI. *De monachis, ut dissutas cappas non habeant nisi tantum villosas.*

LXII. *De Abbatibus & prepositis atque decanis, ut benedictionem lectoribus tribuant, licet presbyteri non sint.*

LXIII. *Ut e fratribus docti eligantur, qui superuenientibus monachis lo-*

INDEX CAP.

quantur.

- LXIII. De incerto furto, ut oratio & ex-communicatio fiat, quousque qui culpabilis existit, manifestetur.
- LXV. De monacho qui aduersus alium monachum testimonium protulerit.
- LXVI. De Psalmo, Inuitatorio & Gloria pro defunctis cantandis.
- LXVII. De lectore, ut stans benedictionem petat.
- LXVIII. De eulogiis in refectorio fratribus à presbyteris dandis.
- LXIX. Quod ad capitulum primò martyrologium legendum sit, & versus postea dicendus, inde regula.
- LXX. De lectione in capitulo exponenda.
- LXXI. De ieiunio fratrum æstiuo tempore.
- LXXII. De eo qui culpæ noxa tenetur, ut die Dominico remissius habeat.
- LXXIII. De anniuersaria die pro defuncto Abbate celebranda.
- LXXIIII. De eo ut ad Missam inclinati Sanctus dicant, & ad Pater noster, genu flectant.
- LXXV. Non debet aliquis pro munere in monasterio recepti.
- LXXVI. De mensura cibi ac potus quæ mo-

nachis separatim debet tribui.

LXXVII. *De fratrum pinguedine quam accipere debeant in victu quotidiano.*

LXXVIII. *In Domini Natale, & festiuitate Paschæ monachis volatilia sumere quatuor diebus concessum est.*

LXXIX. *De mussulis monachis dandis.*

LXXX. *De disciplinæ modo.*

ANNO INCARNATIONIS DOMINI NOSTRI IESV CHRISTI DCCC. XVII. IMPERII VERÒ GLORIOSISSIMI PRINCIPIS LVDOVICI IIII. VI. IDVS IVLII, CVM IN DOMO AQVISGRANI PALATII, QUÆ LATERANIS DICITVR, ABBATES CVM QVAMPLVRIBVS VNA SVIS RESEDISSENT MONACHIS, QUÆ SVBSEQVVTVR CAPITVLA COMMVNI CONSILIO AC PARI VOLVNTATE INVIOLABILITER A REGVLARIBVS CONSERVARI DECREVERVNT.

ADDITIO I.

De Abbatibus mox ut ad monasteria sua remeauerint ut regulam discutiant, & efficaciter legant; & quod legerint & intellexerint, cum suis obseruent monachis.



VT Abbates mox ut ad monasteria sua remeauerint, regulam per singula verba discutientes pleniter legant, & intelligētes Domino opitulante efficaciter cum monachis suis implere studeant.

De monachis ut regulam sancti Benedicti, qui voluerint memoriter discant.

II. Vt monachi omnes qui possunt, regulam memoriter discant:

de regulari officio; ut iuxta preceptum sancti Benedicti celebretur inter alia.

III. Vt officium quod in regula Sancti Benedicti continetur celebrent monachi.

Vt tam in coquina, quam quæ & in cunctis monasterij officinis monachi operentur, & ut ipsi vestimenta sua lauent.

IIII. Vt in coquina, in pistrino & in cæteris officinis propriis operentur manibus, & vestimenta sua oportuno tempore lauent.

De monachis ut post matutinalem expletionem, nisi ante constitutam surrexerint horā, denuo

ad lectos suos non præsumant causa dormiendi redire.

v. Vt nullo vnquam tempore post vigiliis causa dormiendi, nisi contigerit eos ante horam constitutam surgere, ad lectos redeant suos.

Vt monachi nisi in sabbato sanctæ Paschæ per totam quadragesimam non radantur. Alio tempore post finitos xv. dies licito radantur tam in sabbatis quàm & in octauis Paschæ.

vi. Vt in quadragesima nisi in sabbato sancto non radantur: in alio enim tempore semel per xv. dies radantur, & in octauis Paschæ.

De balnearum vsu.
vii. Vt balnearum vsus in arbitrio prioris consistat.

De non edendis volatilibus monachis intus forisve, nisi infirmitatis causa.

viii. Vt volatilia intus forisve, nisi pro infirmitate, nullo tempore comedant.

Ne Episcopi monachis volatilia comedere præcipiant.

ix. Vt nullus Episcoporum monachis volatilia comedere præcipiat.

Ne à monachis pomâ & lactuca, nisi quando alius cibus sumitur manducentur.

x. Vt poma & lactucæ, nisi quando alius

sumitur cibus, non comedantur.

*De certo tempore phlebotomandi obseruando,
& ut monachis tunc ibi cibus potusque
magis in supplementum largiatur.*

XI. Vt certum phlebotomiæ tempus non obseruent, sed vnicuique secundum quod necessitas expostulat concedatur, & specialis in cibo & in potu tunc consolatio præbeatur.

Vt si necessitas postulauerit monachus post vespertinum cibum ante lectionem completorum potus tribuatur: similiter quadragesimali tempore, vel quando mortuorum officium egerint.

XII. Vt, si necessitas poposcerit, ob operis laborē post refectionem vespertinā etiā & in quadragesima pari modo, & quando officium mortuorū celebretur, priusquam lectio completorij legatur, bibant.

De monacho à priore suo increpato.

XIII. Vt cum à quocunque priore suo increpatus quis eorum fuerit, Mea culpa, primò dicat, dehinc prosternens se illius pedibus cum cappa, si habuerit, veniam petat & tunc iubēte priore surgat, & vnde interrogatus fuerit, rationē humiliter reddat.

Ne nudi coram alijs vapulent.

XIII. Vt nudi pro qualibet culpa coram

fratrum obtutibus non flagellentur.

Ne soli in itinere dirigantur monachi.

xv. Vt soli sine alio fratre in via non dirigantur.

*Ne sibi compatres vel commatres
monachi faciant.*

xvi. Vt sibi compatres commatrés-ve non faciant, neque osculentur scēminas.

Vt murmurent monachi tempore legendi & meridiano occupati ad colligendas fruges.

xvii. Vt si necessitas fuerit eos occupari in fruges colligendo, constitutum legendi & meridie pausandi tempus præmittatur, & operantes non murmurent.

De monachis quarta & sexta feria ieiunantibus.

xviii. Vt quarta & sexta feria ieiunantes, ante nonam, aut post nonam, si necessitas fuerit, iuxta prioris arbitrium, leuia opera exerceant.

*Vt in quadragesimali tempore, monachi
libros accipiant.*

xix. Vt in quadragesima libris de bibliotheca secundum prioris dispositionem acceptis, alios nisi prior decreuerit expedire, non accipiant.

*De vestimento monachis nec satis pretioso nec
satis vili dando.*

xx. Vt eis vestimēta nec multum vilia, nec

multum pretiosa, sed mediocria dentur.

De cucullæ mensura.

xxi. Vt mensura cucullæ duobus consistet cubitis.

De potestate Abbatis si extra mensuram infra positam aliquid addendum decreuerit.

xxii. Vt si infra positæ mensuræ quantitatem decreuerit Abbas causa necessitatis quippiam augeri, in illius maneat potestate: Alioquin hoc omnino prouideat vt camisas duas & tunicas duas, & cucullas duas, & cappas duas vnusquisque monachorū habeat, quibus verò necesse est, addatur & tertia, & pedules iiii. paria, & femoralia ii. paria, roceū, i. pellicias vsque ad talos ii. falciolas ii. quibus autē necesse est itineris causa, alias duas. Vuantos in æstate miffulas in hyeme veruecinas: Calciamēta diuturna paria i i. Subtulares per noctē in æstate ii. paria, in hyeme verò foccos. Saponem & vñcturam sufficienter. Pinguedinem ad esum excepto vi. feria & xx. diebus ante natiuitatem Domini, & septimana illa quæ ante quadragesimam, vocatur quinquagesima. Vbi autē vinum nō est vnde emina detur, duplicem mensurā de ceruisia bona. Et quæcunque præter hæc regula iubet, singuli cū necessitas ex-

postulauerit, absque dilatione accipiant.

De pedibus fratrum vicissim lauandis.

xxiii. Vt in quadragesima, sicut & in alio tempore, vicissim sibi pedes lauent, & antiphonas huic officio congruentes decantent: In cœna verò Domini pedes fratrum si valet Abbas lauet & osculetur, & poculum porrigat.

De mandato post cœnam faciendo.

xxiiii. Vt mandatum post cœnam fiat.

De mensurâ monachorum ut ea Abbates illorum sint contenti.

xxv. Vt ea quam monachi sui habent mensurâ sint Abbates contenti, in manducando, in bibendo, in dormiendo, in vestiendo, in operando, si in aliis vtilitatibus non fuerint occupati.

De villis fratrum ut eas non circumeant monachi.

xxvi. Vt villas frequenter & nisi necessitas coegerit, non circumeant, neque suis illas monachis custodiendas committant: & si eos ire ad eas necessitas fuerit, expleto necessitatis negotio, ad sua mox monasteria redeant.

De Abbate vel quolibet monacho ne ad portam monasterij quocumque hospite manducare presumat.

ADDITIO I.

xxvii. Vt Abbas vel quispiam fratrum ad portam monasterij cum hospitibus non reficiant: In refectorio autem omnem eis humanitatem manducandi ac bibendi exhibeat. Si verò propter hospitem voluerit ad solitam mensuram fratribus sibi que augere aliquid, in sua maneat potestate.

Ne seruitores fratrum post refectiorem eorum ad vnā mensam, sed in propriis sedeant locis.

xxviii. Vt seruitores non ad vnā mensam, sed in propriis locis post refectiorem fratrum reficiant; quibus eadem lectio que fratribus recitata est, recitetur.

De lectore, vt nihil nisi quod regula decernit accipiat.

xxix. Vt lectori nihil nisi quod regula iubet, detur.

De Alleluia in septuagesima dimittendo.

xxx. Vt Alleluia in Septuagesima dimittatur.

De preposito, vt maiorem quam ceteri habeat potestatem.

xxxi. Vt prepositus intra & extra monasterium post Abbatem, maiorem reliquis Abbatis subditis habeat potestatem.

De preposito monachis non constituendo, nisi & ipse monachus sit.

xxxii. Vt monachis non nisi monachus constituatur præpositus.

De senioribus fratribus monasterium circumeuntibus.

xxxiii. Vt de senioribus monasterium circumeuntibus quidam cū fratribus in obedientiam exeant, quidam in monasterio propter custodiam remaneant.

De nouicio fratre, ut non facilis ei in monasterium tribuatur ingressus.

xxxiiii. Vt nouicio non facilis in monasterium tribuatur ingressus, & ut in cella hospitibus seruiat paucis diebus: Res verò quas habet parentibus suis commendet. Expleto probationis suæ anno, secundum quod regula præcipit inde faciet: Ipse verò nec tondeatur, nec vestimenta pristina immutet, priusquam obedientiam promittat.

De monacho quam professionem faciat.

xxxv. Vt monachus professione facta, tribus diebus cuculla coopertū habeat caput.

De puero, ut pater & mater eum ad altare offerant.

xxxvi. Vt puerum pater aut mater tempore oblationis offerant altari, & petitionem pro eo coram laïcis testibus faciant, quam tempore intelligibili ipse puer confirmet.

ADDITIO I.

De infantibus oblati, ut carnem non comedāt.
xxxvii. Vt infantes oblati carnem non nisi causa infirmitatis manducent.

De fratribus post sextam dormientibus.
xxxviii. Vt quando fratres post sextam dormiant, si quis eorum voluerit legere, in Ecclesia aut in lecto suo legat.

De fratribus ut vsque nonam in quadragesima operentur.
xxxix. Vt in quadragesima vsque ad nonam operentur fratres, quatenus missa celebrata congruo tempore reficiant.

De his fratribus qui quolibet modo, tamen grauitur delinquant.
xl. Vt domus semota habeatur huiusmodi, his qui fugere aut pugnis baculisve inter se voluerint configere, aut quibus ex integro factæ sunt regulares discipline, qua in hyeme ignis possit accendi, & atrium iuxta sit in quo valeant quod eis iniungitur, operari.

De eo qui in refectorio negligenter coram fratribus aliquid excesserit.

xli. Vt si quis negligenter sonitum fecerit, aut aliud quid excesserit in refectorio, mox à priore veniam petat.

De plebeio non recipiendo in monasterio, nisi prius monachus fieri voluerit.

XLII. Vt nullus plebeius seu clericus secularis in monasterio ad habitandum recipiatur, nisi voluerit fieri monachus.

Ne monachus iurando sermonem ferat, nisi sicut sancti patres consenserunt loqui.

XLIII. Vt nemini liceat sermonem iuramenti aut affirmationis, nisi sicut sancti patres soliti fuerunt, loqui.

De Abbatibus cellulas monachorum vel canonicorum habentibus.

XLIII. Vt Abbatibus liceat habere cellas, in quibus aut monachi sint aut canonici, & Abbas prouideat ne minus de monachis ibi habitare permittat quàm sex.

De schola in monasterio non habenda, nisi de his qui oblato fuerint.

XLV. Vt schola in monasterio non habeatur, nisi eorum qui oblato sunt.

De præcipuis solemnitatibus sanctorum, ut plenarium in eis officium fiat, & bis monachi edant.

XLVI. Vt in præcipuis solemnitatibus, id est in Natali, & in octauis Domini, in Epiphania, in Pascha quoque & Ascensione Domini, in Pêtecoste, & in sanctorum festiuitatibus, id est, sancti Stephani & B. Ioannis Euangelistæ, & in Natale infantium, in Purificatione & Assumptione san-

ADDITIO I.

Etæ Mariæ; Similiter & in Beatorum Apostolorum festis, & in sancti Ioannis Baptistæ natiuitate sancti quoque Laurentij, atque Martini seu in natalitiis quibuslibet sancti cuius honor in qualicunque parochia specialiter celebratur, plenarium officium agatur, & bis reficiatur.

De ieiunio Parasceue.

XLVII. Vt in parasceue non aliud nisi panis & aqua sumatur.

De benedictione post completorium.

XLVIII. Vt benedictio post completorium à sacerdote dicatur.

*De decimis dandis tam Ecclesiæ
quàm pauperibus.*

XLIX. Vt de omnibus in eleemosyna datis tam Ecclesiæ quàm fratribus, decimę pauperibus dentur.

De specialibus psalmis pro eleemosynariis & defunctis cantandis.

L. Vt prætermiſſis partionibus psalterij psalmis, speciales pro eleemosynariis & defunctis cantentur.

*De Pentecoste, ut per hebdomadam non flectantur genua, neque ieiunetur, nisi
dies ieiunij extiterint.*

LI. Vt in hebdomada Pentecostes non flectantur genua & non ieiunetur, nisi statuti

tuti fuerint dies.

De laïcis in refectorium monachorum manducandi vel bibendi causa non ducendis.

LII. Vt laïcus causa manducandi ac bibendi in refectorium non ducatur.

De vestimentis & calciamentis, ut fratribus quoties expedit dentur.

LIII. Vt quoties exposcit necessitas, vestimenta & calciamenta, & omnia necessaria fratribus dentur.

De his qui præponuntur ut nonni vocentur.

LIII. Vt qui præponuntur, nonni vocentur.

De seniore Decano.

LV. Vt senior decanus reliquis decanis præponatur, & Abbate vel præposito præfente locum proprium teneat.

De præposito, Decano, & Cellario.

LVI. Vt Præpositus, Decanus, Cellarius de eorum ministerio, nisi causa utilitatis aut necessitatis, non remoucantur.

De libra panis ut trignita solidos penset antequam coquatur.

LVII. Vt libra panis triginta solidis per duodecim denarios metiatur.

De dormitorio hospitum.

LVIII. Vt dormitorium iuxta oratorium constituatur, vbi superuenientes monachi dormiant.

ADDITIO I.

*De Abbatibus ut secum monachos in itinere nō
nisi ad synodum ducant.*

LIX. Ut Abbates monachos secum in itinere, nisi ad generalē synodum nō ducant.

*De duobus signis ad tertiam, sextam &
nonam pulsandis.*

LX. Ut duo tantum signa ad tertiam, sextam, nonamque pulsantur.

*De monachis, ut disconfutas cappas nō habeant,
nisi tantum villosas.*

LXI. Ut monachi cappas disconfutas præter villosas non habeant.

*De Abbatibus & præpositis atque decanis, ut
benedictionem lectoribus tribuant, licet
presbyteri non sint.*

LXII. Ut Abbas, præpositus vel decanus quamvis presbyteri nō sint, lectoribus benedictionem tribuant.

Ut è fratribus docti eligantur qui superuenientibus monachis loquantur.

LXIII. Ut docti fratres eligantur, qui cum superuenientibus monachis loquantur.

De incerto furto, ut oratio & excommunicatio fiat, quousque qui culpabilis existit manifestetur.

LXIII. Ut de furto incerto oratio & excommunicatio à corpore & sanguine Christi fiat, quousque culpabilis confiteatur.

*De monacho qui aduersus aliu monachum
testimonium protulerit.*

LXV. Vt si frater aduersus fratrem pro qualibet culpa testimonium protulerit, fratri perfectiori credatur.

*De psalmo inuitatorio & Gloria pro
defunctis non cantando.*

LXVI. Vt psalmus inuitatorius, & gloria, pro defunctis non cantetur.

De lectore ut stans benedictionem petat.

LXVII. Vt lector stando benedictionem postulet.

De eulogiis in refectorio fratribus à presbyteris dandis.

LXVIII. Vt eulogiæ fratribus à presbyteris in refectorio dentur.

*Quod ad capitulum primo martyrologium legendum sit, & versus postea dicendus
inde regula.*

LXIX. Vt ad capitulum primitus martyrologium legatur, & dicatur versus, deinde regula aut homelia quælibet legatur, deinde, Tu autem Domine, dicatur.

De lectione in capitulo exponenda.

LXX. Vt ad capitulum lectio tradatur; similiter ad conlationem si tempus fuerit opportunum.

De ieiunio fratrum æstiuo tempore.

ADDITIO I.

LXXI Vt quando fratres æstiuo tempore
ieiunant, post sextam dormiant.

*De eo qui culpæ noxæ tenetur, vt die domi-
nico remissius habeat.*

LXXII. Vt is qui noxæ culpa tenetur, die
dominico remissius habeat, & veniam non
petat.

*De anniuersaria die pro defuncto Abbate
celebranda.*

LXXIII. Vt pro Abbate defuncto anniuer-
sarium fiat officium.

*De eo vt ad Missam inclinati Sanctus dicāt, &
ad Pater noster genu flectant.*

LXXIII. Vt ad Missam Sanctus stantes, &
Pater noster genu flectentes dicant.

*Non debet aliquis pro munere in mona-
sterio recipi.*

LXXV. Vt nullus pro munere recipiatur in
monasterio, nisi quem bona voluntas &
merita commendant.

*De mensura cibi ac potus, quæ monachis
separatim debet tribui.*

LXXVI. Vt unicuique fratri in cibo & potu
sua mensura separatim detur, & de tota
mensura sibi data alicui nihil tribuat.

*De fratrum pinguedine quam accipere de-
beant in victu quotidiano.*

LXXVII. Vt fratres aliquid pinguedinis in

victu quotidiano habeant, excepta sexta feria, & diebus octo ante natale Domini, & à quinquagesima vsque ad Pascha.

In Domini natale & festiuitate Paschæ monachis volatilia sumere quatuor diebus concessum est.

LXXVIII. Vt volatilia in natale Domini & in Pascha tantum quatuor diebus, si est vnde, comedant; si verò nō fuerit vnde, non requiratur per debitum: Si autem Abbas aut monachi abstinere se voluerint, in eorum sit arbitrio.

De muffulis monachiis dandis.


LXXIX. Vt muffulæ veruccinæ monachis dentur.

De disciplinæ modo.

LXXX. In doctrina sua Abbas Apostolicam debet illam semper formam seruare in qua dicit: Argue, obsecra, increpa, id est indisciplinatos & inquietos debet durius arguere, obediētes autem & mites, vt in melius proficiant, obsecrare, negligētes & contemnentes aut increpet & corripiat admonemus, neque dissimulet peccata delinquentium, sed mox vt cœperint oriri, radicitus ea, vt præualet, amputet, memor periculi Heli sacerdotis de Silo. Improbos autem & duros ac superbos vel inobediē-

ADDITIO I.

tes verberum vel corporis castigatione in ipso initio peccata coërceat, sciens scriptum; Stultus verbis nō corrigitur. Et iterum: Percute filium tuum virga, & libera- bis animam eius à morte. In omnibus igitur omnes magistrum sequantur regulam, neque ab ea temere declinetur à quoquā. Nullus in monasterio proprii cordis sequatur voluntatem, neque præsumat quiscumque cum Abbate suo proteruē infra monasterium aut foris contendere, quod si præsumpserit, regulari disciplinæ subiaceat. Si quis frequenter correptus pro qualibet culpa; si etiam excōmunicatus non emendauerit, acrior ei accedat correctio, id est verberum vindictæ in eum procedant. Similiter & qui præsumpserit claustra monasterij egredi, vel quocunque ire, vel quippiam, quamuis parum, sine iussione Abbatis facere, vindictæ regulari subiaceat. Peccantes autem coram omnibus arguantur, vt cæteri metum habeant.



ADDITIO II.

INDEX CAPITVLORVM

ADDITIONIS SECVNDÆ.

- I. *Vt fidei sacramento baptizandi imbuantur, & ut paruuli de sacris fontibus ab his non suscipiatur, vel homines ad confirmationem teneantur, qui in publica pœnitentia adhuc canonicè irreconciliati manserint.*
- II. *Quo tempore baptisma celebrari oporteat.*
- III. *Vt pactum in baptismo factum cum Deo à baptizatis obseruetur.*
- IIII. *Quid sit abrenūciatio in baptismo, & quo modo obseruanda sit.*
- V. *De scholis per singulas urbes habendis.*
- VI. *Quòd ab Episcopis ieiuniis impositionem manuum fieri oportet.*
- VII. *Vt nullus presbyterorum Missam solus celebrare præsumat.*
- VIII. *Vt in unaquaque Ecclesia proprius presbyter habeatur.*

INDEX CAP.

- IX. *Vt in die Dominica rurale opus non fiat.*
- X. *De Missarū celebrationibus in locis incongruentibus minimè agendis.*
- XI. *Quòd presbyteri inconsultis Episcopis viduas velare non debeant.*
- XII. *De puellis virginibus à presbyteris non velandis.*
- XIII. *Quòd quædam fœminæ sibi velum absque assensu sacerdotum imponunt.*
- XIIII. *De Abbatissis & sanctimonialibus, quæ contra canones viduis & puellis velum imponunt.*
- XV. *De fœminis nobilibus quæ post mortem virorum suorum capita velant statim.*
- XVI. *Vt nullus canonicorum vel monachorum, nisi prædicationis aut alicuius certæ necessitatis causa, & hoc licentia Episcopi, vel qui ab eo sua vice fungitur, monasterium monachorum aut canonicarum adire præsumat.*
- XVII. *Quòd pecunia à paupere non sit exigenda cum usura.*
- XVIII. *De diuersis malorum flagitiis.*
- XIX. *De aliis vitiis quæ in usu, quasi per*

naturam habentur.

- XX. *Vt laici uxores sola causa filiorum habere debeant, & quòd coniugium à Deo est institutum.*
- XXI. *De Regis vocabulo, & qualis esse debeat ipse.*
- XXII. *De ministerio regali, quale sit.*
- XXIII. *Quod in eligendis & constituendis Ecclesiæ rectoribus, Regem magnā vigilantia adhibere oporteat.*
- XXIII. *De Abbatissis constituendis.*
- XXV. *De adiutoribus Reipublicæ & ministris eligendis.*

CAPITVLA QVÆ DEINCEPS SE-
QVVTVR NON TVNC QVANDO
PRÆSCRIPTA, VELVT IN SVB-
SEQUENTIBVS HABENTVR, IN-
VENTA, COLLECTA, ORDINATA,
HVCQVE INSERTA ESSE NOS-
CVNTVR, SED POSTMODVM A
FIDELIBVS REPERTA HAC IN
SCEDVLA, SICVT ACTA ERANT
SVNT INSERTA, VT FACILIVS
A FIDELIBVS QVOTIENS NE-
GESSE FVERIT REPERIANTVR.

ADDITIO II.

CAPITVLA QVÆ SVNT GENERA- LITER PER PARROCHIAS PO- PVLIS DENVNCIANDA.

Vt fidei Sacramento baptizandi imbuantur, & ut paruuli de sacris fontibus ab his non suscipiantur, vel homines ad confirmationem teneantur, qui in publica pœnitentia adhuc canonice irreconciliati manserint.



HOC admonendum vel denū-
ciandum fidelibus necessariè
præuidimus, vt hi qui fidem
Christi expetunt, & prouectæ
ætatis sunt, priusquam ad ba-
ptismum accedant, instruantur & fidei &
baptismatis sacramento. Similiter & illi in-
struendi sunt, qui paruulos de sacro fonte
suscipere voluerint, vt intelligant & vim
eiusdem sacramenti, & quid pro aliis spo-
ponderint, vel pro quo fideiussores extite-
rint. Illos tamen specialiter ab his officiis
remouendos iudicamus, ne alios de sacro-
sancto fonte baptismatis suscipiant, nec
etiam ad percipiendum sancti spiritus do-
num aliorum patroni existant, qui & com-
munionem canonicam priuati, & pœnitentiæ
publicæ sunt subacti, donec per pœniten-

tia satisfactionem reconciliationem mereatur. Quos enim lex diuina & auctoritas canonica ab Ecclesiarum luminibus, & à castris militaribus, ne ruina sint populi, sequestrat, multò magis ab his sacris officiis usque ad tempus poenitentiae, ut iam dictum est, peractum, sunt sequestrandi.

Quo tempore baptisma celebrari oporteat.

II. Ut extra statuta tempora canonum baptismata non celebrentur: quia sacri canones hoc modis omnibus, nisi aliquod periculum institerit, fieri prohibent, in tantum, ut etiam eos qui alio tempore baptizantur, à gradibus Ecclesiasticis arceant.

Ut pactum in baptismo factum cum Deo à baptizatis obseruetur.

III. De eo etiam instruendos fideles necessario prouidimus, ut intelligant pactum quod cum Deo in baptismo fecerunt. Pactum quod cum Deo in baptismo fit à multis ex toto, à multis ex parte transgreditur. Ex toto quippe transgreditur, quando quis post acceptam baptismatis gratiam, aut ad infidelitatem, aut hæresim, aut certè ad scisma probabitur. Ex parte verò, quando quis aut ad superbiam, aut ad inuidiam, aut ad cetera vitia spiritalia, quæ ex radice superbiæ prodeunt, labitur.

A D D I T I O I I .

*Quid sit abrenuntio in baptismo, & quo
modo obseruanda sit.*

III. Quid sit abrenunciare Diabolo, operibus & pompis eius, valde omnes fideles intelligere oportet. Quapropter necesse est vt prædicatores in admonendo, & auditores in discendo & opere complendo ab hinc vt suū cauere possint periculū, magis adhibeant studiū. Abrenunciare igitur Diabolo, est penitus eū respuere, spernere, reiicere eique cōtradicerere, seque vnūquemque ab eo alienare, siue aliud quid quod hoc verbo in hoc sensu exprimi potest. Opera eius sunt quæ vtique operibus saluatoris contraria existunt. Primū superbia, cuius ille auctor est, & quæ cum ex Angelo dæmonem fecit, quæ est etiam initiū omnis peccati, & cætera vitia quæ ex radice prodeunt superbiæ. Pompa diaboli hæc est quæ & pompa mundi, id est ambitio, arrogātia, vana gloria, omnisque cuiuslibet rei superfluitas in humanis vsibus; Vnde crescit elatio, quæ multoties honestati solet ascribi, & cætera huiusmodi quæ de fonte superbiæ procedere noscuntur. Hæc & his similia sunt quæ vnusquisque fidelis tempore baptismatis à se reiecit Christoque se mancipauit, pactūque cum Deo

fecit, ne penitus ad ea quibus abrenunciavit, rediret. Verum si iura humanæ pactio-
nis firmiter conseruantur, fixius tamen at-
que feruentius iura tanti pacti quæ cum
Deo facta sunt, inuiolabiliter sunt obser-
uanda.

De scholis per singulas vrbes habendis.

v. Inter nos pari consensu decreuimus, vt
vnusquisque Episcoporum in scholis ha-
bendis & ad vtilitatem Ecclesiæ militibus
Christi præparandis & educandis, ab hinc
maius studium adhiberet. Et in hoc vniuf-
cuiusque studium volumus probare, vt
quando ad prouinciale Episcoporum con-
cilium ventum fuerit, vnusquisque recto-
rum scholasticos suos eidem concilio ad-
esse faciat, quatenus & cæteris Ecclesiis
noti sunt, & eius solers studium circa diui-
num cultum omnibus manifestum fiat.

*Quòd ab Episcopis ieiunis impositionem ma-
nuum fieri oporteat.*

vi. Vt Episcopi non nisi ieiuni per im-
positionem manuum Spiritum sanctum tra-
dant, exceptis infirmis & morte periclitan-
tibus. Sicut autem duobus temporibus,
Pascha videlicet & Pentecoste, baptismum
ita etiam traditionem Sancti spiritus à ie-
iunis pontificibus conuenit celebrari.

A D D I T I O I I .

Vt nullus presbyterorum missam solus celebrare præsumat.

VII. Visum etiam nobis fuit illud inhibendum, ut nullus presbyterorum solus missam celebrare præsumat, quia ita nec verba Domini saluatoris, quib⁹ mysteria corporis & sanguinis suis Discipulis celebranda contradidit, nec Pauli documenta declarant, nec etiam in ipsis actis Apostolorum, si enucleatim legatur, ita fieri debere vlllo modo inuenitur. Vnde cõueniendus, imò interrogandus nobis videtur huiusmodi corporis & sanguinis Domini solitarius consecrator, quibus dicit, Dominus vobiscum & à quo illi respondetur. Et cum spiritu tuo: vel pro quibus supplicando Domino inter cætera, Memento Domine & omnium circumstantium, cum nullus circumstet, dicit. Quæ consuetudo, quia Apostolicæ & Ecclesiasticæ auctoritati refragatur, & tanto mysterio quandam dehonorationem irrogare videtur, omnibus nobis in commune visum est ut deinceps huiusmodi vsus inhibeatur.

Vt in vnaquaque Ecclesia, proprius presbyter habeatur.

VIII. Sæpe namque in aliis conciliis, & nunc in nostris conuentibus constitutum est,

vt vnaqueque Ecclesia, si facultas suppetit, proprium habeat presbyterum; & vnusquisque presbyter vna tantum sit contentus Ecclesia.

Vt in die Dominica rurale opus non fiat.

IX. Inter cætera verò admonitionis nostræ officia, satis illud nobis necessarium visum est, vt populis fidelibus terribiliter denuntietur, vt diem Dominicam, in quo auctor vitæ resurrexit à mortuis, honorabiliter & venerabiliter colant. Nam si pagani ob memoriam & reuerentiam Deorum suorum dies colere; & Iudæi more carnali Sabbatum carnaliter obseruare satagunt, quātomagis Christianæ religionis deuotio ob memoriam Dominicæ resurrectionis eundem diem venerabiliter atque honorabiliter colere debet? Multi namque nostrorum visu, multi etiam quorundam relatu didicimus quosdam in hoc die opera ruralia exercentes, fulmine interemptos, quosdam artuum contractione, multatos, quosdam etiam visibili igne absumptos subito in cinerem resolutos pœnaliter occubuisse. Proinde necesse est vt primum sacerdotes, reges, & principes cunctique fideles huic diei debitam obseruationem atque reuerentiam deuotissimè exhibeant.

A D D I T I O I I .

*De missarum celebrationibus in locis
incongruentibus minimè agendis.*

x. Illud etià quanquam sæpe admonitū sit, iterū inculcādum populisq̃ denūtiandū summopere visum fuit, vt missarū celebrationes in locis incōgruētibus fieri omnino non habeant. Et necesse est vt vnusquisque Episcoporum huiuscemodi temerariam consuetudinem à parrochia sua pœnitus amoueat. Et si quis presbyterorum ab hinc, excepto quādo in itinere pergitur, & locus basilicæ procul est, & ideo in altaribus ab Episcopo consecratis fieri necessitas compellit, ne populus Dei sine missarum celebratione & corporis & sanguinis Domini perceptione maneat; missarum celebrationes in huiuscemodi illicitis locis post tot tantasq̃ prohibitiones facere attentauerit, dignum est vt gradus sui periculum incurrat. Satiùs igitur est Missam nō audire, quàm eam vbi non licet nec oportet celebrare aut audire.

*Quòd presbyteri inconsultis Episcopis
viduas velare non debeant.*

xi. Quia ergo quod sæpe in vestris cōciliis prohibitum est, Viduas inconsultis Episcopis velari non debere, & eandem constitutionem à quibusdam præuaricari nunc
cogno-

cognouimus, prorsus ne deinceps fieret, interdiximus; Vt si quispiam presbyterorum deinceps huius constitutionis contumaciter transgressor extiterit, scilicet vt aliquam viduam inconsulto Episcopo velare præsumat, gradus sui periculum incurrat.

De puellis virginibus à presbyteris non velandis.

XII. Similiter & de puellis virginibus à presbyteris nõvelandis inhiuimus, in qua re hætenus multos presbyterorum partim ignorantia partim temeritate deliquisse deprehendimus.

Quòd quædam fœmine sibi velum absque sacerdotum consensu imponunt.

XIII. Deprehendimus & aliam negligentiam, eo quòd quædam fœminæ sine consensu sacerdotum velum sibi incautè imponant, quod similiter ne vltèrius fieret, inhiuimus.

De abbatissis & sanctimonialibus, quæ contra canones viduis & puellis velum imponunt.

XIII. Nihilominus etiam in quibusdam locis inolitum inuenimus vsum stultitiæ plenum, & ecclesiasticæ auctoritati contrarium, eo quod videlicet nonnullæ abbatissæ & aliquæ ex sanctimonialibus viduis & puellis virginibus contra fas velum imponere præsumant, & ideo nonnullæ tali-

A D D I T I O II.

ter velatæ, putant liberius suis carnalibus desiderijs posse vacare & suas voluntates explere. Quapropter statuimus vt si aut abbatissa aut quælibet sanctimonialis post hâc diffinitionem in tantam audaciâ proruperit, vt aut viduam aut puellam virginem velare præsumat, iudicio canonico vsque ad satisfactionem subdatur.

De fœminis nobilibus quæ post mortem virorum suorum, statim capita velant.

xv. De nobilibus fœminis quæ amissis viris repente velantur, & in propriis domibus diuersas necessitates opposcentes residere delectantur, de quibus in aliis conuentibus iamdudum ventilatum & definitum est, maiori solerti quæ studio admonendas esse & instruendas ab Episcopis statuimus, quatenus suæ saluti consulant, nec sic indiseretè viuendo & propria noxiâque libertate vtendo, & per diuersa vagando periculum animarum suarum incurrât, semper illud Apostolicum ante oculos habentes quo dicitur; Vidua quæ in deliciis est, viuens mortua est.

Vt nullus canonicorum vel monachorum, nisi prædicationis aut alicuius certæ necessitatis causa, & hoc licentia Episcopi, vel qui ab eo sua vice fungitur, monasterium monacharum

aut canonicarum adire præsumat.

XVI. Quia etiam comperimus quosdam canonicos & monachos postposito religionis suæ pudore monasteria sanctimonialium tam monacharum quàm canonicarum inconsulto Episcopo suo imprudenter atque irreuerenter adire ; qui obtendere solent se non ob aliud illuc accedere, nisi aut propinquitatis, aut familiaritatis, aut certè nescio cuius colloctionis gratia: Quod factū quia nec canonico nec monastico congruit proposito, prorsus interdicimus, nisi fortè causa prædicationis, aut certè ineuitabilis necessitas id facere coegerit; & hoc nullatenus sine licentia Episcopi, aut illius qui vice illius fungitur, fieri præsumatur. Quòd si sermo prædicationis faciendus est, congruo in loco coram omnibus fiat: Si verò colloquendum cum aliqua sanctimonialium ratio expostulat, id non alibi nisi in cōstituto loco, id est in auditorio, sub testimonio virorum religiosorum & religiosarum fœminarū fiat. Quando verò sacerdotibus in monasteriis puelaribus Missarum celebrationes faciendæ sunt, cum ministris sibi deputatis illuc ingradientur : quibus ritè peractis non ad secretas colloctiones sanctimonialium se

ADDITIO II.

ullo modo diuertāt, sed cum ministris suis ilico egrediātur. Porro si sacerdotibus sanctimonialia peccata sua cōfiteri voluerint, id non nisi in Ecclesia coram sancto altari, adstantibus haud procul testibus, faciant. Si autem infirmitas præpedierit, aut in Ecclesia eadem cōfessio fieri nequeat, in quacumque libet domo facienda est, non nisi testibus similiter haud procul adstantibus fiat. Nullo modo quippe videtur nobis conuenire, vt monachus relicto monasterio suo idcirco sanctimonialium monasteria adeat, vt confitentibus peccata sua modum pœnitentiæ imponat.

*Quòd pecunia à paupere non sit exigenda
cum usura.*

xvii. Quia ergo in multimodis vsurarum adinventionibus quosdam clericos & laicos oblitos præceptionis Dominicæ qua dicitur, Pecuniam tuam non dabis ad vsuram, & frugum superabundantiam non exiges, ego Dominus Deus vester; in tantam turpissimi lucri rabiem, exarsisse cognouimus, vt in multiplicibus atque innumeris vsurarum generibus sua adinventionem & cupiditate repertis, pauperes affligant, opprimant & exhauriant, adeo vt multi fame confecti pereant, multi etiam propriis de-

relictis, alienas terras expetant: in quibuscunque locis hoc fieri didicimus, ne ulterius fieret cum ingenti protestatione modis omnibus inhibuimus: attendentes illud quod in libro Exodi Dominus per legislatorem dicit, Si pecuniam tuam dederis populo meo pauperi qui habitat tecum, non vrgeas eum quasi exactor, nec vsuris opprimas. In libro quoque Leuitici; Si attenuatus fuerit frater tuus & infirmus manu, & susceperis eum quasi aduenam & peregrinum, & vixerit tecum, non accipias ab eo vsuram, nec amplius quam dedisti. Time Dominum Deum tuum, ut viuere possit frater tuus apud te. Et in libro Deuteronomij; Si vnus, inquit, de fratribus tuis qui moratur intra portas ciuitatis tue in terra, quam Dominus Deus daturus est tibi, ad paupertatem venerit, non obdurabis cor tuum, nec contrahes manum, sed aperies eam pauperi, & dabis mutuum quo indigere eum perspexeris. Item in eodem; Caue ne forte subrepat tibi impia cogitatio, & dicas in corde tuo, Appropinquat septimus annus remissionis, & auertas oculos a paupere fratre tuo, nolens ei mutuum quod postulat, commodare, ne clamet contra te ad Dominum, & fiat tibi in peccatum; sed dabis

ADDITIO II.

ei nec ages quidpiam callidè in eius necessitatibus subleuâdis, vt benedicat tibi Dominus Deus tuus in omni tempore in cūctis ad quę manum miseris. Amos Prophetā ait; Audite hoc qui conteritis pauperem & deficere facitis egenos terrę dicentes; Quando transibit messis & venundabimus merces, & sabbatum & aperiemus frumētum vt imminuamus mensuram & augeamus siclum, & supponamus stateras doloſas, vt possideamus in argento egenos, & pauperes pro calciamentis, & quisquilias frumenti vendamus. Hieronymus in expositione Ezechielis Prophetę; Putāt quidam vsuram tantum esse in pecunia, quod præuidens Scriptura, omnis rei aufert superabundantiam vt plus nō recipias quā dediti. Solent in agris frumenti & milij, vini & olei cæterarumque specierum vsurę exigi, siue, vt appellat sermo diuinus, superabundantię, verbi gratia; vt hyemis tempore demus decem modios, & in mēse recipiamus quindecim, hoc est amplius parte media, qui iustissimum si putauerit quartam plus accipiet portionem. Et solēt argumētari ac dicere; Dedi vnū modium, qui satus fecit decem modios, nonne iustum est vt medium modium de meo plus

accipiam, cum ille mea liberalitate nouem & semis de meo habeat. Noli errare, inquit Apostolus, Deus non irridetur. Respondeat enim nobis breuiter fœnerator misericors, vtrum habenti dederit, an non habenti. habenti vtique dare non debuerat: sed dedit quasi non habēti. ergo quare plus exigit quasi ab habēte? Alij pecunia fœnerata solent munuscula accipere diuersi generis, & non intelligunt vsuram appellari & superabundantiam quicquid illud est, si ab eo quod dederint plus acceperint. De mensurarum namque inæqualitate & modis iniustis & sextariis, quæ Domini lege habere prohibētur, qualiter res ad certant correctionem perducī possit, non satis perspicuè nobis patet, eo quòd in diuersis prouinciis, diuersæ ab omnibus pene habeantur. hoc tamen modis omnibus optamus & admonemus, vt saltem nullus duplices mēsuras in sua dominatione aut habeat aut haberi permittat; quoniā hac occasione multos pauperes affligi in plerisque locis cognouimus.

De diuersis malorum flagitiis.

XVIII. Sunt sanè diuersorum malorum patratores quos & lex diuina improbat & condemnat, pro quorum etiam diuersis

ADDITIO II.

sceleribus & flagitiis populus fame & pestilentia flagellatur, & Ecclesiæ status infirmatur, & regnum periclitatur. Cōtra quos nos eorum malitiam exaggerantes, quam in sacris eloquiis satis sint execrata, necessarium præuidimus iterum nostra admonitione & exhortatione præcaueri omnino oportere: sicut sunt diuersarum pollutionum patratores, quas cum masculis & pecoribus nōnulli diuersissimis modis admittunt, quæ incomparabilem dulcedinē piissimi Creatoris ad amaritudinem prouocantes, tanto grauius delinquent, quāto contra naturam peccant: pro quo etiā scelerare igne cœlesti cōflagratę inferniquę hiatu absorptæ sunt ciuitates, necnon & quadraginta & eo amplius millia stirpis Benjamineæ mucrone fraterno confossæ sunt. Hæc porro iudicia & euidentes vindictæ, declarant quā detestabile & execrabile apud diuinam maiestatem hoc vitium extet. Extāt & alia perniciosissima mala, quæ ex ritu gentilium remansisse non dubium est, vt sunt magi, arioli, sortilegi, venefici, diuini, incantatores, somniorum cōiectores, quos diuina lex irretractabiliter puniri iubet. De quibus in lege dicitur; Anima quæ declinauerit ad magos, & ariolos, &

fornicata fuerit cū eis, ponam faciem meā contra eam, & interficiam illam de medio populi sui. Sanctificamini & estote sancti, quia ego sanctus sum Dominus Deus vester. custodite præcepta mea, & facite ea, quia ego Dominus qui sanctifico vos. Et alibi; Magos, & ariolos, & maleficos terræ viuere ne patiamini. Dubium etenim non est, sicut multis est notum, quòd quibuscūq; præstigiis atque diabolicis illusionibus ita mentes quorundam inficiūt poculis amatoriis, cibis, vel phylacteriis, vt in insaniam versi à plerisque iudicentur dum proprias non sentiunt contumelias. Ferunt enim suis maleficiis aëra posse conturbare, & grandines immittere, futura prædicere, fructus & lac auferre, aliisque dare, & innumera à talibus fieri dicuntur. Qui vt fuerint huiusmodi reperti viri seu fœminæ in tantum disciplina & vigore principis acrius corrigendi sunt, inquantum manifestius ausu nefando ac temerario seruire Diabolo non metuunt. De his quoque in concilio Ancyritano titulo xxiii. ita scriptum est; Qui diuinationes expetūt, & more gentilium subsequuntur, aut in domos suas huiuscemodi homines introducunt, exquirendi aliquid arte malefica aut ex-

A D D I T I O I I .

piandi causa, sub regula quinquennij iaceant secundum gradus poenitentiae definitos. Oportet enim hæc in omnibus, & maximè in his locis ubi licitè & impunè multi se posse aut perpetrare hoc confidunt, vt studiosius & diligentius admoneantur, & seuerius corrigantur.

De aliis vitiis quæ in usu quasi per naturam habentur.

xix. Sunt & alia detestanda vitia quæ ita habentur quasi naturaliter in usu, vt ea perpetrantes quanti sunt discriminis non advertant, sicut sunt ea quæ Apostolus aperte enumerat, id est, ebrietates, comessationes, contentiones, iræ, rixæ, dissensiones, detractiones, inuidiæ; inimiciæ, quæ homines, iuxta eundem Apostolum, à regno Dei excludunt, ita inquietem; Qui enim talia agunt regnum Dei non consequuntur. In tantum enim ea impudenter & fidenter quidam committunt, vt merito de illis dici possit, Lætantur cum malè fecerint, & exultant in rebus pessimis. Vnde oportet vt omnes Christiani hæc & subtiliter intelligant, & studiosissimè caueant, ne fortè ea perpetrantes, & alia bona quæ agunt perdant, & propter hoc à regno Dei se alienos faciant. Similiter etiam de ocioso ser-

mone pro quo iuxta Domini vocem omnes reddituri sumus in die iudicii rationē. De scurrilitate & stultiloquio & maledictionibus, quoniā iuxta Apostolum, maledicentes regnum Dei non possidebunt. De mendacio; de periculoso noxio, assiduoque iuramento & obscœnis turpibusque canticis, omnibus Christianis intelligendum & obseruandum est, vt summo pere ab his se caueant, ne his studentes per negligentiam detrimentum, quod absit, suarum patiantur animarum. Hæc igitur quæ breuiter præmissa sunt primū adiuuante diuina gratia à nobismetipsis abdicando formam & exemplum aliis præbere volumus, & fidelibus nostris humiliter innotescere, & fideliter denunciare necessario iudicauimus, sed & per parrochias nostras omnes admonendo instruere cupimus, ne quod absit, per suam ignorantiam & nostram negligentiam huiusmodi mortiferis subiaceant vitiis.

*Vt laici uxores sola causa filiorum
habere debeant.*

xx. Congessimus etiam in opere conuentus nostri nonnulla alia capitula ad laicorum fidelium obseruationem & salutem pertinentia, quorum hîc ommissa prolixita-

A D D I T I O I I .

te mentionem tantum facimus, scilicet, quod nosse eos oporteat cōiugium à Deo esse constitutum, & quòd non sit causa luxuriæ, sed causa potius filiorum appetendum: & vt virginitas, sicut doctores nostri tradunt, vsque ad nuptias sit custodienda, & vt vxores habentes, neque pellicem neque concubinam habere debeāt.

Quomodo etiam in castitate vxores suas diligere, eisque vt pote vase infirmiori honorem debitum debeant impendere, & quòd commixtio carnalis cum vxoribus gratia fieri debeat prolis non voluptatis, & qualiter à coïtu pręgnantium vxorum viris abstinendum sit, necnon & qualiter menstruo tempore, viris ab vxoribus suis abstinendum sit, & quòd nisi causa fornicationis, vt Dominus ait, non sit vxor dimittenda, sed potius sustinenda, & quod hi qui causa fornicationis dimissis vxoribus suis alias ducunt, Domini sententia adulteri esse notentur, siue etiam qualiter incesta Christianis cauenda sint, & quod loca Deo dicata frequentius deuotiùsque à fidelibus ad Deum exorandum, sibi que propicium faciendum sint adeunda. Et quòd in basilicis Deo dicatis non sit fabulis, otiosis turpibusque & obscœnis sermo-

inationibus vacandum, & negotia secularia publicaue placita habenda, & quòd qui hæc in Ecclesiis Dei faciunt, maiora sibi peccata accumulent. De iusto iudicio iudicando & munerum acceptione cauenda. De falso testimonio vitando, & de detractatione vitanda. Necnon & de cæteris quæ longum est dinumerare. Sunt etiam alia plura flagitia pernecessario corrigenda, quæ nos ideo hîc inferere nō necessarium duximus, quoniam satis euidenter in vestris capitulis ea comprehensa esse scimus, quæ vos vestra auctoritate & fidelium cōsultu per strenuos missos vestros corrigenda esse cēsuistis. Hæc nos fideles & deuotissimi famuli & oratores vestri, iuxta paruitatem sensus nostri, prout breuitas temporis permisit, secūdum sanctam ordinationem vestram, de his quæ ad nostram & consacerdotum, subiectorumque nostrorū correctionem & emendationem pertinere perspeximus, nec nō & de his quæ populis necessario annuntianda & admonenda præuidimus, illud etiam quod vestræ pietati deprecandum modo iudicauimus, pauca de multis quæ in nostris conuentibus gesta sunt, excerpentes, in vnum redigendo succinctè & ordinatim adnotauimus:

sed quamquam ordine præpostero de his quæ præmissa sunt, vestro ardentissimo desiderio prius satisfacere elegerimus, illud tamen quod in capite prius ponendum fuerat, & ad vestram specialiter personam ministeriûmque pertinere cognouimus, nullatenus obliuioni tradidimus, sed potius vestræ saluti prospicientes, nonnulla capitula necessaria fideliter collegimus & vobis familiariter admonitionis gratia porrigenda deuouimus, vt apertè atque distinctè inspiciendo, legendo, & audiendo vestra cognoscere possit solertia de quibus & pro quibus in memoratis conuentibus nostris secundum virium possibilitatē nostrarum fideliter egerimus.

De Regis vocabulo & qualis esse debeat ipse.
 XXI. Vt quid Rex dictus sit, Isidorus in libro Sententiarû scribit: Rex enim, inquit, à rectè agendo vocatur, si enim piè & iustè & misericorditer agit, meritò Rex appellatur: si his caruerit, non Rex, sed tyrannus est. Antiqui autem, vt idem Isidorus in libro Etymologiarum scribit, omnes Reges tyrannos vocabant, sed postea piè & iustè, & misericorditer regentibus Regis sunt nomē adepti: Impiè verò, iniustè, crudeliterque principantibus non Regis sed

tyrannicum aptatum est nomen. Vnde & Beatus Gregorius ait in Moralibus; Viros namque sanctos proinde Reges vocari in sacris eloquiis didicimus, eo quòd rectè agant sensusque proprios bene regant, & motus resistentes sibi rationabili discretione componant. Rectè igitur illi Reges vocantur, qui tam semetipsos quàm subiectos bene regendo pacificare nouerunt. Ad quid etiam constitutus sit Imperator, Fulgentius in libro de veritate prædestinationis & gratiæ scribit. Clementissimus quoque Imperator non ideo est; vas misericordiæ præparatum in gloria, quia apicem terreni principatus accepit, sed si in imperiali culmine recta fide viuat, & vera cordis humilitate præditus, culmen regiæ dignitatis sanctæ religioni subiiciat, si magis in timore seruire Deo, quàm in timore dominari populo delectetur, si in eo leuitas iracundiam mitigat, ornat benignitas potestatem, si se magis diligendum quàm metuendum cunctis exhibeat, si subiectis salubriter consulat, si iustitiam sic teneat vt misericordiam non relinquat, si præ omnibus ita se sanctæ matris Ecclesiæ Catholicæ meminerit filium, vt eius paci atque tràquillitati per vniuersum mundum pro-

A D D I T I O I I .

desse suum faciat principatū. Magis enim Christianum regitur ac propagatur imperium dum Ecclesiastico statui per omnem terram consulitur, quàm cum in parte quacumque terrarum pro temporali securitate pugnatur. Vnde & Isidorus scribit; Principes namque sæculi nonnunquam intra Ecclesiam potestatis adeptæ culmina tenent, vt per eandem potestatem disciplinam Ecclesiasticam muniant. Cæterum intra Ecclesiam potestates necessariae non essent, nisi vt quod non præualet sacerdos efficere per doctrinæ sermonē, potestashoc imperet per disciplinæ terrorem. Sæpe per regnū terrenum cœleste regnū proficit, vt qui intra Ecclesiā positi cōtra fidem & disciplinam Ecclesiæ agunt, rigore principū conterantur, ipsamque disciplinam quam Ecclesiæ vtilitas exercere non præualet ceruicibus superborum potestas principalis imponat. Salomon in Prouerbiis; Misericordia & veritas custodiunt Regem, & roborabitur clementia thronus eius.

De ministerio regali quale sit.

xxii. Regale namque ministerium specialiter est, populum Dei gubernare & regere cum æquitate & iustitia, & vt pacem & concordiam habeant, studere. Ipse enim debet

debet primo defensor esse Ecclesiarum & seruatorū Dei, viduarum, orphanorum cæterorumque pauperum, necnon & omnium indigentium. Ipsius enim terror & studium huiusmodi in quantum possibile est, esse debet primò vt nulla iniustitia fiat, deinde si euenerit vt nullo modo eam subsistere permittat, nec spem delitescendi siue audaciam malè agendi cuiquam relinquat: sed sciant omnes quoniā si ad ipsius notitiam peruenerit quidpiam mali quod admiserint, nequaquā incorrectum aut inultum remanebit, sed iuxta facti qualitatem erit & modus correctionis. Vnde oportet vt ipse qui iudex est iudicium, causam pauperum ad se ingredi faciat, & diligenter inquirat, ne fortè illi qui ab eo constituti sunt, & vicem eius agere debent in populo, iniustè aut negligèter pauperes oppressiones pati permittant. Scire autem & vnumquémque cuiuslibet sit ordinis oportet, quia si de otioso sermone deo rationē redditurus est, multò magis de ministerio sibi diuinitus commissio. De ministerio autem Regis ita Iob loquitur, Quumque sederam quasi Rex circumstante exercitu, eram tamen mærentium consolator, auris audiens beatificabat me, & oculus videns testimo-

nium reddebat mihi, quòd liberaffẽ pauperem vociferantem & pupillum cui non esset adiutor. Benedictio perituri super me veniebat, & cor viduæ consolatus sum. Iustitia indutus sum, & vestiuit me sicut vestimento & diademate iudicio meo. Oculus fui cæco, & pes claudò. Pater eram pauperum, & causam quam nesciebam diligentissimè inuestigabam. Conterebam molas iniqui, & de dentibus illius auferebam prædam. Salomon Rex qui sedet in solio iudicij, dissipat omne malum intuitu suo. Item idem in libro Sapientiæ; Diligite iustitiam qui iudicatis terram, sentite de Domino in bonitate, & in simplicitate cordis quærite illum. Item ibi; Audite ergo Reges & intelligite, discite iudices finium terræ. Præbete aures vos qui continetis multitudines, & placetis vobis in turbis nationum, quoniam data est à Domino potestas vobis & virtus ab Altissimo, qui interrogabit opera vestra & cogitationes scrutabitur, quoniam cùm essetis ministri eius, non rectè iudicastis neque custodistis legem iustitiæ, neque secundum voluntatem Dei ambulastis, horrendè & citò apparebit vobis Dominus, quoniã iudicium durissimum in his qui præsumunt; fiet. Exi-

quo enim conceditur misericordia, potentes autem potenter tormenta patientur. Non enim subtrahet personam cuiusquam Dominus, nec reuerbitur cuiusquam magnitudinem: quoniam pusillum & magnum ipse fecit, & æqualiter pro omnibus cura est illi. Extant & alia innumera sanctarum Scripturarum testimonia, regio nomini & officio conuenientia, super quibus colligēdis vestra sancta deuotio idcirco magnum nobis ademit laborem, eo quod diuina gratia adeo tot virtutum prærogatiuis vestrum repleuerit animum & exornauerit dignitatem, vt non sit necesse sacerdotibus Domini copiosioribus exemplis qualibet exaggeratione vestrum animum onerare. Quare Deo omnipotenti gratias vberrimas ac multiplices referimus, qui ita vos pia religione, sancta deuotione, benigna humilitate, amore iustitiæ, operibus misericordiæ, cæterarumque sanctarum virtutum perfectione sua gratuita pietate ditauit, vt meritò ab omnibus amandi & imitandi sitis. Verum quòd nos si hæc vobis cælitus attributa nō fuissent, cum temporali periculo propter auctoritatē ministerij nostri vos ad ea peragenda admonere, imò admonendo exige-

re à vobis quoquomodo debueramus. Vos
 è contra propter diuinum amorem & ho-
 norem & admonendo nos ad potiora pro-
 uocatis, & pium oportunumque adiuto-
 rium nobis ferre deuotissimè curatis. Pro-
 inde humillimis precib⁹ specialiter pietati
 vestrę suggerimus, vt bonũ quod cępistis
 Deo opitulante indefinenter perficere nõ
 grauemini, & adimplendis operibus iusti-
 tię & pietatis ac misericordię nullatenus
 deficiatis: quoniam non inchoantibus, sed
 perficiētibus præmium æternę vitę datur.
 Et iuxta veritatis vocem: Qui perseuera-
 uerit vsque in finem hic saluus erit.

*Quòd in eligendis & constituendis Ecclesię re-
 ctoribus Regem magnam diligentiam
 adhibere oporteat.*

XXIII. Iterum monendo magnitudini ve-
 strę suppliciter suggerimus, vt deinceps in
 bonis pastoribus rectorib⁹que in Eccle-
 siis Dei cõstituendis magnum studium at-
 que solertissimam adhibeatis curam. Quia
 si aliter factũ fuerit, & ordo Ecclesiasticus
 suam non habebit dignitatem, & religio
 Christiana in multis labefactando damna
 detrimenti sui patietur, & animæ vestrę,
 quod non optamus, periculũ generabitur.

De Abbatissis constituendis.

xxiiii. Similiter deposcimus vt in Abbatissis constituendis vestrum specialiter caueatis periculum, sicut vobis sæpe est admonitum, & per diuinā auctoritatem crebrius manifestatum.

De adiutoribus reipublicæ & ministris eligendis.

xxv. Sed & hoc obsecramus vt in eligendis adiutoribus vestris & reipublicæ ministris qui vice vestra populum Dei regere & gubernare atque iudicare debent, solertissimam prouidentiam habeatis, semper illud attendentes quod in libro Exodi ad Moysen dicitur; Prouide, inquit, de omni populo viros potentes & timentes Deum in quibus sit veritas, & qui oderint auaritiam, & constitue ex eis tribunos & centuriones & quinquagenarios qui iudicent populum omni tempore. Quicquid autem maius fuerit, referent ad te, & ipsi minora tantummodo iudicent, leuiusque tibi sit partito in alios onere. Si hoc feceris, implebis imperium Domini & præcepta eius poteris sustentare. Vnde & in libro Deuteronomij; Iudices, inquit, & magistros constitues in omnibus portis tuis, quas Dominus Deus tuus dederit tibi, per singulas tribus tuas, vt iudicent populum iusto iu-

dicio nec in aliquam partem declinent. Itē
 ibi; Dixique vobis in illo tempore: Non
 possum solus sustinere vos, quoniam Do-
 minus Deus vester multiplicauit vos, & e-
 stis hodie sicut stellæ cæli plurimæ; Domi-
 nus Deus patrum vestrorum addat ad hūc
 numerum multa millia, & faciat vobis si-
 cut locutus est. Non valeo solus vestra ne-
 gotia sustinere, & pondus, & iurgia. date è
 vobis viros sapientes & gnaros, & quorum
 conuersatio sit probata in tribubus vestris.
 Sed & in libro Paralipomenon ita legitur;
 Constituitque Rex Iosaphat iudices terræ
 in cunctis ciuitatibus Iuda munitis per sin-
 gula loca, & præcipiens iudicibus; Videte,
 ait, quid facitis, non enim hominis exerce-
 tis iudicium sed Domini: & quodcunque
 iudicaueritis in vos redundabit. sit timor
 Domini vobiscum, & cum diligentia cun-
 cta facite. non enim est apud Dominum
 Deum vestrum iniquitas, nec personarum
 acceptio, nec cupido munerum. Rogamus
 etiam vestram pietatem propter diuinam
 misericordiam, vestramque salutem ac to-
 tius populi vtilitatem, necnon & regni ho-
 norem atque stabilitatem; vt vestra pietas
 solertissimam vigilantiā adhibeat, quate-
 nus consiliarij & dignitatis vestræ ministri

custodēsque animæ vestræ & corporis, qui debent esse intra regnū aliis decus & bonitatis exemplū, & in exteris nationibus bonę opinionis condimentum, charitatē, pacem atque concordiam omni simulatione & calliditate postposita adinuicē habeant; vt secundum Dei voluntatem & vestram honestatem atque totius regni profectum communiter decertent, & viri vobis adiutores in omnibus concorditer existant: Tunc enim veri consiliarii verique adiutores vestri & totius regni salubriter esse poterunt, si vnanimis extiterint, & inuicem dilectionem habuerint. decet quippe vt facra domus vestra cunctis spectabilis appareat & imitabilis existat, & fama suæ bonæ opinionis siue alios imperij vestri subiectos, siue exteris nationes abundantissimē perfundat. Vbi igitur omnes dissensiones & discordiæ dirimendæ, & omnis militia imperiali auctoritate est comprimēda; necesse est, vt quod in aliis corrigere decernit, in ea minimē reperiatur. Nam & hoc humiliter obsecrando admonemus, vt liberos vestros quos vobis diuina pietas largiri voluit, in timore Dei iugiter diligentēque erudiatis, sicuti & facitis, & vt in mutuæ dilectionis charitate & fraternita-

ris amore atque vnaniuitatis concordia
 vicissim consistant sedula paternaque ad-
 monitione insistatis, & ne illicitis actibus
 creatoris sui offensam incurrant prouida
 solertique circumspectione nihilominus
 inuigiletis, attendentes beatum Iob cuius
 studium, vt Beatus Gregorius in Morali-
 bus libris scripsit, circa filios erudiēdos ta-
 le extitit, vt non solum eos exterius perfe-
 ctos opere & sermone efficeret, verumetiā
 eorum corda sacrificij oblatione munda-
 ret. Attendite etiam & Dauid instruentem
 Salomonem filium suum, de quo in primo
 libro Malachim legitur; Ego, inquit, ingre-
 dior viam vniuersæ terræ, confortare & e-
 ffo vir fortis, & obserua custodias Domini
 Dei tui, vt ambules in viis eius & custodias
 ceremonias eius, & iudicia eius, & præcepta
 & testimonia sicut scriptū est in lege Moyfi
 & in libro Paralipomenon: Tu autem Sa-
 lomon fili mi, scito Deum patris tui, & ser-
 ui ei corde perfectō, & animo voluntario,
 Attēdite etiam Tobi de quo legitur, quōd
 cum factus esset vir accepit vxorem Annā
 ex tribu sua, & genuit ex ea filium nomen
 suum imponens ei, quem ab infantia time-
 re Deum docuit & abstinere ab omni pec-
 cato. Item idem alloquens eundem filium

suum; Omnibus, inquit, diebus vitæ tuæ habeto Deum in mente, & caue ne aliquādo peccato cōsentias & prættermittas præcepta Dei nostri. Ex substantia tua fac elemosynam, & noli auertere faciem tuam ab ullo paupere: Ita enim fiet, vt nec à te auertatur facies Domini. Quomodo potueris, ita esto misericors, & cætera. Item paulò post; Attende tibi fili ab omni fornicatione, & præter vxorem tuam nequaquam patiaris crimen scire superbiam, nunquam in tuo sensu aut in tuo corde dominari permittas. Ex ipsa enim initiū sumpsit omnis perditio. Et idē non post multa; Consiliū semper à sapiente perquire, omni tempore benedic Deo, & pete ab eo vt vias tuas dirigat, & omnia consilia tua in ipso permanent. Item idem; Audite ergo filij mei patrem vestrum, seruite Domino in veritate, & inquirete vt faciatis quæ sunt placita illi, & filiis vestris mandate vt faciant iustitias & elemosynas, & vt sint memores Dei & benedicant eum in omni tempore in veritate & in tota virtute sua. His omnibus prælibatis notescimus vobis quòd ea quæ in capitulis vestris nobis tractāda commisit, scilicet quid à principibus & reliquo populo vel ita vt diuina auctoritas doceat

aut aliter teneatur, vel quid inde ex parte
aut ex toto dimissum sit & non teneatur,
fatemur quia in his capitulis quæ superius
continentur, necnon & in his quæ præsen-
ti anno conscribi, & per missos vestros ob
vitia comprimenda per imperium vestrum
direxistis multa demonstrata sunt quæ à
pastoribus Ecclesiarum & à principibus &
à reliquo populo hætenus neglecta exti-
terunt, & aliter quàm diuina auctoritas se
habeat, in his eos egisse & agere nouimus.
Sed si hæc nostra sacerdotalis admonitio
effectum Deo operante, per vestrum bo-
num studium ab hinc obtinuerit, credi-
mus quòd multa quæ à multis aliter quàm
diuina auctoritas se habeat dimissa sūt, quæ
non tenebant, corrigentur. Nam & illud
quod in eisdem capitulis continetur, vt
manifestum fieret quæ causæ id effecerint
vt sacerdotes & principes à recto tramite
deuiassent, exceptis præmissis capitulis in
quibus, sicut diximus, multa negligeban-
tur, specialiter tamen vnum obstaculum
ex multo tempore iā inoleuisse cognoui-
mus, id est, quia & principalis potestas di-
uersis occasionibus interuenientibus, se-
cus quàm auctoritas diuina se habeat in
causas Ecclesiasticas prosilierit, & sacerdo-

tes partim negligentia partim ignorantia in cupiditate, in secularibus negotiis & sollicitudinibus vltra quam debuerant se occupauerint, & hac occasione aliter quàm diuina auctoritas doceat, in vtraque parte actum extitisse dubium non est. Sed quia Deo miserante à progenitoribus & genitore vestro, & à vobis multa correctâ gratulamur, si ea quæ admonemus prosperū successum habuerint, credimus quòd ad perfectionis statum, vestra intentio nostraque deuotio, Deo cooperante, peruenire possit. Veruntamen quia nouimus statum huius regni sub tali conditione & tenore creuisse atque dilatatum esse, à prudentissimis sanctisque prædecessoribus vestris, siue scilicet ab Episcopis, siue à principibus hanc causam ex toto correctam non fuisse propter hæc quæ suo tempore dici possunt, & pondus tantæ cōsiderationis paruitatis nostræ vires excessit, quoniam nec otium nec spatium temporis, nec plenitudinem consacerdotum nostrorum, sicut ipsa necessitas exposcebat, habuimus. Ideo hæc congruentiori & aptiori tempori, vita comite, si Deus ita annuerit, tractanda ac considerata distulimus, quoniam tantę considerationis per-

ADDITIO II.

fectio indiget assensu & adiutorio principum & multitudine atque deuotione nec non & studio sacerdotum, & obedientia vel concordia populi & congruentia loci temporisque spatio. Porro de Episcopali libertate, quam Deo annuente vestroque adminiculo suffragante adipisci ad Dei seruitium peragendum cupimus, suo in tempore vobis dicenda atque vobiscum conferenda reseruauimus, quateus ita sit vt & nosmetipsos saluare populoque nobis subiecto vtiliter prodesse, atque pro vobis & stabilitate imperij vestri liberius valeamus exorare, & de vestris obsequiis & regni adiutorio solatium debitum minimè subtrahatur, sed si possibile fuerit potius augeatur.



ADDITIO III.

INDEX CAPITVLORVM

ADDITIONIS TERTIÆ.

- I. *De his qui à proprio Episcopo non accipiunt chrisma.*
- II. *Vt nullus nisi iusto iudicio expolietur.*
- III. *De eo qui post veritatem repertam aliquid deinceps discutit.*
- IIII. *Vt oblationes in domibus ab Episcopis vel presbyteris non fiant.*
- V. *Quòd posteriore pacto omne pactum dissoluatur.*
- VI. *De accusatoribus de inimici domo prodeuntibus.*
- VII. *De fratrum prouisione ne irrationabiliter fiat.*
- VIII. *De clericis qui in seditione arma sumpserint.*
- IX. *Quòd lex Imperatorum non sit supra legem Dei.*
- X. *Quòd spiritalis examinet omnia, et ipse à nullo examinetur.*
- XI. *Vt tempore menstruo ad uxoribus*

INDEX CAP.

abstineatur.

- XII. *De his qui erga Episcopos vel erga actores Ecclesiæ aliquam querelam iustam habuerint.*
- XIII. *De potestate ligandi atque soluendi concessa sacerdotibus à Christo.*
- XIIII. *Vt Presbyteri qui sine præcepto Episcoporum ad externas Ecclesias transierint, à communione suspendantur.*
- XV. *De pace & concordia & unanimitate.*
- XVI. *De potestate Episcoporum pro rebus Ecclesiasticis, ac de conuenientia Episcoporum cum laicis.*
- XVII. *De intestato Episcopo.*
- XVIII. *Quales sint clerici.*
- XIX. *De iustis iudiciis à presbyt. agendis.*
- XX. *De monachorum & canonicorum militia cum consilio utiliter implenda.*
- XXI. *Viduas in delitiis non oportere vivere.*
- XXII. *De eo qui res Ecclesiæ per falsam precariâ vel fraude adipiscitur.*
- XXIII. *Quòd antiquus mos pœnitendi qui iuxta canonicam auctoritatem agendus est, iam usu recesserit.*

- XXIII. De clerico ad tutelam vocato.
- XXV. De Ecclesiis in rebus proprijs cōstitutis, & inter hæredes diuisis.
- XXVI. De his qui bis aut ter ab Episcopis confirmantur, ignorantibus tamen eisdem Episcopis.
- XXVII. De clericis ad tabulas ludentibus.
- XXVIII. De his qui seruorum matrimonia dirimunt.
- XXIX. De his qui pleniter peccata non cōfitentur.
- XXX. De sanctis Ecclesiis.
- XXXI. De his qui solummodo confiteri peccata deberi dicunt.
- XXXII. Quòd personarum acceptio in omnibus cauenda sit iudicijs.
- XXXIII. Quòd multi in pœnitentia delitijs indulgeant.
- XXXIIII. De his qui ex industria peccant.
- XXXV. Quòd pœnitentia secundum canonum statuta agi debeat.
- XXXVI. Quòd quidam presbyteris absque consensu Episcoporum Ecclesias dent vel auferant.
- XXXVII. De Scotis qui se Episcopos esse dicunt, & quosdam absque licentia dominorum suorum ordinant.
- XXXVIII. De his qui in cœna Domini Eucha-

INDEX CAP.

ristiam negligunt.

- XXXIX. *Quòd infirmi & aegrati oleo benedictionis perungendi sint.*
- XL. *De sponso vel sponsa in monasterium ingressis.*
- XLI. *De locis in quibus Missæ celebrandæ sunt.*
- XLII. *De his quæ ad aurium & oculorum pertinent oblectamētum, quæque sacerdotes vitare debent.*
- XLIII. *Vt sacerdotes à ludis secularibus se caueant.*
- XLIIII. *De presbyteris & diaconis ut Episcoporum suorum in bonis operibus vestigia sectentur.*
- XLV. *Qui in domo sua oratorium fecerit.*
- XLVI. *Quantam curam Episcopi circa indigas habeant.*
- XLVII. *Quòd liceat Episcopis præsentibus presbyt. & diaconis de thesauro Ecclesiæ pauperibus erogare.*
- XLVIII. *De diaconissa.*
- XLIX. *De presbytero non ordinando ante legitimum tempus.*
- L. *De presbyteris qualiter parrochias suas diligenter perscrutentur.*
- LI. *Ne quilibet presbyter de titulo minori ad maiorem transeat.*

- LII. *Vt decimæ semper consultu Episcoporum dispensentur.*
- LIII. *De blasphemia in Deum.*
- LIIL. *De viduis iuuenib⁹ ne citò velētur.*
- LV. *Vt comites & iudices Episcopis suis consentiant, ipsique eos honorificè recipiant.*
- LVI. *De hærede qui piam dispositionem non implet.*
- LVII. *Vt comites & iudices viles personas non admittant ad testimonium.*
- LVIII. *Nullus Christianus munera exigat pro quolibet placito.*
- LIX. *De rebus quæ paganis nō cōcedūtur.*
- LX. *De placitis secularibus ne in Ecclesia fiant.*
- LXI. *De magicis artibus & incantationibus.*
- LXII. *Ne nomen Domini in vanum iurando assumatur.*
- LXIII. *De laicis, ne munera à presb. exigāt.*
- LXIII. *De pace & concordia.*
- LXV. *De comitibus & iudicibus ut obediētes suo sint Episcopo.*
- LXVI. *Vt Episcopi semel in anno parrochias suas circumeant.*
- LXVII. *De eo qui infamis furto efficitur.*
- LXVIII. *De eo qui absens fuerit minime*

INDEX CAP.

damnando.

- LXIX. *De omnibus possessionibus à præceptore possessori reddendis.*
- LXX. *De incestis, quòd non sint legitimi hæredes.*
- LXXI. *De oratione obedientis.*
- LXXII. *Vt unaquæque prouincia à iudicibus proprijs iudicetur.*
- LXXIII. *Quòd unumquemque iustè & piè viuere oporteat.*
- LXXIII. *De graphiæ prolatore, ut eam asseruet.*
- LXXV. *Quòd sacerdos in habitu religionis persistere debeat.*
- LXXVI. *De eo qui causam habuerit ut à proprijs iudicibus iudicetur.*
- LXXVII. *De canonicis clericis qui in ciuitatibus vel monasteriis degunt.*
- LXXVIII. *De communicatione Ecclesiæ cum nihil habentibus.*
- LXXIX. *De his qui sua possident, & sibi aliquid dari volunt.*

Hæc capitula propriè sunt ad Episcopos vel ad ordines Ecclesiasticos pertinentia, quæ non solum obseruari, sed etiam sibi subiectos, vel commissos facienda perdocere debent.

INCIPIT TEXTVS
CAPITVLORVM.

*De his qui à proprio Episcopo non
accipiunt chrisma.*



I quis de alio chrismate quàm
de illo nouo quod proprij E-
piscopi largitione vel conces-
sione accepit, baptizare, nisi
præoccupante morte, tenta-
uerit, pro temeritatis ausu ipse in se suæ
damnationis protulisse sententiam mani-
festatur.

Vt nullus nisi iusto iudicio expolietur.

II. Non est priuilegium quo spoliari possit
iam nudatus, ideo, nisi iusto iudicio decer-
nente, nullus expolietur.

*De eo qui post veritatem repertam
aliquid deinceps discutit.*

III. Quisquis enim post veritatem reper-
tam aliquid vltius discutit, mendacium
quærit. Idcirco ab omnibus cautè agen-
dum est.

*Vt oblationes in domibus ab Episcopis vel
presbyteris non fiant.*

Aaa ij

ADDITIO III.

III. Quòd non oporteat in domibus oblationes celebrari ab Episcopis vel à presbyteris.

Quòd posteriore pacto omne pactum dissoluatur.

v. Omne pactum, posteriori dissoluitur pacto, homo verò liber statum suum & peiorare & meliorare potest.

De accusatoribus de inimici domo prodeuntibus.

vi. Accusatoribus de inimici domo prodeuntibus non est credendum.

De fratrum provisione ne irrationabiliter fiat.

vii. Ita consulendum est fratribus, vt non videamur destruere quod ædificatum est. Si enim quod ædificaui destruo, præuariatorem meipsum constituo.

De clericis qui in seditione arma sumpserint.

viii. Clerici qui in quacunque seditione arma volentes sumpserint, reperti, amisso, ordinis sui gradu in monasterium pœnitentiæ contradantur.

Quòd lex Imperatorũ non sit supra legem Dei.

ix. Lex Imperatorum non est supra legem Dei, sed subtus.

Quòd spiritalis examinet omnia, ipse autem à nemine iudicatur.

x. Spiritalis iudicat omnia, ipse autem à nemine iudicatur.

Vt tempore menstruo ab vxoribus abstineatur.

XI. Quòd tempore menstruo, ab vxoribus omnino sit abstinendum.

De his qui erga Episcopos vel erga actores Ecclesiæ aliquam querelam iustam habuerint.

XII. Si qui erga Episcopum vel actores Ecclesiæ quamlibet querelam habere iustam crediderint, non primates aut alios adeant iudices, priusquam ipsos conueniant familiariter non semel sed sæpissime, vt ab eis aut suam iustitiam, aut iustam recipiant excusationem: Si autem secus egerint, ab ipsis & ab aliis communione priuentur, tanquam Apostolorum patrumque aliorum contemptores. De quibus ait Propheta, Erunt quasi non sint, & peribunt viri qui contradicunt vobis.

De potestate ligandi, atque soluendi concessa sacerdotibus à Christo.

XIII. Quòd nosse oporteat, sacerdotibus laicos ligandi atque soluendi potestatem à Domino esse collatam, & quòd eorum monitis parere atque excommunicationi humiliter succumbere debeant.

Presbyteri qui sine præcepto Episcoporum ad eternas Ecclesias transferint à communione separantur.

XIII. Presbyteri qui sine iussione proprii

ADDITIO III.

Episcopi de Ecclesiis ad alias Ecclesias migrauerint, tamdiu à communione habeantur alieni, quamdiu ad easdem redierint Ecclesias in quibus primitus sunt instituti.

De pace & concordia & vnanimitate.

xv. Vt pax & concordia sit atque vnanimitas in populo Christiano : quia vnum Deum patrem habemus in coelis, & vnam matrem Ecclesiam, vnam fidem, vnum baptismum, ideo in vna pace & vnanimitate concorditer viuere debemus, si ad vnam & veram hæreditatem regni cœlestis cupimus peruenire; quia non est dissensionis Deus, sed pacis, vt ipse ait : Beati pacifici, quoniam filij Dei vocabuntur.

De potestate Episcoporum pro rebus Eccle-

siaisticis & de conuenientia Episcoporum cum laicis.

cvi. Vt Episcopi potestatem habeant res Ecclesiasticas prouidere, regere & gubernare atque dispensare secundum canonum auctoritatem. Volumus vt & laici in eorū ministerio obediant Episcopis ad regendas Ecclesias Dei, viduas & orphanos defendendos, & vt obedientes sint eis ad eorum Christianitatem seruandam; & Episcopi consentientes sint comitibus & iudicibus ad iustitias faciendas : & vt nullate-

nus per aliquorum mendacium vel falsum testimonium, neque per periurium aut per præmium lex iusta in aliquo deprauetur.

De intestato Episcopo.

xvii. Si quis cumque ex gradu ecclesiastico sine testamento & sine cognatione discesserit, hæreditas eius ad Ecclesiam ubi seruiuit, deuoluatur. Similiter de sanctorum monialibus.

De Episcopis & Abbatibus ut ante se ioca turpia fieri non permittant.

xviii. Ut Episcopi & Abbates ante se ioca turpia facere non permittant, sed pauperes & indigentes secum ad mensam habeant, & lectio diuina ibi personet, & sumant cibum cum benedictione & laude Domini secundum Apostolum; Siue manducatis siue bibitis, omnia in laude Dei facite.

De iustis iudiciis à presbyteris agendis.

xix. Ut Episcopi & iudices iudicia iusta discernant, quia sunt quædam iudicanda modò, quædam Dei iudicio reseruanda. Scriptum est enim; Nolite iudicare ante tempus, quoadusque veniat Dominus qui & illuminabit abscondita tenebrarum, & manifestabit consilia cordium, & tunc laus erit unicuique à Deo. Et illud memores

sint; In quo enim iudicio iudicaueritis, iudicabitur de vobis.

De monachorum & canonicorum militia cum consilio utiliter implenda.

xx. Ut monachi & canonici pleniter consilium habeant qualiter Deo militare animasque eorum melius valeant custodire, ne propter aliquam necessitatem, occasionem quærant vagandi, & inter ipsos propter hoc locus tentandi detur Diabolo.

Viduas in deliciis non oportere viuere.

xxi. Ut viduæ non sint in deliciis; sed secundum Apostolum, sub potestate Episcopi uiuant sicuti decet.

De eo qui res Ecclesiæ per falsam precariam obuium vel fraude adipiscitur.

xxii. Ut si quilibet hominum res Ecclesiæ per mendacia vel mala ingenia in precariam sibi adquirere & habere voluerit, & post factas precarias eadem mendacia ad aures eiusdem rectoris Ecclesiæ delata fuerint, ipsa Ecclesiæ res suas quæ ei mendaciter abstractæ fuerunt, pleniter absque ullius contradictione, omnimodis recipiat. Ille verò qui res suas per eadem mendacia propter cupiditatem ipsius precariæ, eidem Ecclesiæ tradidit, simili modo in suam recipiat dominationem.

Quòd antiquus mos pœnitendi qui iuxta canonicam auctoritatem agendus est, iam ab usu recesserit.

XXIII. Pœnitentiam agere iuxta antiquam canonum institutionem in plerisque locis ab usu recessit, & neque excommunicandi, neque reconciliandi antiqui moris ordo seruatur. Vt à domno Imperatore impetretur adiutorium, qualiter si quis publicè peccat, publica multetur pœnitentia; & secundum ordinem canonum pro merito suo & excommunicetur & reconcilietur.

De clerico ad tutelam vocato.

XXIII. Si Episcopus, presbyter, diaconus, subdiaconus ad tutelam vel curationem vocentur, tantum munus administrationis: in hoc conceditur suscipere; si tamen intra quatuor menses per competentem iudicem in scriptis manifestauerit, quòd huiusmodi munus sua sponte recepit, & tunc circa aliam tutelam præiudicium non patiat.

De Ecclesiis in rebus propriis constitutis & inter hæredes diuisis.

XXV. Perlatum ad nos est quòd inter hæredes Ecclesiæ in rebus propriis constitutæ diuidantur, & tanta per eandem diuisionē

A D D I T I O I I I .

simultas oriatur, vt vnus altaris quatuor partes fiant, & singulæ partes singulos habeant presbyteros: quod sine discordia & similitate nullo modo geri potest. Vnde nobis visum est, quòd huiusmodi Ecclesiæ inter hæredes diuidi non debeant. & si in contentionem venerint, & similitates inter eos surrexerint, per quas sacerdos suo ibi officio canonicè fungi nõ possit, præcipiatur ab Episcopo ciuitatis vt nullo modo ibi Missarum solemnias celebrentur, donec illi ad concordiam redeant, & pari voto atque consilio Ecclesia illa sacerdotem canonicè habeat, qui liberè suum ministerium ibi peragere possit.

De his qui bis aut ter ab Episcopis confirmantur, ignorantibus tamen eisdem

Episcopis.

xxvi. Dictum nobis est quòd quidam de plebe bis aut ter ab Episcopis, ignorantibus tamen eisdem Episcopis, confirmantur. Vnde nobis visum est eandem confirmationem, sicut nec baptismum iterari minimè debere, quia qui bis vel amplius baptizantur vel confirmantur, non seculo sed soli Domino sub habitu regulari vel clericali religiosissimè famulari decretum est.

De clericis ad tabulas ludentibus.

xxvii. Si quis clericus ad tabulas ludat, vel spectaculis attendat, per tres annos à sacro ministerio prohibeatur, & si dignam pœnitentiam fecerit, reconcilietur.

De his qui seruorum matrimonia dirimunt.

xxviii. Dictum nobis est quòd quidam legitima seruorum matrimonia potestatiua quadam præsumptione dirimant, non attendentes illud Euangelicum; Quod Deus coniunxit, homo non separet. Vnde nobis visum est, vt coniugia seruorum non dirimantur, etiam si diuersos dominos habeant, sed in vno coniugio permanentes dominis suis seruiant. Et hoc in illis obseruandum est, vbi legalis coniunctio fuit, & per voluntatem dominorum.

De his qui pleniter peccata non confitentur.

xxix. Sed & hoc emendatione indigere perspeximus, quòd quidam dum confitentur peccata sua sacerdotibus, non plenè id faciunt. Quia ergo constat hominem ex duabus esse substantiis, anima videlicet & corpore, & interdum animi motu, interdum carnis fragilitate peccatur, solerti indagatione debent inquiri ipsa peccata, vt ex vtrisque plena sit confessio, scilicet vt & ea confiteantur quæ per corpus gesta

sunt, & ea quibus in sola cogitatione delinquitur. Instruendus est itaque peccatorum suorum confessor, ut de octo principalibus vitiis sine quibus in hac vita difficile viuitur, confessionem faciat, quia aut cogitatione, aut quod est grauius, opere eorum instinctu peccauit. Odium etenim, inuidia, superbia vel certè huiuscemodi animæ pestes tantò periculosius lædūt, quantò subtilius serpunt.

De sanctis Ecclesiis.

xxx. Nulli sub Romana ditione constitutæ Ecclesiæ, vel Xenodochi, vel monasterij rectori earum, rem immobilem liceat alienare, id est agrum, domum, mancipium, panes ciuiles, neque creditori obligare. (Alienatio enim est venditio, donatio, permutatio, emphiteoscos perpetuus contractus) & omnes omnino cōuenit se ab huiusmodi alienatione abstinere. Tabellio verò quī talia instrumēta cōscripserit, perpetuo exilio tradatur. Magistrātus verò iudices qui talia instrumenta consenserint, & dignitatem & facultates amittant.

De his qui Deo solummodo confiteri peccata debent.

xxxi. Quidam Deo solummodo confiteri debere dicunt peccata, quidam verò sa-

cerdotibus confitenda esse percensent. Quod vtrumque non sine magno fructu intra sanctam fit Ecclesiam, ita duntaxat vt & Deo qui remissor est peccatorum, confiteamur peccata nostra, & cum Dauid dicamus, Delictum meum cognitum tibi feci, & iniustitiam meam non abscondi: Dixi, confitebor, aduersum me iniustitias meas Domino, & tu remisisti impietatem peccati mei: Et secundum Apostoli institutionem; Cōfiteamur alterutrum peccata nostra, & oremus pro inuicem vt saluemur. Confessio itaque quæ Deo fit, purgat peccata, ea verò quæ sacerdoti fit, docet qualiter ipsa purgentur peccata. Deus namque salutis & sanitatis auctor & largitor, plerumque hanc præbet suæ potentiae inuisibili administratione, plerumque medicorum operatione.

*Quod personarum acceptio in omnibus
cauenda sit iudicijs.*

xxxii. Quia igitur Apostolo teste, non est personarum acceptio apud Deum, & in omnibus iudicijs cauenda est: multo magis in hoc pœnitentiæ iudicio præcaueri debet, vt nullus sacerdotum vnquam aut gratia aut odio alicuius personæ secus iudicet, quàm quod in canonibus sacris in-

A D D I T I O I I I .

uenerit, aut quod illi secundum sanctarum
Scripturarum auctoritatem & Ecclesiasti-
cam consuetudinem rectius visum fuerit.
Si ergo medici qui corporibus medicinam
inferre conantur, nequaquam propter per-
sonæ cuiuslibet acceptionem, his quos sa-
nare cupiunt cauterio; aut ferro, aut duris
aliis quibuslibet rebus parcunt, multo ma-
gis his obseruandum est, qui non corporū,
sed animarum medici existunt. Neque pē-
sanda est pœnitentia quantitate temporis,
sed ardore mentis & mortificatione cor-
poris. Cor autem cōtritum & humiliatum
Deus non spernit.

*Quòd multi in pœnitentia delitiis
indulgeant.*

xxxiii. Multi (quod non sine dolore di-
cendum est) in pœnitentia non tam pecca-
ti remissionem, quàm temporis constituti
expectant expletionem, & si carnum &
vini vsus eis interdictus est, mutata nō vo-
luntate, sed eiusdem cibi aut potus perce-
ptione, intantum deliciis suis indulgent, vt
deliciosius his interdictis aliorum ciborū
vel potionum appetitu viuere cognoscan-
tur. Spiritualis autem abstinencia quæ in
pœnitentibus potissimum vigere debet, &
quorundam ciborum ac potionum per-

ceptiones & desiderium fugere debet. Ille, inquam, ille magis parsimoniam seruire censendus est, qui sibi non solum quarundam rerum perceptiones, sed delectationes corporis penitus interdicat.

De his qui ex industria peccant.

xxxiii. Sed nec hoc prætereundum putamus, quod quidam ex industria peccantes propter elemosynarum largitionem quandam sibi promittunt impunitatem: Eleemosyna enim extinguit peccata, iuxta illud; Ignem ardentem extinguit aqua, & elemosyna extinguit peccata: Sed ea quæ aut necessitate, aut casu, aut qualibet fiunt fragilitate, ea verò quæ ex industria ad cuiuslibet libidinem explendam idcirco fiunt ut elemosynis redimantur, nequaquam eis redimi possunt; Quia qui hoc perpetrant, videntur Deum mercede conducere, ut eis impunè peccare liceat. Non ergo idcirco quis peccare debet, ut elemosynam faciat, sed ideo elemosinam facere debet quia peccauit. Mentem enim & corpus quæ libido traxit ad culpam, afflictio & contritio debet reducere ad veniam.

Quòd pœnitentia secundum canonum statuta agi debeat.

xxxv. Modus autem pœnitentiæ peccata

A D D I T I O I I I .

sua confitentibus, aut per antiquorum canonum institutionem, aut per sanctarum scripturarum auctoritatem, aut per Ecclesiasticam cōsuetudinem, sicut superius dictum est, imponi debet, repudiatis ac penitus eliminatis libellis quos pœnitentiales vocant, quorum sunt certi errores, incerti auctores, de quibus ritè dici potest, Mortificabant animas quæ non moriebantur, & viuificabant animas quæ non viuebant: qui dum pro peccatis grauibus leues quosdam & inusitados imponunt pœnitentiæ modos, consuunt puluillos secundum propheticum sermonē, sub omni cubito manus, & faciunt cervicalia sub capite vniuersæ ætatis ad capiendas animas.

*Quod quidam presbyteris absque consensu
Episcoporum Ecclesias dent vel
auferant.*

xxxvi. Inuentum est quòd multi arbitrij sui temeritate, & quod est grauius, ducti cupiditate, presbyteris quibuscumque absque consensu Episcoporum Ecclesias dant vel auferunt. Vnde oportet vt canonica regula seruata, nullus absque consensu Episcopi cuiuslibet presbytero Ecclesiam det quā si iustè adeptus fuerit, hæc nō nisi culpa sua, coram Episc. canonica seueritate omittat.

De

*De Scotis, qui se Episcopos esse dicunt, &
quosdam absque licentia Domino-
rum suorum ordinant.*

xxxvii. Sunt in quibusdam locis Scoti qui se dicunt Episcopos esse, & multos negligentes absque licentia Dominorū suorum siue magistrorum, presbyteros & diaconos ordinant. Quorum ordinationem, quia plerumque in simoniacam incidit hæresim & multis erroribus subiacet, modis omnibus irritam fieri debere omnes vno consensu decreuimus.

De his qui in cœna Domini Eucharistiam negligunt.

xxxviii. In cœna Domini à quibusdam Eucharistia negligitur, quæ quoniam in eadem die ab omnibus fidelibus exceptis his quibus pro grauibus criminibus inhibitu est, percipienda sit, Ecclesiasticus vsus demonstrat, cum etiam pœnitentes eadem die ad percipienda corporis & sanguinis Domini sacramenta reconciliat.

*Quòd infirmi & ægroti oleo benedictionis
perungendi sint.*

xxxix. Secundum beati Iacobi Apostoli documentū, cui etiam documēta Patrum consentiunt, infirmi oleo quod ab Episcopis benedicatur, à presbyteris vngi debēt.

Sic enim ait ; Infirmatur aliquis in vobis? inducat presbyteros Ecclesiæ & orent super eum, vnguentes eum oleo in nomine Domini , & oratio fidei saluabit infirmum. & alleuabit eum Dominus, & si in peccatis sit dimittentur ei. Non est itaque parui pēdenda huiuscemodi medicina, quæ animæ corporisq̃ue medetur langoribus.

De sponso vel sponsa in monasterium ingressa.

XL. Si sponsus vel sponsa intrauerit monasterium , id quod arrarum nomine datum est, in simplum tantum reddatur.

De locis in quibus Missæ celebrandæ sunt.

XLI. In quibus locis & quo apparatu Missarum sollemnia, exceptis basilicis, celebrari debeant, & vtrum celebrari debeant in Concilio Laodicensi ita scribitur ; Quòd non oporteat in domibus oblationes celebrari ab Episcopis vel à presbyteris.

De his quæ ad aurium & oculorum pertinent oblectamentum; quæque sacerdotes vitare debent.

XLII. Quæcunque ad aurium & oculorum pertinent illecebras , vnde vigor animi emolliiri posse credatur, vt de aliquibus generibus musicorū aliisque nonnullis rebus sentiri potest, ab omnibus Dei sacerdotes

se abstinere debent: quia per aurium oculorumque illecebras, vitiorum turba ad animum ingredi solet. Histrionū quoque turpium & obscœnorum insolentias locorum, & ipsi animo effugere, cæterisque sacerdotibus effugienda prædicare debent.

Vt sacerdotes à Indis secularibus se caueant.

XLIII. Sacerdotibus non expedit secularibus & turpibus quibuslibet interesse locis: venationes quoque ferarum vel auium minimè sectentur.

De presbyteris & diaconis, vt Episcoporum suorum in bonis operibus vestigia sectentur.

XLIII. Presbyteri quoque & diaconi in omnibus bonorum operum exhibitionibus sui Episcopi vestigia sectentur, & in bonorum morum probitate, quæ Episcopo obseruanda sunt, eadem & sibi obseruanda esse cognoscant.

Qui in domo sua oratorium fecerit.

XLV. Qui in domo sua oratorium habuerit, orare ibi potest, tamen non audeat in eo sacras facere Missas sine permisso Episcopi loci illius: Quòd si fecerit, domus illius fisci iuribus addicatur: Præfectus prætorij qui hoc cognouit & non prohibuit, librarum auri mutabitur.

Quantā curam Episcopi circa indigas habeant.

ADDITIO III.

XLVI. Episcopi quidem maximam curam & sollicitudinem circa pauperes habeant, & res Ecclesiasticas Ecclesiis collatas cauta circumspectione dispensent, quasi Dei ministri, non quasi turpis lucri gratia sectatores, illisque ita utantur, non ut propriis, sed ut sibi ad dispensandum commissis.

Quod liceat Episcopis presentibus presbyteris & diaconis, thesauros Ecclesie pauperibus erogare.

XLVII. Licitum sit Episcopis presentibus presbyteris & diaconibus de thesauro Ecclesie, familie & pauperibus eiusdem secundum canonicam institutionem, iuxta quod indiguerint erogare.

De diaconissa.

XLVIII. Si diaconissa nupserit, gladio ultore sternatur, & facultas eius Ecclesie ei ubi seruiuit, addicatur. Corruptores earum similiter puniantur: bona verò eorum fisci iuribus vindicentur.

De presbytero non ordinando ante legitimum tempus.

XLIX. Presbyterum ordinari non debere ante legitimum tempus, hoc est trigesimum ætatis annum, sed priusquam ad consecrationem presbyteratus accedat, maneat in Episcopio discendi gratia officium suum

tādiu donec possint & mores & actus eius animaduerti: Et tunc, si dignus fuerit, ad sacerdotium promoueatur.

De presbyteris, qualiter parrochias suas diligenter perscrutentur.

I. Vt vnusquisque Episcoporum parrochiam suam diligenter perscrutari nitatur, ne aliquis presbyter ab alterius parrochia in suam commigrans, officium celebrare præsumat sine literis commendaticijs, sicut olim multis in locis actum esse reperiuntur.

Ne quilibet presbyter de titulo minori ad maiorem transeat.

II. De titulo minori ad maiorem migrare nulli presbytero licitū sit, sed in eo permaneat ad quem ordinatus est. Quòd si inuentus fuerit contra statuta id facere, eadem feriat sententia qua & Episcopus qui de minori ad maiorem trāsmigrauerit sedem.

Vt decimæ semper consultu Episcoporum dispensentur.

III. Vt decimæ quæ singulis dabuntur Ecclesijs, per consulta Episcoporum à presbyteris ad vsum Ecclesiæ & pauperum summa diligentia dispensentur.

De blasphemia in Deum.

Bbb iij

ADDITIO III.

LIII. Si quis quolibet modo blasphemiam in Deum iactauerit, à præfecto vr̃bis vltimo supplicio subiiciatur: Qui verò talem cognoscens non manifestauerit, similiter coërceatur. Si præfectus vr̃bis hæc punire neglexerit, post Dei iudicium nostram indignationem incurrat.

De viduis iuuenibus ne citò velentur.

LIIII. Vt iuuenes viduæ citò nequaquam, velentur, vsque dum probetur illarum religio, & bona ab eis nota sit conuersatio, ne fortè de eisdem dici possit; Quæ autem in delitiis sunt; viuentes mortuæ sunt.

Vt comites & iudices Episcopis suis consentiant, ipsique eos honorificè recipiant.

LV. Comitibus, iudicibus, reliquòque populo expedit vt suis sint Episcopis consentientes & obediētes propter Dei amorem, suisque gradus honorem, & semper ab eis vtile quærant consilium, illorūque salubria non spernant monita, sed intenta cordis aure audiant. Similiter verò & Episcopi prædictas personas humiliter suscipiant, honorificèque erga eos in omnibus agant, & se se mutuis studeant subleuare consolationibus.

De hærede qui piam dispositionem non implet.

LVI. Si hæredes iussa testatoris non imple-

uerint, ab Episcopo loci illius, omnes res quæ his relictæ sunt auferantur cum fructibus & ceteris emolumentis, vt vota defuncti impleantur.

Vt comites & iudices viles personas non admittant ad testimonium.

LVII. Summopere admonendi sunt comites & iudices; ne viles & indignas personas coram se permittant ad testimoniũ accedere, quoniã multi sunt qui periurare pro nihilo ducũt, in tantũ vt pro vnus diei satietate aut pro quolibet paruo pretio ad iuramentũ conduci possint, animasq; suas periurio perdere minimẽ formidant. Quãobrem tales nequaquam ad quodlibet testimonium admittendi sunt. Et hoc notandum, quòd non solũ illi qui periurant, sed etiam qui periuris consentiunt, simili plectendi sunt damnatione.

Nullus Christianus munera exigat pro quolibet placito.

LVIII. Nullus Christianus pro quolibet placito vel iudicio à qualibet persona munera exigere aut accipere debet, quoniam id diuina Scriptura multis in locis magna interdicit auctoritate, testante Scriptura quæ ait: Munera excæcant oculos sapientium, & subuertunt verba iustorum.

ADDITIO III.

De rebus quæ paganis non conceduntur.

LIX. Non liceat Christianis Iudæorum neque paganorum vel hæreticorum res emphiteoseos vel conductionis titulo habere, neque suorum similiter eis accommodare.

De placitis secularibus ne in Ecclesia fiant.

LX. Placita quidem secularia in Ecclesiis vel in atriis Ecclesiarum à comitibus vicariisque vsque modò multis in locis habita, sed ne vltra fiant interdicens est cum auctoritate Dominica, quæ expulsis de templo negotiatoribus adserit debere domum Dei domum esse orationis.

De magicis artibus & incantationibus.

LXI. Admoneant sacerdotes fideles populos, vt nouerint magicas artes, incantationesque quibuslibet infirmitatibus hominum nihil posse remedij conferre: non animalibus languentibus, claudicantibus, vel etiam moribundis quicquam mederi, non ligaturas ossiũ vel herbarũ cuiquã mortaliũ adhibitas prodesse, sed hæc esse laqueos & insidias antiqui hostis, quibus ille perfidus, genus humanum decipere nititur.

Ne nomen Domini in vanũ iurando assumatur.

LXII. Omnes homines admonemus, ne per singula verba quasi ad confirmationem suæ adsertionis nomen Domini in

vanum assumant; quod ipse Dominus interdicit faciendum ubi ait; Ne assumes nomen Dei tui in vanum: In vanum etenim nomen Dei assumitur, quando aliquis ad singula verba quibus vult ut sibi ab alio credatur, Deum omnipotentem testem rei, de qua ait, inuocat, cumque sibi ita esse adiutorē, sicut ea vera sunt quæ loquitur. Nam & ipse Dominus in Euangelio hoc modo prohibens omne genus iuramēti, Nolite, inquit, omnino iurare, neque per cœlum, neque per terram, neque per caput tuum, & cætera.

De laicis ne munera à presbyteris exigant.

LXIII. Ut laici omnino à presbyteris non audeant munera exigere propter commendationem Ecclesiæ, qua propter cupiditatem plerumque, à laicis talibus presbyteris Ecclesiæ dantur, qui ad peragendum sacerdotale officium indigni sunt.

De pace & concordia.

LXIII. De pacis bono atq; concordia ut ab omnibus omnino indisrupta teneatur inter Episcopos & comites, inter clericos & monachos & omnem populum Christianū, ut B. Apostolus Paulus docuit dicens: Sectamini charitatem & sanctimoniam, sine qua nemo videbit Deum. Et idcirco

A D D I T I O I I I .

quicquid illud est quod nos ad veræ pacis studium & charitatis perfectionem prouocat, totis viribus nostris sectandum est: quicquid verò nos ab illa disiungit vt venenum mortiferū à nobis cauendum est.

*De comitibus & iudicibus vt obedientes
suo sint Episcopo.*

LXV. Vt comites & iudices reliquísque populus obdientes sint Episcopo, vt inuicem consentiant ad faciendas iustitias, & muna pro iudicio non accipiant, nec falsos testes; ne per hoc peruertant iudicia iustorum, quia scriptū est; Iustitia eleuat gētem, iniustitia verò miseros facit populos. Et psalmista; Beati qui custodiunt iudicium & faciunt iustitias in omni tempore.

*Vt Episcopi semel in anno parochias
suas circumeant.*

LXVI. Vt vnusquisque Episcopus semel in anno circumeat parrochiā suam; nouerint sibi curam populorū & pauperum in protegendis ac defendendis impositam, ideoque dum conspiciunt iudices ac potestates pauperum oppressores existere, prius eos sacerdotali admonitione redarguant, & si contempserint emendari, eorum insolentia Regis auribus intimetur: vt quos sacerdotalis admonitio non flectit ad iustitiam,

regalis potestas ab improbitate coërceat.

De eo qui infamis furto efficitur.

LXVII. Furti quocumque genere condemnatus, infamis efficitur.

De eo qui absens fuerit minimè damnando.

LXVIII. Iubemus vt in causa capitali absens nemo damnetur, quia neque absens per alium accusare aut accusari potest.

De omnibus possessionibus à præceptore possessori reddendis.

LXIX. Omnes possessiones & omnia sibi sublata atque fructus cunctos ante litē cōtestatam præceptor possessori restituat.

In duob. Vetusstiss. exemplaribus notatum est hoc loco deesse quædam capitula.

De incestis, quod non sint legitimi hæredes.

LXX. Omnes nosse volumus quòd incesti non sint legitimi hæredes, sed infamia sint notatæ utræque personæ: Idcòque proximorum copula vel stupra quasi quædam turpissima pestis cauenda est, quoniam incesti vsque ad canonicam separationem, Ecclesiæque per publicam pœnitentiæ satisfactionem, magis inter energuminos vel audientes, quàm inter Christianos catholicos utrique cū omnibus suis sunt habendi.

De oratione obedientis.

LXXI. Sciendum sanè est omnibus, quia ci-

ADDITION III.

tius exauditur vna obedientis oratio,
quàm decem millia contemptoris.

*Vt vnaquæque prouincia à iudicibus
proprijs iudicetur.*

LXXII. Præcipimus vt nō degradetur vna-
quæque prouincia, sed apud semetipsam
habeat iudices Episcopos; & quicumque
causam habuerit, à suis iudicibus iudicetur,
& non ab alienis, id est à suæ iustis iudici-
bus prouinciæ, & non ab externis, nisi fue-
rit appellatum.

*Quod vnumquemque iustè &
piè viuere oporteat.*

LXXIII. Notum esse omnibus volumus
quàm iustè, quàm sobriè, quàm etiam piè
viuere debeant. Iustè enim viuere oportet
secundum sermonem dominicum præci-
pientem; Luceat, inquit, lux vestra coram
hominibus, vt videât opera vestra bona, &
glorificent patrem vestrum qui in cælis est:
hoc est, sic iustè viuite, vt filij lucis nomi-
nari valeatis. Quòd verò sobriè viuere de-
beat quisque, monet Euangelium dicens;
Videte ne grauentur corda vestra crapula
& ebrietate & curis huius vitæ. Piè etiam
viuere vel patienter monet Paulus exhor-
tando dicens; In omni potentia & doctri-
na & cum pietate regere domum monet;

& ne ipsa pietas indiscreta, videatur, præmittit sententiam dicens; Argue cū omni imperio.

*De graphiæ prolatore ut eam
affirmet.*

LXXIII. Statutum est ut scripturam prolator affirmet: Nam si is qui scripturam protulit, eius non adstruxerit veritatem, ut falsitatis reum esse detinendum.

Quod sacerdos in habitu religionis persistere debeat.

LXXV. Studendum sanè omnibus est, ut in habitu religionis quisque sacerdos permaneat, & ore prophetico sibi met præcipi constat dicente; Clama, ne cesses, quasi tuba exalta vocem tuam. Quando dixit; Clama ne cesses, omne tempus exclusit, quod nemo potest excusare: Et enim de libris officialibus ut nouimus patet ratio, quia nequaquam corporeo vsu hæc requirenda ab illis erat qui spiritaliter viuebat, dicente Psalmographo; In me sunt Deus vota tua, quæ reddam laudationes tibi? Nos tamen qui in medio positi sumus, scilicet inter spiritalem & corporalem intellectum, necesse nobis quærere officialē intellectum, ut in omnibus exhibeamus nosmetipsos sicut Dei ministros,

vt non vituperetur ministerium nostrum:
Et propheticum sermonem impleamus
dicentem; Iustitiam discite qui habitatis
terram. Et, quod auertat Deus à nobis, idē
Propheta dicit; Zelus apprehendit popu-
lum ineruditum. Et item alius Propheta;
Sacerdotes ignorauerunt intelligentiam.
Et idem Propheta; Sacerdotes non dixe-
runt; Vbi est Dominus, & tenentes leges
meas nescierunt me. Qua ergo fronte, qua
conscientia sacerdotem nominari se fateat-
ur, quem Dominus per Prophetam nesci-
re se dicit?

*De eo qui causam habuerit, vt à propriis
iudicibus iudicetur.*

LXXVI. Quicūque causam habuerit à pro-
priis iudicibus iudicetur, & non ad alienos
causa vagandi & proteruiæ dimittens suam
patriam transeat, sed apud metropolitanū
& reliquos Episcopos suæ prouinciæ iudi-
cetur.

*De canonicis clericis qui in ciuitatibus vel
monasteriis degunt.*

LXXVII. Volumus atque præcipimus sicut
synodali atque canonica auctoritate à pa-
storibus sanctæ Ecclesiæ sæpissime admo-
niti sumus, vt canonici clerici qui in ciui-
tatibus vel in monasteriis degunt, qui be-


neſicia habent vnde victum & veſtimentum habere poſſunt, vt his iuxta Apoſtolum contenti ſint, & ſtipendia fratrum vnde pauperiores & hi qui aſſiduè in prædictis locis Domino famulantes excubant, atque ibi aſſiduum diuinum explent officium vitam ſuſtinent, nequaquam aſſumant, aut in ſuis uſibus conuertant: Sci- mus enim quia abſque periculo atque diſpendio animarum ſuarum, hoc nullatenus facere poſſunt. Si quis hæc ſtatuta cõtempſerit, vtriſque careat, id eſt, & beneficio & præbenda, atque ſi gradibus fruitur eccleſiaſticis, ipsis priuetur.

*De communicatione Eccleſiæ cum
nihil habentibus.*

LXXVIII. Quod habet Eccleſia, cum omnibus nihil habentibus habet commune, nec aliquid inde eis qui ſibi de ſuo ſufficiunt, conuenit erogare: quando nihil aliud ſit habentibus dare, quàm perdere.

*De his qui ſua poſſident, & ſibi aliquid
dari volunt.*

LXXIX. Nec illi qui ſua poſſidentes dari ſibi aliquid volunt, ſine grandi peccato ſuo vnde pauper victurus erat accipiunt.



ADDITIO III.

*Cuius etiam Capitula in vetustis quibusdam
exemplaribus cum præcedentibus, nu-
meris continuata sunt.*

SEQUENTIA QUÆDAM CAPITVLA
EX SANCTORVM PATRVN DE-
CRETIS ET IMPERATORVM E-
DICTIS COLLIGERE CVRAVI-
MVN, ATQVE INTER NOSTRA
CAPITVLA LEGE FIRMISSIMA
TENENDA GENERALI CONSVL-
TV ERCHEMBALDO CANCEL-
LARIO NOSTRO INSERERE IVS-
SIMVN.

INDEX CAPITVLORVM.

- DE NVPTIIS.
- I. *Ex sacrarum institutione legum
XII. Tit. III. Capitulo XV.*
- DE ACCVSATIONE EPISCOPORVM.
- II. *Ex libro VII. Tripertite historie
cap. XII.*
- III. *Ex Epistola Stephani Papæ scripta
generaliter omnibus Episcopis.*
- III. Ex

- III. *Ex Augustino ad Bonifacium de lapsorum restitutione.*
- V. *Ex Epistola Leonis Papæ Aquilensi Episcopo directæ.*
- VI. *Vt nullus derogetur aut temere accusetur Episcopus, nec à primatibus facile eorum suscipiatur accusatio, quia iniuria Episcoporum ad Christum pertinet, cuius vice legatione funguntur, ex decretis Anastasij Papæ.*
- VIII. *Qualiter Episcopus ad synodum conuocetur, & qualiter in ea de illo agatur.*
- IX. *Vt accusatio clericorum intra provinciam fiat, nisi fortè accusatus maiorum appellauerit auctoritatem.*
- X. *Vt nullus Metropolitanum aliquorum pontificum suorumque clericorum aut Ecclesiarum causas audiat absque omnium comprouincialium Episcoporum presentia, ex synodo Romana tertia.*
- XI. *De rimanda accusatoris persona ex decretis Sixti Papæ.*
- XII. *De primatu sedis Apostolicæ cui Episcoporum finitiua iudicia, &*

INDEX CAP.

- congregandarū Synodorū priuilegia sint reseruata, & de canonica Episcopi uocatione, ex Synodis Romanis, et ex decretis Iulij Papæ
- XIII. Vt si quis Metropolitanum suspectum habuerit apud primatē audiatur, ex Concilio Calcedonense.
- XIII. De accusato vel iudicato Episcopo si bonā putauerit habere causam et uoluerit à Romano audiri Pontifice à nullo prohibeatur, sed libere hoc ei, & absque ullo impedimēto concedatur, ex quibus supra, cū quibus et Sardicense conciliū, & alia decreta canonum & sanctorum patrum concordant.
- XV. Vt dum accusatus vel iudicatus Episcopus Romanum appellauerit Pontificem, nulla ei lesio fiat, neque aliquis eius corripiat sedem, aut in ei⁹ loco ordinetur Episcopus antequā eius causa Romani Papæ sit terminata iudicio, ex quibus supra, cum quibus et multa sanctorū patrū decreto consentiunt.
- XVI. De Episcoporum appellatione ad Romanam Ecclesiam, quotiens necessitas exposcerit, cni Episco-

- porum & summarum causarum
negotia spiritali priuilegio à pa-
tribus reseruata sunt, ex quibus
supra cum quibus maxime cun-
cta canonum & sanctorum pa-
trum decreta concinunt.
- XVII. De causa Lupicini Episcopi, ex Epi-
stola Leonis Papæ Africanis E-
piscopis directa.
- XVIII. Ex synodalibus statutis & Impe-
ratorum edictis libro XVI. Theo-
dosii Imperatoris, de his qui su-
per religione contendunt.
- XIX. Ex Epistola Leonis Papæ ad Theo-
doricum Cyri Episcopum directa.
- XX. Clerici accusatores fratrum ad cō-
munionem recipiantur nō ad cle-
rum, ex concilio Carthaginis.
- XXI. De præsidiis & cæteris Rempu-
blicam agere volentibus, ne sine
literis Episcopi sui communicent,
& cum contra disciplinam ege-
rint excommunicentur ex concilio
Arelatense.
- XXII. Ut clerici vel laici in aliena Ecclesia
non cōmunicent sine literis Episcopi
sui, ex cōcilio Carthaginense.
- XXIII. De honore & pace sanctæ Ecclesiæ.

INDEX CAP.

- XXIIII. De sacerdotibus & ministris altaribus.
- XXV. De concordia Episcoporum & comitum.
- XXVI. De incendio & rapina.
- XXVII. De pace custodienda.
- XXVIII. De puella virgine vel vidua.
- XXIX. De banno persoluendo.
- XXX. De his qui seruos suos extra iudicem necant.
- XXXI. De his qui ad pacem non reuertuntur.
- XXXII. De his qui intrant in Ecclesiam, & propter nimiam luxuriam suam, à Sacramento se abstinent.
- XXXIII. De clericis vel laicis.
- XXXIIII. De clericis aduersus inuicem negotia propria habentibus.
- XXXV. De eo qui excommunicatus ante audientiam communicare præsumpserit.
- XXXVI. De potente qui aliquem expoliauerit.
- XXXVII. Quòd Ecclesiarum dotes ad Episcopi ordinationem debeant pertinere.
- XXXVIII. De his quæ à fidelibus in parrochianis basilicis offeruntur.
- XXXIX. De quatuor portionibus Ecclesia-

sticis.

- XL. Ex Epistola Papæ Gelasij de eo qui anathematis pœnā parui duxerit.
- XLI. De laicis qui contemptores canonū extiterint.
- XLII. Ut populus ante completam missam & benedictionem acceptam egredi non præsumat.
- XLIII. De his qui Ecclesiastica ieiunia absque necessitate dissolunt.
- XLIII. De his qui rebaptizati vel reconfirmati sunt quid sit agendum.
- XLV. De clericis qui ad secularium defensionem confugiūt propter distributionem Episcopi.
- XLVI. De turpiloquiis.
- XLXII. De clericis qui in conuiuio cantare præsumpserint.
- XLVIII. Ne clericus per creaturas iuret.
- XLVIII. Ne ante horam diei tertiam quis ad conuiuium pergat, nec ante benedictionem manducet.
- L. Ut presbyter si inconsultu Episcopo agendam celebrauerit, honore priuetur: ex concilio Carthaginis.
- LI. Ne presbyter benedictionem vel pœnitentiam in Ecclesia dare præsumat.

INDEX CAP.

- LII. *Iudicio multitudinis ordinationes fieri non debere.*
- LIII. *Si qui clerici ab Episcopis suis promoti contempserint nec illic maneant unde recedere noluerint; ex Concilio Carthaginis.*
- LIII. *De incestis ex diuersis.*
- LV. *Item de incestis.*
- LVI. *De his qui solo conuiuio gentilium vel escis immolaticijs vsi sunt; aut quod hi qui homicidia vel alia capitalia perpetrant flagitia, non nisi per publicam pœnitentiam sanari possunt.*
- LVII. *De familiaritate extranearum mulierum.*
- LVIII. *Ne mulieres monasterium monachorum ingrediantur.*
- LIX. *Vt omnibus vespertinis & matutinis horis oratio Dominica dicatur.*
- LX. *De his qui sibi quacumque negligentia mortem inferunt ut eorum commemoratio in oblationem nō fiat. Similiter de his qui pro suis sceleribus puniuntur.*
- LXI. *De eo qui hominem peremerit.*
- LXII. *De sartateclis Ecclesiarum quæ ex donis fiunt eisdem collatis ut in*

potestate Episcopi reuocetur quæcumque colligata fuerint.

- LXIII. *Ne presbyterum, diaconum aut clericum aliquem ullus index secularis absque consensu Episcopi sui distringat.*
- LXIII. *De libertis ut à sacerdotibus defensentur.*
- LXV. *Ne aliquis clericus pro quacumque occasione extraneam mulierem in domo sua habeat.*
- LXVI. *De viduis ex epistola beati Gregorij Papæ Bonifacio Archiepiscopo missa.*
- LXVII. *De decimis quæ Ecclesiis dantur ne eas presbyteri vendere præsumant.*
- LXVIII. *De pauperibus à presbyteris colligendis.*
- LXIX. *De prædiis quæ presbyteri per ordinationem suam emerint.*
- LXX. *Ut presbyteri ad tractanda eorum ministeria ad ciuitatem veniant.*
- LXXI. *De his qui communicauerint ut tribus horis suspendatur propter cibi commixtionem.*
- LXXII. *De satisfactione quotidiana sacerdotum.*

INDEX CAP.

- LXXIII. De eo qui sine consensu Episcoporum
presbyterum de Ecclesia eiecerit
vel constituerit.
- LXXIII. De eo qui decimam dare neglexerit
Ecclesie cui esse debet, alterique
Ecclesie eam dederit.
- LXXV. De malis scabinis eiiciendis.
- LXXVI. De melioribus & veracibus eligendis.
- LXXVII. De scabinis qui propter munera aut
amicitiam iniuste iudicauerint.
- LXXVIII. De legitimis & rationabilibus com-
mutationibus Ecclesiarum Dei.
- LXXVIII. De eo qui comprobatus fuerit testes
in periurium scienter induxisse.
- LXXX. Ut nummos bonos nullus respuat.
- LXXXI. De collectis malis omnimodis inhi-
bendis.
- LXXXII. Ut pontes publici qui destructi fue-
rint, iterum extruantur.
- LXXXIII. De examine aquae frigidae.
- LXXXIII. De reuersione comitis et pagensium de
hostili expeditione, ut ex eo die
super XL. dies sit bannus recisus.
- LXXXV. De audacia regis & ut comites &
missi dominici pauperum curam
habeant.
- LXXXVI. De inferenda à vicariis vel aliis mis-
sis Comitum exigenda.

- LXXXVII. De eo qui propter cupiditatē, quem-
cūque propinquorū interfecerit.
- LXXXVIII. De eo qui res alienas cuilibet homi-
ni vendiderit.
- LXXXIX. De Metropolitanis.
- XC. De Episcopis ordinandis.
- XCI. De monast. sub regula constitutis.
- XCII. De potestate Episcoporū super pres-
byteros & clericos.
- XCIII. De alterius clerico Episcopi non re-
cipiendo nec ordinando.
- XCIII. De loricis extra regnum non ven-
dendis.
- XCV. De eo qui pro fida pretium recipere
vel soluere noluerit.
- XCI. Ne presbyter vel reliqui clerici aut
ullus fidelium præsumat decimas
vêdere vel donare aut pignorare
Ecclesiæq; quoquomodo alienare.
- XCVII. De providentia Episcopi circa Ar-
chidiaconos.
- XCVIII. De non eiiciendis de sepulchris ossi-
bus mortuorum.
- XCIX. De non iurando.
- C. De prædiis à presbyteris emptis Ec-
clesiis propriis confirmandis.
- CI. De formatis faciendis, et vt sine for-
mata nullus proficiatur clericus,


INDEX CAP.

ex Concilio Africano vel Melenitano.

- CII. *De clericis negligentibus: ex Concilio Agatensi.*
- CIII. *De non pergendum clericis sine permissu Episc. ad iudices seculares: ex Concilio Agatensi.*
- CIIII. *Ne clericus vel monachus sine licentia Episcopi sui proficiscatur, ex Concilio Agatensi.*
- CV. *Ne clericus sine permissu Episcopi sui proficiscatur, ex cōsilio Agat.*
- CVI. *De his qui in propriis prouinciis non cōmunicāt: ex Cōcilio Africano.*
- CVII. *De patratoribus diuersorū malorū.*
- CVIII. *De rebus Ecclesiæ quæ absque ulla repetitione ab eadem Ecclesia per triginta annos possessæ sunt, ut nulla testimonia super hanc deinceps possessionem recipiantur.*

Exemplar Beluac, hoc loco sic habet.

HIC DESUNT QVÆDAM CAPITVLA
QVÆ IN ALIIS LIBRIS INVE-
NIUNTVR, QVÆ IDEO PRÆTER-
MISIMVS, QVIA IN FINE SEPTI-
MI LIBRI SVPERIVS HABEN-
TVR INSERTA.



INCIPIVNT CAPITVLA

ADDITIONIS IIII.

DE NVPTIIS.

Ex sacrarum institutione legum lib. XII. Titul.

III. Capitulo XV.



NULLI Christianorum vel Iudæorum in vtroque sexu permittimus ex propinquitate sui sanguinis vel vxoris suæ atque etiam virorum iuxta legem quæ in Christianis est lata, vsque ad septimi generis gradum connubia ducere, vel incesti maculam operari. Huius igitur permixtionis illecebra tali multabitur pœna, vt separati ab inuicem, & centena publicè decaluati flagella suscipiant, & exilio relegati sub publica pœnitentia remaneant, eorûmque bona, ad filios quos de præcedenti coniugio habuerint, redeant, si tamē & ipsos aut in nullo Iudaicæ præuaricationis maculauerit noxa, aut nulla incestiuæ nationis sordidauerit macula. Quòd si aut multos habuerint filios, aut habitos, vt dictum est vel Iudaicus inuoluerit error, vel

ADDITIO IIII.

inceſſi fœdauert natio ; tũc facultas prædictorum omnimoda in principis poteſtate conſiſtat, qualiter principali diſcretione res ipſa aut in Chriſtianis eorumve hæredibus conceſſa permaneat. Quòd ſi hæredes huiuſmodi dignitatis defuerint, fiſco noſtro ſociata deſeruiat. Illud tamen modis omnibus obſeruandũ ferè præcipimus, vt ſi quis Chriſtianus vel Chriſtiana, aut Iudeus vel Iudea nouiter nuptiale feſtũ celebrare voluerint, non aliter quàm cũ præmiſſo dotis titulo quo in Chriſtianis ſalubri inſtitutione præceptũ eſt, vel ſacerdotali benediſtione intra ſinum ſanctæ Eccleſiæ perceptæ coniugium cuiquam ex his adire permittimus. Quòd ſi abſque benediſtione ſacerdotis quiſquam Chriſtianorum, vel Hebræorum nouiter coniugiũ duxerit, vel ſolemnitatem legis pro dotali titulo in quocunq; tranſcenderit; aut cẽtum principi ſolidos coactus exſoluat, aut centum publicè verberatus flagella ſuſcipiat : Hæc ſcilicet damna vel verbera ſingillatim vnusquiſque percipiat, videlicet tam ille qui nupſit, quàm ea quæ nupta eſt, vel etiam conſentanei parentes corũ vnusquiſque pro ſe iacturam legis huius ſuſcipiat.

DE ACCVSATIONE EPISCOPORVM.

Ex libro VII. Tripartita Historiæ cap. XII.

II. Igitur Valentinianus cum ita sciret sicut Niceni Patres, similia profitentibus proderat; aliter verò sapientibus non erat importunus: Qui dum initio regni de vrbe Constantinopolitana per Thracias properaret ad Romam, tunc Episcopi rectè sapientes legatum miserunt Hicpaucianum Episcopum, quatenus dignaretur ad emendationem dogmatis interesse. Is cum adisset Imperatorem, & Episcoporum legationem intimasset, respondens Imperator ait; Mihi quidem cū vnus de populo sim, fas non est talia perscrutari: Verūm sacerdotes quibus hæc cura est, apud semetipsos congregentur vbi voluerint. Cum hæc itaque respondisset princeps, in Lampfacum conuenerunt Episcopi; cūque duos menses tractassent, inter cætera iuxta priores canones Episcopos electos atque suis rebus expoliatos ad sedes proprias recipi & primo suo omnia eis reddi decreuerunt: Et si quis post hac eos accusare vellet, æquo periculo facere sanciuerūt; iudices esse discernentes Episcopos rectè sapientes in Ecclesia conuenientes vbi testes essent singulorum qui dicebantur oppressi, & reliqua.

ADDITIO IIII.

DE EADEM RE.

*Ex epistola Stephani Papæ scripta generaliter
omnibus Episcopis.*

III. Quicquid in sacratis Deo rebus & Episcopis iniuste agitur, pro sacrilegio deputabitur, quia sacra sunt & violari à quoquam non debent. Nullus enim Episcoporum dum suis fuerit rebus exspoliatus aut à sede propria qualibet occasione pulsus debet accusari, aut à quoquam ei potest crimen obiici, priusquam integerrime restaretur, & omnia quæ ei ablata quoquo sunt ingenio, legibus redintegrentur, & ipse propriæ sedi, & pristino statui regulariter reddatur, ita, ut omnes possessiones & cuncta sibi iniuste sublata, atque fructus omnes ante cœptam accusationem, per primates & synodi Episcopos funditus restituantur, quia hoc non solum ecclesiasticæ, sed etiam sæculi leges fieri docent.

VT POST PŒNITENTIAM NEMO
FIAT CLERICVS.

*Ex Augustino ad Bonifacium de lapsorum
restitutione.*

IIII. Ut constitueretur in Ecclesia ne quisquam post alicuius criminis pœnitentiam clericatum accipiat, vel ad clericatum re-

deat, vel in clericatu maneat; non desperatione indulgentiæ, sed rigore factum est discipline: Alioquin, contra clauces datas Ecclesiæ disputabitur, de quibus dictum est; Quæ solueritis in terra, soluta erunt & in cœlo. Sed ne forsitam etiam de ceteris criminibus spe honoris ecclesiastici animus intumescens superbè tegetet pœnitentiæ feuerissimè placuit vt post actâ de crimine damnabili pœnitentiam nemo sit clericus, vt desperatione temporalis altitudinis medicina maior & verior esset humilitatis. Nam & Sanctus Dauid de criminibus mortiferis egit pœnitentiam, & tamen in honore superstitit: Et Beatum Petrum quando amarissimas lachrymas fudit, vtique Deum negasse pœnituit, & tamen Apostolus mansit. Sed non ideo superuacua putanda est posteriorum diligentia, qui vbi saluti nihil detrahebatur, humilitati aliquid addiderunt, quo salus tutius muniretur; experti credo aliquorum fictas pœnitentias, per affectatos honorû potentias: Cogunt enim multas inuenire medicinas multorum experimenta morborum.

DE PRÆSIDENTIA

*Ex epistola Leonis Papæ Aquiliensis
Episcopo directâ.*

A D D I T I O I I I I .

V. Illam partem ecclesiasticæ disciplinæ qua olim à sanctis patribus & à nobis sæpe decretū est, vt nec in presbyteratus gradu, nec in diaconatus, nec in subsequenti ordine clericorum ad Ecclesiam transire cuiquam sit liberum, vt in integrum reuoces admonemus, vt vnusquisque nō ambitione illectus, non cupiditate seductus, non persuasione hominum deprauatus vbi ordinatus est perseueret, ita vt si quis sua querens non quæ Iesu Christi ad plebem, & Ecclesiam suam redire neglexerit, & ab honoris priuilegio, & à communionis vinculo habeatur extraneus.

Vt nullus derogetur aut temere accusetur Episcopus, nec à primatibus facile eorum suscipiatur accusatio, quia iniuria Episcoporum ad Christum pertinet cuius vice legatione funguntur.
ex Decretis Anastasij Papæ capitulo VI.

VI. Placuit vt null⁹ temere accuset Episcopum, neque à primatibus passim aut indifferenter super quibuscumque impetitionibus audiatur, dicente Domino; Non suscipias vocem mendacij: & ipsa veritas ait; Quod tibi nō vis, alteri ne facias, & reliqua. Et alibi scriptum est; Quid prodest illi suo errore non pollui qui consensum præstat erranti? Proculdubio contra mandata dimittit qui
habet

habet peccatum proprium, & qui sequitur alienū, & reliqua. Sed si quis in Episcopum causam habuerit, primitus eum caritatiuè conueniat, & ei aut suā inculcet iniuriam, aut eius correctionem, dicente Domino; Si peccauerit in te frater tuus, vade & corripe eum inter te & ipsum solum: Si autem te nō audierit, adhibe denuo duos, aut tres tecum, & reliqua. Prius ergo quàm hæc fiant nemo præsumat Episcopum accusare manifestè: Quia nemo contra Euangeliū vel contra Apostolum aut decreta patrum facit aliquid absque periculo. Paulus quoque Apostolus præcipit dicens; Senioremem increpaueris, sed obsecra vt patrem. Et alibi scriptum est, Si quis fidelis est, videat ne falsa aut nociua loquatur, aut cuiquam insidias ponat. Et alibi; Sapiens non est qui nocet. Et Dominus in lege; Non facias calumniam proximo tuo. Et idem; Non eris criminator aut susurro in populis: non stabis contra sanguinem proximi tui: leges meas custodite, ego Dominus. Si hæc de omnibus dicta sunt, quanto magis super Episcopis sunt custodienda, de quibus Saluator ait; Qui vos cotristauit, me contristauit: qui vos tangit, tangit pupillam oculi mei, & cætera. Itē; Qui facit iniuriam

ADDITIO IIII.

eis recipiat id quod iniquè gessit . Et in Daniele legitur ; Confundantur omnes qui ostendunt seruis tuis mala ; cōfundantur in omni potentia , & robur eorum cōteratur, vt sciant quia tu es Dominus Deus solus , & gloriosus super orbem terrarum. Et iuxta antiquæ institutionis edictum, Plus erga corrigendos agere debet beneuolentia quàm seueritas , plus cohortatio quàm commotio , plus charitas quàm potestas. Et Dominus per Prophetam monet dicens ; Cohibe linguam tuam à malo & fac bonum: Nemo enim bonum faciens; alteri verbo aut facto nocere vult. Si quis hæc non obseruauerit , hostis est animæ suæ : Si quidem clerici fuerint , gradu proprio decident , si verò monachi vel laici fuerint amplius pelli debent , vel extorres fiant.

Qualiter Episcopus ad Synodum conuocetur & qualiter in ea de illo agatur.

VIII. Sãctasynodus Romana dixit; Hęc sũt quę deinceps propter multorũ hominũ infidias, qui in ecclesiã & in ecclesiasticos indifferẽter sæuiunt viros, cõseruari firmissimè volumus in secula. Si quis Episcopus ab illis accusatoribus qui recipiendi sunt, fuerit accusatus, postquam ipse ab eis cha-

ritatiue conuentus fuerit vt ipsam causam emendare debeat, & eam corrigere noluerit, non olim, sed tunc ad summos primates causa eius canonicè deferatur; Qui in cōgruo loco infra ipsam prouinciam tempore in canonibus præfixo Nicenis, concilium canonicè conuocare debebunt, ita vt ab omnibus eiusdem prouinciæ Episcopis in ea audiatur. In quam & ipse conuocatus si cum aut infirmitas aut alia grauis necessitas non detinuerit, adesse debebit, quia vltra prouinciæ terminos accusandi ante licentia nō est, quàm audientia rogetur. Nam si suis fuerit rebus expoliatus, quod absit, aut quod alienum ab omnibus esse debet fidelibus, à sede propria eiectus, aut in detentione aliqua à suis ouibus fuerit sequestratus, tunc canonicè antequam in pristinum restituatur honorem, & sua omnia quæ ab insidiis inimicorum suorum ei ablata fuerint, redintegrentur, nec conuocari nec iudicari poterit, nisi ipse pro sua necessitate, minimè tamen iudicandi, aduenire sponte elegerit; nec omnino à quoquam respondere rogetur, antequam integerrimè omnia quæ per suggestiones inimicorum suorum amiserat, potestati eius ab honorabili concilio redintegrentur, &

A D D I T I O I I I I .

præful prius statui pristino reddatur, & ipse dispositis ordinatisq; liberè ac securè suis, tunc canonicè conuocatus ad tempus synodo in legitima & canonica veniat ad causam; & si ita iustè videtur, accusantium propositionibus respondeat. Nā hoc summo opere prouidendum est, non antequam hæc omnia fiant coactus respondeat, quia contentio semper vitanda est: Adimi namque Episcopo Episcopatum antequā causæ eius exitus appareat, nulli Christiano videri iure potest. Quòd si ægrotās fuerit Episcopus, aut aliqua eum grauis necessitas detinuerit, pro se legatum ad Synodum mittat, nec à communione suspèdatur cui crimen intenditur, nisi ad causam suam dicendam electorum iudicum die statuta literis euocatus minimè occurrerit; hoc est nisi alia præoccupauerit necessitas, infra spatiū duorum vel trium mēsium, & eo amplius, prout causa dictauerit. Quod si ex vtraque parte ad causam dicendam venerint, quia vnus absque altero audiri non debet, quærendum est, in iudicio cuius sint conuersationis & fidei atque suspitionis accusatores, aut qua intentione hoc faciant: quia ad hoc admitti non debēt, nisi bonæ conuersationis & rectæ fidei viri, & qui omni sus-

picione careant, & bona vita clareant, neque infames existât. Quòd si accusatorum personæ in iudicio Episcoporum culpabiles apparuerint, ad arguendum non admittantur, nisi proprias causas, non tamen criminales vel ecclesiasticas, obiecerint: Infamis enim persona nec procurator potest esse nec cognitor. Absente verò aduersario non audiatur accusator, nec sententia absente parte alia à iudice dicta, vllam obtinebit firmitatem, neq; absens per alium accusare aut accusari potest, nec affinis testis admitti. Neminem ergo exhiberi de prouincia ad prouinciam, vel ad comitatū oportet, nisi ad relationem iudicis ad quē fuerit appellatum, id est, vt actor rei semper forum sequatur. Si quis autē iudicem aduersum sibi senserit, vocem appellationis exhibeat, quam nulli oportet negari. & rel.

Vt accusatio clericorum intra Prouinciam

fiat, nisi fortè accusatus maiorem

appellauerit auctoritatem.

ix. Si quis clericus super quibuslibet criminibus pulsatus fuerit in prouincia qua consistit, ille qui pulsatur suas exerat actiones, nec æstimet eum accusator suus alibi aut longius pertrahēdum ad iudicium: Ille verò qui pulsatus fuerit, si iudicem susce-

A D D I T I O I I I I .

ctum habuerit, liceat appellare.

Vt nullus Metropolitanorum, aliquorum Pontificum, suorumque clericorum aut Ecclesiarum causas audiat absque omnium comprouincialium Episcoporum præsentia : ex Synodo Romana tertia, Capitulo VI.

x. Nullus Metropolitanus Episcopus absque cæterorum omnium comprouincialium Episcoporum instãtia aliquorum, audiat causas eorum; quia irritæ erunt, immo & causam in synodo pro factò dabũt. Nec reliquorum aliquis Episcoporum suorum sacerdotum causas audiat absque præsentia clericorum suorum, quia irrita erit sententia Episcopi, nisi præsentia clericorum confirmetur.

De rimanda accusatoris persona, ex decretis Sixti Papæ. Capitulo VII.

xi. Placuit vt semper primo in accusacione clericorum, persona, fides, conuersatio & vita blasphemãtium perscrutetur : Nam fides omnes actus hominis debet præcedere, quia dubius in fide infidelis est. Nec eis omnino esse credendum qui veritatis fidem ignorant, nec rectè conuersationis vitam ducunt. Quoniam tales facile & indifferenter lacerant & criminantur rectè & piè viuentes; ideo suspicio eorum discu-

tienda est primò & corrigenda.

De primatu sedis Apostolicæ, cui Episcoporum finitiua iudicia, & congregandarum synodorum priuilegia sunt reſeruata: & de canonica Episcopi uocatione, ex ſynodis Romanis, capitulo XLIX. & ex decretis Iulij Papæ.

XII. Nullus Episcopus niſi canonicè uocatus, & in legitima Synodo ſuo tempore Apoſtolica auctoritate conuocata, (cuius iuſſione Domini & meritis beati Petri Apoſtoli ſingularis congregandorum conciliorum auctoritas, & ſanctorum canonum ac venerandorum patrum decretis multipliciter priuata tradita eſt poteſtas) ſuper quibuſlibet criminibus, pulſetur, id eſt, iudicetur, audiatur vel impetratur. Sin aliter præſumptum à quibuſlibet fuerit, in vanū deducatur quod egerint, nec inter eccleſiaſtica vllō modo reputabitur, nec vllas habebit vires quicquid ei obuiauērit: quoniam eadem ſedes teſtante veritatis voce, primum primatum obtinuit, nec prima diceretur, ſi aliam ſuper ſe haberet; quæ etiam caput eſt omnium Eccleſiarum, à qua omnes ſumpſere originem. Primatum enim non ſynodalibus aut aliquibus commentis meruit inſtitutis, ſed Domino largiente, qui ait; Tu es Petrus, & ſuper hanc petram

A D D I T I O I I I I .

ædificabo Ecclesiam, & reliqua talia, & his similia. Quibus si aliquis superbo spiritu obuiauerit præceptionibus, non exeat impunitus, sed gradus sui periculo subiacebit.

Vt si quis Metropolitanam suspectum habuerit, apud primate[m] audiatur: ex Concilio

Calcedonense. Capitulo xvii.

xiii. Si quis putauerit se à proprio Metropolitano grauari, apud primate[m] diocesanos, aut apud Constantinopolitanæ ciuitatis sedem agat iudicium. Et reliqua.

De accusato vel iudicato Episcopo, si bonam putauerit habere causam & voluerit à Romano audiri Pontifice à nullo prohibeatur, sed libere hoc ei, & absque vllò impedimento concedatur. Ex quibus supra: cum quibus & Sardicense Concilium, & alia decreta canonum, & sanctorum patrum concordant.

xiiii. Vt accusato vel iudicato in aliqua causa Episcopo liceat iterare iudicium; & si necesse fuerit, aut ipse voluerit, absque vlla detentione aut impeditiōe Romanū adire Pontificem. Et dum iterato iudicio Pontifex causam suam agit, sua non priuetur sede aut dignitate: quoniam dudum à sanctis patribus statutum est, vt accusati nullus vsurpet sedem Episcopi. Et alibi;

Adimi Episcopo Episcopatum antequam causæ eius exitus appareat, nulli Christiano iure videri potest. Et reliqua.

Vt dum accusatus vel iudicatus Episcopus Romanum appellauerit Pontificem, nulla ei læsio fiat, neque aliquis eius arripiat sedem, aut in eius loco ordinetur Episcopus, antequam eius causa Romani Papæ sit terminata iudicio, ex quibus supra: cum quibus & multa sanctorum patrum decreta consentiunt.

xv. Placuit vt accusatus vel iudicatus à comprouincialibus in aliqua causa Episcopus, licenter appellet & adeat Apostolicæ sedis pontificem, qui aut per se aut per vicarios suos, eius retractari negotium procuraret: Et dum iterato iudicio Pōtifex causam suam agit, nullus alius in eius loco ponatur, aut ordinetur Episcopus. Quoniam, quanquam comprouincialibus Episcopis accusati causam Pontificis scrutari liceat, non tamen definiri inconsulto Romano Pontifice permissum est, cum beato Petro Apostolo non ab alio quàm ab ipso Domino dictum est; Quæcumque ligaueris super terrā erunt ligata & in cœlis, & quæcumque solueris super terram, erunt soluta & in cœlis.

ADDITIO IIII.

De Episcoporum appellatione ad Romanam Ecclesiam quotiens necessitas exposcerit, cui Episcoporum & summarum causarum negotia spiritali priuilegio à patribus reseruata sunt, ex quibus supra. cum quibus maxime cuncta canonum & sanctorum patrum decreta concinunt.

xvi. Vt omnes Episcopi qui in quibusdam grauioribus pulsantur vel criminantur causis quotiens necesse fuerit, liberè Apostolicam appellent sedem, atque ad eam quasi ad matrem cōfugiant, vt ab ea sicut semper fuit profulciantur, defendantur & liberentur, cuius dispositioni omnes maiores ecclesiasticas causas, & Episcoporum iudicia, antiqua Apostolorum, eorumque successorum atque canonum auctoritas reseruauit. Quoniam culpantur Episcopi qui aliter erga fratres egerint, quàm eiusdem sedis Papæ fieri placuerit: Canonibus quippe iubentibus in talibus absque Romano nil decerni pontifice, nec ad Synodum Episcopū conuocari debere: Et quicquid ex his eo inconsulto præsumptum fuerit, viribus carere.

De causa Lupicini Episcopi, ex epistola Leonis Papæ Africanis Episcopis directæ.

xvii. Causam Lupicini Episcopi, quia sic

nobis placuit, illic iubemus audiri, cui multum & sæpius postulanti communionem hac ratione reddidimus, quoniam cum ad nostrum iudicium prouocasset, immeritò eum pendente negotio à communionem videbamus fuisse suspensum; Adiectum etiam illud est quod huic temere super ordinatus esse cognoscitur, qui non debuit ordinari priusquam Lupicinus in præsentì positus, aut confutatus, aut certè confessus iustæ possit subiacere sententiæ, vt vacantem locum, quemadmodum disciplina Ecclesiastica exigit, is qui consecratur, acciperet; Si quæ verò aliæ emerferint causæ quæ ad statum Ecclesiarum, & ad cōcordiam pertineant sacerdotum, illic sub timore Domini volumus vt modò ventilentur. Et de componendis atque compositis omnibus ad nos relatio plena mittatur: Vt ea quæ iuxta Ecclesiasticum morem iustè & rationabiliter fuerint definita, nostra quoque sententia roborentur. Ex his enim possumus cognoscere qualiter de cæteris agatur, qualiter nos nil contra statuta maiorum egisse pœniteat. Data IIII. Id August.

*Ex libro XVI. Theodosij Imperatoris, de his qui
super religione contendunt.*

XVIII. Imperatores Valentinianus, Theo-

ADDITIO IIII.

dosius, & Archadius AAA. Vnà cum decreto Episcoporum Thraciano præfecto prætorij. Nulli egresso ad publicum disceptandi de religione vel tractandi, vel consilij aliquid deferendi pateat occasio: Et si quis post hac casu graui atque damnabili, contra huiusmodi legem veniendum esse crediderit, vel insistere motu pestiferæ perseuerationis audebit, competenti pœna, & digno supplicio coërceatur. Data xvi. Kal. Iulij. Theodosio Augusto II. & Cynegio Conss.

Vt Nullus audeat prædicare, nisi sacerdos ab Episcopo loci electus, ex Epistola Leonis Papæ ad Theodoricum Ciri Episcopum directâ.

xix. Illud quod nobis propter improbitatem quorundam monachorum verbo mandasti, specialiter prædictorum patrum statuta firmantes, statuimus, vt præter Domini sacerdotes ab Episcopo eiusdem videlicet loci electos nullus audeat prædicare, siue sit monachus siue laicus, qui cuiuslibet scientiæ nomine glorietur.

Clerici accusatores fratrum ad communionem recipiantur non ad clerum ex Concilio Carthaginis.

xx. Vt Episcopi accusatores fratrum excommunicent, & si emendauerint vitium, recipiant eos ad communionem, non ad clerum.

De præsilibus vel ceteris Rempublicam agere volentibus, ne sine literis Episcopi sui communicent, & cum contra disciplinam egerint, excommunicentur ex concilio Arelatense.

xxi. De præsilibus qui fideles ad præsildatum profiliunt, ita placuit, vt cum promoti fuerint, literas accipiāt Ecclesiasticas id est communicatorias, ita tamen vt in quibuscumque locis gesserint, ab Episcopo eiusdem loci cura illis agatur, vt cum cœperint contra disciplinam publicam agere, tum demum à communione excludantur. Similiter & de his qui Rempublicam agere volunt.

Vt clerici vel laici in aliena Ecclesia non communicent sine literis Episcopi sui: ex Concilio Carthaginis.

xxii. Cassianus Velenensis Episcopus dixit, statuatur grauitas vestra vt vnusquisque clericus vel laicus non communicet in alia plebe sine literis Episcopi sui.

De honore & pace sanctæ Ecclesiæ.

xxiii. Vt honor & pax atque iustitia sanctæ Dei Ecclesiæ & seruorum eius, inlæsus

ADDITIO IIII.

ab omnibus conseruetur.

De Dei sacerdotibus & ministris altaris.

xxiii. Vt Dei sacerdotibus & ministris altaris, contra canonicam auctoritatem, nulla læsio à quoquam fiat.

De concordia Episcoporum & comitum.

xxv. Vt Episcopi & comites concordēs sint, & comites eorūque ministri Episcopis atque eorum ministris in omnibus adiutores existant.

De incendio & rapina.

xxvi. Vt incendium vel rapinam in nostro regno nullus faciat, & fures vel raptores fortiter constringantur vt nulli sua auferre audeant nisi gratis tribuantur aut iusto cēsu exigantur.

De pace custodienda.

xxvii. Vt pax in nostro regno secundum morem parentum nostrorum omnibus conseruetur.

De puella virgine vel vidua.

xxviii. Vt puellam virginem, vel viduam nullus rapiat, nec facere volentibus consentiat.

De banno persoluendo.

xxix. Vt ex his singulis bannus noster persoluatur si à quoquam frustrata hæc fuerint, & fideiussores vsque ad nostram præ-

sentiâ fidissimos comitibus vel missis nostris horum corruptores singuli tribuant, vt iuxta Romanam legem hæc corrigantur.

De his qui seruos suos extra iudicem necant.

xxx. Si quis seruum proprium sine conscientia iudicis occiderit, excommunicatione vel pœnitentia biennij reatum sanguinis emendabit.

De his qui ad pacem non reuertentur.

xxxI. Placuit vt, sicut plærumque fit quicumque odio aut longinqua inter se lite discesserint, & in pacem reuocari diuturna intentione nequiuerint, à ciuitatis primitus sacerdotibus arguantur: Qui si inimicitias deponere perniciosa intentione noluerint, de Ecclesiæ cætu iustissima excommunicatione pellantur.

De his qui intrant in Ecclesiam, & propter nimiam luxuriam suam à Sacramento se abstinent.

xxxII. Si quis intrat in Ecclesiam Dei & sacras Scripturas non audit, & pro luxuria sua auertit se à communione sacramenti, & in obseruandis mysteriis declinat constitutam regulam disciplinæ, istum talem proiiciendum de Ecclesia catholica esse deceruimus, donec pœnitentiam agat & ostendat fructû pœnitentiæ suæ, vt possit,

ADDITIO IIII.

communione percepta, indulgentiã promereri.

De clericis vel laicis.

xxxiii. De clericis vel laicis à communione summotis, ab aliis non recipiendis Episcopis.

De clericis aduersus inuicem negocia propria habentibus.

xxxiiii. Non oportet clericos habentes aduersus inuicem negocia, proprium Episcopum relinquere, & ad secularia iudicia conuolare.

De eo qui excommunicatus ante audientiam communicare præsumpserit.

xxxv. Si quis excommunicatus ante audientiam communicare præsumpserit, ipse in se damnationem protulit.

De potente qui aliquem expoliauerit.

xxxvi. Si quis potentium quemlibet expoliauerit, & admonente Episcopo non reddiderit, excommunicetur.

Quòd Ecclesiarum omnium dotes ad Episcopi ordinationem debeant pertinere.

xxxvii. Multi contra canonum constituta sic Ecclesias quas ædificarint, postulant consecrari, vt dotem quã ei Ecclesiæ contulerint censeant ad Episcopi ordinationem pertinere: Sed omnia secundum constitutionem

tionem antiquam ad Episcopi ordinatio-
nem & potestatem pertineant.

*De his quæ à fidelibus in parochitanis
basilicis offeruntur.*

xxxviii. De his quæ parochiis in terris, vi-
neis, mancipiis atque peculiis quicūque fi-
deles obtulerint, antiquorum canonum
instituta seruentur & omnia in Episcopi
in potestate consistat. De his tamen quæ
altario accesserint tertia fideliter Episcopis
deferatur.

De quatuor portionibus ecclesiasticis.

xxxix. Quod in vnaquaque Ecclesia cui
Episcopus præest quatuor tam de rediti-
bus quàm de oblationibus fidelium fieri
debeant portiones, vt vna sit Episcopi, alia
clericorum, alia pauperum, & quartâ fabri-
cis ecclesiasticis applicetur.

*Ex epistola Papæ Gelasij de eo qui anathematis
pœnam parui duxerit.*

xl. Vt si quis anathematis pœnam parui
duxerit, etiam documento quo se putat
prædium possidere, frustretur, liceâtque
cuilibet ecclesiasticæ personæ vocem con-
tradictionis adferre, & cum fructibus præ-
teriti temporis eadem prædia alienata re-
poscere.

De laicis qui contemptores canonum extiterint.

Eee

ADDITIO IIII.

XLI. Vt laici contemptores canonum excommunicentur, clerici honore priuentur.
Vt populus ante completam missam, & benedictionem acceptam egredi non praesumat.

XLII. Cum ad celebrandas missas in Dei nomine conuenitur, populus non ante discedatquàm missę solemnitas compleatur, & vbi Episcopus fuerit, benedictionem accipiant sacerdotis, sacerdote autem verbum in Ecclesia faciente, qui egressus de auditorio fuerit, excommunicetur.

De his qui Ecclesiastica ieiunia absque necessitate dissolunt.

XLIII. Si quis eorum qui contentiæ student absque necessitate corporea, tradita in commune ieiunia & ab Ecclesia custodita superbiendo dissoluit, stimulo suæ cogitationis impulsus, anathema sit.

De his qui rebaptizati vel reconfirmati sunt, quid sit agendum.

XLIIII. De his qui rebaptizati sine aliqua necessitate vel tormento lapsi sunt, placuit vt circa eos illa Nicenæ synodi statuta feruentur, quæ de præuaricatoribus constituta esse noscuntur, id est, vt annis septem inter cathecumenos orent, & duobus inter catholicos: Et postea moderatione & clementia Episcopi fidelibus in oblatione &

Eucharistia communicent. Quam formam sequantur & reconfirmati.

*De clericis qui ad secularium defensionem
confugiunt propter districtio-
nem Episcopi.*

XLV. Placuit ut clericus, si relicto officio suo propter districtionem ad secularem fortè confugerit, & is ad quem recurrit solatium defensionis impèderit, cum eodem de Ecclesiæ communione pellatur.

De turpiloquiis.

XLVI. Clericos scurriles & verbis turpibus ioculares ab officio detrahendos.

De clericis qui in conuiuio cantare præsumpserint.

XLVII. Clerici inter epulas cantâtes supradictæ sententiæ seueritate coërceantur.

Ne clericus per creaturas iuret.

XLVIII. Clericum per creaturas iurantem acerrimè obiurgandum; si perstiterit in vitio, excommunicandum.

*Ne ante horam diei tertiam quis ad conuiuium
pergat, nec ante benedictionem manducet.*

XLIX. Non oportet clericos vellaicos religiosos ante sacram horam diei tertiam inire conuiuia, neque aliquando clericos, nisi hymno dicto edere panem, & post cibos gratias auctori Deo referre.

Ecc ij

ADDITIO IIII.

Vt presbyter si incōsulto Episcopo agendā celebraverit, honore priuetur. Ex cōcilio Carth.

L. Numidius Episcopus Masilitanus dixit; In quibusdam locis sūt presbyteri, qui aut ignorātes simpliciter, aut dissimulātes audaciter præsēte & inconsulto Episcopo, cū pluribus in domiciliis agunt agendā, quod disciplinæ incongruum esse cognoscit sanctitas vestra. Genilius Episcopus dixit; Fratres & coēpiscopi nostri dignè suggestioni tuæ respondere propter ignorantiam non morātur. Ab vniuersis Episcopis dictū est; Quisquis presbyter inconsulto Episcopo agendam in quolibet loco voluerit celebrare, ipse honori suo contrarius existit.

De presbyter benedictionem, vel pœnitentiam in Ecclesia dare præsumat.

LI. Benedictionem super plebem in Ecclesia fundere, aut pœnitentem in Ecclesia benedicere presbytero penitus nō licebit.

Iudicio multitudinis ordinationes fieri non debere.

LII. Quòd non sit permittendum turbis electiones eorum facere, qui sunt ad sacerdotium prouehendi.

Si qui clerici ab Episcopis suis promoti contempserint, nec illic maneant vnde recedere noluerint: ex concilio Carthag.

LIII. Placuit vt quicumque clerici vel diaconi pro necessitatibus Ecclesiarum non obtemperauerint Episcopis suis, volentibus eos ad honorem ampliorem in sua Ecclesia promouere, nec illic ministrent in gradu suo vnde recedere noluerunt.

De incestis, ex decretis Papæ Gregorij iunioris, et ex dictis Episcoporum & Imperatorum.

LIIII. Si quis consobrinam duxerit in cōiugium anathema sit. Et paulò post infert & dicit, Si quis de propria cognatione, vel quam cognatus habuit, duxerit vxorem, anathema sit. Et Dominus in lege diuina ait; Omnis homo ad proximam sanguinis sui non accedat, vt releuet turpitudinem eius. Et paulò post; Nec accedat ad vxorem eius qui sibi affinitate coniungitur. Item vnde supra: Nullus certi gradus consanguineam in cōiugium accipiat, aut sibi sceleratis nuptiis desideret copulari. Item ex dictis Episcoporum & Imperatorum Theodosij & aliorum. In septem gradibus omnia propinquitatum nomina cōtinentur, vltra quos nec affinitas inuenitur, ne successio potest amplius prorogari.

*Item de incestis, ex Epistolis Gregorij Papæ
sancto Bonifacio Moguntia Archiepiscopo missis.*

Ecc iij

A D D I T I O I I I I .

Progeniem suam vnumquemque vsque ad septimam obseruare decernimus generationem , & quandiu se cognoscunt affinitate propinquos , ad huiuscopulæ nō accedere societatem . Et in sãctis Canonibus spiritu Dei conditis de incestis habetur insertum; Incestis coniunctionibus nihil prorsus veniæ reseruamus, nisi cum adulteriũ separatione sanauerint, incestos verò nullo coniugij nomine appellendos sancimus, sed quibus illicita cōiunctio interdicitur, nisi hi sunt quos sanctorũ patrũ decreta coniugio copulari prohibent, habebunt ineundi melioris cōiugij libertatẽ.

De his qui folio conuiuio gentilium vel escis immolaticijs vfi sunt, aut quòd hi qui homicidia vel alia capitalia perpetrant flagitia , non nisi per publicam pœnitentiam sanari possunt.

LVI. Qui conuiuio solo gentilium & escis immolaticijs vfi sũt, possũt ieiuniis, & manus impositione purgari, ita vt deinceps ab idolotitis abstinentes, sacramentorũ Christi possint esse participes. Si autem aut idola adorauerunt, aut homicidijs vel fornicationibus contaminati sunt, ad communionem eos nisi per pœnitentiam publicã non oportet admitti.

De familiaritate extranearum mulierum.

LVII. Vt nullus familiaritatem extranearū mulierum præsumat habere; & qui inuentus fuerit seuerius corrigatur.

Ne mulieres monasterium monachorum ingrediantur.

LVIII. Vt mulieres in monasterium monachorum nullatenus ingrediantur.

Vt omnibus vespertinis & matutinis horis oratio Dominica dicatur.

LVIII. Placuit vt omnibus diebus post matutinas & vespervas, oratio Dominica à sacerdote proferatur.

De his qui sibi quacumque negligentia mortem inferunt, vt eorum commemoratio non fiat:

Similiter de his qui pro suis sceleribus puniuntur.

LX. Placuit vt qui sibi ipsis aut ferro, aut veneno, aut præcipitio, aut suspendio, vel quolibet modo violenter inferunt mortē, nulla illis in oblatione commemoratio fiat, neque cum psalmis ad sepulturam eorum cadauera deducantur. Multi enim sibi per ignorantiam vsurparunt. Similiter & de his placuit qui pro suis sceleribus puniuntur.

De eo qui hominem peremerit.

LXI. Qui occiderit hominem iuxta canonicam pœniteat sanctionem, & ab Eccle-

A D D I T I O I I I I .

sia prius proiiciatur, vbi prostratus in terram in cinere & cilicio in introitum & exitum populi semper iaceat humiliter postulans vt pro se orare non dedignentur, & hoc vsque ad satisfactionem Ecclesiæ & sacerdotum agat, pane tantum & aqua fruens, nisi humanius erga eum Episcopo agere placuerit cuius ditioni subsistit.

*De sartatectis Ecclesiarum quæ ex donis sunt
eisdem collatis, vt in potestate Episcopi
reuocentur quacumque colli-
gata fuerint.*

LXII. Quæcumque pro sartatectis Ecclesiis fuerint conligata, in potestate Pontificis aut presbyteri vel seruientium sanctorum locorum, secundum voluntatem conferentis, ad se debeant reuocare. Quod si aliquis hæc inde abstraxerit, rapuerit, furatusue fuerit, vel ea fraudauerit aut vastauerit, seu quocumque commento alienauerit, sciât se esse canonicè excommunicatū quousque ea quæ abstulerit studeat reformare.

*Ne presbyterum, diaconum, aut clericum aliquem ullus iudex secularis absque consensu
Episcopi sui distringat.*

LXIII. Vt nullus iudex neque presbyterū, neque diaconum, aut clericum, aut iunio-

rem Ecclesiæ sine scientia Pontificis per se distringat, aut condemnare præsumat.

De libertis, ut à sacerdotibus defensentur.

LXVIII. Liberti quorumcumque ingenuorum à sacerdotibus defensentur, nec ad publicum vllatenus reuocentur.

Ne aliquis clericus pro quacumque occasione extraneam mulierem in domo suo habeat.

LXV. Nullus deinceps clericorum pro occasione necessitatis vestes faciendi, aut causa ordinandæ domus, extraneam mulierem in domo sua habere præsumat.

De viduis, ex Epistola beati Gregorij Papæ Bonifacio Archiepiscopo missa, in qua inter cætera ita legitur.

LXVI. Viduas à proposito discedentes viduitatis super quibus nos consulere voluit dilectio tua, frater charissime, credo te nosse à Sancto Apostolo, & à multis sanctis patribus, nisi conuertantur, olim esse damnatas: quas & nos Apostolica auctoritate damnandas, & à communione fidelium atque à liminibus Ecclesiæ arcendas fore censemus, vsquequo obediant Episcopis suis, & ad bonum, quod cœperunt, inuitè aut voluntariè reuertantur. De virginibus autem non velatis, si deuiauerint,

ADDITIO IIII.

à sanctæ memoriæ prædecessore nostro
 Papa Innocentio taliter decretum habemus: Eæ verò quæ necdum sacro velamine tectæ, tamē in proposito virginali semper se simulauerunt permanere, licet velatæ non fuerint, si sumpserint, his agenda aliquanto tempore pœnitentia est, quia sponsio earum à Domino tenebatur. Si enim inter homines solet bonæ fidei contractus nulla ratione dissolui, quanto magis ista pollicitatio quam cum Deo pepigit, solui sine vindicta non poterit? & cætera. Nam si virgines nondum velatæ taliter pœnitētia publica puniuntur, & à cœtu fidelium vsque ad satisfactionem excluduntur, quantò potius viduæ quæ perfectionis ætatis & maturioris sapientiæ atque consilij existunt, virorūque consortio multoties vsæ sunt, & velari se permisērūt, habitūque religionis assumpserunt, & demum apostauerunt atque ad priorem vomitum sunt reuersæ à nobis & ab omnibus fidelibus, à liminibus Ecclesiæ & cœtu fidelium vsque ad satisfactionem sunt eliminandæ, & carceribus tradendæ, qualiter, iuxta beatum Apostolum Paulum, tradentes huiusmodi hominem Sathanæ in interitu carnis, vt saluus sit spiritus in die

Domini? De talibus enim & Dominus per Moysen loquitur dicens; Auferte malum de medio vestri. De quibus & per Prophetam ait; Lætabitur iustus cùm viderit vindictam, manus suas lauabit in sanguine peccatoris. De talibus namque eorúmque similibus atque eisdem consentientibus, (quia non solum qui faciunt, sed etiam qui facientibus consentiunt rei sunt) Dominus per eundem Prophetam Dauid loquitur dicens, Videbas furem, currebas cum eo, & cum adulteris portionem tuam ponebas. Et multa talia eorúmque similia. Tales verò personæ indubitanter adulteræ esse manifestantur, quoniam relicto immortali sponso ad anteriorem vt canes ad proprium sunt reuersæ vomitum, & apostatæ factæ, illicita & sacrilega se contagione polluentes, viris mortalibus se conglutinauerunt. Quæ etiam, iuxta eundem Apostolum Paulū, eo quòd viduitatis propositum dimiserunt, & fidem quam cum Deo pepigerunt, frangere præsumpserunt, atque primam fidem præuaricauerūt, sunt damnandæ à nobisque & à vobis atque à reliquis nostri ordinis viris, à singulis videlicet sua in diocesi à liminibus Ecclesiæ & à coetu fidelium vsque ad satisfactionem,

A D D I T I O I I I I.

vt prædictum est, sunt eliminandæ. A tali-
 lium autem consortio & societate omnes
 fideles in omnibus abstinere mandamus.
 Super quibus etiam placuit quousque in
 ipso detestando & illicito atque sacrilego
 carnis contubernio perseuerant, vt nullus
 Christianorum, nisi quibus proprius stu-
 dio corrigendi iusserit Episcopus, cum eis
 in quoquam communicet, aut ad domum
 qua sunt accedat. Cum quibus etiam, vt
 iam dictus sanctus præcipit Apostolus,
 nulli fidelium cibum sumere licet. Quòd si
 quia ex his quicquam tentare aut temera-
 re præsumpserit, pari cum eis excommuni-
 cationis sententia feriat, &c.

*De decimis quæ Ecclesiis dantur ne eas presby-
 teri vendere præsumant.*

LXVII. Vt vltcrius non præsumant presby-
 teri decimas vendere, quæ in pauperum &
 Ecclesiarum vsibus dantur, sicut hæctenus,
 mirabile dictu, in horreis veterata sunt ad
 thesaurorum cumulum: In cuius rei testi-
 monio multi pauperum de manibus sacer-
 dotum requirendi moriuntur: Sed vbi
 Deo largiente abundauerint, ad sustenta-
 tionem pauperum parentur famis tēpore.

De pauperibus à presbyteris colligendis.

LXVIII. Vt presbyteri quotidie duos vel

tres pauperes colligant ad lauandos pedes.

*De prædiis quæ per ordinationem suam
presbyteri emerint.*

LXIX. Vt presbyteri post ordinationem suæ paupertatis prædia comparantes testamenta Ecclesiis confirment: sin aliter, vt fraudatores remoucantur.

*Vt presbyteri ad tractanda eorum ministeria
ad ciuitatem veniant.*

LXX. Vt presbyteri sigillatim sub dispositione Episcopi in ciuitates veniant suas ad tractanda ministeria.

*De his qui communicauerint, vt tribus horis
suspendantur propter cibi com-
mixtionem.*

LXXV. Vt doceant communicantes duabus vel tribus suspendere horis propter admixtionem cibi.

De satisfactione quotidiana.

LXXVI. Vt sicut sine culpa nemo quotidie existit: ita sine quotidiana satisfactione nullus esse debet etiam sacerdotum vel Christianorum.

*De eo qui sine consensu Episcopi presbyterum de
Ecclesia eijcerit vel constituerit.*

LXXIII. De his qui sine consensu Episcopi presbyteros in Ecclesiis suis constituunt, vel de Ecclesiis eiiciunt, & ab Episcopo vel

ADDITIO. IIII.

à quolibet misso dominico admoniti obedire noluerint, vt bannum nostrum reuadiare cogantur, & per fideiussores ad placitum nostrum venire iubeantur: Et tunc nos decernamus, vtrum nobis placeat vt aut illum bannum persoluant, aut etiam armiscaram sustineant.

De eo qui decimā dare neglexerit Ecclesiæ cuius esse debet, alterique Ecclesiæ eam dederit.

LXXIII. Quicumque decimam abstrahit de Ecclesia ad quam per iustitiam dari debet, & eam præsumptiosè vel propter munera aut amicitiam, vel aliam quamlibet occasionem ad alteram Ecclesiam dederit à Comite vel à misso nostro distringantur, vt eiusdem decimæ quantitatem cum sua lege restituat.

De malis scabinis eiiciendis.

LXXV. Vt missi nostri vbicumque malos scabinos inueniunt eiiciāt, & totius populi consensu in locum eorum bonos eligant, & cum electi fuerint iurare faciant, vt sciēter iniustè iudicare non debeant.

De melioribus & veracibus eligendis.

LXXVI. Vt omni comitatu hi qui meliores & veraciores inueniri possunt eligantur à missis nostris ad inquisitiones faciendas &c

rei veritatem dicendam, & adiutores committum sint ad iustitias faciendas.

De scabinis qui propter munera aut amicitiam iniuste iudicauerint.

LXXVII. Volumus vt quicumque de scabinis deprehensus fuerit propter munera aut propter amicitiam vel inimicitiam iuste iudicasse, vt per fideiussores missus ad praesentiam nostram veniat. De caetero omnibus scabinis denuntietur ne quis deinceps etiam iustum iudicium vendere praesumat.

De legitimis & rationabilibus commutationibus Ecclesiarum Dei.

LXXVIII. Vbi commutationes tam tempore nostro quam genitoris nostri legitimae & rationabiles atque vtilis Ecclesiis factae sunt, permaneant. Vbicumque vero inutiles & incommodae atque irrationabiles factae sunt, dissoluantur, & recipiat vnusquisque quod dedit. Vbi vero mortua manus interiacet, aut aliquolibet causa quae rationabilis esse videatur, inuenta fuerit, diligenter describatur, & ad nostram notitiam perferatur.

De eo qui comprobatus fuerit testes in periurium scienter induxisse

LXXIX. Quicumque comprobatus fuerit de eo quod scienter testes in periurium indu-

A D D I T I O I I I I .

xisset, sub fideiussione ad palatium nostrū venire compellatur, vt ibi cum fidelibus nostris consideremus quid de tali homine faciendum sit.

Vt bonos nummos nullus respuat.

LXXX. De bonis denarijs quos populus recipere non vult, volumus vt hoc obseruetur & teneatur quod in priori capitulare nostro conscriptum est, id est, in libro IIII. de eo qui emptione vel debiti solutione denarium merum recipere non voluerit. Et ad hanc constitutionem nostram adimplendam Episcopi & Abbates siue reliqui nostra beneficia habent, adiuuent Comites in suis hominibus distringendis. Et si Comites hanc nostram constitutionem neglexerint, hoc per missos ad nostram notitiam perferatur.

De collectis malis omnimodis inhibendis.

LXXXI. Collectæ ad malè faciendum fieri omnimodis prohibeantur, & vbicumque huiusmodi præsumptiones factæ fuerint, digna emendatione corrigantur. Et si per negligentiam comitis vel factæ sunt vel inemendatæ remanserunt, hoc ad nostram notitiā perferatur. Auctor verò facti si fuerit præpositus, vel aduocatus, siue centenarius, vel qualibet alia dignitate præditus, liberta

bera persona per legalem emendationem in loco factam sub fideiussoribus ad nostram præsentiam veniat: Multitudo verò siue de seruis siue de liberis sit, legitima emendatione multetur.

Vt pontes publici qui destructi fuerint iterum extruantur.

LXXXII. De pontibus publicis destructis nobis si qui iussionem nostram in reparandis contempserunt, volumus ac iubemus vt omnes homines nostri in nostram veniant præsentiam rationes reddere, cur nostram iussionem ausi sunt contemnere. Comites autem reddant rationem de eorum pagensibus, cur eos aut non constrinxerunt vt hoc facerent, aut nobis nuntiare neglexerunt: Similiter & de iniustis teloneis vbicumque accipiuntur, sciant se exinde nobis rationem reddituros.

De examine aquæ frigidæ.

LXXXIII. Vt examen aquæ frigidæ, quod hætenus faciebant, à missis omnibus interdicatorum ne vterius fiat.

De reuersione Comitum & pagensium de hostili expeditione, vt ex eo die super quadraginta dies sit bannus recisus.

LXXXIIII. Postquam comes & pagenses de qualicumque expeditione hostili reuersi

fuerint ex eo die super XL. noctes sit ban-
nus recisus, quod lingua Teodisea Scaſtle-
gi, id est armorum depositio vocatur.

De audientia regis.

LXXXV. Hoc missi nostri notum faciant
Comitibus & populo, quòd nos in omni
hebdomada vnum diem ad causas audien-
das & iudicandas sedere volumus. Comi-
tes autem & missi nostri magnum studium
habeât, ne fortè propter eorum negligen-
tiam pauperes crucientur, & nos tædium
propter eorum clamores patiamur, si no-
stram gratiam habere velint. Populo autè
dicatur, vt caueat de aliis causis se ad nos
reclamare, nisi de quibus aut missi nostri
aut Comites eis iustitias facere noluerint.

De inferenda à vicariis vel aliis missis

Comitum exigenda.

LXXXVI. Quicumque vicarij vel alij mini-
stri tributum quod inferenda vocatur, ma-
ioris pretij à populo exigere præsumpserit,
quàm à missis bonæ memoriæ genitoris
nostri constitutū fuit, hoc est duos solidos
pro vna vacca, hoc quod iniustè super-
posuit atque abstulit, sibi que retinuit, his
quibus hoc tulit cum sua lege restituat, &
insuper fredum nostrum componat, & mi-
nisterium amittat.

De eo qui propter cupiditatem rerum quemcumque propinquorum suorum interfecerit.

LXXXVII. Si quis propter cupiditatem rerum, patrem, aut matrem, aut sororem, vel alium propinquum suum interfecerit, hæreditas interfecti ad alios suos legitimos hæredes perueniat, interfectoris autem hæreditas in fiscum redigatur, ipse verò ordi-
dante Episcopo publicæ poenitentiae sub-
datur.

De eo qui res alienas cuilibet homini vendiderit.

LXXXVIII. Quicumque res alienas cuilibet homini vendiderit, & ipse homo easdem res alicui alteri dederit siue vendiderit, & ipse qui tunc easdem res comparatas habet per malum ingenium, proprio filio aut alteri cuilibet necdum legitimos annos habenti iustitiæ tollendę causa tradiderit, volumus atque firmiter præcipimus, si pater eiusdem paruuli vixerit, ipse intret in causam rationem reddendi pro filio suo: Si autem pater mortuus est, tunc legitimus eius propinquus, qui iustè ei tutor aut defensor esse videtur, pro ipso rationem reddere compellatur. Similiter de aliis omnibus institutis ad eum pertinentibus, excepta sua legitima hæreditate, quæ ei per suc-

ADDITIO IIII.

cessionem parentum suorū legitimè cuc-
nire debuit. Quòd si quis hanc nostram
iussionem contépserit vel neglexerit, sicut
de cæteris contemptoribus, ita & de eo
agatur. Is verò qui easdem res primus in-
uaserit, & iniustè vendidit, nec non & em-
ptores, excepta sola persona paruuli, hoc
quod fraudulenter admiserunt intra pa-
triam emendare cogantur. Et postea sicut
contemptores iussionis nostræ sub fideiuf-
soribus ad nostram præsentia venire com-
pellantur.

ANNO FOELICITER XI. REGNI
DOMNI NOSTRI KAROLI GLO-
RIOSISSIMI REGIS IN MENSE
MARTIO, QUALITER CONGRE-
GATIS IN VNVM SYNODALI
CONCILIO EPISCOPIS ABBA-
TIBVS VIRISQVE ILLVSTribVS
VNA CVM COMITIBVS SECVN-
DVM DEI VOLVNTATEM PRO
CAVSIS OPORTVNIS CENSEN-
TVR DECRETA.

De Metropolitanis.

LXXXIX. De Metropolitanis vt Episcopi
suffraganei eis adiutores sint, eaque quæ

erga ministerium illorum emendanda cognoscunt libenti animo emendent atque corrigant.

De Episcopis ordinandis.

xc. Vt vbi in præsens Episcopi ordinati non sunt, sine tarditate ordinentur.

De monasteriis sub regula constitutis.

xci. Vt monasteria quæ sub regula fuerint, sub regula viuant: Similiter & monasteria puellarum ordinem sanctum custodiant; & vnaquæque Abbatissa in suo monasterio sine intermissione resideat.

*De potestate Episcoporum super presbyteros
& clericos.*

xcii. Vt Episcopi de presbyteris & clericis infra illorum parochiam potestatem habeant secundum canones.

*De alterius clerico Episcopi non recipiendo
nec ordinando.*

xciii. Vt non liceat alterius clericum recipere nec ordinare ad aliquem gradum.

De loricis extra regnum non vendendis.

xciiii. De bruniis, vt nullus foras nostro regno vendere præsumat.

*De eo qui pro faida pretium recipere aut sol-
uere noluerit.*

xcv. Si quis profaida pretium recipere nō vult, tunc ad nos trāsmittatur vt nō ipsum

A D D I T I O I I I I .

dirigamus vbi damnū nemini facere possit. Simili modo qui pro faida pretium soluere non vult, & iustitiam exinde facere, in talem locum illum mittere volumus, vt pro eodem maius damnum non crescat.

Ne presbyter vel reliqui clerici, aut ullus fidelium præsumat decimas vendere, vel donare aut pignorare, Ecclesiæque quoquo modo alienare.

xcvi. Nullus presbyter aut diaconus vel quilibet clericus aut laicus decimas vendere aut dare vel pignorare aut indebitare præsumat, antequam eas cum omni integritate fideliter collectas habeat, & infra septa Ecclesiæ, cui iure debentur, in suis vtiliter grancis collectas habeat, & postea iuxta præceptum proprii Episcopi, secundum canonicas sanctiones atque decreta Beati Gelasij Papæ, eas dispenset. Si quis autem hæc parui penderit vel infringere tentauerit, si quidem clericus fuerit, gradus sui periculo subiacebit: Si verò monachus vel laicus fuerit, communione priuetur.

De prouidentia Episcopi circa Archidiaconos.

xcvii. Vt prouideant Episcopi ne cupiditas Archidiaconorum culpas nutriat sacer-

dotum, quia multis modis mentitur iniquitas sibi.

De non eijciendis de sepulchris ossibus mortuorum.

xcviii. Vt nullus ossa mortuorū de sepulchris audacter eiiciat.

De non iurando.

xcix. Vt vnusquisque caueat iurare; quia periuri regnum Dei non possidebunt, sicut nec adulteri.

De prædiis à presbyteris emptis, Ecclesiis propriis confirmandis.

c. Vt presbyteri pauperes ordinati prædia comparantes Ecclesiis, confirment.

De formatis faciendis, & vt sine formata nullus proficiatur clericus. Ex Concilio Africano vel Mileuitano cap. xx. vt sine formatis nemo ad comitatum proficiatur, & qualiter fiant formatae.

ci. Placuit vt quicumque clericus propter necessitatem suam alicubi ad comitatum ire voluerit, formatā ab Episcopo suo accipiat: Quòd si sine formata voluerit pergere, à communione remoueatur. Quòd si alicubi ei repentina necessitas orta fuerit ad comitatum pergēdi, alleget apud Episcopum loci eius ipsam necessitatem, & de hoc scripta eiusdem Episcopi deferat. For-

ADDITIO IIII.

matæ autem quæ à primatibus vel à quibuscumque Episcopis clericis propriis datur habeant diem Paschæ. Quòd si adhuc eiusdem anni Paschæ dies incertus est, ille præcedens adiungatur, quomodo solet, post cōsulatum, in publicis gestis adscribi. *De clericis negligentibus ex concilio Agatensi cap. II. De contumacibus clericis & ad officium tardis.*

CII. Cōtumaces verò clerici, prout dignitatis ordo permiserit, ab Episcopis corrigantur; Et si qui prioris gradus elati superbia communionem fortasse contempserint, aut Ecclesiam frequentare vel officium suum implere neglexerint, peregrinacis cōmunio tribuatur, ita vt cū eos pænitentia correxerit, rescripti in matricula gradum suum dignitatēque recipiant.

De non pergendo clericis sine permissu Episcopi ad iudices seculares: ex concilio Agatensi cap.

XXXII. Vt clericus inconsulto Episcopo ad iudicem secularem non pergat.

CIII. Clericus nequaquam præsumat apud secularem iudicem, Episcopo non permitte, pulsari: Sed si pulsatus fuerit, nō respondeat; nec audeat criminale negotium in iudicio seculari proponere. Si quis verò secularium per calumniam Ecclesiam aut

clericum fatigare tentauerit, & victus fuerit, ab Ecclesiæ liminibus, & à catholica communione nisi dignè pœnituerit coërceatur.

Ne clericus vel monachus sine licentia Episcopi sui proficiatur: ex concilio Agatensi capit. xxxviii. Vt sine Epistola Episcopi sui non liceat clerico vel monacho proficisci.

ciiii. Clericis sine commendatitiis epistolis Episcopi sui licentia non pateat euagandi: In monachis quoque præsentis sententiæ forma seruetur. Quod si verborum increpatione non emēdaucrit, etiam verberibus statuimus eum coërceri.

Ne clericus sinē permissu Episcopi sui proficiatur: ex concilio Agatensi cap. l ii.

De clericis qui sine Epistola sui Pontificis proficiuntur.

cv. Presbyter aut diaconus & clericus sine antistitis sui epistolis ambulans cōmunionem ei nullus impendat.

De his qui in proprijs prouincijs non communicant, ex concilio Africano cap. xviii.

cvi. Placuit vt quicumque non communicant in propria prouincia, in aliis prouincijs vel transmarinis partibus ad communicandum obrepserit, iacturam communionis vel clericatus excipiat.

ADDITIO IIII.

De patratoribus diuersorum malorum.

CVII. Sunt sanè diuersorum malorum patratores quos & lex diuina improbat, & condemnant: propinquorum etiam diuersis sceleribus & flagitiis populus fame & pestilentia flagellatur, & Ecclesiæ status infirmatur, & regnum periclitatur. Et quam hæc in sacris eloquiis satis sint execrata, nos necessariū præuidimus iterū nostra admonitione & exhortatione atque prohibitione præcaueri omnino oportere; sicut sunt diuersarum pollutionum patratores, quas cū masculis & pecoribus nonnulli diuersissimis modis admittunt, qui incomparabilem dulcedinem piissimi Creatoris ad amaritudinem prouocantes, tanto grauius delinquant, quanto contra naturam peccant: pro quo etiam scelere igne cœlesti conflagratæ inferniquē hiatus quinque absorbtæ sunt ciuitates, necnon & quadraginta & eo amplius milia stirpis Beniaminæ mucrone fraterno confossa sunt. Hæc porro iudicia & euidētes vindictæ declarant quā detestabile & execrabile apud diuinā maiestatem hoc vitiū extet. Scimus enim quoniam talium criminum patratores, lex Romana quę est omniū humanarū mater legum, igne cremari iubet.

Vobis ergo omnibus terribiliter denūciamus, vestrisque cunctis ac vobis famulantibus atque subditis vnà vobiscum, sub Dei districto iudicio & fidelitate nostra, præcipimus ab his cauere, & hæc facientibus nec verbis, nec factis vllō modo consentire; quoniam qui talia agunt, Apostolo pollicente, regnū Dei nō consequentur. Tempus namque est vt multitudini pereuntis populi parcatis, quæ secundum exempla peccantis principis, cadebat in puteum mortis; quia quoscumque vel per bona exempla ad vitam cœlestis patri cōtrahimus, vel per mala exempla ad perditionem sequentes præimus, de tantis proculdubio ab æterno iudice vel pœnas vel præmia accepturi sumus. Si enim gens nostra, sicut per istas prouincias diuulgatum est, & nobis in Francia & in Italia impropertur, & ab ipsis paganis impropertium est, spretis legalibus connubiis adulterando & luxuriando, ad instar Sodomitanæ gentis, fœdam vitam duxerit de tali commixtione meretricum estimandum est degeneres populos & ignobiles & furentes libidine fore procreandos, & ad extremū, vniuersam plebem ad deteriora & ignobiliora vergentem, & nouissimè nec in bel-


ADDITIO IIII.

lo seculari fortem, nec in fide stabilem, & nec honorabilem hominibus, nec Deo amabilem esse venturam: Sicut aliis gentibus Hispaniæ, & Prouinciæ, Burgundionum populis contigit, quæ sic à Deo recedentes fornicatæ sunt, donec iudex omnipotens talium criminum vltrices pœnas per ignorantiam legis Dei & per Sarracenos venire & seruire permisit. Et notandum quod in illo scelere aliud immane flagitium subter latet, id est homicidiû: quia dum illæ meretrices siue monasteriales siue seculares malè conceptas soboles in peccatis genuerunt, sæpe maxima ex parte occidunt, non implentes Christi Ecclesias filiis adoptiuis, sed tumulos corporibus, & inferos miseris animabus satiant. Absit enim vt pro talibus pereatis, & nos simul cum regno cadamus, gloriâque totius regni pereat: quoniam ex præcedentibus agnouimus quæ sequuturis, nisi præuisa fuerint, possunt euenire. Satiùs est quoque nobis talibus carere, quàm cum his ruere regnûmque, & ab inimicis depopulatoribus futuro tēpore adnullari vel possideri. Scire enim vos cupimus, quia quicumque super his aut faciens vel libenter consentiens inuētus fuerit, nos eum iuxta

prædictam Romanam legem velle punire.

De Vestitura xxx. annorum, siue de rebus Ecclesie quæ absque vlla repetitione ab eadem Ecclesia per triginta annos possessæ sunt, ut nulla testimonia super hanc deinceps possessionem recipiantur.

CVIII. Ut de rebus Ecclesiarum quæ ab eis per triginta annorum spatia sine vlla interpellatione possessæ sunt, testimonia non recipiantur, sed eo modo contineantur sicut res ad fiscum nostrum pertinētes contineri solent.


HÆC QVÆ SEQVNTVR
CAPITVLA EXCERPTA SVNT A
DOMNŌ REGE KAROLO DO-
MNI HLVDOVVICI IMP. FILIO
ET PRINCIPIBVS EIVS EX CA-
PITVLIS QVÆ ANNO DCCCXLVI.
EDIDERANT EPISCOPI IN SY-
NODIS, VVENILO SCILICET
CVM SVFFRAGANEIS SVIS,
GVNTBOLDVS CVM SVFFRAGA-
NEIS SVIS, VRSMARVS CVM SVF-
FRAGANEIS SVIS, HINCMARVS
CVM SVFFRAGANEIS SVIS, A-
MALO CVM SVFFRAGANEIS
SVIS: ET OBLATA SVNT EIDEM
PRINCIPI, SICVT IPSE IVSSE-
RAT, COLLECTA AD RELEGEN-
DVM IN SPARNACO VILLA RE-
MENSIS ECCLESIE. ET QVIA
FACTIONE QVORVNDAM MO-
TVS EST ANIMVS IPSIVS RE-
GIS CONTRA EPISCOPOS DIS-
SIDENTIBVS REGNISVI PRIMO-
RIBVS AB EORVNDEN EPISCO-
PORVM AMMONITIONE ET RE-
MOTIS AB EODEM CONCILIO

EPISCOPIS, EX OMNIBVS ILLIS
CAPITVLIS HÆC TANTVM OB-
SERVANDA ET COMPLACENDA
SIBI COLLEGERVNT, ET EPIS-
COPIS SCRIPTO TRADIDE-
RVNT, DICIENTES, NON AM-
PLIVS DE EORVM CAPITVLIS
ACCEPTASSE QVAM ISTA, ET
ISTA SE VELLE CVM PRINCIPE
OBSERVARE.

De honore & cultu Ecclesiarum.

De honore Episcoporum & veneratione
seruorum Dei.

De iustitiis.

Vt cautela fiat erga eos qui causa iuuentu-
tis aut insipientiæ, in aliquo fallunt, si-
ue contemnunt ammonitionem Epif-
coporum, ne subitò aut incautè dam-
nentur anathemate.

De his qui contra regiam potestatem con-
tumaces esse moliuntur.

De precariis.

De hospitalibus.

De rapacibus.

Vt Episcopis tempus congruum obserue-
tur ad ministerium suum peragendum.

Vt clerici arma militaria non contingant.

CAPITVLA

Vt missi dirigantur qui inquirant si præcepta à nobis de rebus Ecclesiarum ad proprium sint facta.

De hæresi simoniaca.

Vt à nullo sedes Episcopalis proprio infirmante Episcopo vsurpetur.

Vt Canonici infra dormitorium domiāt.

Vt monachi ad palatium non veniant, nisi causa obedientiæ, exceptis abbatibus.

Vt laici decimas de Ecclesiis non contingant.

De sanctimonialibus contra auctoritatem nuptis.

De sponsis aliorum.

De sepulturis infra Ecclesiam.

Plenitudo autem Capitulorum quæ in plenitudine Synodaliū actionum habentur, unde hæ Commemorationes excerptæ sunt, ita per loca continentur.



DE honore & cultu Dei atque sanctarū Ecclesiarū, quæ auctore deo sub ditione & tuitione regiminis nostri consistūt, cōmunitér, deo mediāte, decernimus, vt sicut tempore beatæ recordationis Domni ac genitoris nostri excultæ & honoratæ

honoratæ atque rebus ampliatae fuerunt, salua æquitatis ratione, ita permancant; Et quæ à nostra liberalitate honorantur atque ditantur, de cætero sub integritate sui seruentur, & sacerdotes ac serui Dei vigorem Ecclesiasticum & debita priuilegia iuxta reuerendam auctoritatem obtineant. Eisdem verò Regalis potestas & illustrium virorum strenuitas, seu Reipublicæ administratores, vt suum ministerium competenter exequi valeant, in omnibus rationabiliter & iustè concurrant.

II. Honor etiam Regius & potestas regali dignitati competens, atque sinceritas & obtemperantia seniori debita, remota omni socordia & calliditate, seu qualibet indebita quorumcumque coniunctione, cōtra honorem & potestatem atque salutem nostram, siue regni nostri soliditatem nobis in omnibus & ab omnibus, sicut tēpore antecessorū nostrorū cōsueuerat, exhibeatur. Et si quis quemcūque cōtra nos, & contra hanc pactā sinceritatē aliquid moliri manifestè cognouerit, si eū conuertere nequiuerit, aperte prodat atq; denotet, & sic cōsilio atq; auxilio Episcopalis auctoritas, & fidelium vnanimitas vt noster honor & potestas regiā inconuulsa permaneat, totis nisibus decertare & adiuuare procuret.

III. Quia verò debitum esse cognoscimus
 vt à quibus honorem suscipimus, eos iuxta
 dictum dominicum honoremus, volumus
 vt omnes fideles nostri certissimū teneant,
 neminem cuiuslibet ordinis, aut dignita-
 tis, deinceps nostro inconuenienti libitu,
 aut alterius calliditate vel iniusta cupidita-
 te promerito honore debere priuari, nisi
 iustitiæ iudicio & ratione atque æquitate
 dictante. Legem verò vnicuique compe-
 tentem, sicut antecessores sui tempore
 meorum prædecessorum habuerūt, in om-
 ni dignitate & ordine, fauētē Deo, me ob-
 seruaturum perdōno.

IIII. Quod vt facilius atque obnixius no-
 stra auctoritas valeat obseruare, omnes si-
 cut in vestra bene memorabili conuenien-
 tia pepigistis, conseruare studebitis; Immo
 etiam cuncti in postmodum sollicitè præ-
 cauebunt, ne aliquis pro quacumque pri-
 muta commoditate, aut reiicienda cupidi-
 tate, siue alicuius consanguinitatis vel fa-
 miliaritatis seu amicitiae coniunctione no-
 bis immoderatus suggerat, vel postulatio-
 nibus aut quolibet modo illicitat, vt contra
 iustitiæ rationem & nostri nominis di-
 gnitatem ac regiminis æquitatem agamus.
 v. Et si forte subreptum nobis quippiam,
 vt homini fuerit, competenter & fideliter,

prout sublimitati regiæ conuenit, & necessitatibus subiectorum expedit, vt hoc rationabiliter corrigatur vestra fidelis deuotio ammonere curabit.

VI. Et ne magnificentiam vestram illuc vestre dignitati indecens & inhonesta impellat necessitas, quò non trahit voluntas, & partim necessitate, partim etiam subreptione, quia aliter quam se reueritas habeat nobis dictum vel postulatum fuit, maxime quod ad rempublicam pertinuit, aut præreptione in beneficiario iure, aut in alode assumptum habetur, videtur nobis inutile & necessarium vt fideles & strenuos milites ex utroque ordine per singulos comitatus regni vestri mittatis, qui omnia diligenter imbreuiet quæ tempore aui ac patris vestri, vel in regio specialiter seruitio, vel in vassalorum dominicorum beneficiis fuerit, & quid vel qualiter, aut quantum exinde quisque modo retineat, & secundum veritatem renuntietur vobis, & vbi inuenietis quia ratio & utilitas, ac ordo seu veritas in absentibus vel donationibus habeatur, in statu permaneat: Vbi autem inrationabilitas, vel potius fraus inuenta fuerint vna cum consilio fidelium vestrorum hoc taliter corrigite, vt ratio atque utilitas seu iustitia non deferantur, & dignitas magnificentiae vestre per ne-

cessitatem ita vilis nō fiat sicut vos non decere cognoscitur, quoniam domestica domus vestra aliter obsequiis domesticorum repleri non poterit, nisi habueritis vnde eis meritis respondere, & indigentiae solatium ferre possitis : & sic demum respublica vestra de suo suffragetur sibi ; & Ecclesiae , à quibus non expedit, habeantur immunes.

VII. Vt nemo Episcoporum quēlibet sine certa & manifesta peccati causa cōmunionē priuet ecclesiastica. Anathema autem sine cōsensu Archiepiscopi , aut coepiscoporum prolata etiā euāgelica ammonitione nulli imponat ; nisi vnde canonica docet auctoritas , quia anathema , æternæ est mortis damnatio , & non nisi pro mortali debet imponi crimine, & illi qui aliter non potuerit corrigi.

VIII. Vt precariae & commutationes tempore viduarum ecclesiarum factæ ab his qui loca Episcoporum occupauerant , rescindantur : & cum auctoritate ecclesiastica vel ciuili denuo si fiendæ sunt , fiant.

IX. Precariae autem à nemine de rebus ecclesiasticis fieri præsumantur, nisi quantū de qualitate cōuenienti datur ex proprio, duplū accipiatur ex rebus ecclesiae in suo tantum qui dederit nomine. Si res proprias ad præses dimiserit, ex rebus ecclesiasticis tri-

plum fructuario vsu in suo tātum quis nomine sumat, quia sic eas quemque tractare oportet vt alienarum dispēsatorē, nō propriarum largitorem, & à nulla potestate quis cogatur facere precariā de rebus propriè Deo & sanctis illius dicatis. cum ratio & vsus obtineat, neminē, cui non vult, cōtra vtilitatem & rationē præstatum de proprio facere beneficium. Præcepta autē regalia super precarius ecclesiasticis fieri nec ratio finit, nec auctoritas quolibet modo permittit, quoniam præcepta in iure ecclesiastico firmare indignū iudicet necesse est maiestas regia, nisi ab ecclesiastico rectore petātur. Isdem autem custos ecclesię solertissime caueat ne sui ordinis & ecclesiasticę communionis forte immemor, cōtra auctoritatem præceptū regium pro quacunque adsentatione fieri petat. Qui vt si fecerit, non audiatur: Si autē obtinuerit regia discretionē & Episcopali idē rescindatur, & petitor iniust⁹ pro principis iniusta suggestionē dignè corripatur, & precarię secundum antiquam consuetudinem & auctoritatem quinquēnio in quinquennium renouentur.

x. Vt contra deprædatores, & oppressores ecclesiarum, & rerum ad easdē pertinentiū defensores secundū ministerium vestrum,

quantum Deus posse dederit, existatis, & præcepta quæ auus, & pater vester ecclesiis ditioni vestræ subiectis fecerunt ac firmauerunt, & stabilia cōfirmauerunt, quæque vos cōfirmastis, de cætero rata in omnibus conseruetis.

xi. Vt regia magnificentia liberiorē libertatem episcopis ad suum peragendū in eorum parrochiis ministerium, quā hactenus propter diuersas perturbationes habuissēt, maximè in sacratissimis temporibus, quadragesimæ scilicet, & aduētus Domini, tribuat, quatenus & periculū & ipsi Episcopi & regia dignitas salubrius pro ministerio sibi cōmisso & neglecto possūt euadere, & pro strenue ex seculo diuinā misericordiā sibi cōciliare præualeāt. Ipsi autē Episcopi concessum sibi otium non in suas voluptates, sed in diuinū & officiosum conuertant negotiū: quatenus studentes prædicationi atque confirmationi, quod hactenus per parrochias fuit neglectū, & deuotissimè de cætero sit correctū & emendatum: & non propter suā quietudinem Episcopi ad remotiora loca secedentes, & suum ministerium neglegentes proprias deserāt ciuitates; sed ut parrochias suas cū officij efficacia circumeant, aut cum religione in suis ciuitatibus canonicè cum suis filiis degāt.

& hospitalitate ornati, quæ iam pene propter diuersas rapacitates annullata est, non solum in oculis Domini propter inobedientiam mandati diuini reddantur conspiciui, verum & bonum testimonium secundum sanctum adquirant Apostolum. Presbyteros etiam sibi commissos & doctrinæ castitate, & sobrietate atque hospitalitate, secundum eorum ministerium, hortentur, & compellant.

xii. Vt quicumque ex clero esse videntur arma non sumât, nec armati incedant; sed professionis suæ vocabulum religiosis moribus, & religioso habitu præbeant. Quod si contemplerint tamquã sacrorum canonum contemptores, & ecclesiasticæ sanctitatis profanatores proprii gradus amissione multentur, quia nō possunt simul Deo & sæculo militare.

xiii. Ammonenda est regia magnitudo de hospitalibus quæ tempore prædecessorum suorum & ordinata, & exulta fuerunt; & modo ad nihilum sunt redacta. Sed & hospitalia Scottorum quæ sancti homines gentis illius in hoc construxerunt, & rebus pro sanctitate sua acquisitis ampliauerunt, ab eodem hospitalitatis officio funditus alienata; & non solum superuenientes in eadem hospitalia non recipiuntur, verum

CAPITVL A

etiam ipsi qui ab infantia in eisdem locis sub religione domino militauerunt, exinde eiiciuntur, & ostiatim mendicare coguntur. Vnde pertimescenda est canonica sententia, & maxime decretalis Symmachi Papæ definitio, quia vt necator pauperum, & Christi traditor Iudas, id est, qui huius sceleris auctor & perpetrator esse dignoscitur, presenti & perpetuo anathemate feriendus. Qui reiculam, inquit, Symmachus Papa, vel quicquid fuerit Ecclesiæ petunt à regibus, & corrumpendæ pietatis instinctu egentium substantiam rapiūt, irrita habeantur si qua obtineant, & à communione Ecclesiæ cuius facultatem auferre cupiunt, excludantur. Item in canone Aurelianensi: Si quis quolibet tempore contra hanc constitutionem nostram venire tentauerit, aut aliquid de consuetudine vel facultate xenodochij, quod auertat, Deus, esse desinat vt necator pauperum irreuocabili anathemate feriat.

xiiii. Cauendū & summo opere præcauendum, ac per virtutem Christi sanguinis interdiciendū, & Episcopis & regibus & omnibus sublimioribus potestatibus, atq; cunctis fautoribus & electoribus quorūcūque atque consensoribus seu ordinatoribus in gradu ecclesiastico, vt nemo per simoniacā

hæresim regiminis locū obtineat quacumque factione, calliditate, promissione seu commoditate, aut donatione, per se aut per emissam personam: cū spiritus sanctus inter cætera documenta Ecclesiastica per os sancti dicat Gregorij: Cur non perpenditur quia benedictio illi in maledictione cōuertitur, qui ad hoc ut fiat hereticus promouetur? & itē; Ementes quippe atque videntes per pœna constringit, cū liqueat hanc hæresim in ipsa sua origine Apostolica esse detestatione damnata & Apostolus docet; Nō solū qui faciunt, sed etiā qui cōsentiūt digni sūt morte; & item beatus Gregorius dolēs, inquit, dico, gemens denuncio: quia sacerdotium quod apud vos intus cecidit, foris diu stare non poterit. Item: Ideo aduersarius animarum callida specie suadet quasi debere ab habentibus accipi, ut sit quod possit non habentibus erogari. Sed scriptum est hostiæ impiorum abominabiles quæ offeruntur ex scelere.

xv. Ut nemo Episcopo viuentē Ecclesiam illius aut res ad eam pertinentes inuadere, aut dominari præsumat, neque sub voluntariæ cleri ac populi electionis obtentu præter voluntatem Episcopi quisquā quacumque seculari potestate præditus, quasi œconomum constituat. Sed si Episcopus

ministerium Ecclesiasticū propter infirmitatem corpoream exhibere non potuerit, in Archiepiscopi hoc cum voluntate Episcopi eiusdē Ecclesiæ maneat ordinatione, qualiter debitū officiū non remaneat. Obsequium verò ad rempublicam pertinens qualiter exsequatur per tales ex subditis & Ecclesiasticis ministris cum consensu Archiepiscopi propter pacis charitatísque custodiā Episcopus ordinet & disponat quos succedendi in Episcopatu appetitus indubitus non eleuet, neque vexet nisi moratus ita extiterit, vt secūdū instituta beati Gregorij in libro Epistolarū, & similiter in subdito profit, & post humiliter conueniens sanctis regulis præsit, quia ob hoc in multis Ecclesiis scandalū magnū conspeximus. Si autē in Archiepiscopo talis necessitas acciderit, similiter ipse consilio Episcoporum suorum huiusmodi ordinationē exhibeat.

xvi. Vt Canonici in ciuitate vel monasteriis, sicut constitutum est, in dormitorio dormiant, & in refectorio comedant, & in domo infirmorum necessario subleuentur: & tam sani quā & infirmi canonicè vestiantur, atque in claustris congruis horis degant, & sub custodia canonica lectionis & cæteris diuinæ institutionis insistant officiis. Quæ verò Episcoporum loci conueniē-

tiam aut facultatem non habuerit, vt hoc perficere & ordinare possit, Princeps secū- dum cōstitutionem Domini Imperatoris Hludouici annuat. Id est si vicina Episco- pio terra de eadem Ecclesia esse reperta fuerit, & ab alio possidetur, Ecclesiæ rectori ad claustra clericorum, vel alia quælibet Ecclesiæ commoda facienda reddatur. Si autem de fisco fuerit, regia liberalitas, ean- dem terram ad seruorū Dei habitacula cō- struenda largiri dignetur. Si autem de alia causa Dei aut de cuiuslibet proprio fuerit, ex cōueniētia cōmitandi licētia tribuatur; Et si paupertas loci ad ædificandas domos necessarias non suffecerit, eos ad adiutoriū ædificandipotestas regia cogat, qui res de eadem Ecclesia in beneficiis retinent.

xvii. Vt monachi quibus monasteriorum cura commissā nō est, passim & sine aucto- ritate palatiū non adeant, nec in eo immo- rentur, vel vbi discurrere ac peruagari ace- phali præsumant. Sed si tales quilibet fue- rint vt vtilēs & necessarij Ecclesiæ ac prin- cipi reperiantur, cum auctōritate Episcopi canonicè ac religiosè pergant. Sin autem in monasteriis suis, sicut canonica & regu- laris docet institutio, religiosè resideant, hos etiam nec Episcopus, nec Abbas vel quilibet alius veredariorum more in missa-

ticis instanter transmittat : quia per quosdam illorum contra canonicam auctoritatem, & Ecclesiastica & ciuilia perturbantur negotia, nec sub prætextu obedientiæ diutius villicationibus inseruiât, sed regulariter obedientiâ vicissitudine sua peragentes secum, vt de sancto Benedicto legitur, in monasterio habitent, atque seipsos recolligât. Hæc autem transgredientes siue prælati in fauendo, siue subditi in obtinendo excommunicentur.

xviii. Hi verò qui ex rebus Ecclesiasticis nonas & decimas persolvere; & sartatecta Ecclesiæ secundum antiquam auctoritatē, & consuetudinem restaurare debēt, & hoc non solum neglegunt, verum & per contemptum dimittunt, atque clericos fame & penuria, Ecclesiastica quoque ædificia dissolutione annullari permittunt, tandiu ab Ecclesiastica communione separentur, vsque dum diligentia emendare studeant quod socordia neglexerunt. Quòd si iterū iterauerint, post excommunicationis satisfactionem, regia potestate compulsi, iuxta legale & antiquum dictum, *Qui negligit censum perdit æquum*. Serui autem Ecclesiarum quibuscumque potestatibus subditi, vnde melior consuetudo vel deuotior comendatio ex tēpore, & iussione domni Hludo-

uici, vel certe domni Karoli, seu etiā Pipini nō existit, saltē viginti diebus in anno eidem Ecclesiæ ad reficiendas ipsius ruinas absque molestia seruire sinantur. Vbi autē & amplior cōmendatio, & melior consuetudo inde habetur pro hac nostra necessitudinis consideratione non decidat.

xix. Qui sanctimoniales virgines vel viduas rapiunt; & progressu etiam criminis in coniugium summūt, publicæ pœnitentiæ, iuxta modum quod præviderit Episcopus, sub subigantur. Ipsæ verò locis congruis pœnitentiæ retrudantur, & ad habitum religionis redire cogantur: Vtrique autem sine vlla spe vxoriæ copulationis perenniter maneant. Si autem, quod absit coniugia iterare præsumpserint, acriori subdantur vindictæ & amplius propellantur. Qui si fortē obedire monitis salutari- bus noluerint, anathematizentur.

xx. De his qui sponfas alienas rapiunt, vel consensu parentum accipiunt, antiqua & synodalis sententia obseruetur. Quod & si forte in Ecclesia euentus talis reperiri dignoscitur; vt pro salutis, & religionis competentia humanius quiddam debeant tractare pontifices, sicut canonica, vt eisdem verbis, vtamur, docet auctoritas, quia prior quidē, inquiens, diffinitio durius, Po-

CAPITULA

sterior autem quiddam tractauit humanius, nullo modo, ut ad maximam indulgentiam descendamus, alterius sponsæ acceptor sine publica transeat poenitentia, & sponso legaliter multa componat. Quod si hæc obedire renuerit, siue vlla refragatione anathematizetur, fautores verò illius, iuxta modum culpæ, Episcopali decreto poeniteant. Si vero, quod non optamus, quis de gradu ecclesiastico talibus nuptiis se cōsensorē, vel interuentorē manifeste prodiderit; à gradu proprio repellatur: Et si verisimilibus exinde suspicionibus fuerit propulsatus, & canonicè nequiuert approbari; secundum sanctorū patrū statuta sic purgare cogatur. **xxi.** Ut nemo quemlibet mortuorum in Ecclesia, quasi hæreditario iure; nisi quem Episcopus, aut presbyter pro qualitate cōuersationis & vitæ dignum duxerit, sepelire præsumat. Nec quisquam ossa cuiuslibet mortui de sepulchro suo eiicere, aut sepulturam cuius præparato atque concessio aduentum sui iudicis præstolari concedat; maxime cum non solum diuinæ leges, sed etiā & humanæ, apud humanam rempublicam sepulchrorum violatores reos mortis diiudicent. Sed & neque pro loco sepulture, ut verbis sancti Gregorij vtamur, pretium de terra putredini cōcessa quærere, & de alic-

no luctu facere compendium aliquomodo
tempter. Si quando autē proximi vel here-
des sponte aliquid offerre Ecclesiæ volue-
rint in eleemolina defuncti, accipere non
vetamus: Peti verò, aut aliquid exigi om-
nimodò prohibemus, ne (quod valde in-
religiosum est) aut venalis, quod absit, di-
catur Ecclesia, aut de humanis mortibus
videamus gratulari, si compendium exin-
de studemus quolibet modo quærere.

FINIS.

Errata graviora sic corriges.

Fol. 2. a. lege congesti. 16. a. calculatores. 19. a. carralia opera
item, sextrilia. b. non canonica 23. a. indubitanter. 24. b. statutum
31. b. modium. 40. a. Attimacum. 44. a. quancius. 48. quisque
Comes 57. b. ad Bardenuiuh. Et a. M. & ad Erpesturd. & ad
Halaxstat. 59. b. id est libras 111. 63. a. & b. in mallo. 65. a. equa-
liter inter illos & infra, cum armis contendat. 65. b. in forbanum.
68. b. nō exactetur. 72. a. manu propria singula se. 79. a. in mal-
lum. 86. a. legitime cōtendat. 139. b. coniurantib. 141. a. De reb.
porpissis. 196. b. vel cura domus. 213. a. l. 8. iubendum est. 229. a.
factam diuiserit prouocationi quoniam multa fa. c. & viris infer-
re tentantib. ut in l. 6. c. ad leg. lul. de ur publ. 230. a. in aliud trās-
ferat. 231. b. inter sanctos. 232. b. capitali. 233. b. com. minime de-
bemus. & postea. Si quis sine gradu. & infra Nam qui modo pra-
dicto. 234. a. per nullum ingenii. separatione & parentia. pra-
hibent. b. agere amodo. 236. b. sine precaria. 237. a. generaliter in-
terdicimus. clangamus. b. nisi à Deo separationem. v. c. ad ruinam.
& veritate comperta. 238. Et res usurpatas iniuste. 239. b. quam
ipsi si conuicti essent. in die Domini. 257. b. libri canonum. a. l. 4
& Domno. 258. a. in ptochiu. 259. b. neglexerit. 260. a. cathedra. b.

non teneatur. atq. illie. a. f. est officio submoendus. 261. a. De non negligens.
 b. ne locus alicuius. hie pñstū hac. l. d. seueritate qua. 262. b. admissū. 263. a. po-
 sitis si in b. copularunt. nec poss. ad. quē sub eius. 264. a. primatus. accus. Epis-
 copos b. irretitus. causa eius. 265. b. Et unū ex ipsis d. q. ptegeunt. ad test. autē
 infra. 266. a. certū cri. docetur. virū iunda. ineq. al. corpiscoporum querelam.
 Metr pr. 267. a. vi nullis interuentorum. b. Karolus adde. ad finē ex vet. libb.
 omīssa hac armaturam. portare vel pugnare aut in exercitum. & in hostem
 pergere omnino prohibemus. nisi illi tantūmodo qui propter diuinum mini-
 sterium missarum scilicet sollempnia ad implenda Et sancterū patrociniā por-
 tanda ad hoc electi sunt. ad est. unum vel duos Episcopos cum capellani pres-
 byterū princeps secum habeat. & unusquisque praefectus unum prōbyterum.
 qui hominibus peccata confitentib. iudicare & inducere pñitentiam possit.
 268. a. vocatus. venire. 269. a. admonitione. b. letanias. & reges earū qua
 sac. 270. a. timemus si talia & tam illicita aut imperemus. b. paganos nece-
 rent. 271. a. precaria finita. canonice reu. b. Spiritui eorū per D. contesta-
 murque. 272. a. suce. nostri r. c. r. adquisuimus. 273. a. unusquisque nobis
 subiectus. quia qui. ibid. luituriz 274. a. prosequi ante nō licet. quam ab accus.
 ibid. si inter se m. ante peccauerint. ibid. de suis ea sanet. b. iuxta canonū Car-
 thaginensum capis. VIII. 275. discutiant 51. 276. a. animarū pericula. e.
 E. 1. q. c. f. negligantur afficia. 277. a. qui aut facult. 280. a. qui adeo deter
 ibid. gradu adeo filij. 281. alterius Cantica. 282. b. prater reuerentiam. ibid.
 iud. secularis aduent aut sine. 283. a. clericis. 284. b. causas differis. ibid. pro-
 ponat. Et omnem. conculcet. 285. a. & postmotionem vel viol. ibid. quēcun-
 que autem in mil. officia diuina. ibid. b. ab Episcopo post satisfactionem vel.
 ibid. necessitate captiuitatū. 288. b. imperiti magistrū. noui antiquū. vel rudes
 praeferantur emeritis. 290. b. nisi qua certis iudiciū. 291. qui a corepisc. ibid.
 qua possit. ibid. b. praesumpere esse peractū praedictos autem corepiscopos.
 292. a. Regisbruc. ibid. b. benedictione auferri. rerum Ecclesiasticarū dignū
 sunt haberi. 294. a. Ut per solēmnissimos. ibid. b. cui reclud. ibid. f. inflamma-
 tus suis nō cont. 295. a. non pateat iniustam. ibid. b. rei detecta. 296. a. cum
 caballis. ibid. b. aut quae interdicta sunt. ibid. quali eum distr. 297. a. lumina.
 ieiunium tamen dei pol. prater paruulos. ibid. b. eamque cum testib. ibid. a
 Riculo Mogunciacensi. 298. a. iustam repreh. ibid. ad pñitentia culmē ibid.
 b. Siquid est igitur. explorari. 299. a. necessitatem. substantiam suam. longe
 peregr. quae in damnis a pietate. ibid. b. ausus inhibeat. Oportet ut Episcopi sint
 semper perspectore. 300. a. accedat. comiciari. deprehensus. 301. contempse-
 rint. recipiantes. & veniens ibid. b. inscio patre. discidi. Si antequam ap. Epis-
 copos. 302. a. diuina ac Synodica. ab inferioribus qua inf. ibi. b. debitore tard.
 303. a. deuocetur. extra suam. ibid. b. reum se esse. Et/ quae valsuspecta.
 304. b. ut accusato si iud. quia non oportet. Si quis peruasor. inuasises.
 306. a. diurnas. 341. b. fasciolas. 344. partitionib.

Leniora facilius supplebis. si voles.

GLOSSARIUM SIVE INTER-
pretatio obscuriorum aliquot vocabu-
lorum, quæ in Capitularibus
leguntur.

Absis) v. l. iii. Can. 46. Syn. Carthag. Isi-
dor. 15. Origin. cap. 8.

Actor dominicus) iiii. xliiii. Actor rei domi-
nica, Rationalis. l. ii. C. Th. de iurisd. omn. iudic. l.
4. de cōlat. fundor. patrim. Significatur & actio-
nis nomine quodlibet officium. Victor, Persec.
Affrican. 2. Iustinian. pragmat. Gregor. Turon. 4.
Histor. Franc. cap. 36. & de gloria Martyr. 2. 16:
Marculf. Ideo actionem comitatus, ducatus, patriciatus,
in pago ill. quam antecessor tuus ill. videtur egisse, tibi ad
agendum regendumque commisimus.

Adramire sacramēta) iiii. xxviii. iii. lviii. iu-
rare. Arramir, Francis.

Molt les oysse & arramir
Serement faire & foy pleuir
Que par morir ne ly falleront
Tel fra comm'il fera feront.

Adramire se) iiii. xxix. Marculfus. Veniens ante
nos homo ille, ibi, in palatio nostro, placitū suum legibus
custodiuit, quod habebat apud hominē nomine illo, quod
ipse vel per suam fistucam ante nos visus fuit adram-
misse, Sed nūcupatus ille nec ad placitum suum venit, nec
ipsum sacramentum iuravit.

Aduena) iii. xviii. Aurbains. Albani. In duplo-
mat. i.lotharij & Hludou. ad petitionem Elisiardi

Hhh

episc. Parisiens. Nec de liberis hominibus albanisque, ac colonis, in supradicta terra commanentibus, aliquem censum, vel aliquas redhibitiones accipere.

Aduocati) 1111. 111. *Aduocatus*. Defensores siue protectores. Ex Canone 99. Africa. Synod. post consulationem Stiliconis, inducta est aduocatorum defensio pro causis Ecclesie. Vide priuilegium quod monasterio Vttenburhano concessit Karolus Mag. apud Bruschium. In Edicto Carisiacensi Karoli Calui ann. DCCCLXIIII. Et ipse sic mallum suum teneat ut barigildi eius & aduocati qui in aliis comitatibus rationes habent, ad suum mallum occurrere possint.

Agenda) v. xxxviii. vi. ccxxxiiii. Synod. Karthag. 2. 9. *Agenda mortuorum* In lectionar. B. Hieronymi. *Agenda vespertina*, vel *matutina* in regul. B. Benedicti. *Agende*.

Alode) i. cxxxii. Gallicum vocabulum. Plin. 11. 37. Sueton. in Iulio cap. 24. *Res mancipi* Sigeberto dicitur. *proprietas*. cap. 20. lib. 3. hic. Can. 42. synod. Meldens. karolus in capitulis quae constituta sunt apud Sueffionas anno 854. Et postea in alodem data sunt, ut describantur quae sint, & à quo, vel à quibus, in proprietatem data sunt. & in adnuntiatione Hludouici regis. Et illorum alodes de hereditate, & de conquestu, & quod de donatione nostri senioris, habuerunt. Ibidem. Ut missi nostri his qui firmitatem fecerunt, alodes illorum quos de hereditate, & de tali conquestu qui de nostra donatione non venit. &c. *Hereditas* Reginoni. Ut perderent ingenuitatem & hereditatem. Ado. Baptizatis Saxonibus, ex ingenuitate & alode firmitas roborata. Flodoardus ex Hincmaro. Cupiens cauere ne census ipse deperiret, & villa in alodem verteretur, & Ecclesiastica mancipia in seruos & ancillas disperterentur.

Ἀνομόματοι] VII. CCLXXIII. κτιόβαται. Herimenop.
Annona] I. CXVIII. CXXXI. Gregor. Turon. 3. de
Virtut. B. Martini cap. 3. *Accepta annona ad molam
vadit, impositoque tritico molā manu vertere cepit.* Art.
59. Spec. Saxon. *Qui prius annonam molendino præsenti-*
tauerit, prius molere debet.

Aqua feruentis aut frigida iudiciū] III. XIII. Addi.
IIII. LXXXIII. Leg. Frisio. tit. 3. Burchard. in lege
quam dedit familiæ. Hincmarus pro Lothario.
Hoc examinandus iudicio conligatus in aquam dimitti-
tur, & aut purgatus statim iudicio arbitrorum absolui-
tur, aut vsque ad purgationem conligatus iudicio exami-
natur. Idem Hincmar. contra Hincmar. Laudun.
Præfati homines quia non libera conditionis sunt, aut cū
aqua frigida, aut cū aqua calida, inde ad iudiciū Dei exi-
ret. Cuius ritus & præcū concipiendarū formulæ
variæ, pro cuiusque regionis more editæ sunt.

Arma relinquere] VI. xc. Can. 17. Synod. Mogūt.
Laicis vero qui apud nos sunt, arma portare non præiudi-
cemus: quia antiquus mos est, & ad nos vsque peruenit.

Auctoritas] I. LXXXVIII. Videnda quæ ex synod.
Rhemenf. & Tolet. referunt Burchard. lib. 2.
Collectarij canonum, & luo parte 6. Decret.

B

Balationes] VI. cxciii. Can. 62. Syn. vi. in Trul. Can.
80. Synod. Brach. & Synod. Rom. sub Lothar. &
Ludou. cap. 35. *Vt sacerdotes admoneant viros & mu-*
lieres qui festis diebus ad Ecclesiam conueniunt, ne ba-
lando & turpia verba decantando choros teneāt, & du-
cant Nobis Balz. Apud Vopiscum, Ballistea. Gloss.
βαλλίζω, ballo. Meminit & Atheneus τῷ βαλλιστῷ.

Bannus dominicus] III. LXIII. IIII. I. VII. XXI. XXXI.
XXXII. *Bannus regius.* lib. 2. Speculi Saxonici, Art.

61. id est, multa quæ est sexaginta solidorum. Inde consuetudinibus nostris maiores multe solidis 1 x. frequētius taxantur. *Bannus Francilis*, in edicto karoli regis Carisiacensi de monetis.

Annonam super Bannū dominicum rapere] III. LXVI. Abbo. Quod si is locus interdicto vestro, & ut sollempniter dicamus, vestro banno iure tenetur adstrictus.

Proprietas siue possessio in bannum missa] III. XLV. IIII. XXIIII. Hincmarus karolo regi. Quicquid de rebus & facultatibus ecclesiasticis sibi in Episcopali ordinatione munere spiritus sancti ad gubernandum & dispensandum commissi acceperat, iussione vestra per Vicecomitem illius pagi, in bannum quod in lingua Latina proscriptio confiscando vocatur, est missum.

Banniri] III. XL. Marculfus. Ideo iubemus, ut omnes pagenses vestros tam Francos quam Romanos bannire, & locus congruis per ciuitates vicos & castella congregare faciatis. Fredegarius scholasticus, siue Continuator Gregor. Turon. Exercitum in auxilium Sisenadi, totum regnum Burgundia bannire precepit.

Bastonicum] VI. XCVI. Artissima custodia.

Battere] I. LXXXI. *battre*. In Admonition. karoli Pistis. Et de manopere in scuria battere noluit. Repperio in Glossario. *Battutū*, τῆς μάχης, *Battuit*, κατακτείνε. quomodo scribendum videtur apud Suetonium. Sic *Battualia* quæ vulgo *battalia*, exercitationes militum, vel gladiatorum Adamantio Martyrio. Inde *Battaile*.

Bauga] Append. II. v. *Armilla*. VI. CCXII. Bogen quidein Alamannis, *Arcus*.

Blasfemare] III. XII. *Blasmer de faulx iugement*.

Breue] III. LXXXII. *breuis* app II. IX. Can. 4. Syn. Meld. Glossar. πικρὸν, *pittacium*, *breuis*. Anna

Alexiad. καὶ τὰ βιβλία εἰς μέσον πλωκαῦτα προήθητο, βρε-
βία ταῦτα ἢ σμυθήσια εἶδε καλεῖν, ἐν οἷς ἀναγράφεται τὰ ἐν
ἐκάστῳ πημίῃ ὄντα καμωμένα. cap. 32. Reg. B. Benedicti.
Inde breuet, & Brief.

Brunia] III. XI III. VI. CCXII. lorica Addit. III. XCIII.
nobis, Brunie. Vt omnis homo de XII. mansis bruniam
habeat. Inde feuda lorica, quæ Nortmannis siefs de
Haubert, sicut scutagium, id est seruitium scuti Anglis.
Inuenio tamen, vetustiori Saxonū lingua, Brynn,
galeam significare.

C

Campus) II. XLVI. In diplom. Roberti regis: legē
duelli quod vulgo dicitur campus. Mos Francis solitus
armis impacta diluere. Aymoin. 5. 13. lib. 2. Nea-
polit. constit. Tit. 32. 33. Campio) III. XXII. Cham-
pion. Allamannis. Kampffer. Burchardus, in lege
quam dedit familiæ. Duo eligantur ad pugnam, &
cum duello litem decernant, & cuius campio ceciderit,
perdat. &c. Car le battu payoit l'amende.

Cancellarij) II. XXIII. III. XLIII. Agathiæ, οἷς δὲ
τὰ ἀρχεῖα ἐπεφρόνιστο, τῆς δὲ αἰκῆς θυκοσμίας, πρὸς καὶ ὅπως
μὴ γινώσκω ἀπ᾽ αἰσίων βυλορδοῖς ὡς αὐτοὶ εἰσιτήσια εἶν. τῶν
τοῦ Ἰσους ῥωμαίους ἐν οὗτοι κυκλιδῶν ἐποικισαί, καὶ τῆς ἐν
τῶν τοῖς ὀπμηλείας. Cassiodoro lib. XI. qui tenent lu-
cidas fores, claustra patentia, fenestratas ianuas se-
cretarij. Francis, & Gotthis, Tabelliones, vel ama-
nuenses, siue notarij. Anianus. l. 1. C. th. Ad leg.
Cornel. de fals. Can. 44. Synod. Cabillon. In
constitutione Karoli Calui facta in Carisiaco
anno DCCCLXI. Preterea necessarium duximus ut cō-
mendationem nostram ex hoc scribere rogaremus, quæ ex
more in nostro palatio apud Cancellarium nostrum regi-

neatur & inde per missos nostros dirigatur.

Cantus Gallicanus) i. LXXX. Sigebertus. Chronicon Engolismense. Mox petiit dominus rex Karolus, ab Adriano Papa cantores, qui Franciam corrigeret de cantu. At ille dedit ei Theodorum & Benedictum Romana Ecclesia doctissimos cantores, qui à sancto Gregorio eruditi fuerant. Tribuitque antiphonarios sancti Gregorij, quos ipse notauerat nota Romana. Dominus vero Rex Karolus reuertens in Franciam, misit unum cātarem in Metis ciuitate, alium in Suesfionis ciuitate, præcipiens de omnibus ciuitatibus Francie, magistros schola anthiponarios eis ad corrigendum tradere, & ab eis discere cātare. Correcti sunt ergo antiphonarij Frācorum, quos unusquisque pro arbitrio suo vitiauerat, vel addens vel minuens, & omnes Frācia cantores didicerunt notam Romanam, quā nunc vocant notam Franciscam. Excepto, quod tremulas vel collisibiles vel secabiles voces in cantu non poterant perfecte exprimere Franci, naturali voce frangentes in gutture voces, potius quam exprimentes. Maus autem magisterium cantandi in Metis ciuitate remansit. Vide VValafridū Strab. de reb. Ecclesiast. cap. xxv. & Io. Salisber. lib. i. Policrat. cap. vi.

Capitulare) & capitulis. Hadrian. Pap. karol. Magn. Edidit nobis Capitulare aduersus Synodum &c. Unde per unumquodque capitulum responsum reddidimus. In leg. Longob. iam nō vltius Capitula, sed tantum leges dicantur. Aymoin. 5. 35. Lupus Ferrariens. epist. 4 1. Canones eosdem siue, ut vos vocatis, capitula. Capitularium tributorum apud Gregor. Turon. lib. 9. c. 30. Capdastre Septimanis Gotthis.

Capella) v. LXXXII. can. 5. Synod. Aquisgra. Can. 5. Synod. Rhemens. Capellani presbyters. v. 11. Valafridus Strabo Abbas Augiensis cap. vlt. De exor-

diis & incrementis rerum ecclesiasticar. Sunt & illi quos summos Cappellanos Franci appellāt, clericorum causis prelati. Cappellani autē minores & c. Dicti autem sunt primitus Cappellani, à Cappa S. Martini, quam reges Francorum ob adiutorium victorię in preliis solebant secum habere, quam ferentes & custodientes cum ceteris sanctorum reliquiis clerici, Cappellani ceperunt vocari. Monachus quidam S. Galli. Quendam optimum dictatorem & scriptorem in cappellam suam assumpsit, quo nomine Francorum reges propter cappam S. Martini, quā secum ob sui tuitionem & hostium oppressionem iugiter ad bellum portabant, Sancta sua appellare solebant.

Capulare) i. lxxxj. Add. iiii. Hincmarus Remen. Archiepiscopus in lib. contra Hincmarum Laudunensem, de sententiis Engelramno Metensium Episcopo datis. Quam diuerse à sacris canonibus & quam discrepantes in quibusdam ab Ecclesiasticis iudiciis habeantur, ut hic quedam de plurimis ponam, euidenter manifestatur. Delatori, inquit, aut lingua capuletur, aut conuicto caput amputetur, & c. In legib. Longob. nasus ei capuletur.

Casati homines] iiii. lxxx. Casati vasalli. lxxiii. qui intra casam seruiūt. Iuo epistol. 105. Chronicon Andegauenf. Tertullum uxore ei tradita, ad aquādo beneficio Nandonensi castro, & aliquibus terris tam in pago Gasinenfi quam in aliis locis per Franciam, Casatum fecit.

Castitia] v. cxlix. In Epistola Episcoporum dioceſeos Rhemorum atque Rothomag. ad Pludouicum Iudices & c. edificent villas suas moderatis castitiis & alibi. Et in castitiis & in villis custoditis. In diplomate karlomanī. Cum omnibus appenditiis ad eundem mansum pertinentibus, & aspicientibus castitiis,

campis, pratis, syluis, pascuis, exitibus, & regressibus aquarum, & earum decursibus.

Cauculatores] i. LXIIII. Gaucler Alamannis. Circulatores, praestigiatores.

Causam querere] III. XL. Conquirere) XXXVIII. Adquirere.) LI. Causator.) x. litigator.

Centena] III. X. IIII. XXIII. Hundred. Anglis. Vet. Chronic in Aluredo. Centurias quas Hundredas vocant & decimas quas Thetinge appellant instituit, ut omnis Angligena legaliter viuens & centuriā habeat & decimam. Quod si quis alicuius delicti argueretur incommodo, statim exhiberetur ex centuria qui eum vadarentur & decima. Eadē omnino ratione, la Septaine Biturigib. & Quintes Andegau. appellantur.

Centenarij] II. XXVII. III. XI. LXXIX. IIII. XXVI. Minores iudices, Ministri comitum. Can. 21. Syn. Cabilon. 2. Can. 50. Synod. Mogunt. Can. 1. Syno. Ty-cinens. Vvalafrid. Strabo. Centenarij qui & centenariones, vel Vicarij, qui per pagos statuti sunt, presbyteris plebium qui baptismates ecclesias tenent, & minoribus presbyteris praesunt, conferri queunt.

Charta ingenuitatis] III. XXXVIII. Epistola ingenuitatis. Marculph. Propterea te per hanc epistolam nostram sicut mihi iussu est ab omni vinculo seruitutis absoluo, ita ut deinceps tanquam si de ingenuis parentibus fuisses procreatus vitā ducas ingenuam, & in nullo seruitio inclinari possis. Sed per hanc epistolam ingenuitatis, sicut nobis iussu est fieri, bene & integre ingenuus cunctis diebus vitae tuae debeas permanere. Si quis vero &c. Homo Chartularius] VI. CCVIII. per chartam suae Epistolae liber factus. Leo hostiensis Episcop. cap. II. Chron. Casinens. seruos quidem suos & ancillas omnes, prius per chartulam libertate donauit. non

diffimiliter cap. 84: *Consuet. Hannon. Villes chartrees dicuntur.*

Chrisma sub prae-textu medicina vel maleficiij] v. LXXXI. III. LV. Can. 18. Synod. Arelatenf. can. 27. Synod. Mogunt. can. 3. & 20. Synod. Turonensf.

Clamor] II. XXXIII. *Clain.* In diplom. Hludo. *Contra regiam maiestatem nostram si quis iniuste aliquid commiserit, clamore de illo ad Abbatem faciemus.* Inde clamatores II. XII. III. VII. LIX.

Clausa.] v. CXLVIII. *Closa, Schusa, interpositiones, inde Escluses.*

Cogciones] I. LXXIX. *Coquins.*

Collecta.] III. LXIII. V. CXXX. *cum colligitur populus.* V Valafri. Strabo cap. vlt. de exord. re. Eccl.

Coma dimittere in pœnitentia] v. LII. Gregor. Turo. 6. 28. *Caput totondit, atque pœnitentiam accipiens, spiritum exhalauit.*

Comites) II. V. I. IX. X. XII. XXIII. *Adseffores iudicum* Papiniano l. 4. D. de offic. adseffor. Francis, *Iudices ordinarij.* Gregor. Turonensf. de B. Nicetio. *Nam vides ego quodam tempore Basilium presbyterum missum ab eo ad Armentarium comitem, qui Lugdunensem urbem his diebus potestate iudiciaria gubernabat. Idem de B. Gregorio Episcopo. In comitatu positus regionem illam per XL. annos iustitia comitante correxit. Erat enim seuerus atque districtus in malefactoribus, ut vix ei ullus reorum posset euadere.*

Comes palatii) III. LXXVII. *Comes sacra aula.* Gunthero. Einard. in vita Karoli Magni. *Si comes palatii litem aliquam esse diceret quae sine eius iussu desiniri non posset, statim litigantes introducere iussit, & veluti pro tribunali sedens lite cognita sententiam dixit* V Valafri. Strabo. *Quemadmodum sunt in palatijs Praetores*

vel Comites palatii, qui secularium causas ventilant, ita
& illi quos summos Capellanos Franci vocant.

Comitatus) v. xvi. can. 9. 13. Synod. Vernis habi-
ta. Can. 3. Aurelia. 4. Conie.

Coniectum) iiii. lxi. In Edicto karoli in Cari-
siaco anno 861. Vnde volumus propter paupertatem ho-
minum, quia necesse fuit in istis temporibus coniectum de illis ac-
cipere, & ad nauum compositionem, & in Normannorum causa,
pro regni sui sicut res coniacet saluamento. Gregor. Tu-
ron. 6. 45. Nihil de fisco suo rex dari praecepit, nisi de
pauperum coniecturis. quod ita refert Aymoin. 3. 56.
Ut de substantiis pauperum, necessaria eis in itinere submi-
nistrentur. Flodoard. de Coniecto Normannis dando.

Coniuratores) iiii. xiii. xxvi. consecramentales homi-
nes iiii. lviii. Audoenus Rothomagens. Episcopus
de vita B. Eligij lib. 2. cap. 50. Lata igitur senten-
tia est, ut vir ille cum multis aliis iuraret. Sic enim apud
Francos in more positum est.

Tertia conlaborationis) iiii. ix. Tit. xxix. leg. Ripuar.
Marculf. Quod pariter stante coniugio adquisiuimus,
praedicta coniux nostra tertiam habere potuerat. Ibidem
Quantumcumque in seruitio tuo pariter laborauimus &
quod in tertia mea accepi. Gesta Dagoberti. Tertiam
tamen partem de omnibus quae Dagobertus rex adquisie-
rat, postquam Nanthildis regina regnare ceperat, eidem
reseruauit.

Consuetudines) iiii. xlviii. *anip n awi dya didda*
zwaxet Coustumes.

Conuersi] App. i. viii. Conuersio] i. cxliii. Conuer-
sio morum. In formula promissionis monachalis.
Ego promitto stabilitatem meam, & conuersionem mo-
rum meorum.

Critic. 2. xaminatio] i. cviii. iii. xlv. Can. 17. Sy-

nod. apud Vermeriam. Vide. leg. Frisionum §. 1.
Tit. xiiii. Bedam de remed. peccat. cap. 4. & 9. In
testamento karoli magni. *Iudicium crucis Dei.*

Curtes] iii. xix. Flodoard. *Quidam presbyter de Bo-*
uonis curte, sic enim villa vocatur. In diplomat. Hlu-
douic. *Curtim nostram Turegum in ducatu Alamāni-*
co. Leo hostiens. Episc. chron. Casin. i. cap. 36.

D

Defensionis tempus :) v. cxxx. *temps de deffense.* Leg.
Vvisigoth. 8. *Qui in pratum eo tempore quo defenditur.*

Deliberare) vi. cclxxxv. *deliurer.* Nodgerus in
vita B. Landoaldi. *Locum ad honorem S. Bauonis deli-*
berare. In diplomat Frideric. regis Siciliæ. *Restituit*
& deliberauit.

Denariālis homo) vi. ccvii. *manumissus iactato dena-*
rio. In Marculpsi monachi libro, hoc ponitur de-
nariāle præceptum. *Et quia* (inquit) *Apostolicus vel*
inluster vir ille per manum suam in nostra presentia
iactato denario secundum legem Salicam dimisit ingenuū,
eius quoque absolutionem per presentem auctoritatem
nostram firmamus, præcipientes eum ut sicut & reliqui
mansuarij qui per talem titulum à iugo seruitutis in præ-
sentia principis noscuntur esse relaxati ingenui, ita à mo-
do memoratus ille per nostrum præceptum plenius in Dei
nomine confirmatus, nullo inquietante perennisque tem-
poribus cum Dei & nostra gratia valeat permanere in-
genuus atque securus, &c.

Diffacere iustitiam) iii. xxvi. *disfacta charta.* iii.
xxviii. In Leg. Lōgob. Tit. de Furt. *Nisi per iustitiā*
& pacem faciendam hominem disfecerit. S'il ne le con-
damne à estre deffaict ou mourir.

Dos Ecclesia) vi. lxi. Can. 19. Synod. Tolet. 3.
Can. 3. 6. Synod. Vormat. cap. i. de Cēfib. Can. 4.

Syno. Coloniēf. Neque ex dote Ecclesia, id est, ex uno
manso & quatuor mansipiis, census exigatur. In duplo-
mat. Orthonis 1. Dotē quoque Ecclesia, id est duas ho-
bas possessas, & beneficium presbyteri in eadem loco de-
seruiētis, id est unam hobam.

Proprium Dominicum) IIII. XXXIIII. Raban. ad Ot-
garium. Proprietas dominicalis, qua Dñō Imperatori ex
paterna succēssione hereditario iure peruenit. Reges no-
stri propter excellentiā, commune nomē domini
siue Domni effecerūt suū. Anastasius bibliotheca-
rius Adriani secūdi siue Lādul. Sagax hist. Miscell.
Gētī Francorum moris est Domnū, id est regem secundum
genus principari. Κύερος siue κύρος Grecis, Sire nobis,
Dux) v. CCXV. Βιογραφίης Nou. 145. Fortunatus ad
Galactorium Comitem.

Debet & ipse potens, ut adhuc bene crescere possis,

Præstet ut arma ducis, qui tibi restat apex.

Ut patriæ fines sapiens tuearis & urbes.

Idem de Lupo duce.

Bella moues armis, iura quiete regis.

Fultus utrisque bonis, hinc armis, legibus illinc,

Quam bene fit primus cui fauet omne decus.

Dux & princeps Francorum) v. II. In vita B. Babo-
leni. Ab Ercheualdo qui tunc Francorum ducatus præ-
erat, & omnia palatina officia suo moderamine procura-
bat. Stephanus Abbas Leodiēsis in vita B. Modo-
aldi. Ea tempestate Dagobertus rerum potiebatur, sub
quo idem dux dignitate modicū à sublimitate regia dif-
ferente præditus, omnia regni negotia prudentissima dis-
positione ordinabat.

E

Emēdare) I. CXXII. IIII. XXXVIII. Restaurare, Reparare,
Emender. Can. 27. Syno. Aquisgr. Ut domus Ecclesia-

rum, & tegumenta ab eis sint emendata, qui beneficia exinde habent.

Emunitas) v. cxxxiiii. *Inimunitas*. Can. 30. synod. Tribur. can. 2. Synod. Mediomatr. can. 10. Synod. Aurelia.

Eulogia) Add. i. lxxviii. Cap. 54. Regul. B. Benedict. Can. 45. Syn. Meldens. Can. 9. Synod. Nannetens. Gregor. Turon. 6. Histor. Fra. cap. 5.

Euna) iii. lxxv. Append. ii. xxxiiii. Vid. Cap. de igne immisso & extinct. in leg. Baiuuar.

Exactare) iii. lxxviii. iii. xxxi. can. 18. synod. Cabillon. In diplom. Caroli magni. *Caritativum* & vinum contra omnem iustitiam ab eis exactare non cessant. In altero dupl. nec quæ fisci à longo tempore fuit consuetudo exactandum.

Exartus) vii. cc. In diplomat. karoli Magni. Cōferremus stirpes, vel ut vulgo dicitur, exartes quosdā quos ex rebus Tricassinensis Comitatus, ipsi proprio labore de heremo, ad agriculturam perduxisse noscuntur. Tit. 41. leg. Burgund. & tit. de exartis. *Essart* 7.

Exheredati) i. cxxi. Privati rebus suis. Can. 6. Syn. Magunt. Can. 51. Synod. Turonens. 4. Can. 7. Syn. Cabillon. 2.

F

Faida] iii. xxvii. lv. *Inimicitia*, siue aperta similtas. *Vehd* Alemannis. *Fenud*. Anglis Borealib. *Faidocus*] iii. iiii. *diffidatus* *Deffie*. Theod. de Nihem. de lurib. Imperij. Imperatori Græco qui tunc erat, bellum indixit, eumque more Saxonico diffidavit.

Per Fideiussores ad palatium venire) iii. xxxiiii. v. xliii. cxlvii. vii. ccclx. Greg. Turon. lib. 8. Frac. Hist. cap. 12. 43. & lib. 9. cap. 8. & cap. 70. de Glor. confess.

Fiscalini regij) III. XVI. Ex familia Dominica Marculpho. Aymoin. 3. 56. Fiscalinorum multos à parentibus segregatos, &c. Gregor. Turon. Frac. hist. 6. 45. Familias multas de domibus fiscalibus. Marculph. De unaquaque villa fiscali tres homines ex seruentibus ex utroque sexu, à seruitio relaxentur.

Forbannire) III. XLIX. Forbannem Alaman: Forbannir nostris. Forbannum) I. forbannissement.

Forcapia) IIII. XXXVI.

Freda) III. XXX. Gregor. Turon. 4. de Virtut. B. Martini cap. 26. Affirmauit Rex quosdam ex his qui absoluti fuerant ad se venisse, compositionemque Fisco debitam, quam illi Fredum vocant, à se indultam.

Friscinga) IIII. LXXIII. can. 13. Synod. Ticinens. Episcopi diocesi. Rhemor. & Rothomag. ad Hludouic. regem. Qui illorum pecora vel friscinkas, vel quaque eorum depradentur. Hincmar. clero & plebi Tornacens. Exigendo denarios aut verres seu friskingas. skinken quidē siue schinken Alamannis pernae dicuntur, vt Frisingae videantur pernae recentiores Frischling etiam nuncupāt accolæ Rheni, porcos qui nondum peruenerunt ad iustum incrementum.

G

Gildonia) V. CXXIX. coniuratio fortassis à Gildone, de quo Claudianus, & Orosius.

Graphio) V. II. Glossar. ὁ κέρως ὁ κέρως ὁ κέρως. Grauius. Vt videatur idem significare quod Baronis nomen, quo lingua Gallorum, serui militum dicebantur, sicut Cornutus siue quis alius notat in illud Persij. Baro regustatum. &c. Licet hodie Alamanni Grauiorem appellent quem nos Conte nos Baronem quem illi Freyherr. Iudex fiscalis hic signi-

fiatur. sicut tit. 55. leg. Ribuar. & in vet. diplom.
*Iudicem fiscalem, quem grafionem appellant. Suggestus
de possessione monasterij B. Dionisij. Ab oppressio-
ne exactorum regionum quos dicunt Graffiones, multo la-
bore multisque placitis emancipaueram.*

Gradale] 1. LXXX. Amalarius de Ordin. Antiph.
Raban. 1. 33. de Inst. cleric.

Granea] Addit. IIII. XCVII. *Graniè.* cap. 81. Leg.
Alamann.

Gunebodigni] 1. LXIII. Gûrbadingi. Can. 33. Syn.
Aquisgr. contra Felicem & Elipandum. Sed lib. 2.
legû Lógobard. Tit. Qualiter quisque se defende-
re deb. vbi hoc idem capitulû extat, vetera exem-
plaria habent *Sicut Gundebada lege viuentes: Et apud
Hincmarum, pro Lothario contra Tietbergam.
Tamen si Christiani sunt, sciant se nec Romanis in die iu-
dicij, nec Salicis, nec Gundobadis, sed diuinis, & Apo-
stolicis legibus iudicandos. La Loy Gonbette. Quam dedit
Gundobaldus Burgundionib. cum meminit Gre-
gor. Turon. 2. 33.*

H

Harniscara] v. XLIII. Karolus in capitulis quæ
Suessionis constituta sunt anno 853. *Sciãt quia &
bannum nostrum component, & simul cum excommuni-
catione Ecclesiasticam nostram Harniscaram durissimã
sustinebunt. Harniscaram scriptum etiam inuenio,
in capitulis quæ idem Karolus constituit anno
856. Vt iubeamus ipsos depradatores per eandem viam cû
misso nostro redire, & illa omnia quæ mala egerunt lega-
liter emendare, & talem Harniscaram sicut nobis visum
fuerit, aut iudicium sicut cum fidelibus nostris considera-
uimus sustinere. & in capitulis quæ Pistis constituta
sunt anno 969. Episcopi prouideant, quem honorem*

presbyteri pro Ecclesijs suis, senioribus suis tribuere debent, & senioribus presbyterorū hoc sufficiat, & amplius per ingeniosas machinationes à presbyteris non exigant vel exquirāt, nisi sicut in eisdem capitulis Aui nostri cōstitutum, ne Deum offendant & nostram offensam incurrant, ac post debitam emendationem dignam Harniscaram à nobis dispositam sustineant..

Heribannus] III. XIII. XVIII. XXXV: Lhost bāni. Nortmann. bannus in hostem, id est vocatio ad castra aut exercitum. LXVI. multa non ambulantis in exercitum. Gregor. Turon. 5. 26. Here. enim Frāico, Alamannico, Anglico idiomate, castra siue exercitum significat. Inde Herault, Fecialis.

Herisli] III. LXX. desertio castrorū aut exercitus, siue desertionis multa. Lassen enim Alamannis deserere est, nobis laisser, delaisser. Theodulphus. Et quomodo Dominum Pipinum regē in exercitum derelinquēs & ibi quod Theodisca lingua Herisli dicitur, visi sunt iudicasse eundem Tassilonem ad mortem. Nec tamen male Herisciz dicetur, quasi sit exercitus scissio. Lotharius Imp. sit bannum rescissum, quod Theodisca lingua Herisciz vocatur. Inde Esclesche & Escliche-ment de sief.

Heribergare.] III. LXVIII. Herberger. In admonitione karoli Pistis. Mandamus ut sicut nec in nostro palatio, ita nec in isto heribergo, aliquis alius sine nostra iussione manere præsumat, nec illud aliquis destruat.

Hostis] I. CXLI. Lhost. inde hostages. quæ tamen obstagia dicuntur in diplomate Ludouici comitis Palatin. Rheni Dat. ann. 1279.

I

Idoneare] III. LXIII. Idoneum se facere LXXXIX. Im-muncm se facere à crimine quo quis impetitur cum idoneis

neis hominibus. Gregor. Turo. 9. Hist. Franc 13. 16.

Indebitare] Add. IIII. xcv. *Endebter.*

Inferenda] Addit. IIII. LXXXVI. *Inlatio.* Aymoin. 4. 26. Fredegarius scholasticus, siue cōtinuator Gregorij cap. 74. In diplom. karoli magni. Nullus iudex publicus nec ad causas audiendum, nec ad infrandas nec freda exigendum.

Ingeniū] II. XXXI. VII. CCXIII. Grego. Tur. 6. cap. 22. *Quid sapius hic ingenia quareret qualiter cum ab Episcopatū deiiceret. Malum ingeniū*] III. XXVII. *Malengin.*

Res intertata] III. XLVI. VI. CCIX. Tit. 49. leg. Salic. & Tit. 35. leg. Ripuar. & in leg. Edouardi Regis Angl. *Chose entierce* leg. Aurelia. Municipal. Artic. 379. Gloss. *ἐντρυμε, Sequester.*

Iuniores] I. CLXVII. III. LXIII. Marculf. *Iubemus ut nec nos, nec iuniores nostri nec successores eorum, nec quilibet de partibus iudicum &c.* In diplom. Hlotharij. *Quicquid ad partem Comitum, aut iuniorum eorum, seu successorum, exigi poterat.* & in diplom. Theoderic. *Ut neque vos neque iuniores vestri seu successores.*

Iuniores Ecclesia) V. CXXI. VI. CLIII. Can. 8. Synod. Matiscon. Can. 10. Syn. Parisiens. Can. 10. Syn. ad Theodon. villam. Gregor. Turon. 5. 26.

L

Lanam carpere] I. LXXX. Nobis Carder. Plaut. Menach. *Inter ancillas sedere iubeas, lanā carpere.* Sic legitur in omnib. exemplar. non *lanam carere*, Sicut apud Varronē, *Ut careat spurcutia, siue ὡς τὸ καίρει.* Gloss. *Carpit, ξάψει, ἔλαυθίσει, δρεπται, σαρδρασι.* Aliud Gloss. *ξασσε, carpius.*

Lectonarius) I. CIX. Sigebert. Ann. 807. Amelarius 3. de offic. diuin.

Litania maior) VI. LXXIII. Can. 6. 33. Syn. Mogūc.

Vvalafrid. Strab. 28. Microlog. 57. Can. 27. Syno.
Aurelia. Can. 10. Syn. Aquisgra.

Lithostratum) v. cci. *Strata*. Ipsa est & *delapidata*,
Isidor. id est lapidibus strata. Non autem ut apud
Plinium, elaborata arte picturæ, paruulis crustis
ac tessellis tinctis in varios colores.

Luminaria arboribus facere) 1. LXIII. Can. 8. Syn.
Nannet. Can. 23. Synod. Arelat. 2. Can. 5. Synod.
Agathens. M

Maiores) v. cvii. *Μεῖζονες* Balsam. Can. 10. Synod.
vii. *Maires*. Hincmar. *Villarum regiarum Maiores*.

Mallus) III. xxxi. xxxviii. xlv. vi. xcvi. *Maius pla-*
citum siue iudicium ubi quem presentem adesse oportuit.
cap. xxiii. & xxix. lib. iiii. In admon. karoli Pictis.
Vt cōlimitanei & vicini Comites in vna die mallum nō
teneant, maxime propter Francos homines & aduocatos,
qui ad utrumque mallum non possunt occurrere. Vet.
Chronic. Accusatus est ibi coram Imperatore Ceadra-
gus dux Abodritorum, qui infidelis erat Francis, &
quia vocatus ad mallū Imperatoris, contēpsit venire per
semetipsum, sed legatos ei miserat. &c. Quod ita refert
Aimoin. 4. iiii. Accusatus est in eodem placito Ceadra-
gus, quod se erga partem Francorum parum fideliter age-
ret, & ad Imperatoris presentiam iamdiu venire dissi-
mulasset. Hincmar. Folconi. De presbyteris et Ecclesia,
tam ad Episcopos & ad Synodum definitio pertineat, non
ad malli vel ciuiliū iudicium dispositionem.

Mandatu] Add. i. xxiii. Can. 20. Synod Aquisgra.
In cœna domini pedes fratrum, post Mandatum Abbas
lauet, & osculetur & Can. 22. Vt Mandatum, si tempus
cœna est, tñ fratrum quam etiā peregrinorum, post cenam
fiat. In statutis cōgregationis casalis Benedicti nō
editis Titulus est, De mādato siue ablutione pedū, quæ
 fiebat cantante choro. Mandatum nouum do vobis.

Mangones] I. LXXIX. *Gueux.*

Mannire] I. CXXI. III. XLV. IIII. XXV. *Vocare in ius tribus testibus presentibus. Manen Alamānis. Monere siue commonere Iustiniano. Semonde Veter. pragmaticis.*

Mannitio] III. XLV. *Semonse, ou adiournement.*

Manopera] V. CLI. *Servitiū manuale alibi dicitur. In admonit. Karoli Pistis. Ut coloni tam fiscales quam Ecclesiastici &c. non denegent caropera & manopera ex antiqua cōsuetudine. Et, De manopere in scuria battere nolunt. Inde Mancuure.*

Mansionatici] II. XVII. *hospitum susceptiones, siue expensę ad hospitū susceptiones apud Symo. §. 10. Hincmar. Clero Tornacens. Nec mansionaticos suis amicis, aut suis hominibus, à presbyteris parari. Marculph. Non ad Mansionaticos vel repastos exigendum, non ad ministeria describendum, Alib. Non pro pasto exactando, non pro mansionatico requirendo.*

Mansus] I. XCI. οἰκιστής. *Meix Burgundionibus. Moix Nortmānis. Mas aliis. In admon. Karoli Pistis. Ut quoniā quibusdam in locis coloni tam fiscales quam de casis Dei, suas hereditates id est mansa qua tenent, non solum suis paribus sed & clericis vendunt, & tantummodo fellam retinent, & hac occasione sic destructa sunt villa, ut non solum census debitus inde non possit exigi, sed etiam quæ terra de singulis mansis fuerunt, non possunt cognosci. Constituimus ut præcipiatur à nostris ministerialibus & à ministris, ut hoc nullo modo de cetero fiat, ne villa destructa atque confusa fiant. Et quicquid de singulis mansis sine licentia dominorum vel magistrorum, per quoscumque venditum est, recipiatur. Et iuxta qualitatem vel quantitatem terræ vel vinearum ad singulos mansos pertinētium, postquam restaurati fuerint ab uno quoque manso census ad partem domini*

cam exigatur. In diplomat. Henrici Imp. apud La-
zium. Vnum regalem mansum cum omnibus suis perti-
nentis, & utriusque sexus mancipiis, terris cultis &
incultis, arcis, adificiis, pratis, pascuis, molendinis, aquis,
aquarumque decursibus, piscationibus, sylvis, venationi-
bus, saginationibus, cū omni utilitate quæ aut scribi aut
nominari potest, in proprium tradidimus.

Manus mortua] v. XLVIII. In admonit. karoli
apud Pistas. Vt de iniustis commutationibus quæ ad ca-
sas Dei factæ sunt, sine regia auctoritate, missi nostri in-
quirant. Et si mortua manus vel preceptum regium super
eis interiacet, describantur diligenter qualiter factæ sunt.
In diplomat. Philippi regis an. 1195. Neque nos ne-
que alius super hominem de communia mortuam ma-
num clamabimus. Inde Heritages, & gens de morte-
main. Fit & in Catalog. Leodiensium Episc. men-
tio legis quæ Manus mortua dicebatur, abrogatæ
circa annum 1122.

Manu propria singula se idoneū facere] III. LXXXVIII.
Manu sua. lib. 1. Feud. tit. 27. Conrad. Ratisbon. E-
piscopus. Ille qui pro reo habetur, sola manu se poterit
expurgare. Arnulfus Lexouiens. Abbati est a nobis
adiudicata purgatio septima manu, trium scilicet abba-
tum, & trium monachorum. Fit & alias sæpe mentio
purgationis, sicut tum loquebantur, quæ fiebat
manu tertia, quarta, quinta, sexta, septima, duo-
decima, decimaquarta. &c.

Marcha] II. XIII. III. LXXIII. IIII. IIII. Marchè. Ay-
moin. 4. 109. ex gestis Ludouici Pij. Simili modo de
marcha Hispanica constitutum, et hoc illius limitis præ-
fectis imperatum est. Theodulfus. Fines vel marchas
Baioariorum disposuit.

Ad medietatē laborans] I. CLXIII. Metaier, nobis.
Ministeriales] IIII. XXX. v. LXIX. Hincmraus. Ple-

beis quoque quibusdam personis, villarum scilicet ministerialibus, pro rebus ministeriorum suorum nonnumquam scribens, qualiter res sibi commissas tractare deberent. In diplom. karoli magni apud Bruschium. Nul- lum de militari familia damnet &c. qui militares vel alio nomine ministeriales, optimo iure perfruantur.

Missa S. Martini] II. XVIII. Sic appellari solebat dies festus eiusdē sancti, Sicut S. Andrea. II. XX. S. Ioan- nis III. XXI. Anonym. Imperator circa missam S. Mar- tini Aquisgrani ad hyemandū venit. Aymoin. 4. II6. Circa festū S. Martini & cap. vlt. Festiuitas beati An- drea, Anonymo Missa dicitur.

Missi dominici] II. XI. XXVI. III XXXVIII. Directi à re- ge, pro qualicumque Ecclesiastica aut publica utilitate vel opportunitate, qui corrigerent quæ corrigenda essent. Vvalafrid. Strab. cap. vlt. De exord & increm. rer. Ecclesiast. Inde Eschiquier. Nam Schicken Alaman, mittere significat.

Missi comitum] II. XXIII. Vicarij. Loci seruatores.

Muffula] Add. I. XXII. LXXIX. Mouffles.

Mūdeburde] VI. CCXXIII. Tuitio, Defensio, Māburnie. Froissard. Vol. I. cap. 155. Fussent en garde baillie, tutel- le, cure, Manburnie. Corrupte vulgo, main bonne. In Marculph. monachi libro hæc legitur de Mun- deburde regis formula. Rectum est ut regalis potestas illis tuitionem impartiat, quorum necessitas cōprobatur: Igitur cognoscat magnitudo vestra, quod nos Apostolico aut venerabili viro ill. &c. cum omnibus rebus vel ho- minibus suis, aut gasindis vel amicis, iuxta eius petiti- onem, propter malorum hominū illicitas infestationes, sub sermone tuitionis nostra visi fuimus recepisse, ut sub mū- deburde vel defensione illustris viri ill. Maioris domus cū omnibus rebus præfata Ecclesia quietus debeat residere.

N

Natalis S. Remigij] II xxxv. Albin. in Ioan. Dies Beatorū Martyrū quibus de seculo trāsierunt Natales vocitamus, eorūque sollēnia non funebria, sed natalicia dicūtur.

Nedfratres ignes] v. II. In tomis Conciliorum legitur. Siue illos sacrilegos ignes quos Nedfri vocant.

Noctes] III. XLV. Tit. 16. & 47. leg. Salic. Iul. Cēsar. Galli se omnes ab dīte patre prognatos pradicāt, idque ad Druidibus proditum dicunt. Ob eam causam spatia omnis temporis non numero dierum sed noctium finiunt, &c. Tacit. de Morib. German. Nec dierum numerum ut nos sed noctium computant, sic constituunt, sic condicunt, ut nox ducere diē videatur. Inde veterib. pragmat; Comparoir dedans les nuitz, & similia.

Nona & decima] I. CLXIII. II. XXI. III. XL. Can. 42. Synod. Mogunt. Can. 46. Synod. Turonens. 3. Can. 62. Synod. Meldens.

Nonnanes] v. II. Nonnains. Hieronym. ad Eustoch. Et quia maritorum experta dominatum, viduitatis praeferūt libertatem, casta vocantur & nonnae. Inuenio apud Xiphilin. in Domitian. πολλὰς δὲ καὶ τὰς ἀγῶνας ὑπέκτωρ ἐπέης, καὶ ἔτι ὅτι καὶ τοὺς καὶ γυναικας σὺνέβαλε.

Nonni] Addit. I. LIII. Can. 18. Syn. Aquisgran. Anno 816. Ex qua, & altera eodem anno habita, quę in hac ipsa Additione prima habētur, sumpta sūt. Ut qui praponūtur, Nōni vocētur, hoc est paterna reuerentia. In regul. B. Benedict. Priores iuniores suos, fratres nominent. Iuniores autem priores suos, Nonnos vocent, quod intelligitur paterna reuerentia.

Nutriment] II. XXI. III. XL. Nourry. Cap. 122. Syn. Aquisg. Loca ei congrua attribuat, in quibus nutrimenta fiant.

Obligatores] I. LXIII. VI. LXXII. Augustin. 2. de doctrin. Christ. Can. 4. Synod. Rothomag.

Occasione) III. XLVII. In præcept. Chodouei Erchenaldo duci. *Nec ullas redhibitiones vel illicitas occasiones requiredas.* In diplom. Hlotharij & Hludouici. *Nec ob ullas redhibitiones, aut illicitas occasiones requirendas, nostris & futuris temporibus ingredi audeant.* Aymoin. 5. 17.

Oraria) V. LXXXI. Albin. Alcuin. de diuin. offic. Raban. de Instit. cleric. 1. cap. 19. In Pontificali Romano sub Stephano, de degradatione Cōstantini in basilica S. Saluatoris. *Constantinus in medium adductus, lectis sacratissimis canonibus ira depositus est. Accedens Maurianus subdiaconus orarium de eius collo abstulit, & ante pedes eius proiecit, & cāpagos ipsius abscidit.* qui locus singularis est & pertinet valde ad c. peruenit. Distinct. 93. qui etiā in Ro. recognitione male habet. Itē in Can. 12. Aurelian. Syno. *Monacho orarium in monasterio vel tantas habere non liceat.*

Pagenses) III. XIX. *Eiusdem pagi homines.* Pallium) VI. LXXVIII. Albinus Alcuin. de diuin. offic. Amelar. 2. de Offic. Ecclē. cap. 23. Raban. 1. de Instit. cleric. cap. 23. Flodoard. Hist. Metrop. Rhemenf. 3. cap. 8. Albert. Stadenf. Chronic.

Paraureda] II. XVI. Append III. x. Hincmar. Clero, & plebi Tornac. *Aut ad iter aliquod, parauredos.* In diplom. karoli Magni quod Sigon. 4. de reg. Ital. refert, scriptum fuisse opinor. *Per singula territoria habitantes vel discurrentes, mansionarios & parauredos accipiunt.* In admonitione Karoli apud

Pistas. Vt pagenses Franci qui caballos habent, vel habere possunt, cum suis Comitibus in hostem pergant, & nullus per violentiam talibus Francis res suas aut caballos tollat, ut hostem facere & debitos paraueredos, secundum antiquam consuetudinem, nobis exsoluere non possint. In Capitulis Episcoporum Ann. dccclyiii. mense Nou. in Carisiaco palatio. Quatenus non sit vobis necesse per quasvis occasiones circuire loca Episcoporum, Abbatum, Abbatissarum vel Comitum, & maiores quam ratio postulat paratas exquirere, & pauperes Ecclesiasticos, & fidelium vestrorum mansuarios in caricaturis & paraueredis exigendis grauare; quin potius habeatis unde sufficienter & honeste cum domestica curte vestra possitis viuere & legationes recipere, & c. Inde Palefrenus. Vvilel. Tyr. 13. bell. Sacr. cap. 27. Nobis Palefroy. Reda quidem Gallicum nomen est, Quintilian. 1. 9. Et Eporedicas, bonos equorum domitores vocasse Gallos, notat Plinius. 3. 17.

Parēs) III. LXXI. LXXII. Pers & compagnons.

Patrini) II. XLVI. Parains. vt Matrinæ, maraines. Filioli, Filiculi.

Pedules) Add. 1. xxii. Indumenta pedum cap. 55. Reg. B. Benedict. Gloss. ποδύλια, ποδῶν χαλκῶματα. ὡς δὲ τὰ ἀπὸ τῆς ἡμετέρας.

Periurium in altari, seu Sactorum reliquiis, vel in Euangelio) 1. LXIII. Positis super altare manibus. Gregor. Tur. Hist. 3. 14. & de Glor. Matt. 1. 20. Tactus Sanctorum corporibus, vel capsis. Aymoin. siue sacrosanctis Euangelii. Raban. ad Reginbald. & alibi sæpe.

Placita) III. LXXXIII. plaid. Can. 16. Syn. Arlat. 4. Causationes disceptationesque. Can. 35. Syn. Turo. 3. Pro quolibet placito vel iudicio.

Pluuium) II. XV. Pleuine.

Precaria] v. cxxvii. vii. ciiii. Can. 18. Syn. Epau.
Can. 21. 22. Synod. Meldēf. Can. 51. Syno. Turon.
Can. 36. 37. Synod. Rhem. Can. 10. 11. 12. 13. Synod.
Beluacens. Flodoard. *Recepit denique res diuersas &*
villas Ecclesia, quas antecessor suus per precarias, siue
prestarias diuersis contulerat personis.

Præceptum] iii. xxviii. Gregor. Turon. 8. Franc.
Histor. cap. 20. & cap. 15. de Mirac. B. Martini. Ay-
moïn. 5. 17. Chron. Angolelm. *postulante Launo E-*
piscopo fecit in monasterio S. Eparchij auctoritatem præ-
cepti, de terris qua ibi sine contentione erant. Quod præce-
ptum Bartholomeu Cancellarius eius scripsit, & ipse
Domnus Rex Karolus manu sua & de annulo firmavit.

Propriæ res] v. cxi. Inuasa.

Psallentium] v. ccxx. Greg. Tur. i. de Glor. Mart.
6. 51. 75. Theodom. Theodor. *Post vespertinum offi-*
cium cum modulato psallentio refectorium ingrediuntur.

Psalmus inuitatorius] Addit. i. lxxvi. *Venite exulte-*
mus Domino, &c.

Pulsari secundum regulam] i. cxiiii. cxv. *Pulsato-*
rium] lxxiii. Can. 6. Synod. Vernis habitæ. Cap.
58. *Regulæ B. Benedicti.*

Pulueraticum] vi. ccxviii. In Præcepto Dago-
berti de mercato S. Dionysij. *Theoloneos, vel navi-*
gios, portaticos, pontaticos, riuaticos, rotaticos, vultaticos,
chemonaticos, cespeticos, pulueraticos, foraticos, mest-
ficos, laudaticos, saumaticos, salutaticos omnes, & ex
omnibus quicquid ad partem nostram vel fisco publico, de
ipso mercato ex ipsa mercimonia exactari potuerat. Pul-
ueratici quidem nomine, binos solidos dari seruis
qui se militiæ offerunt, in l. 16. C. th. de Tiron. &
ludicum pulueratica abolita, notat doctor 4.
Obseruat.

Rachinbargij] v. xliii. Iudices. Tit. 52. & 60. Legis Salicæ. Tit. 24. leg. Ripuar. & in capitulis de alia Synodo, sub ipso Domino rege Pipino factis.

Reclamare] iiii. lxxviii. Can. 9. Synod. Vernis habitæ. Quod si aliquis reclamauerit, quod iniuste sit excommunicatus, & in Codice quodam peructusto. N. Comes in placito deuestiuit N. de suo proprio alode, propter crimen incesti. Postquam autem N. abbas, & N. Comes missi domini, in illas partes venissent ad iussuonem Domini Imperatoris explendam, & iusta iudicia terminanda, reclamauit predictus N., quod iniusto iudicio proprijs rebus caruisset. &c. Auditis testibus predicti missi iudicauerunt, &c. hinc est nostris, Reclam, & reclamæ.

Roccum] Addit. i. xxii. p. xxi. Rochet.

Rodaticum] vi. ccxix. Rodage. tit. 10. leg. Municip. S. Seuer. & tit. 12. Aquen[is]. Droit de rouage. Rotaticum.

Sandalia] v. ccxix. Raban. i. de Instit. cleric. cap. 22. Amelat. 2. de offic. diuinis cap. 25. Albin. Alcuin. de Diuin officiis. Ordo Roman. 99.

Scabinei] ii. xxviii. iii. vii. xxxi. xxxiii. xl. xlix. iiii. v. Inde Scheffen Alamannis. Eschenis nobis.

Scara] iiii. lxxviii. Agmen, Turma, Cuneus. Aymoin. 4. 16. Schaar Alamannis. Nobis Esquiere, & Escadron. Inde Escarmouches.

Scaflégi] Addit. iiii. lxxxiii. Armorum depositio.

Scorticatus] v. ii. vii. cccxi. Burchard. in lege quam dedit familiæ. Constituimus ut ei tollantur ceruicem & capilli.

Seniores) I. XCI. II. XV. III. VIII. *Seigneurs*. In capitulis quæ misit Carolus ad Francos & Aquitanos. Anno 956. Et mādāt vobis noster Senior, quia si aliquis de vobis talis est, cui suus Senioratus non placet, &c.

Sigle) I. CXXXII. *Secale, Soigle*, quod in quibusdā chartis, bladum hibernagium.

Signa) VI. CLXVIII. Vvalafrid. Strab. cap. 5. de Reb. Ecclef. Amelarius abbas. 3. de Offic. Diuin. *Seins*. Inde *Tocsein*, & prouerbiū. *Il n'en fait pas les seins sonner*.

Solidus) IIII. XXX. III. LXXV. Can. 41. Synod. Rheimens. Hincmarus Archiepiscopus Remen. in libro de vita & actib. B. Remigij. In testamento a B. Remigio condito, Lector attendat quia solidorum quantitas numero quadraginta denariorum computatur, sicut tunc solidi agebantur, & in Francorum lege Salica continetur. Et generaliter in solutione vsque ad tempora Karoli perdurauit velut in eius Capitulis continetur. Inde multæ quædam municipalibus aliquot Franciæ legibus, & in singulas libras *ēio dēxxa*, siue Laudimia, XL. denariis taxantur.

De Statu suo, id est de libertate vel de hereditate) IIII. XXV. LXXIIII. Ado. Baptizatis Saxonibus, ex ingenuitate & alode, fidei firmitas roborata. Regino. Sacramenta secundum consuetudinem dederunt, ut perderent ingenuitatem & omnem hereditatē, nisi conseruarent Christianitatem. Hincmar. Hadriano Papæ. Et pro libertate & hereditate nostra vsque ad mortem certare debeamus.

Sunnis) III. XLV. Vet. Gloss. *Sūnis*, impeditio. *Sonnis*, impedimentum, Alemannis *Saumnis*. Nobis *Esoine*, Exonia. Hincmar. Karolo regi. Quo mittens ad dominationem vestram, excusationē impossibilitatis suæ illuc

veniendi, requisita est quā patriotica lingua nominamus
exonia, quia venire nequiuert, quod hactenus est inau-
ditum.

T

Tempestarij] I. LXIII. Immissores tempestatum. Pœ-
nitent. Roman.

Tholoneum] II. XIX. Tonlieu.

Tituli] V. CVIII. Vide Can. 20. Synod. Rhemenf.
Can. 14. Syno. Turon. 3. Can. 11. 52. Syn. Meldens.
Can. 36. Synod. apud Altheim.

Tractoria.] III. XXX. LXX. Videantur quæ scripsit
doct̃or, De Tractoriis, & Statiu. C.

Transitura] III. LVIII. Vet. exemplar habet *Tra-*
sturas. *Transitorium* tributū vocatur lib. I. leg. Lon-
gobard. Tit. de Exercitalib. Inde droict de *Traite*,
& *Traite foraine*.

V

Vassi] II. IX. XXIII. *Seruiles*. Theodulphus. *Tasilo* ve-
nit per semetipsum tradens se manibus Domni regis in
Vasaticum, et reddens ducatu sibi commissum. Regino.
tradens se manibus eius ad seruitium, reddens ducatum
à Pipino rege sibi commissum. In adnuntiatione karo-
li Pistis. *Vasalli* nostri nobis & nostra cōiugi famulan-
tes Can. 63, Syn. Cabil. *Lassi* Saxonibus. Vvitaldus.
Sunt etenim inter illos qui *Edhilingi*, sunt qui *Frilingi*,
sunt qui *Lassi*, illorū lingua dicuntur. Latina vero lingua
hoc sonat, nobiles, ingenui, atque seruiles. Hucbaldus
Elnonensis abbas in vita B. Lebuini: Erat gens Sa-
xonum sicut nūc vsque consistit, ordine tripartito diuisa.
Sunt enim ibi qui illorū lingua *Edlingi*, sunt qui *Frilin-*
gi, sunt qui *Lassi* vocantur, quod latina sonat lingua, No-
biles, ingenui, atque seruiles.

Vassi dominici] III. LXXIII. Vvalafrid. Strabo. Cap-

pellani minores ita sunt, sicut hi quos *Vassos dominicos* gallica consuetudine nominamus.

Viaticū] I. CVI. V. LI. III. VII. CI. Syricius. Quibus quoniam carnali fragilitate ceciderunt, viatico munere cum ad Dominum ceperint proficisci, per communionis gratiā volumus subueniri.

Vicarij comitum] II. XXVIII. per pagos constituti. Vva-
lafid. Strab. Gregor. Turon. 9. 5. Nunc *Viguiers*.

Vicedominus] III. XI. XXVI. V. CXX. Gregor. Pap. Volumus autem ut memoratus frater noster *Pascasius*, & *Vicedominū* sibi ordinet, & Maiorem domus, quatenus possit vel hospitibus superuenientibus, causis quæ veniunt idoneus & paratus existere. Can. 24. Synod. Rhem. nobis *Kidame*.

Vomeres igniti] Append. II. III. *Vomeres feruentes*. Tit. 15. leg. Angl. Can. I. 24. Syn. Mogunt. In actis Synod. Rhemēf de causa Arnulphi. Meumque vernaculum Episcopis tradam, qui per ignitos vomeres incedens, Deum de te iudicare manifestis declarat indicijis. Nuncius apud Sophoclem in Antigone.

ἦιδυ δ' ἐτοιμοὶ καὶ μύδρους αἶψην χροῖν,
καὶ πῦρ δάσπειν, καὶ θεοῦς ὀρχομένοισιν,
τὸ μῦτε δέξασθαι.

Vvaēta] III. LXVIII. Guet Frācis. *Vvacht* Alaman-
nis. In admonition. karoli apud Pistas. Et in ciuitate atque marcha *Vvaētas* faciant, ad defensionem patrię.

Vvadij] II XXXVIII. III. XXIX. Can. 18. Syn. Cabillo. 2. Gesta karoli magni. Perterriti Saxones omnes, ad locū vti Lippia consurgit venerūt ex omni parte, & Domino regi Karolo per *Vvadium* manibus suis reddiderunt patriam. Inde *Debitū reuadiatum*. III. LVIII. heribannum reuadiatum LXX. Oddo in vita B. Gerardi. *Debitum vvadij* nequaquā debitori relaxare solitus erat.

Vuanti] Add. I. XXII. *Gant* 7.
Vvarda] III. LXVIII. *Garde*. Anglis *Vverde*.
Vvirgildus] IIII. XIII. XV. XVIII. *Ver*. Glossar. *Vvir-*
gild, Secundum quod appretiatum fuerit. *P* & nitet. *Ro-*
man. Pretium suum, id est *Vvirgildum* suum. In legib.
Edouard. Regis Angl. Inueniat plegios tales qui pos-
 sunt reddere forisfacturam, id est *Vvere* suum.

O M I S S A.

Acupictile) I. LXXXI. *Phrygiū opus*. *Isidor*. 9. *Origin*.
 cap. 19. *Seruius* in illud *Virgil*. Et *phrygiam* *Asca-*
nio chlamidem.

Saga) v. II. *Can*. 5. *Syn*. *Matiscon*. *Anonymus*
 quidam In vita karoli magni ex *Vverimberto*.
 Erat antiquorum ornatus vel paratura Francorum, cal-
 ciamenta forinsecus aurata, corrigiis tricubitatibus insi-
 gnita, fasciola crurales vermiculata, & subtus eas tibia-
 lia ac coxalia linea quamuis ex eodem colore, tamen ar-
 tificiosissimo opere variata. Super qua et fasciolas, in cru-
 cis modum intrinsecus & extrinsecus, ante & retro, lō-
 gissima ille corrigia tendebantur. Deinde *Camisia gli-*
zina, post hæc *baltheus spatæ colligatus*. Quæ spatæ pri-
 mo, vagina *sagea*, secundo, corio qualicumque, tertio, lin-
 teamine candidissimo cera lucidissima roborato ita cinge-
 batur, ut per medium cruciculis eminentibus, ad perem-
 ptionem gētilium auraretur. Vltimum habitus eorū erat
 pallium canum, vel *saphyrinum*, quadrangulum, duplex,
 sic formatum ut cum imponeretur humeris, ante & re-
 tro pedes tangeret, de lateribus vero vix genua cōtegeret.
 Tum baculus de arbore *Malo* nodis paribus admirabilis,
 rigidus & terribilis cuspide manuali ex auro vel argento
 cum celaturis insignibus præfixo, portabatur in dextra.

Quo habitu lentus ego cum in Franciam nonnumquam
venirem, vidi capud Francorum in monasterio S. Galli,
duosque flores auricomos ex eius fimbriis progressos,
quorum qui prior egressus est proceritatem illius adæqua-
bat, posterior autem paulatim excrescens verticem stipitis
sui summa gloria decorauit, & transcendendo contextit.
Sed ut est mos humani ingenij, cum inter Gallos Franci
militantes, virgatis eos sagulis lucere conspicerent, noui-
tate gaudentes antiquam consuetudinem dimiserunt, &
eos imitari cœperunt. Quod interim rigidissimus Imp. id-
circo non prohibuit, quia bellicis rebus aptior ille videre-
tur habitus. Sed cum Frisones hac licentia abutentes ad-
uerteret, & breuissima illa palliola, sicut prius maxima
vendere comperisset, precepit, ut nullus ab eis nisi gran-
dia latissimaque illa longissima pallia consuetudinario
pretio cœmeret. Adiciens, quid prosunt illa pictaciola?
In lecto non illis possumus cooperiri, cabellicans contra
ventos & pluuias nequeo defendi, ad necessaria natura
secedens, tibiæ gelatione deficio.

Librum cui nomen præfigitur, Karoli Magni,
& Ludouici Pij Christianiss. Regum & Imp.
Francorum Capitula, siue leges Ecclesiastica &
Ciuiles, legendo percurri, nec quicquam in eo
comperi, quod pietati, & fidei Catholica aduer-
setur.

F. Franciscus Feuardentius D. Th. & apud
Franciscanos sacrarum scripturarum Lector.

ANT 1318736

